


მისონ ხეობანი



კლდის  
ვეფხვი

პირველი ფოტოილუსტრირებული გამოცემა

გამომცემლობა „განათლება“  
თბილისი — 1990

„კარგ ყმად ვინა ვთქვათ, ვაჟებო, ნათქვამის არა გერცხვენოდეს?“...  
სამწუხაროდ, დასაბამიდან მოყოლებული, მრავალი „კაი ყმა“ დააკლდა საქართველოს. ამ ომებიან შემოძახილზე მასსოფრობაში მგლის მუხლდება, ქვეყნის წინაშე პირნათელიანი ვაჟაკთა ლაშქარი წამოიშლება — შავლეგობი, უნსაჲ ყიფიანები და რამდენი ძველი თუ, აგერ, სულ ახლახანს, შუა გზაზე წამოქეული ლომისფერა მამულიშვილი გაგვახსენდება, მიწას რომ ვერ ჰგუობენ და ფართე ბეჭებით საფლავის ამონგრევის ლამობენ...

როგორ აკლია მათი ანთებული გულები მკმულს, მითუმეტეს, დღეს, ქართველთა საერთო განსაცდელის ეპოს, როცა ყოველის მხრით გვიტევენ მტრული ძალები და ასეთი ფასი დაედო კაი ყმის საქმესა და სარბიელს.

მიხეილ ხერგიანი... ლალი მხრებით რომ გაქონდა თავისი ქვეყნის სახელი და დიდება. ჯერ კიდევ მაშინ როცა საერთო საბჭოურ უსახურ ერთფაროვნებაში იკარგებოდა ეროვნული მეობა, იგი თავისი განუყოფელი ქართული ფენომენით ანციფრებდა ყველას. მთებს შეტოლებული რაინდი ჩვენაც გვაგარძნობინებდა ქართული სისხლის უქვეველ მდინარებას, ჩვენეული ჭიშისა და გენის გამოჩეულობასა და თავისთავადობას...

მიხეილ ხერგიანი... ლეგენდარული „კლდის ეფხვი“...

ასე იცნობდნენ მას მთელ მსოფლიოში, როგორც „უმაამეს მთამსვლელს, მთების მინდიას, კაცს, რომელიც ქარზე მსუბუქია და საჩვენებელი თითით ეკიდება უფსკრულის თავზე“...

„საოცარია მთა... შეგიჩვევს, შეგიჩვევს და ვეღარც მოსცილდები — ამბობდა მიხეილი როცა მთამსვლურ გატაცებაზე შეეკითხებოდნენ — მერმე მთა მშობელივით ახლობელი და საყვარელი ხდება, მთა სულში იღამს ფესვებს, ისევე, როგორც ხე — მიწაში...“

ვეღარც მოსცილდა. ვეღარ უღალატა. ვეღარ შეელია!

უსასრულოდ დაგრძელდა სევანეთში, მშობლიური ლაღამის მისადგომებთან აჩენილი ბილაკები... მაინც სად მიიყვანა იგი მთების სიყვარულმა, სად განუშწესა სამუდამო სასუფეველი...

„სიცოცხლე უნდა ქარიშხალს ჰგავდეს

მეხის-გავარდნას ჰგავდეს სიკვდილი...“

პოეტის თქმისა არ იყოს, ასეთი ბობოქარი ყოფილა და აღსასრულიც ერის დიდება და უკვდავება!

მირონ ხერგიანი.

წიგნი დანიშნულა ავტორის ხარჯით.

გამოცემის ინიციატორია 'სრულიად საქართველოს სადროშო „ლეგი“.

4700000000 —

X ————— ავტორის ხარჯით

M-602(08)—90

ISBN 5—505—012732—2

„წუთი წუთს მისდევდა ჩვენ კი ისევ არაქათგამოცლილნი ვეყარენით თოვლში, მაგრამ რაკი ვიცილით რომ აქ ველარ დაერჩებოდით, რიგრიგობით ვდგებოდით ფეხზე“.

ჩ ა რ ლ ზ ე ვ ა ნ ს ი.

გავლენ წლები. საუკუნეები და ... ჰალაროსანი მეზლაპრე მოჰყვება ძველთაძველ ამბავს:

სულ პირველად იყო ბეთქილი.

ბეთქილის მერმე იყო ჩორლა.

ჩორლას მერმე — მურათბი კიბოლახი.

ალიოშა და გიო.

ბექნუ და ჰიჰიკო, გაბრიელი და გოჯი, მაქსიმე და ბესარიონი...

და იყო ორი მიხეილ ხერგიანი — „უმცროსი“ და „კლდის ვეფხვად“ წოდებული მინაანი, იგივე მიხეილი.

ყველა ისინი „ლომის ხეობის“ მონადირეები და მთამსვლელები იყვნენ, მათა და ცისიერ მწვერვალთა შემეჭრებელნი, იმათ სეებედთან წილნაყარნი, მართლაც ჰეშმარიტი რაინდები.

ხოლო მერმე იყო...

• •

მას მთელ მსოფლიოში იცნობდნენ, როგორც უმამაცეს მთამსვლელს, მთების მინდიას, ჟურნალ-გაზეთებში მსხვილი შრიფტით იბეჭდებოდა რებორტაჟები და ნარკვევები მრავლისმეტყველი სათაურებით: „კლდის ვეფხვი საქართველოდან“, „ადამიანი-საკვირვებლება“...

მიხეილზე უამრავი ლეგენდა დადიოდა, ამბობდნენ თითქოს მწვერვალთა გულისნადებისა და მოსალოდნელი ამინდის გამოცნობის უნარი აქესო ღვთისაგან მომადლებული. ამბობდნენ — ცალი თითით

შიშველი კლდის ქიმზე რომ დაეკიდოს მთელი კვირა ერთი კენესა არ აღმოხდებოდა. რას არ ამბობდნენ „კლდის ვეფხვზე“.

სინამდვილეში კი იგი ჩვეულებრივი ადამიანი იყო. ადამიანი თავისი ყოველდღიური დარღვითა და სიხარულით, მეგობრებით და ოჯახით.

მესტიის რაიონში, სადაც იგი დაიბადა და გაიზარდა შინაურები და ახლობლები სხვადასხვა სახელით მიმართავდნენ — ჩვიმლიან, მინაან, მიხილ, მიშა...

ბავშვობიდანვე დაჰყვა მთიელთათვის დამახასიათებელი სიღარბისლე, უბრალოება და შრომისმოყვარეობა. ღრმად სწამდა, რომ ყოველგვარი დიდება და წარმატება მხოლოდ შრომით მოიპოვებოდა.

— საქმეები დაულეველია, — ამბობდა იგი, — ერთს რომ გააქეთებ, მეორე გიხმობს. ოცნებები როგორც მწვერვალები ჭაჭვის რგოლებივით ებმიან ერთმანეთს, გეწევიან მაღლა, ცისკენ...

უყვირდა თავის გარშემო ატეხილი ხმაური და ქება-დიდება:

— მე მგონი, ვისაც თავისი საქმე გულით უყვარს, მისთვის ეს აურზაური ზედმეტია...

თავის გატაცებაზე რომ შეეკითხებოდნენ, ამბობდა: სევანთში დაბადებულ კაცი ბევრით არის დავალებული მთისაგან. ტყუილად როდი უთქვამთ ჩენს წინაპრებს: „აქ მთა ყველაფერია, მთა იფარავს, მთა ჰკვებავს და ასაზრდოებს ადამიანსო“. მართლაც რომ საოცარია მთა — შეგიჩვევს, შეგიჩვევს და ველარც მოსცილდები. მთა მშობელივით საყვარელი და ახლობელი ხდება, მთა სულში იღვამს ფესვებსა ისევე, როგორც ხე — მიწაში...

ხანდახან საუკუნოვანი მყინვარივით გამჭვირვალე თვალებს მოწკურავდა, გარუჭული, ქანდაკებასავით ჩამოსხმული სახე გაერინდებოდა, რაღაცნაირად დაეშაბებოდა, თითქოს ნაპრაღზე გადასახტომად შემართულაო, ერთხანს დუმილი მოიცავდა, ბოლოს ძლივს შესამჩნევი ღიმილი გაუკრთებოდა და სახეზე მზესავით მოეფინებოდა.

ამ დროს იგი თავის პირველ ნაბიჯს, თავის ბავშვობას იგონებდა ხოლმე...

• •

ბაბუა ანტონი ცნობილი მონადირე იყო. სხვა მეთხვიარებივით\* მანაც უამრავი თქმულება თუ ძველისძველი ამბავი იცოდა. რამდენი

\* ს. მონადირე

ლეგენდა-ზღაპარი უამბნია ანტონს მიხეილისათვის — პატარა მინა-  
ნისათვის, ზღაპრები დევებზე, ქაჯებზე და მზექაბუქებზე...

ამ ნაამბობიდან ზოგი რამ კარგად დაამახსოვრდა. აი, მაგალითად,  
ბეთქილის ამბავი!

• •

— კარგად მახსოვს, როგორ დაიწყო ჩვენი საუბარი — ნადირო-  
ბიდან ახლადდაბრუნებულს ბაბუა ანტონმა დაღლილობა რომ შე-  
ატყო, თავისთან მიმიხმო და ღიმილით მომმართა:

— დღეს ისეთ გუნებაზე ვარ, რაც გინდა მკითხო, ყველაფერზე გი-  
პასუხებო. მეც მეტი რა მინდოდა, ავდექი და რაც გამაძსენდა, ისა  
გკითხე — პირველი მთამსვლელენი ვიხ იყვენენ-მეთქი.

— ბევრნი იყვენენ, — ხალისიანად დაიწყო მოყოლა მოხუცმა —  
ყველა კარგი მონადირე მთამსვლელიც იყო, მათ შორის კი თავისი  
ვაჟაკობით ბეთქილი გამოირჩეოდა. იმიტომაც მისი ამბავი ლეგენ-  
დად შემორჩა ჩვენს ხეობას.

მამაცი მეთხიარი ნადირთა ქალღმერთ დაღს უყვარდა. მან საუკუ-  
ნო ერთგულების ნიშნად თავისი მძივი უსახსოვრა ვაჟაკს, მაგრამ  
ბეთქილმა მიცემული სიტყვა გატეხა, იმისი ნაჩუქარი მძივი თავის  
საცოლეს ჩამოჰკიდა ყელზე.

გავიდა ხანი. ერთ დღეს სოფლის მოედანზე მოეყარა თავი ახალ-  
გაზრდობას. ნაბღის ქუდიანები მღეროდნენ და ფერხულს უვლიდნენ.  
ბეთქილიც მათ შორის იყო. იდგა ერთი ყრიაბული.

უეცრად მოცეკვავეთა წრეში თეთრი შუნი შეეარდა, ხალხს ლა-  
ჯებში გაუძვრა და გაუჩინარდა. მსგავსი რამ არავის სმენოდა. მო-  
ხუცები ამბობდნენ — ეს ან სიკეთის მაუწყებელია, ანდა უბედურე-  
ბისაო. ხალხი შეჩოჩქოლდა. უნდა გაჰკიდებოდა ვინმე თეთრ შუნს,  
მაგრამ ვინ იქნებოდა ასეთი გულადი?

ვინა და — ბეთქილი! ბეთქილი გაეკიდებოდა თეთრ შუნს, ბე-  
თქილი... ბეთქილი...

ბეთქილს პაჭიკები ჩაუსწორებია, ლობარები ამოუქერია ბანდუ-  
ლებზე. თოფისთვის დაუვლია ხელი და უკან გაჰყოლია შუნის კვალს.  
კვალს შავ კლდეებში შეუტყუებია ბეთქილი, შავ კლდეებში და-  
ღების სამფლობელოში. უეცრად ქალღმერთი დალი გამოცხადებია  
დაბნეულ ბეთქილს. თავისი ნაჩუქარი მძივი მოუკითხავს. აბა საიდან  
მოუტანდა ბეთქილი დალისაგან ბოძებულ ქარვის ყელსაბამს?

იცრუა თურმე — სასთუმალქვეშ დამრჩაო. მაგრამ დალი რომ ყოვლისმცოდნე და ყოვლისმხილველი იყო? აბა რას გამოაპარებდა მას მონადირე ბეთქილი?

— შენ რა სიმართლესაც ამბობ, იმ სიმართლით იარეო, — უთხრა თვალზე ცრემლმომდგარმა დაღმა ბეთქილს და თვალის დახამხამებაში გაუჩინარდა.

ირგვლივ სიბნელე ჩამოწვა. ბეთქილს შავ კლდეზე ფეხის დასადგმელი ადგილი ჩაუშვავდა. მამაცი მეთხვიარი ცალი ფეხით და ცალი ზელით გამოეკიდა ქარაფზე.

მეორე დილით შავი კლდის მისადგომებთან უამრავმა ხალხმა მოიყარა თავი, მთელი სოფელი მოგროვდა. ყველა ცდილობდა დახმარების ხელი გაეწვდინა მამაცი მონადირისათვის, მაგრამ შავ კლდეზე აბლატებას ვინ გაბედავდა?

ვინ გადაეცლებოდა იმის ქარაფებს?

ხალხი ტიროდა, ხელს იწვდიდა ბეთქილისაკენ, ღმერთს ევედრებოდა.

ბეთქილმა მხნეობა მოიკრიბა და ომახიანად გადასძახა შეკრებილთ: ჩემმა საცოლემ იცეკვოს, უკანასკნელად მინდა ვნახო იმისი გოგმანიო.

წრე გაშალეს თანასოფლელებმა, და მამაცი მონადირის საცოლემ რონინით ჩამოუარა მოედანს.

ისევ დაიძახა ბეთქილმა:

— ახლა ჩემმა დაიამ მიტროს, მინდა უკანასკნელად გავიგონო იმისი ხმაო.

მოედნის შუაგულში, კლდის ნაშალ ლოდზე ერთი ციკქნა გოგო ჩამოჯდა და მოტქმა დაიწყო. თურმე რა გულისდამწველი ხმა ჰქონია პატარა დაიკოს.

— ახლა კი მინდა ხალხმა იცეკვოს, მთელი სოფლის ცეკვას მინდა ვუყუროო... — დაიძახა მერე ბეთქილმა.

ხალხმა ერთუროს ჩასჰიდა ხელი. წრე შექცა და შინავორგილი ჩამოუარა. თეთრი ნაბდისქუდიანები ერთუროს გადახვეულ-გადაქლობილნი სევანური მურყვამებივით მოჩანდნენ. მურყვამები ტორტმანებდნენ, ირწეოდნენ, ბუბუნებდნენ...

— ჰე... ჰე... ჰეეეიი — დაიძახა ბოლოს ბეთქილმა ძლიერი და ომახიანი ხმით. მთებმა და მწვერვალებმა დააბურთავეს, შორს გაიტაცეს ბეთქილის ხმა, მიუვალ ჭოუხებსა და ქარაფებში გადაეკარგეს.

ახლაც კი, მთებში, ხშირად გაიგონებს კაცი უჩვეულო გმინვა-გოდებას, იგი მამაცი ბეთქილის სულის ამოძახილია — დაამთავრა თბრობა ანტონმა.

— რა მოუვიდა მერე ბეთქილს? რა ბედი ეწია?

რა მოუვიდა? ბეთქილი კლდეებს გადმოვევლო. მამაცი მონადირის სისხლმა შეღება უშბის ციკაბოები. იმ ადგილს, სადაც ბეთქილი დაენარცხა ახლაც „წითელ ქარაფს“ ეძახიან.

მას მერე ვერავის შეუბედავს უშბასთან კიდილი.

იმასთან მიახლოებისაე ეშინოდა ყველას.

უშბა შეუვალი რჩებოდა, ვიდრე მონადირე ჩორლა არ ესტუმრა მის ფრიალოებს... ხო, ბეთქილის შემდეგ იყო ჩორლა...

## აუცილებლად გადავძვრები

რამდენჯერ გასდევნებია სანადიროდ წასულ ბაბუა ანტონს მიხეილი, გასდევნებია, მაგრამ შეშინებული შუა გზიდან გამობრუნებულა. იგი პატარა და გამოუცდელი იყო.

— კლდეებში ჰალე! დაღის. ჰალე ბავშვებს დასდევს... — აშინებდნენ ხოლმე უფროსები. მას კი ჰალე სასაცილოდ არ ჰყოფნიდა, მთებში სანადიროდ წასვლა, ბეთქილის ბლიკების დალახვა ეწადა. დალა-ყორას ცაზე გადმოკიდებული ფანჯარა იტაცებდა. მიმზიდველი და ლამაზი იყო შორიდან ნადირობის ქალღმერთის სახელით ცნობილი პატარა მწვერვალი — ჩრდილოეთისაკენ გადასახედი — „დალა-ყორა“, მისი ერთმანეთზე მიყრდნობილი ლოდებისაგან წარმოქმნილი ბუნებრივი კლდეკარი.

— „უნდა გადავძვრე, აუცილებლად უნდა გადავძვრე“... — ფიქრობდა გულში მიხეილი და სამოქმედო გეგმას ადგენდა. მამის თოფი უნდა ჩაეგდო ხელთ როგორმე, სახლიდან გაპარულიყო და მერე თვითონ იცოდა! თოფი კი „იგდო“ ხელთ, მაგრამ... დალა-ყორას „სარკმელში“ კელარ გაეტია, მელას ადევნებულ დათვივით გაეჩხირა ლოდებს შორის. ვერც წინ მიიწევდა, ვერც უკან. ახალა შეამჩნია, თურმე რა სიმაღლეზე ასულიყო. შიშმა თავბრუ დაახვია, მაგრამ უკანასკნელი ღონე მოიკრიბა და შეებრძოლა მაცდურ გრძნობას.

<sup>1</sup> ჰალე — სე. ალი, ავი სული.

„მზე!... მზე საცაა ჩავა, მთაში მალე დამდება, ირგვლივ სიბნელე დაისადგურებს და...“

სწორედ ამ წუთას გაახსენდა რატომღაც პალე. პალე, სასაცილოდ რომ არ ჰყოფნიდა სხვა დროს.

„კლდეებში პალე დადის, პალე ბავშვებს დასდევს“...

„— რა ეშველება?“

მალე მზე შორეულ მთებს მიღმა ჩაიტვირთა. მყინვარები და კლდეები გამუქდა. დალა-ყორას მისადგომებში, სულ ქვევით, ნაძვნარი ზოლი დამისეულ ბურუსში გაეხვია. საღამო ხეობიდან ნელა მოიპარებოდა, მალა, მალა მიცოცავდა. ბოლოს კავკასიონის თეთრი მწვერვალებიღა შემორჩა ნუკეშად. წყვილიაღმა ვერ დაიმორჩილა ისინი. ზღაპრული ჩირაღდნებით თეთრად რიალებდნენ...

## მ ო თ მ ი ნ ე ბ ა

— მაინც ვინ იყო ის ჩორლა? რა გააკეთა ასეთი?

ბაბუა ანტონმა თოვლივით თეთრ წვერზე მოისეა მარცხენა ხელი, მერე მუხლებსშორის მოგდებულ მუჯურაზე ჩამოეყრდნო, რომელსაც ხელიდან არასოდეს არ იშორებდა და ჩორლას ამბავს მოჰყვა:

— ჩორლასნაირი მონადირე არც დაბადებულა დედამიწის ზურგზე. მაგრამ, რაც უცნაურია, გაუმადლობა დაჰყოლია თურმე ბავშვობიდან.

— ლეთისმოსავი და ამავე დროს თავვასული, გაუმადლარი კაცი ყოფილა. ნადირობისას, რამდენსაც მოიხელთებდა, იმდენ ხარჩიხვს დათოფავდა. ხოცვის, განადგურების უინი გასჯდომოდა ძვალ-რბილში.

„რამდენსაც მოერევი და აიკიდებ, იმდენი მოინადირეო“ — სწერია ჩვენს კანონებში. ეს კანონები კი ნადირობის ქალღმერთების დაწესებულია, მაგრამ ჩორლა იმათს ნება-სურვილზე ხომ არ ივლიდა, მონადირული ადათ-ჩვეულებანი სასაცილოდ გაეხადა.

ერთხელაც წასულა იგი სანადიროდ. თავისი ყორანა ძაღლიც თან გაუყოლებია. თეთრი კლდეებისათვის მიუშურებია, მაგრამ ველარაფერი მოუხელთებია. მერე დალების მდელოზე გასულა, იქნებ მანდ მაინც წაეაწყდეს რაიმესო. მდელოზე მთელი თაბუნი გაშლილიყო. უღარდელად ძოვდნენ ჯიხვები ბალახს. მაგრამ ჩორლა რისი მონა-



ღირე იყო იმათ თუ ვერ უჩვენებდა სეირს. ხარჯიხვისათვის უსრო-  
ლია და წაუქცევია, მეორედ გაუტყვერნია თავისი კუთხვა, მეორედ  
ჩაეცილა, მერე — მესამე, მეოთხე. ას ოცამდე ჭიხვი დაუთოფავს...  
აი, ზუსტად ისე მომხდარა ყველაფერი, ლექსში როა ნათქვამი:

მონადირე ჩორლა წერას აუტანია,  
შემოუვლია მუღახ-მუღალი,  
ამხანაგი ვერ უშოვია,  
იხტიბარი მაინც არ გაუტეხავს,  
თოფი მხარზე გადაუდვია,  
თავის საყვარელ ყორანასთან  
გასდგომია უვალ ბილიყებს.  
ცხრა მთა ისე გადაულახავს  
ცქაფი კურდღლის ნაკვალევსაც  
ვერ წაწყულობია;  
ძეათე მთაც გადაუვლია...  
იქ უდაბური ხევი თურმე  
ჭიხვით და არჩვით ცოფილა საესე  
თავისი კუთხვა გაუშართია,  
აუტეხია ბათქაბუთქი,  
ას ოცი ჭიხვი დაუთოფავს,  
ჭიხვი და არჩვი შერეულად.  
ერთი კოჭლაუხა თხალა გაუშვია,  
ძლივს მიუღწევია დალის კლდესთან  
ნფარეველებისთვის საწყალობლად შეუბღავლია...  
კლდის ფერიები უმალ გარეთ გამოცვენილან —  
ო, საშინელი ამბავი ემცნოთ:  
გონს გადამცდარა მუხლკედარი ჩორლა,  
ის პირისხილიანი და ყურპანტურა —  
მთელი აჩვე ერთიანად ამოუეუფავს...  
შერსამიებლად ზეადძრულა მათი ლაშქარი.  
გაუმაძლარი ჩორლა თურმე  
გულით ნეტარებს  
და ოცნებაში ცის ლაქვარდებს  
ეთამაშება,  
საყანწე რქებს ზეაჩეხავს  
მუხის ყვერივით,  
ჭიხვებს ატყაუებს და ნაფერდლებს,  
ვით ქერქეჰელას,  
ღუემომდგარი, მელაკუდას  
ხარბი კრუსუნით  
სათითაოდ აცლის სუსნია...  
უძლო ფიქრებში ჩაძირული  
ეგრე შეკოჭეს გულმოდგინედ  
ტყის ფერიებმა.  
მისანი მკლავით,

მარცხენა წვივით  
ქართის ქიმზე ჩამოკიდეს  
ბზით დაწეილი გულურასავეით...  
იქ ჩორლას მოთქმა  
ბაესიან ლოს აბრეზბდა,  
ყორანას მოთქმა  
მუხის ფოთოლს შეათრთოლებდა...

— გაუმძღარო, ჩორლა, აქ დაიძიებნება ყორნებისაგან შენი ძვალ-  
ჩორცი, აქ დასახლდება საუკუნოდ შენი ბოროტი სული, შენს საყვა-  
რელ კუთხვას აქ შექვამს ჟანგი, — დაუტოვეს ნუგეშად დალებმა.

— ჩემო ყორანაჲ, — ჩასძახა თავის მოწყვეწყვეე ძალს ჩორ-  
ლამ. — წადი და ძმებს შეატყობინე ჩემი ამნავეი, ჩემს ძვლებს შინ  
წასაეენებენ, ჩემს თოფ-იარაღს თვითონ მოიხმარენ...

შინისაკენ წაძღნძღლებულ ყორანას სოფლის მისადგომებთან უფა-  
ლი გიორგი შემოხვდა.

— საით გაგიწყვიცა? ან რაზე დალინებულხარ ასერიგად, ყორანა?  
— შეეკითხა უფალი გიორგი.

— როგორ თუ საით გამიწვევია? ჩემი ჩორლა კლდებზეა მიჯაჭვე-  
ლი. იმის ძმებს უნდა მივეუტანო ამბავი, ისინი ჩორლას ძვლებს შინ  
წასაეენებენ, თოფ-იარაღს მოიხმარენ...

— მერედა ამან დაგაღონა, ყორანაო? ამაზე წყვეწყვეებ ასე საცო-  
დადად? ახლავე უკან გაბრუნდი და ჩემს მოსვლამდე გაამხნევე შენი  
პატრონი. მე ხევს ამოვეუყვები და დალებს მოციქულობას გავუძარ-  
თავ, თუ არ გამიგონებენ, ძალით დავიხსნი შენს ჩორლას.

გიორგიმ მართლა შეუთვალა დალებს — გამოუშვიოთ მამაცი ჩორ-  
ლაო.

დალებმა გაიკვირვეს გიორგის ნათქვამი.

— ჩორლას როგორ გამოვუშვებოთ, სამი ათასი ჯიხვი გამოვი-  
სალმა წუთისოფელს, ამდენივე შუნი მოგვიკლა, სამად-სამი ერსკანილა  
დაგვირჩინა, ისინიც სუყველა კოქლაუხებიო... აი, ის არევეები გა-  
ვიმართლე, ჯიხვები ფეხზე დაგვიყენე და თქვენს ჩორლას ახლავე  
გაუანთავისუფლებთო...

ვიორგიმ თავისი გაიტანა, ძალით გამოიხსნა ჩორლა, მაგრამ და-  
ლებმა, მონადირეს მარჯვენა მხარი დაუჩეჩქეს, რათა ველარ მიიბ-  
ჯანოს თოფის კონდახი, ველარ მოიხმაროს თავისი კუთხვა...

— ჩორლაო, საბრალო ჩორლაო, როგორა გრძნობ თავსა? — ჰკით-  
ხავს გზად უფალი გიორგი მონადირეს.

— კარგად, წმინდაო გიორგი, აბა მხარი რომ დამიჩეჩქვეს, ეგრე დიდი რამეა, როცა ჩემს ვაღარჩენას ველარავინ ფიქრებდა?

— ძაან ნუ. იღარღებ ჩორლაო, მე ახლა სამ ჭიხვს აკვიღებ. თუ მოერევი და იმ გორამღე აიტან, მხარი გაგიმრთელღება...

წმინდა გიორგიმ აჰკიდა ჩორლას სამი ჭიხვი:

— ახლა მე წინ გაგიღღებო, შენ უკან მომყევი, ოღონდ კენესა არ გამაგონო, იმ გორამღე უნდა გეყოს მოთმინება...

ჩორლას უჭირდა, აუ, როგორ დაიღღა ჩორლა, ოფლი წურწურით ჩამოსდიოდა, თვალებს უწვაავდა. წინ ველარაფერს ხეღავდა დაჰკრილი მონადირე, გუმანით მიიკვღევდა გზას, წმინდა გიორგის ხაფღებურებს მიჰყეებოდა ანღეთი...

აღმართები უკან დარჩა. გამარჯღების ღიმილი გაუკრთა სახეზე მეთხვიარს.

მაგრამ ჰერ აღრეა სიხარული. გიორგი ეუბნება მონადირეს:

— აი, ხეღს გაღაღმა ზეჰრას ზომ ხეღავ, იჰამღე უნდა ათრიო ტვირთი, ჰოღა მაშინ გაიციღე, ჩემო ჩორლაო...

ჩორლა ითმენს, ბანცალ-ბანცალით მიჰყეება წმინდა გიორგის.

ზეჰრამღე რომ ავიღნენ, გიორგი კვღავ ეუბნება მონადირეს: ღამისსათეღამღე მივიღეთ და მერე გაიციღე, ჩემო ჩორლაო...

„ღამისსათეღამღე... ღამისსათეღამღე...“ ფიქრობს თავისოღვის და-ღაბუნებული ჩორლა — „მაინც საღ არის ეს ოხერი გაღოჰვაბული? — ვეღარ გაუხსენებია მონადირეთა თაღშესაფარი, ბარე ასჰერ რომ გაუთეღია იმ ლოღჰეღეღ ღამე.

— სხეა რა გზაა, წმინდაო გიორგი, უნდა გავუღღლო როგორმე, ან მოვკვღღე, ან გავუღღლო...

ნაბიჯი არ შეუღნღებია ჩორლას. ერთხელ არ დაუკვენესია, სახეზე არ მოუსღვამს ხელი ბუზების მოსაგერიებღალღ, მუხღმორთხმის, დას-ვენების მაცთუნებელი ფიქრი არ გაჰკარებია გონებაში. წმინდა გიორგის კვღალს მიჰყეება ჩორლა.

უცბად რაღაც უცნაური ჩოჩღოლი მოიღმა ხეობიღან.

— ჩორლაო, უკან მიიხეღე, აბა ერთი რას დანიხაღვ... უთხრა მონადირეს წინ წასულმა გიორგიმ — შეხეღე, რა წარღვნა მოუღვეღინე იმ თაღჰარიან დაღებს. შეღს ჩასაჰოღღად რომ მოიჩჰაროღნენ....

ჩორღამ დანიხა, — როგორ იხრიობოღნენ ღმერთჰალღები მეწყერ ნიაღვარში.

— ზომ გსმენია, ჩემო ჩორლაო — „სანთელ-საემევეღი გზას არ

დაკარგავსო\*. შენ ჩემთვის ბევრი გიმსახურია, სხვა რომ არა ვთქვა, თორმეტი ცხენის საპალნე მხოლოდ სანთელი დაგინთია.

იმ სიყვარულსა და პატივისცემას ხომ არ დავივიწყებდი, გაჭირვების ჟამს მარტო ხომ არ მიგატოვებდი.

ამიერიდან ჭიხვები ველარსად წაგივლენ. არჩვი და ვაც-ვერძი თავზესაყრელად გეჭნება...

სიკელილი კი მაშინ გესტუმრება, როცა თავად მოისურვებ...

ღვთის სიყვარული და თაყვანისცემა არავის დაკარგვია, ჩემო ჩორლაო... დაამთავრა თხრობა თეთრმა მოხუცმა. შემდეგ ერთხანს თვალმიღწეული რაღაცაზე ჩაფიქრდა და ისევ განაგრძო:

— მხოლოდ მამაკობა თუ შეშურდება ადამიანს ჩორლასი, — მოუბრუნდა მიხეილს თეთრი მოხუცი, — სხვა რამ სახარბიელო არაფერი სცხია იმის კაცობას. არც წმინდა გიორგის საქციელია მოსაწონი — უცოდველი ღმერთქალების ლაშქარი წყალში ამოახჩჩო, მერე რა რომ მამაკაცთა, ნაბდისქუდიანთა მფარველობა ავალია... ველარაფერი ვერ გაამართლებს მსგავს უსამართლობას, ველარაფერი...

პირველ რიგში მაინც ჩორლას აეკაცობა უნდა დაეგმოთ, იმისი გაუმძღვრობა... საბედნიეროდ, ჩორლასნაირები ალბათ ცოტანი იყვნენ, ან არც კი იყვნენ მის მერე, თორემ ღღეს ნაღირთა სახსენებელიც არ იქნებოდა ჩვენს ხეობებში.

მინაან, შენ იმასაც უნდა მიხვდე, რომ ჩორლას გამლექსავი იმასავით ღვთის მორწმუნე იქნებოდა, უდავოდ არ შეიძლება ურწმუნოს შეეთხზა ღვთისმოსავობის სადიდებელი ამბავი, შეეთხზა თუ შეელამაზებინა. წმინდა გიორგის ძლიერება რომ ეჩვენებინა, მიუტევებელი უსამართლობა ჩაადენინა, ყოვლად უდანაშაულო ღმერთქალების სისხლში ამოსყარა იმისი წმინდა, პატიოსანი ტანსამოსელი...

### ბისარიონი: „ჯარ სიმაღლის შიში დათრგუნა“...

— მწვერვალები რომ არა, ალბათ გავგეჟდებოდი, ისინი ჩემს თვალწინ აღმართულიყვნენ და ადამიანებივით მიპაჭუნებდნენ თვალებს. — ილიმება მიხეილი — იმათი იღუმალი ხმა თითქოს მამხნევებდა:

— აბა შენ იცი, არ შეშინდე, გული გაიმაგრე...

კლდეში მარტომარტო დარჩენილს მონადირე ჩორლას ამბავი გამახსენდა. ასე გააკრეს იგიც დალებმა ქარაფზე, აქნებ მეც დიდი

ცოდნა რამ მიმიძღვის ღმერთქალების წინაშე და ახლა შურს იძიებენ ჩემზე?

ვინღა მომეხმარება, ვინ მომეშველება წმინდა გიორგი?

მაგრამ რა გამიკეთებია მე წმინდა გიორგისათვის, ერთი სანთელიც არ დამინთია იმის სახელზე!

არადა რა საოცრად ჰგავდა ჩემი ამბავი ჩორლასას. ოღონდ ის კი ველარა გამეგო, მე და ჩორლა რაში უნდა ცვვანებოდით ერთმანეთს. ამაზე კარგა ხანს ვფიქრობდი, ყველაფერი გაეიხსენე, რაც კი სიბოროტე და ცუდკაცობა მქონდა ჩადენილი, გონებაში აღვადგინე, ვისთვის რა სიამე გამეკეთებინა. ვის ბაღში რამდენჯერ შეეპარულვარ, ვისი ყანა გამითელია კინქოს, ცერცვისა თუ ნედლი ბარდის ძებნაში...

რაც უფრო ღრმად ვეფლობოდი უსიამო მოგონებებში, მით უფრო მეუფლებოდა შიში...

მერე მწვერვალების თვლა დავიწყე: ჩათინი, უშბა, იალბუზი... მიეყვებოდი სანამდეც თვალი მიმიწვდებოდა, ვთვლიდი დაუსრულებლივ, მოთმინებით... მალე მყინვარებიდან ქარმა დაუბერა. ვთრთოლდი, ვკანკალებდი. როგორ მენატრებოდა იმ წუთში დედამიწა, სოფელი, სახლი, მშურდა თანატოლებისა, ტკბილად რომ ეძინათ თბილ საწოლებში.

ბარე ათასჯერ გადაეწვიტე გუნებაში: „არა, ამიერიდან არასოდეს წამოვალ მთაში, ახლოს არ გავეკარები ამ დაწყევლილ დალაცო-რას, არასოდეს შევმართავ ჩიხვებზე ჩახმახს“.

„არასოდეს შევმართავ ჩიხვებზე ჩახმახს... — რამდენჯერმე გავიმეორე რატომღაც ეს სიტყვები — იქნებ ამ თოფის გამო იძიებენ შურს დალები? თოფისა, რომელსაც ამდენი საცოდაობა დაუტრიალებია მთაში?“

უცბად მომიარა სურვილმა — შორს, უფსკრულში გადამესროლა კუთხვა. თანაც იგი საშინლად დამძიმდა, ასეც მოხდა: თავისით გამივარდა, ჩხარუნით დაეშვა დაბლა: ალბათ სასხლეტი სადღაც ქიმს გამოედო სიპებზე, თოფმა ერთბაშად იხუვლა. იგი თავისით გავარდა, დამისეული მღუმარება ერთიან შესძრა.

მალე ისევ მიჩუმდა ყველაფერი და მე განვაგრძე... მწვერვალების თვლა.

არ ვიცი, რამდენ ხანს ვითვლიდი, მერე შევნიშნე, ისინი თანდათან გამოისახნენ, მივხვდი, თენდებოდა...

მერე ის იყო, ნათელი მოეფინა ქვეყნიერებას. ირგვლივ თვალ-

წარმტაცი სანახაობა გადაიშალა — მთელი სევანეთის კავკასიონი თითქოს ჩემს ფერხთით გართხმულიყო, ვერ ვიტყვი, რა უცნაური განცდა დამეუფლა. იმ წუთში თავი ყველაზე მაღალი კაცი მეგონა დედამიწაზე, ყველაზე მაღალი კაცი...

მზის შუქს სტვენის ხმა მოჰყვა. შურთხი თუ იყო! სტვენა ისევ განმეორდა. გული მომეცა — მამაჩემმა იცოდა ასეთი გაბმული სტვენა. ეს მამაჩემი მოუყვებოდა მაღლა ქარაფებს. ნამდვილად მამა იყო, მაგრამ საიდან მომავნო, როგორ დაადგა ჩემს ბილიკს? რა გუჟანმა მოიყვანა დალა-ყორაზე? — მიკვირდა ყოველივე, მიკვირდა და თან შეამაყებოდა, იმისი საქციელი, იმისი მონადირული ალღობა-ნობა.

უკან რომ ვბრუნდებოდით, არცერთი არ ვიღებდით ხმას. მე მორიღებისა და შიშისაგან, მამაჩემს კი... ალბათ განაწყენებულა რომ იყო, იმაზე შეეკრა კრიჭა. ბოლოს როგორც იქნა, ენა ამოიდგა და შემეკითხა:

— გეშინოდა?

— პირველად, დაბლა რომ გადავიხედე, ლამის გული შემიღონდა მერე ცოტა გადამიარა.

— ეტყობა სიმაღლემ შეგაშინა. თუ მაინცდამაინც არ ეშვები ამ კლდეებს, თავიდან დაიწყე ყველაფერი...

— თავიდან?... კი მაგრამ, როგორ, რანაირად?

— ჯერ სიმაღლის შიში უნდა დათრგუნო, მერე ასვლის ხერხები ისწავლო, გული და მუხლი შეაჩვიო „მცირე მწვერვალებს“.

• •

მას მერე სულ სხვანაირად წარიმართა საქმე:

თანასოფლელები უცნაური სანახაობის მოწმენი გახდნენ — მიხე-ილმა და მისმა ამხანაგებმა — შალიყო მარჯიანმა, მიხეილ ხერგიანმა (უმცროსი), პირიბე გვარლიანმა, შოთა და ლაერტ ჩართოლანებმა ხუთსართულიანი სარაგის კოშკი, რომელიც მინდობხერებს — მიხეილის .საძმოს ეკუთვნოდა, თოკებით დაქსელეს. ახალგაზრდები რიგრიგობით მიიწვედნენ მაღლა, სათოფურებისაკენ, ფოცხვერებივით ეკიდნენ მურყვამის სიბებზე...

მათს საქმიანობას თვალყურს ადევნებდნენ ბექნუ და ჰესარიონ ხერგიანები, ქიჯიკო ჩართოლანი, მაქსიმე გვარლიანი. ისინი შეცდო-

მაზე მიუთითებდნენ ბიჭებს. აცნობდნენ მარყუევების სახეობებს, თოკის განასკვისა და ასელისას თუ ძირს დაშვებისას მისი გამოყენების საიდუმლოებას, თვალუწვდენი სიმაღლიდან „დულფერით“ თვალის უსწრაფესად ჩამოქროლებას.

• •

— სალამოობით, თავისუფალ დროს, ჩემად ავიპარებოდი ხოლმე მურყვამზე, იმის მორღვეულ ქონგურზე გადმოვეყუდებოდი პირდაღმა. მთელი საათობით ვიწეკი ასე და სიმაღლეს ვაჩვევდი თვალს. უკვე აღარ მეკვროდა სუნთქვა, აღარ მესხმოდა თავბრუ...

მერე და მერე მალალ კლდეებსაც მივაშურე. იმ წელს იგი სწორედ, ჭერ კიდევ ღიზლიახმა მწვერვალი ბანგურიანი რომ დაკლაშქრე.

1948 წელს სანდრო გვალისა ხელმძღვანელობით ალპინიადა ტარდებოდა ბანგურიანზე. მე ცამეტი წლისა თუ ვიქნებოდი და იქ ვინ წამიყვანდა, იტყოდნენ — სასაცილოდ აგვიგდოო. მამაჩემის ამბავი რომ ვიცი, იგი ხომ სულ გადაიჩროდა ბანგურიანზე წაყვანა რომ მეთხოვა. ამიტომაც კრინტი არავისთან არ დამიძრავს. „რალაც უნდა ვიღონო-მეთქი“ — ვფიქრობდი გუნებაში. ჰო და „ვიღონე“ კიდევ.

უკუნი დამე იდგა. ალპინიადის მონაწილეები ტკბილ ძილს მისცემოდნენ, როცა მეც ავედი ლეხზირის საძოვრებზე, საიდანაც მწვერვალი ბანგურიანი უნდა დაეღაშქრათ. ჩემად შევეურთღი გატრუნულ ბანაკს. სახლიდან წამოღებულ ნაბადში გავეხვიე და განაპირა კარავის გვერდზე მივწეკი. ის იყო, უნდა ჩამეთვლიმა, რომ ყვირილმა გამომალვიძა:

— ხალხო, ვილაცა თავს იღუპავს...

მოლაშქრეები წამოიშალნენ. ბანაკში ერთი ჩოჩქოლი შეიქნა. ზმორებ-ზმორებით გამოილაღნენ ყველანი თავთავიანთი კარვებიდან და ჩემსკენ მოაშურეს. თავი რომ გამოეყავი ნაბდისძველადან, ტანში უსიაპოვნოდ დამბურძგლა, მთელი ბანაკი შემომხვეოდა და აღბათ გაოცებული დამცქეროდა — გარეთ რომ წამოკოტრიალებულა, ვილაა ასეთი გულადი და შეუპოვარი, ან ნადირის არ ეშინია, ან გაცრეებისაო?!

ყველაზე მეტს მამაჩემი ხუმრობდა:

— ამ მუდრეგს ისე ღრმად ჩასძინებია, ხრამში რომ გადაეუძახოთ, ვერაფერს გაიგებს...

— კუდიანი არ იყოს და... — აჰყვა ბესარიონს ჭიჭიკო ჩართოლადნი, ალპინიადის ერთ-ერთი ინსტრუქტორი.

— კუდიანი არა და მინაანი შეიძლება იყოს, — ხმა ამოიღო სიტყვა-ძუნწმა ბექნუმ. მერე ბესარიონს მიუბრუნდა: ჰოდა ხრამში თუ გადაუძახებ, შვილი აღარ გეყოლება...

ბესარიონს სახეზე შეეყინა ღიმილი. ბექნუს ეჭვის თვალით გადახედა. მერე ჩემსკენ გამოიწია, დაიხარა და ფეხი წამკრა ფერდში — ვინა ხარ, რა სულიერი ხარო...

ალბათ ველარავინ აღწერს ამ განცდას, მამაჩემისა და სხვების შიშით რომ დამეუფლა. კარგად მახსოვს, როგორ ვიპარავდი სუნთქვას, და ეშმაკურად ვიტრუნებოდი, იქნებ შემეშვას-მეთქი. მაგრამ ბექნუს სიტყვების მერე აბა რას შემეშვებოდა მამაჩემი, იმდენი მიბრაავუნა, ლამის ძვალ-სახსარი ჩამიმტერია. მაშინ კი უცბად გავიძვრე ნაბდის-ძველა, წამოვხტი და ლეხზირულას დაბურდულ ხევში გადავეშვი.

ხევში კიდევ უფრო ბნელოდა, წინ ველარაფერს ვხედავდი, მაგრამ მაინც გაერბოდი. ოღონდ მამაჩემს გაეჭკეოდი, დანარჩენი რაც გინდა მომხდარიყო, აღარაფერს ვჩიოდი.

დაბლა, მდინარეს რომ მივადექი, მაშინდა გამოვერკვიე. მღელვარებისაგან სუნთქვა მეკეროდა. მერე წყალი გადავისხი პირსახეზე და ოღნავ დაემშვიდდი. რაც მთავარია, უკან აღარავინ მომდევდა, თუმცა ამ ფლატეზე ვინ სულელი გადმოეკიდებოდა? თავი კი არავის ჰქონდა მოძულებული. მართლაც, თვალი რომ შევჩაჩვიე სიბნელეს და ხრამის წარათს ავხედე, გაოცებული დავრჩი. ისეთი შემზარავი, სახიფათოდ ჩაქრილი ფლატე იყო, იფიქრებდი, დათვი რომ დაგორდეს, სული არ შერჩებო. მერე დაეჭვებულმა ხელები გავშალე, სხეული მოვისინჯე, მაგრამ არაფერი მტკიოდა, საღსალამათი ვიყავი... „აი საოცრება, — ვფიქრობ გულში — დათვი სულს გააცხოვდა და მე კი ასე იოლად გადავრჩი, ხი... ხი...“.

მალლიდან ყვირილი მოისმა. სანდრო გვალისა ხმა შევიცანი. იგი ფლატეზე გადმომდგარიყო და მომძახოდა.

— მინაან როგორ ხარ, ხომ არაფერი იტკინე... ჩვენი ნუ გეშინია, ნურც მამაშენისა. ერთი გაგიბედოს რაიმე!

მაგრამ მე ხმას არ ვიღებდი, გაოგნებული და შემცბარი ვიყავი და ვერაფერი მომეაზრებინა.

იქით მაქსიმე მეხვეწებოდა: ოღონდ ამოდი და ხელისგულზე გატარებო, რაც ტკბილელი გვაქვს, სულ შენი იყოსო.



მერე ბექნუმ შემაშინა:

— ხმა ამოიღე, ვიდრე მამაშენს გული არ გასკდომიაო...

მამაჩემი კი არაფერს ამბობდა. ვიცოდი იმისი ხასიათი, ამ გაბრაზებულზე კისერიც რომ მომემტვრია, ყურს არ შეიბერტყავდა, ყოველ შემთხვევაში გარეგნულად არა და არ გამოამჟღავნებდა მღელვარებას. მაგრამ მეც ხომ იმისი შვილი ვიყავი და გავკერპდი. ხმას არ ვიღებდი. მაშინ კი ალბათ იფიქრეს, შეიძლება რამე მოხვეიდაო, და ვილაყამ ფლატეზე დაშვება დაიწყო.

ეს უკვე მეტისმეტი იყო. მივხვდი, ასეთი გაჭიქება ხეირს არ მომიტანდა და დავეყვირე:

— ბიძია ბექნუ, ახლავე მანდ ვიქნები...

ზევით, ეტყობა, ძალიან გაუხარდათ ჩემი „აღმოჩენა“. ერთხმად დაიძახეს:

— ამოდი, ჰაუ, მინაან, ახლავე ამოდიო...

ფლატეზე სანდრო გვაღია ეშვებოდა. უთქვამს: თქვენ აქ იცინით და ჩემს მინაანს კი ვინ იცის, როგორ უჭირსო... ჩემი ხმა რომ გაუგონია, აღარ ჩაუთვლია საჭიროდ ხევში ჩამოსვლა, კვლავ უკან გაბრუნებულა.

ძლივსძლივობით ავბოტდი ხრამზე. მაღლა, ბანაკში, ცნობისმოყვარეობით მათეალიერებდნენ. მამაჩემი, ძერა რომ დასტრიალებს თავის საკბილოს ისე მიტრიალებდა ვარშემო, მაგრამ ჩემთან ახლოს არ უშვებდნენ.

იმ ღამეს მაქსიმესთან შეძინა, იმის მეურვეობის ქვეშ ვიყავი.

მეორე დღეს მამაჩემი დადარდიანებული ჩანდა. მთელი გზა ხმა არ გაუცია.

გული სიამაყის გრძნობით მქონდა აღესილი, დალლითაც არ დავდლილვარ, ან რა დამლლიდა. უფროსების მხარდამხარ, იმათი თანატოლივით მივაბიჯებდი თოვლიან ბილიკზე, ისეთი გრძნობა დამეუფლა, თითქოს შემეძლო ამ მთების, მშობლიური, ქათქათა ქედების, მყინვარების, საბალახოების თავზე მეფრინა.

ბანგურიანის თხემზე უფროსების დაუნხმარებლად გავედი. ცოტა შემეშინდა თვალუწვდენი უფსკრულისა, სადღაც ქვევით მწვერვალის მისადგომებთან ხახა რომ დაედო. სიმაღლისაგან თავბრუ დამეგვა, მაგრამ მხნეობა მოვიკრიბე და არაფერი შევიმჩნიე. მართლაც და, მართო ხომ არ ვიყავი, აბა რას იტყოდა ეს ხალხი ჩემზე? ძალის ძა-

ლად წამოგვაცვანინა თავი და ამ მურყვამისხელა ბანგურიანმა კოგული შეუშინაო, მაგრამ მერე და მერე თვალი და გული შეეჩვია მაღალ კლდეებს.

## ზ ი ლ ო ს ო ზ ო ს ი

მაგრამ ეს მხოლოდ დასაწყისი იყო. კოშკებზე მეცადინეობანი და სოფლის შემოგარენის წარათებზე ხეტიალი, ასევე ბანგურიანზე მუხლის მოსინჯვა შემთხვევით ხასიათს ატარებდა. ბანგურიანსა და სხვა მცირე მწვერვალებზე ეოველწლიურად არ ეწყობოდა ასვლები, სადაც ელემენტარული მთამსვლელური ანა-ბანის დაუფლება მაინც შეძლებოდა მსურველს. მიხეილისათვის კი იგი აუცილებელი იყო.

მართალია უფროსი თაობის სახელოვანი წარმომადგენლები, საქართველოში საბჭოური ალპინიზმის ფუძემდებლები, სპორტის დამსახურებული ოსტატები — გაბრიელ, ბექნუ და ბესარიონ ხერგვიანები, ჭიჭიკო ჩართოლანი, გოჯი ზურებიანი, ალმაცგირ კვიციანი, მაქსიმე გვარლიანი და უშბის ერთ-ერთი პირველდამპყრობი გიო ნივურიანი და ასევე სხვა მთამსვლელები ძირითადად ნადირობის დროს შეძენილი გამოცდილებითა და დაკვირვებებით ხელმძღვანელობდნენ მწვერვალთა დაპყრობისას, მაგრამ ეს იყო საბჭოური ალპინიზმის ადრეული პერიოდი, როცა სპორტის ამ ვაჟკაცურ სახეობას სათანადოდ ვერ მოემარგებინა მუხლი.

იმ დროს არ არსებობდა საინსტრუქტორო და ალპინისტური ბანაკები. მთების მოყვარული ადამიანები ამ დარგში თვორიული ცოდნის მიღების შესაძლებლობას მოკლებულნი იყვნენ.

მას მერე უამრავმა წყალმა ჩაიარა, ათასჯერ ჩამოშვავდნენ ახალი ცხოვრების გუგუნზე თეთნულდის კალთებიდან ავბედითი ზვაეები, უამრავმა მწვერვალმა მოიხარა ქედი საბჭოთა მთამსვლელების წინაშე. დაგროვდა ზღვა გამოცდილება.

თვით სვან მთამსვლელებს, რომლებიც ხარის ტყავისაგან გამოქნილი ჯაბრალეებით მიდიოდნენ ექსპედიციაში (გიო ნივურიანი სწორედ ჯაბრალეებით ავიდა უშბაზე), ახლა „ლუქილების“ — ფოლადით მოქედილი „ბოტინკების“ გარეშე ვერც კი წარმოედგინათ თოვლზე შედგომა.

ასეთივე ცვლილება განიცადა მესიმაღლეთა ტანსაცმელმა და

სალაშქრო აღჭურვილობამ. გაბრიელის, ჭიჭიკოს, ბექნუს, მაქსიმეს, აღმაცვირისა და გოჯის ადრეულ სურათებში თითქმის ყველგან სვანური, ტრადიციული ჩოხები, მატყლის პაჭიკები, ტყავის ჯაბრალე-ბი აცვიათ, ნაბდის ქუდეები ახურავთ, მხარზე კი ადგილობრივი ქა-ნისაგან (კანაფი) დაგრეხილი უხეში თოკის ხვეულა მოუგდიათ. ხელში წერაყინის ნაცვლად მუჭურები, რკინისწვეტიანი ჯოხები ჩაუბლუჯავთ.

ღიახ, მძიმე იყო ის წლები, საოცრად მძიმე. მაგრამ ისინი უდი-დესი დაძაბულობის, ფანატიკური მოთმინებისა და მონდომების წყალობით მაინც აკეთებდნენ საქმეს.

ტექნიკისა და მეცნიერების, საერთოდ, ცხოვრების სწრაფმა პრო-გრესმა თავისებური რევოლუცია მოახდინა ყველა სფეროში და, რა თქმა უნდა, ალპინიზმშიაც.

ახლა მთამსვლელები იყენებენ წყალგაუმტარ, მსუბუქ ტანსაც-მელს, პერმეტულ საძილე ტომრებს, გამძლე კარავებს, თოკის კიბეებს (უნდა აღინიშნოს, რომ თოკის კიბე მიხეილ ხერგიანმა გამოიყენა 1957 წელს დონლუზორუნის ყინულოვან კედელზე ასვლისას, რის შემდეგაც მისი ხმარება მასიურად დამკვიდრდა სამამულო ალპინიზმში), საბურღი მოწყობილობას, სხვადასხვა დანიშნულების პალოებს (ყინულზე და კლდეზე სახმარი). პრაქტიკაში მტკიცედ და-ინერგა სხვადასხვა ტიპის (ღია და დახურული) ჟანგბადის აპარატე-ბით სარგებლობა, რამაც მთამსვლელებს შესაძლებლობა მისცა გაი-შვიათებული ატმოსფეროს ფენებში შეედწიათ, „მსოფლიოს სახურა-ვებისათვის“ შეეტიათ, იერიშები მიეტანათ ჰიმალაის გოლიათებზე...

ოზონის უკმარისობის საშიშროებამ უკან დაიხია. მწვერვალთა დამპყრობთ პორტატული ნავთქურებით თითქმის ყოველგვარ პირო-ბებში შეეძლოთ გაედნოთ თოვლ-ყინული ჩაისა თუ კაკაოსათვის.

შიმშილმა და წყურვილმა, რაც ესოდენ დამანასიათებელი იყო მთიანი პირობებისათვის, საბოლოოდ მოქამა ჭირი. საიერიშოდ გასული მთამსვლელები ნაკლებ დამოკიდებული გახდნენ მთავარ ბანაკზე, საიდანაც ხდებოდა ხოლმე ძირითადად მათი მომარაგება. ასვლითი ხასიათის ექსპედიციები ტრავერსებმა შეცვალა.

ახლა უკვე რთული მთამსვლური ტექნიკისა და აღჭურვილო-ბის სრულყოფილად დაუფლება-გამოყენება ალპინისტისაგან მაღალ პროფესიულ ცოდნასა და ოსტატობას მოითხოვდა.

ღღეს მთამსვლელს მოეთხოვებოდა სინოპტიკოსის უტყუარი აღლო, რაზედაც დიდად არის დამოკიდებული ექსპედიციის წარმატებით

ჩატარება. ამ საქმეში კი, რა თქმა უნდა, მხოლოდღა წინაპართა გამოცდილებით ფონს ვერ გავიდოდა კაცი. თეორიული ცოდნის მიღება მთებით დაინტერესებული ადამიანისათვის აუცილებელი შეიქნა.

ერთ დღეს მიხეილმა გამბედაობა მოიკრიბა და მამამისს ჩამრუგლო ამის შესახებ საუბარი:

— მამა, თუ შენი ნებაც იქნება, ჩრდილო კავკასიაში წავალ, მთავსვლელთა საინსტრუქტორო კურსებზე მინდა შესვლა.

ბესარიონმა ერთი აღმატებულად გადმოჰხედა, — სრულ ჰქუაზე თუა ჩემი ბიჭო. უღვაშებზე ხელი გადაისვა. არაფერი უთქვამს.

— მე მგონი, ეს აუცილებელია... პროფესიული ცოდნის გარეშე შეუძლებელია თანამედროვე ალპინიზმში რაიმეს მიაღწიოს კაცმა... აკი თვითონაც მრავალჯერ გითქვამს ამის შესახებ... ბექნუ და შაქსიმეც ასე ამბობენ...

ბესარიონი საუფროსო საკრცხულში იჯდა და ქორმახვშივიო ჩაფიქრებულიყო... შეილი ისეთი პატარა ადარ იყო უკვე, რომ აყვირებითა და დატუქსვით რაიმეს გამხდარიყო. მინაანი მისგან სერიოზულ რჩევას მოითხოვდა.

„რა უთხრას? რა ურჩიოს?“

— მართალია, მეც მაგ აზრისა ვარ. ახლაც იმასვე ვიტყოდი... ცოდნის გარეშე შორს ვერ წავა, ვინც არ უნდა იყოს. ეს მარტო ალპინიზმში კი არა, ყველაფერში ასეა. უსწაულელ კაცს მოებიც არ იკარებენ. ისეთი დრო დადგა...

მიხეილის ღინილი გაუერთა სახეზე:

„ესე იგი მამა თანახმაა“, — გაუელვა გონებაში.

— მაშ შენც ამ აზრისა ხარ, მამა...

— ჰო, დაუშვათ, მაგრამ ენას რა ვუყოთ? გამოცდებს როგორღა ჩააბარებ? იმათებური უბნობისა ინჩიბიჩიც კი არა გაგეგება რა. ხელებით ხომ არ გაესაუბრები მასწავლებელს... — ეს უკანასკნელი სიტყვები მალული კმაყოფილებითა და ნიშნისმოგებით წარმოსთქვა ბესარიონმა.

„ღმერთმა გამახარა, ა? მოვუნახე მიზეზი, ახლა მაინც რაღას იტყვის, ხომ გაჩუმდება და მოეშვება მაგ საქმეს?“ — უღვაშებში ეცინებოდა ამ ფიქრით გახარებულ ბესარიონს.

მიხეილს სახე მოექუფრა. მიხვდა — ნაადრევი იყო სიხარული. ამაზე რატომდაც არასოდეს დაფიქრებულიყო. ენის უცოდინარობა თუ ასეთი ხელისშემშლელი იქნებოდა, ველარ წარმოედგინა.

„მე ვუჩვენებ ასვლის ტექნიკას, რაც აქ ჩვენებისაგან ვისწავლე, დავარწმუნებ, რომ რაღაც შემიძლია“... ფიქრობდა ხოლმე გუნებაში და თავი საინსტრუქტორო სკოლაში ჩარიცხულად მიაჩნდა. მამამისის სიტყვებმა კი ღრმად ჩათიქრა და გუნება წაუხდინა.

„მართლაც რა ეშველება? ვინ დაეხმარება? ნუთუ ამდენი ნაოცნებარი წყალში უნდა ჩაეყაროს?“ მთელი ღამეები ფიქრობდა ამაზე, მაგრამ გამოსავალი ვერ მოენახა.

ერთხელ საიდანღაც ჟურნალ-გაზეთები მოიტანა, მოკლე რუსულ-ქართული ლექსიკონიც იშოვნა და მეცადინეობას შეუდგა. მთელი თვე თავაუღებლივ ჩაჰკირაკიტებდა წიგნებს, მშობლები, დაძმები, მეზობლები და ნათესაელებიც კი გააოცა თავისი გულმოდგინებით და შონდომებით.

— ეს რა ღეთის წყალობაა ჩვენს თავს, ასე რომ დაგვიკვირანდა ეს ონაერო... — ამბობდნენ ისინი და გაოცებისაგან მხრებს იჩეჩავდნენ.

უფროსი ხერგიანები, მეტადრე მოხუცები, ამტკიცებდნენ:

— მაგისაგან ფილობოსოსი თუ არ დადგეს, ეს წვერები შეგვატრუსტო...

ყველანი ცდებოდნენ.

მიხეილმა სულ რაღაც თითზე ჩამოსათელელი სიტყვები დაიზუთხა. ეს იყო და ეს. ენის სწავლა რთული საქმე გამოდგა, დროც არ ითმენდა, საინსტრუქტორო კურსებზე კი საცაა დაიწყებოდა მიღება.

## წითელი ალი — „ლემივიტი“ მოზრიალე

ჩორლას მერე მურათბი კიბოლანი იყო.

ჩორლას მერე ვერავის, ვერავის შეუხებდავს უშბასთან შებრძოლება. იმასთან შებმას ვინ გაივლებდა გუნებაში, თავი ვის ჰქონდა მოძულებული?

უშბა ხელშეუვალი რჩებოდა, ვიდრე მის კალთებს ჯაბრალეებით შეაჯერებდა მურათბი კიბოლანი. იმან განიზრახა პირველად ეჩვენებინა ხალხისათვის, რომ მზისკენ გზა ხსნილია, და ვისაც სურს, შეუძლია ახლოდან შეხედოს ოქროსფერ მნათობს, ეწვიოს იმის სამფლობელოს, ცისიერი მწვერვალების ცქერით დატკბეს... ნურავის შეეშინდება ავსულებისა, ნურც დალებისა, რადგანაც დალები კაცთ-

მოყვარენი არიან, კაცთმოყვარენი და ვაჟკაცობის დამფასებელნი...

— ყოვლისშემძლეა ადამიანი, დაუდევარია მდინარესავით... — ასე უთხრა თავისიანებს მაშინ მურათბიმ. გულიანად უთხრა, მაგრამ არავინ არ დაუჭერა...

• •

1906 წლის ზაფხულში სვანეთში ინგლისელები ჩამოვიდნენ — უშბის თავზე ჩვენი „ლემი“ უნდა აღემატათოთ — ამბობდნენ ისინი. მაგრამ უმეგზუროდ როგორ გაიგნებდნენ გზას მწვერვალებისაკენ? მეგზურობაზე კი ვინ დასთანხმდებოდა, ვინ გაიხდიდა თავს სავალალოდ? ათასი ეშმაკისა და დალის სამფლობელო უშბასთან შებრძოლებას ვინ მოისურვებდა? დაშინებული სვანები უარზე იდგნენ — ჩვენ იქ წამომსვლელები არა ვართ, გიჯობთ გულანაბადი აიკრათო.

მაშინ ხალხს მურათბი კიბოლანი გამოეყო, უცხოელებს მთიელთა გულადობა და მამაცობა დაუმტკიცა, თან გაჰყვა უშბისაკენ. ხალხმა შეიცხადა, — თავს დაიღუპავს და სოფელსაც დაღუპავსო — ამბობდნენ ქორამახეშები — ავსულები ჩვენზე იყრიან ჭავრს ან დიდთოვლობას მოგვივლენენ ამ ზამთარს, ან წყალდიდობას — ზაფხულშიო...

მაგრამ მურათბიმ არავის უგდო ყური. ორ უცხოელთან ერთად მწვერვალზე ავიდა. ადგილობრივმა მკვიდრმა პირველად გადახედა ცის დასალიერიდან მშობლიურ ხეობას, ციხე-სიმაგრესავით შეკრულ სოფლებს, ენგურს — სვანეთის ცისფერ ძარღვს, მაცუთუნებლად რომ ლიცილიტებდა სადღაც შორს, გოლიათი მთების სიღრმეში.

კოშკები კი თეთრი ანგელოზებივით ადგნენ თავს ცასთან მიახლოებულ ქვეყანას... ყოველგვარი უწმინდურობისა და სიავისაგან, არაკეთილისმოყვარულთა ხელყოფისაგან იცავდნენ აქაურობას.

თვალისმომკვრელმა სილამაზემ დააბრმავეა მურათბი. ყოველივე მშობლიური და ნაცნობი ათასჯერ უფრო ახლობელი და საყვარელი გახდა ამ წუთში.

„რა დოვლათიანი, სიკეთით აღესილი ყოფილა თურმე ათასფრად აკრელებული ლომის ხეობა? და ადამიანები კი ვერ გრძნობენ, ვერ ამჩნევენ ამას. ისინი ველარ ეტევიან, ველარ იყოფენ თვალუწვდენელ საბალახოებს, მინდვრებს, ტყეებს, ებრძვიან ერთმანეთს, არის ერთი ტაცობა და ხოცვა-ჟლეტვა“... ფიქრობდა მწვერვალ-დან მომავალი მურათბი.

„ამ ხეობის კაცი რად უნდა აღესრულოს ისე, რომ ეს სილამაზე მთელის ძალით ვერ შეიგრძნოს, ამ გოლიათების კალთებამდე ვერ ამალღდეს?...“ — უხაროდა მურათბის. აღმაფრენას მოეცვა მისი სხეული; რაღაც სიმსუბუქე დაუფლებოდა. ახლა იგი გულში ემადლიერებოდა კიდევ ამ უცხო ადამიანებს, ვაჟკაცობასა და გამბედაობას უწონებდა. ისინი შორეული ქვეყნიდან ჩამოვიდნენ სვანეთში. — „წითელ კუთხესთან“ ერთ-ერთი ინგლისელი უფსკრულში გადაიჩენა, მაგრამ ვერც აშან შეაშინა მოლაშქრეები. მურათბი გრძნობდა, რომ არავითარი ავსულები არ ყოფილან ინგლისელის მოწყდომამში დამნაშავე. იგი მის თვალწინ გადაიჩენა ქარაფზე, ფეხი არ დაადგა იქ, სადაც საჭირო იყო, ხელი არ მოჰკიდა საიმედო შვერილს, ღონე ვერ ეყო, რომ თავი შეემაგრებინა, საერთო თოკში არ ჩაება და კიდევ შეიძლება ჩამოეთვალა უამრავი მიზეზი. ესენი რომ არა, არაფერი არ მოხდებოდა.

— ქაჯ-ეშმაკები შეიძლება ადამიანს ესხდნენ ტვინსა და გონებაში, უშმაზე კი იმათ ნურავინ დაუწყებს ძებნას... — ასე უთხრა სვიმთან მოქოთქოთე ხალხს მურათბიმ, ყველაფერი, რასაც გულში ფიქრობდა, ხმამალა განაცხადა...

მაგრამ მაინც არავის სჯეროდა, ადამიანმა ფეხი თუ შედგა უშმაზე. მურათბის ნაამბობი სასაცილოდ არ ჰყოფნიდათ.

— შენგან გვიკვირს ამგვარი ამპარტაუნობა, უშმაზე ასვლა ასე ადვილი რომ იყოს, მაშინ „ლილეოს“ რაღაზე ეუმღერებდით ოქროსფერ მნათობს, ამ სიშორიდან რაღაზე მიველაციცებოდით? მუხლმაგარი ვაჟკაცები ფერხულით ჩამოიტანდნენ მიწაზე და იმის სხივებს მთელს ქვეყნიერებაზე მოაბნევდნენ... — უთხრა მურათბის ხალხის წრიდან გამოსულმა სოფლის მახვშიმ, კლაროსანმა ნაბდისქუდიანმა, და თან გამომცდელად შეაჩერდა თვალებში, აბა რას მიბასუხებდსო.

— ადვილი არაა, ხოშა ბაბა, მაგრამ ასვლა კი შეიძლება. და არც ქაჯ-ეშმაკები და ავსულებია მანდ სადმე...

— ასე რომ იყოს, მაშინ ლეჩაქიანებიც მოსურვებდნენ იმის კალთებზე ფეხის შედგმასა. ღმერთქალების ქვეყანა იმათ უფრო აინტერესებთ ვიდრე ჩვენა, ისინი დალების მორღმისანი არიან...

მურათბის ირგვლივ წრე თანდათან ვიწროვდებოდა. აღშფოთებულნი ნაბდისქუდიანები თვალთაგან რისხვას აფრქვევდნენ — ვერ ეპატიებინათ თანასოფლელისათვის თავნებობა, ქვეყნის აბუჩად აგდება და სიცრუე.

— ადვილიაო, ვინ იტყვის, ხოშა ბაბა, მაგრამ ჩვენ რომ ავედით იმ გზით ერთ კაცს, ვინც უნდა იყოს იგი, ხვალვე ავიყვან მწვერვალზე, გამაყოლებთ და მერე იმან თქვას სიმაართლე, იქნება იმას შეხვდნენ სადმე დალები და შაშიშები... — თავს იმართლებდა ხალხის წინაშე მურათბი კიბოლანი, მაგრამ მის სიტყვებს დამაჭერებლობა აკლდჯ იგი მარტოკა იყო, მოწმისა და თანამზრახველის გარეშე. ამას თვითონაც გრძნობდა მურათბი, გრძნობდა და ისეთ სიტყვებს ეძებდა, რომ ამ ადამიანებისათვის ერთბაშად განექარებინა სულში დასადგურებული ურწმუნობა და იქვი...

— ისევე აიყვან, ის ბედშავი ინგლისელი რომ აიყვანეთ, არა? — გამოხტა წრიდან ვილაც ახლად წვერულევაშაშლილი ახალგაზრდა, რომელსაც აშკარად ეტყობოდა, რომ მურათბის ნამოქმედართ კი არ იყო განაწყენებული და აღშფოთებული, არამედ მოედანზე შეკრებილ ქალებში თავის გამოჩენა ეწადა.

— ბალო, შენ იყუჩე მანდა, ქვენა გრძნობისაგან რომ განთავისუფლდები, მაშინ გამოიდე თავი სოფლის წინაშე. — შეუბრალებელი იყო სოფლის მახვში ყველას მიმართ, ვისაც კი სიყალბესა და ორჭოფობას შეამჩნევდა.

წრე კვლავ ვიწროვდებოდა.

„რა უთხრას ისეთი? რა უნდა უთხრას?“

— ინგლისელი უკან დაბრუნებისას გადაიჩეხა. კლდე გადმოენგრა და იმან გადაიყოლა. ჩვენ გავაფრთხილეთ, აქ საშიში ადგილია და თოკით დავეშვათო — მაგრამ არ გვისმინა და ასე მოუვიდა. ყველა მონადირეს შეიძლება შეემთხვას ასეთი რამ, ოღონდაც არავითარი შაშიშები მანდა არ ყოფილან. ეს ასეა...

— გეტყობა განდიდების სურვილმა აგიყოლია და იმაზე უბნობ ასერიგად? იქნება ფიქრობ, რომ ჩვენი გაბრიყვება ადვილია? ერთი ამბავი მაინც რად არ გახსენდება, წითლაანების უფროსმა წმინდა ჩახის ტბაში თავისი წვირიანი ჯაბრალეები რომ გარეცხა, რა უბედურება მოუტანა მთელ ხეობას. წმინდა ელიამ წარღვნა მოუვლინა ქვეყნიერებას, ცხრაკვაზაგარიდან მოხეთქილმა მეწყერმა ცოცხლად ჩამარხა მთელი სოფლები, აი, ამჟამად ჩვენ რო დაედევართ და დავებარგანაობთ, ამ მიწის ქვეშ ძველი ლანჩვალის გასუსულა თავისი მურყვამებით, გალავნიანი მაჩუბებით.

ტალახს ქვეშ ქრისტეს წესაუგებლად განისვენებენ ჩვენი წინაპრები... ხვნის დროს აღარსად გამოსდებია შენი კაე-გუთანი კოშკის



ქონგურსა? ორსართულიანი დარბაზების შებოლილ დირიჟებსა? მაშინ ხალხი დიდ-პატარიანად გაწყდა. ამ მოედანზე დასტიროდნენ ცოცხლად დამარხულებს და იმაზეც ჰქვია ამ ადგილს ლაგუნიაში<sup>1</sup>. ჟამიანობასაც არ უმსხვერპლია იმდენი ადამიანი... აი, თურმე რამდენი უბედურებისა და სიავის მოტანა შეუძლია ბრიყვსა და გაუგონარ კაცსა, იმის მოქმედებასა და საქციელსა... — სოფლის მახვშიმ ირგვლივ შემოჭარულ ხალხს გადახედა. — ხო მართალს ვამბობო.

— ეგრეა... ეგრე... — ამოიხუვლა ხალხმა და ამ ყრუ ხმას მთელი თავისი გულისწყრომა, აღშფოთება და მუქარა ამოაყოლა.

— წითლანების უფროსი ბუნებამ დასაჯა თავისი სიბრიყვისა და უმეცრებისათვის, ზელ მთის წვერზე უწია ცით მოვლენილმა რისხვამ, მენმა დაარეტიანა და მოუღო ბოლო. შენი თავი კი ჩვენ ჩაგვაბარა მამაუფალმა განსასჯელად, იმიტომაც გასამართლებთ ახლა...

— მე მართლა ვიყავი მწვერვალზე. ვიყავი და დაებრუნდი. ახლა კი თქვენს წინაშე ვდგავარ როგორც ხედავთ, ჯანმრთელი და სალსალამათი. არავითარი აესულები მანდ არ დაგვინახავს, რომ ყოფილიყვნენ, ალბათ მომიზღავდნენ კიდევ მოსაზღვეველსა...

— რაო, არ მოგიზღეს? იმასაც იტყვი, არ მოგვიზღესო? აბა ის ინგლისელი როგორღა გადაიჩეხა? იქნება თქვენ თვითონ გადაუძახებთ მოუსაველეთში, ა?

— მე იმ სიმაღლიდან დავეურებდი ჩვენს ხეობას, იმის ტყეებსა და საბალახოებს. თქვენცა გხედავდით მაღლიდან, პირველად ჩემს სიცოცხლეში ვიგრძენი მთელის ძალით — თუ რაოდენ პირქუშნი და გაუტანელნი, მკაცრნი და უნდონი ვართ ადამიანები ერთმანეთის მიმართ.

ჩვენს ცხოვრებას, სწორედ ის სილამაზე და მომხიბვლელობა აკლია, ასე უხვად რომ მოუმადლებია ბუნებისათვის ზენაარსა. და მიკვირდა, რატომ აღრე ვერასოდეს ვერ ვიგრძენი ეს ამბავი, რად ვერ მიეხვდი ყოველივე ამას. მაშინ გავიგე, რომ უშბაზე ამაღლება და იქიდან თვალის გადავლება, ქვეყნიერების სიდიადის დანახვა არავის არ აწყენდა, თვით პატროსნებითა და ჰკუაგონებით განთქმულ სოფლის მახვშებსაც კი. პირიქით, უფრო განადიდებდა მათ იმიტომ, რომ იქ განცდილს ყოველივე დიადსა და ლამაზს ფეტვის თესლივით დათესავდნენ თავის ხალხში, აკი სწორედ ამისათვის არიან მოწოდე-

<sup>1</sup> სე. დასატირი ადგილი.

ბუნის სოფლის მახვშები. ჰოდა, დათესავენ და შემოდგომაზე სასიკეთო მოსავალსაც მოიმიტინენ. მაშინ ჩვენს ყოფასა და ბუნების სიდიადეს შორის ამხელა ზღვარი აღარ იქნებოდა. ასეთი ფიქრით მოვიდოდით თქვენთან და მჭეროდა, რომ მომისმენდით და გამიგებდით.

წრე სრული მთვარისხელა გახდა. მთვარე კი ილეოდა. იმათი თვალებიდან გადმონთხეული რისხვა ნაპერწყლებად ეყრებოდა ვაჟკაცს სახეზე, მხრებზე... ლაპარაკს უშლიდა, გონებას უბინდავდა...

„რალაც უნდა უთხრას ისეთი, რალაც უნდა უთხრას...“

— ჩემს სიმათლესში მინდა დაგარწმუნოთ. ახლავე შემიძლია დავიმტკიცოთ, რაოდენ მართალი ვარ თქვენს წინაშე, რაოდენ პირნათელი — მურათბის რალაც უცნაურმა ფიქრმა გაპკრა გონებაში, ეს უკანასკნელი სიტყვები მეტის რწმენით და დამაჯერებლობით წარმოთქვა.

ხოშა ბაბამ ხალხს გადახედა. ხალხი სოფლის მახვშის მიაჩერდა, გადამწყვეტი სიტყვის მოლოდინში. იგი დუმდა. სათითაოდ ათვალიერებდა თანასოფლელებს, თითქოს იმათს მზერაში უნდა ეპოვა თავისი სათქმელი. ცისფერი, თოვლის ანაბზინისაგან დავიწროვებული, სისველეგამჭდარი თვალებით ხალხის ფიქრისა და ნებასურვილის ამოცნობას ლამობდა.

— ჰოდა, დავიმტკიცე შენი სიმათლე... — აღმოხდა კარგა ხნის საეჭვო დუმილის შემდეგ ხოშა ბაბას. — დავიმტკიცებ და ეგ იქნება ვაჟკაცობა.

ხალხმა ერთი წუთის წინ მსჯავრდადებულის გასათქვრად რომ მიიწევდა და ბრაზისაგან გმინავდა, შეებით ამოისუნთქა, თითქოს მხრებიდან დიდი რამ ტვირთი მოიშორაო, თითქოს მოკუმულ ბაგეპირზე ლობარები შეხსნესო, ოდნავ შესამჩნევი ღიმილი გადაეფინათ მოკუფრულ სახეზე. მუბლის ნაოქები გადაეფარცხათ, მათს რისხვაგამჭდარ თვალებიდან მზემ გამოიხედა.

— ჩემს სიმათლესში თუ დაგარწმუნებთ, კვლავაც მიხილავთ თქვენს შორის, თუ ვერა და სამუდამოდ დაკარგულად ჩამთვალეთ, თავად გამოვუტან განაჩენს საკუთარ თავსა...

მურათბიმ ლაფაროში გამხმარი ფიჭვის გული დაანახეჩა, ბრტყელი თასმებით შეკრა და ზურგზე მოიკიდა. მერე მთებისაკენ გაუდგა ბილიკს.

ამბობენ მეორე თუ მესამე დღეს უშბის თავზე კოცონი ავიზგიზ-

დაო. მთელმა სოფელმა ნახა თურმე „ლემოვით“ აფრიალებული, მთვარესთან და ვარსკვლავებთან მოლიცილ-მოელვარე წითელი ალი. მალე კი საღ-საღამათი მურათბი სოფელში დაბრუნდა. მას მერე ყველა დიდის სიყვარულითა და პატივისცემით ეპყრობოდა მანაც მონადირეს, უშბის პირველდამპყრობს. მაგრამ ცრუ რწმენას ასე იოლად რა ჩააქრობდა ხალხში. ერთხელაც გაუგონარმა დიდთოვლობამ გაწყვიტა სოფლის ფრინველ-საქონელი. მახეშებმა მარჩიელს და ღვთისმსახურს მიაკითხეს — მაინც რა დავუშავეთ ასეთი მამაზეციერს, რად გამწყრალა აგრერიგად, რას გვემართლებათ. მარჩიელსაც და ღვთისმსახურსაც რაღაც უნდა ეთქვათ სარწმუნო და გულსმოსახვედრი. და მათ მურათბი გაახსენდათ — მურათბი კიბოლანი და მისი საქმენი.

— პაიდან<sup>1</sup> შერებივით<sup>1</sup> ამოწყდეს კიბოლანთა საქმო. დასწყევლოს ქაჯ-ეშმაკების უშბასთან მებრძოლი კაცი ბუნების ძალამ, რადგანაც ნათქვამია „სადაც არღარა გესაქმება, ნურც გაიხედავო“... მურათბიმ გაიხედა კი არა, თავისი ქაბრალებით შეაჯერა უშბის კალთები... — თქვეს მარჩიელებმა და ღვთისმსახურებმა.

ხალხს კი მეტიც არ უნდოდა...

## თეთრი მოხუცი: უზენაესი სამსახური

ერთ ღლეს მაქსიმემ გამოიარა.

ის და ბესარიონი განმარტოვდნენ და საიდუმლო ბჭობა გამართეს, დიდ ხანს ისაუბრეს, ბოლოს შუა ოთახში გავიდნენ და თითქოს ეშმაკებს ესაუბრებიანო, თავის კანტურსა და ქნევას მოჰყენენ.

უფროსებს რაღაცის თქმა ეწადათ...

მიხეილს სიმწრის ოფლმა დაასხა.

— მაშ, ძალიან გინდა, არა? — ჭიჭურ შეეკითხა ბოლოს მაქსიმე ძმისშვილს — არ ეშვები?

მიხეილი მიხვდა, რაზეც ეკითხებოდა.

— ძალიან მინდა და არც შევეშვები...

— ხედავ, რა ჭიუტია? — ჩაერია საუბარში ბესარიონი — ვის დაემსგავსა ნეტავი? ხერგიანებში აბა ვინა გყავს მასეთი შეუსმენელი.

<sup>1</sup> პაიდანშა. სე. თქმულების მიხედვით ერთ ღროს ძლიერი გვარი ღემა დაწყევლა. ხალხი ამ წყევლას უკავშირებს პაიდანშერების განადგურებას.

მინეილს მხრები ჩამოეყარა, მაქსიმესი რცხვენოდა და ერიდებოდა რატომღაც ყოველთვის. ნერვიულობისაგან, თითქოს მყინვარზე საფეხური უნდა ამოჭრასო, ცალ ფეხს იატაკს ურტყამდა. მამა-ბიძის ნალაპარაკებიდან ჯერ მისთვის სასიკეთო აზრი ვერ გამოეტანა.

— „აღდგომა და ხეაღწევა“ — გამომცდელად დააჩერდა მინეილს მაქსიმე, — დილა უთენია მამლის ყვირილზე გავუღებებოთ ბეჩო-შინჩის გზას. ჰოდა გამოჩნდება. შენი ვაჟეცობა. ახლა კი დამშვიდდი და ათასი სისულელე გამოიბერტყე თავიდან...

— იქნება ჯერ არ გსმენია დედის წინ მორბენალი კვიციის ამბავი? — ენასე იებიანა ადგილზე გახევებულმა ბესარიონმა. კიდევ უნდოდა ეთქვა — „რომ რამე მოგივიდეს, მამაშენს აღარაფერი დააბრალო“, მაგრამ თავი შეიკავა.

„გამწარებულია... როგორი გამწარებულია...“ — ფიქრობდა მინეილი.

— ჰოპლიკა მამაშენს აჯობე, გიხაროდეს... — თქვა მერე გამწარებულმა ბესარიონმა. ახლა წადი და ანტონს გამოემშვიდობე! მამამ დაიყინა ჩემი იქ წასვლა-თქო, ასე უთხარი, თორემ შენი თავნებობის ამბავი თუ გაიგო, გული მოუკვდება მოხუცს...

მინეილმა პირველად ახლა წამოსწია თავი. მსგავსი განცდა იშვიათად დაეუფლებოდა სხვა დროს, ბესარიონის ბოლო სიტყვებზე კვლავ აკიაფდნენ მაცდუნებლად შორეული მწვერვალები. მთები უხმობდნენ მინაანს, მთები ეძახოდნენ. ამიერიდან ონავრის მახიდან თავდაძქრენილი ჩიტივით თავისუფალი იყო. თავი რომ ასწია, ბიძაა მაქსიმეს გაღიმებული სახე მოხვდა თვალში, მაგრამ ბესარიონის პირქუშმა მზერამ გუნება ჩაუმწარა.

„ნუთუ ამ კაცმა მითხრა — წადი, თეთრ მოხუცს გამოემშვიდობეო? ამ დაღვრემილმა, სევდიანმა კაცმა?“ — ეცნელებოდა ამისი წარმოდგენა. ბესარიონს ღრმად ჩაცვენოდა თვალები. იგი თითქოს მომტყდარიყო, დაჩივებულყო. ამ წუთში აღბათძნელად თუ დაიჭერებოდა ვინმე, ეს კაცი რომ უშიშარი მთამსვლელი, პირველი მომღერალი და მოცეკვავე იყო.

• •

— რალაცნაირი გაუთვითცნობიერებელი ქმუნვა-ტყვილი და სინდისის ქენჯნა შეუფლება ხოლმე იმ წუთის გახსენებაზე. მას მერე მამაჩემის ჩრდილგადაკრული სახე გაფრთხილებასავით დამყვებოდა

ყველგან, სადაც არ უნდა ეყოფილიყავი. დიდხანს ვერ გამეგო, რას ნიშნავდა ღინჯი და დარბაისელი ადამიანის ასეთი აფორიაქება.

მხოლოდ მერე, დიდი ხნის მერე, სახიფათო განსაცდელის უამსლა 'მივხვდი ყოველივეს — მამა მთამსვლელი იყო და კარგად ესმოდა, რომ ამ კლდიან გზაზე მოაჭირებიათ ბილიკები არ არსებობდა. ბრძოლა იყო საჭირო ბოლომდე. ბრძოლა ვეაკაცური და შეურიგებელი. ტორეადორივით ან უნდა გაგემაჩვენა, ანდა დალუპულიყავი. სხვა გზა ნამდვილი მთამსვლელისათვის არ არსებობდა. სამწუხაროდ, ჰემ-მარიტი მესიძალდეებიდან სიბერეს ძალიან ცოტამ მიაღწია.

სვანეთში ამბობდნენ:

— „უშბა და თეთნულდი, რაც არ უნდა იყოს, კლდეა, მიწაა, ხოლო მიწისა და კლდის მომრევი ამ ქვეყანაზე ჭერ არავინ დაბადებულაო...“

კარგად იყო ნათქვამი. ვერაფერში შეედავებოდით, აკი საამისო მაგალითები ყველასდასავალალოდ თავზესაყარი ჰქონდათ — ავსტრიელთა ჭგუფის, რაიზერის, ალიოშა ჭაფარიძის, ქელეშბი ონიანისა და მუხინის ტრაგიკული აღსასრული უშბაზე, პიმენ დვალისა და სიმონ ჭაფარიძის დალუპვა თეთნულდზე, გაბრიელ ხერგიანის ჩაჩუპქერვა კავკასიონის ნამქერებში...

მამა კი, ნებსით თუ უნებლიეთ თითქოს მიბიძგებდა ამ გზაზე. იგი ფიქრობდა, მე რომ მთებისთვის მეგანა, ჩემი შვილიც სხვა გზას დაადგებოდა. ვიცი, სწორედ ასე ფიქრობდა მაშინ მამა და მწველებლურად განიცდიდა კიდევ.

— შემდეგ, როცა ჩემი მთამსვლელური ბილიკები ასე თუ ისე გაიკვალა და გაიტკეპნა, თითქოს მაინც დამნაშავედ ვგრძნობდი მის წინაშე თავს. და ვიცი, რომ ეს გრძნობა არასოდეს არ განქარდება ჩემი გონებიდან, არასოდეს, ოღონდ ის კი არ ვიცი, კარგია ეს თუ ცუდი...

• •

— ასეა, პირველ გამოცდას ბიძაშენს ჩააბარებ... — მკაცრად გადახედა ბესარიონმა მიხეილს — თუ ისე ვერ ივლი, როგორც საჭიროა, უკან დაგაბრუნებს. ახლა კი ანტონთან გასწი, იგი დაგარიგებს და დაგლოცავს...

ძველ მონადირეს, ოთხმოცდაათს გადაცილებულ მოხუცს ახლაც ჭეელივით უჭრიდა თვალს. არც მუხლი დალატობდა, მკლავიც ერჩო-

და. სულ სათიბში, ტყეში იყო. კობტად ჩაცმა-დახურვა უყვარდა. სადაც არ უნდა ყოფილიყო, აჩაჩულ-დაჩაჩულს, გაუპარსავსა და უმუჯვროს ვერასოდეს ნახავდა კაცი.

„თეთნე ანტოლს“ უძახდა ხალხი.

თეთრი თმა-წვერი რომ ჰქონდა მართო იმაზე კი არა — უფრო დარბაისლური აზრებისა და ნათელი ჰკუა-გონების გამო, მართლაც თეთნულდრებით სპეტაკი მოხუცი იყო. კავკასიონის წვეარნებზე გლევისაგან თუ ნათესავ-მეზობლების, თანამოფლელთა და საქვეყნო ჭირსა და ლხინში გაქალაქავებულ ანტონზე ამბობდნენ კიდევ — „ისეთი კაცია, მტერი არა ჰყავსო...“ სვანეთში კი უმტერო ადამიანი ძნელი წარმოსადგენი იყო. სვანეთში, სადაც მეტადრე თეთრი მოხუცის ჯელობაში, შურისძიების, სამანთა ცილაობისა და სისხლის აღების ძველისძველი უმეაცრესი ტრადიციები ბობოქრობდა.

ყოვლისმცოდნე, ტკბილმოუბარი იყო მოხუცი.

სვანეთში ჩამოსული მოგზაური, თუკი მას ეგზოტიკური სანახაობით ტკობის გარდა სხვა რამ მაღალი ინტერესებიც ჰქონდა, უცილობლად ანტონთან მიდიოდა სასაუბროდ, გასათვითცნობიერებლად.

მიხეილს მამისა ეშინოდა ყველაზე უფრო, მორიდებით კი თეთრი მოხუცისა ერიდებოდა სხვაზე მეტად. ამიტომაც იმ საღამოს ბაბუა ანტონთან ვერ იტრუა მამამისის დარიგებისამებრ. სიმართლე უთხრა — ზეალ დილაუთენია ბიძია მაქსიმეს ჩრდილოეთში მიყვავარ, მამა არ მიშვებდა, მაგრამ დაეიყოლიეო...

თეთრმა მოხუცმა დღენიდაც ნადირის თვალთვალისაგან ოდნავ მოქუტუთული საოცრად მეტყველი და მშვიდი თვალებით თავიდან ბოლომდე აათვალთვალა მინაანი.

დიდი სითბო და სიყვარული ჩაბუდებულიყო ღინღობიდან მყინვარებსა და თოვლთან, მიწის სიმწირესთან ნაბრძოლი მოხუცის არსებაში. გრძნობდა მიხეილი, იგი უსიტყვოდ, უხმოდ ეფერებოდა, ვალერსებოდა მას. კაცი ვერ შეატყობდა, თუ სხვა რამეზე ფიქრობდა ახლა იგი. ფიქრობდა კი.

— მეც თავნება და შეუსმენელი ვიყავი ჯელობაში. ჩემი რომ არ გამეტანა, ისე როგორ იქნებოდა. იტყვი, რახან ბაბუა ანტონმა, ასეთმა კერპმა და ჭიუტმა კაცმა აქამდე მოაღწია, თავნებობა არც ისეთი ცუდი რამ ყოფილაო. — წყნარად დაიწყო მოხუცმა — მაგრამ ისიც იცოდე, რომ მონადირის საქმე სულ სხვაა, მთამსვლელისა კი — სხვა. მონადირეს თუ არ გაუმართლებს, ხელცარიელი დაბრუნ-

დება და ის იქნება. მონადირემ თავისი გზა-კვალისა მხოლოდ თვითონ იცის და კიდევ მისმა ოჯახმა.

თუ შერცხვება, თავის თავსა და შინაურებთან შერცხვება. მთამსვლელის სიარულს კი მთელი ქვეყანა ადევნებს თვალსა. მთამსვლელი თავის გამარჯვებასა თუ დამარცხებას ვერ დამალავს ხალხისაგან. ორში ერთი — ან სადიდებელი შეიქმნება, ანდა — სასაცილო... იმათზე ხომ გაზეთებში წერენ და რადიოთი აცხადებენ.

ასეა, მთამსვლელი თავის თავს როდი ეკუთვნის. ო, ძალიან ძნელი საქმეა ეგ ამბავი, ძალიან ძნელი...

ანტონმა ცოტა შეისვენა; თითქოს ერთი აზრი მოათავა და წერტილი დაუსვაო, მერე განაგრძო:

— მონადირე, მართალია, ეშმაკის კლდეებზე დაბლოტილობს, მაგრამ სიმალღეებს კი არ ეტანება მაინცდამაინც. არც სჭირდება მას დიდ სიმალღეთა დამორჩილება, ამიტომაც იყო ალბათ, მთიელებმა, ტაბუ რომ დაადეს ცისიერ მწვერვალებს, თორემ როგორ გგონია, ბეთქილსა და მურათბი კიბოლანზე ადრე უშბასა და თეთნულდზე ჩვენი წინაპრები ვერ ავიდოდნენ? ცისიერ მწვერვალებზე, სადაც ახლა ნადირობის ქალღმერთები — დალები სახლობენ, ასე გამწარებულნი რომ მფარველობენ და შეთვალყურებენ თავის სამწყსოს, არჩე-ჩიხვთა არვეს...

ოქროსთმიანი დალები!..

ჩორლასავით გაუმაძღარმა, პირსისხლიანმა მონადირეებმა კი რა ხანია დაურღიეს მათ მყუდროება — განრისხებით წარმოთქვა ეს სიტყვები ანტონმა — თქვენ უნდა შეირიგოთ დალები. ადამიანსა და მთის ფერიებს გასაყოფი და საცილო არაფერი აქვთ. თუ მონადომებთ და კარგად ივლით მთებზე, აუცილებლად შეგირიგდებიან ისინი.

ზოგს დალი კაცთმოძულე, უსულგულო არსება ჰგონია. არაა ეს მართალი. დალები ხომ ხალხმა გამოიგონა და შეთხზა თავისსავე სასარგებლოდ, ბუნებასა და ადამიანს შორის ურთიერთობის მოსაწესრიგებლად... გამოიგონა და ნადირთმრავლობისა და მოშენების მეუფედ ყველაზე მაღალ ქარაფებზე დაასახლა, რომ ახლოს ველარავეინ გაჰკარებოდა, ველარავეის ხელეყო მათი უზენაესი მეუფება, რათა ლაშაზი ამბავი დალების შესახებ არასოდეს არ გამჟღავნებულყო.

დღეს უკვე აღარ არის ალბათ ამისი საჭიროება. ყოველ შემთხვევაში ახალი ადამიანები ასე ფიქრობენ, მათ ნადირობის ძველთაგან

მომდინარე წეს-კანონები მოშალეს, აღარაფერს დაგიდევენ, ოღონდ სურვილი მოიკლან, მთელს ქვეყანას მოედვენ ჩორლასფერანი, გაუმაძლარი, პირსისხლიანი მეხთვიარები. ლომის ხეობაში ხომ ტყუბულებივით მომრავლდნენ ისინი.

აი მოუგდე ყური, ყველგნით იმათი ბათქა-ბუთქის ხმა მოისმის.

მინაან, შენ თუ იცი ლეთისნიერი, გულჩვილი სამი ძმის ამბავი? ეს, რომ იცოდე, არც ისე ძველდროინდელი ამბავია, ეს არის გრძელი ლექსი ჩორლასფერათა ბოროტების, ავგულობისა და გაუმაძლრობის დამკვიდრებაზე ლომის ხეობაში. შენ არ გსმენია, მინაან, სამი ძმის აღსასრულის ამბავი? აი, მე მოგიყვები. იმ ლექსს ბოლომდე, თავიდან ბოლომდე მოგიყვები და მერე შენ თქვი, ბებრუხანა და პოპლიკა ბაბჟა ანტონს დამშვიდებულსა და გულდარხენებულსა თუ ჩაესვლება იმ ქვეყანაში, საიდანაც აღარავინ ბრუნდება. პოპლიკა ანტონს, რომელიც ბევრის მომსწრეა, მაგრამ ასეთი რამ, რასაც დღეს ამცნობენ ბებერი თვალები, არასოდეს გაუგონია. ამდენი ჩორლა არა-სოდეს უნახავს ერთად.

ჰო, იმ ლექსს შეგპირდი, არა?...

თეთრმა მოხუცმა წამით შეისვენა, თითქოს ძალა მოიკრიბაო გრძელი სიტყვის სათქმელად და რომ სჩვეოდა, ისეთი დარბაისლური, აზრიანი და გულში ჩამწვდომი ხმით დაიწყო:

მაწვალის ტყეებში დაეგლებიან ჩემი ეყუები,  
ხენჯრებში მკრელო წილღები გაურქვიათ,  
ხელთ ჩაუბლუჯათ ხარიშები.  
ბუერიანში დათვები დაკოდეს,  
ლოლოიანში — მგლებია ღრენია,  
წართხლნარში — მელები, ტურები.  
ნერე შიადგნენ დუნარს და დუნარს —  
წარაფებს ყიხეები შეფენოდნენ.  
ბროლის რქები ქიონათ,  
ჩლიქები — საფირონის,  
თეინიერი, კაცივით თეინიერი თვალბი,  
ზურგსა და მუცელზე: — ოქროსფერი ბალანი  
კაიაჩები — მყინვარ-ვერცხლისფერი.  
კეთილნი იჯენენ, მშვიდნი, ზეციერნი  
გიცრულის სურნელი ასდოდათ...  
ეაუებს კი, ჩემს ეაუებს,  
ერთბელ ნერვიც არ გასტოკებიათ,

<sup>1</sup> სე. სოკო.



ვაუები, ჩემი ვაუები,  
 ვინ არ დაუბაფრავთ ცთუნებაზე.  
 ტყავის ხალთები მოიხსნეს მხრებიდან,  
 ონაერებიოთ მოქაჩგვეს ღუცნარი;  
 აუ, რამდენი ღუცი მოგვიზიდეს.  
 მალალი ღმერთა გამწყალი თორემ —  
 ამბობდნენ სოფელში ჩენს ვაუებზე,  
 ქირკილებდნენ პირხმელი, მრეში კაცები  
 მუხლმოკანკალე ფოთარს როგორ ვერ დათოთავდნენო  
 აბა რა, რა იცოდნენ ჩემი ვაუების,  
 აბა რა, რა იცოდნენ იმათი გულის,  
 აბა რა, რა იცოდნენ იმათი ძარღვის...  
 ქაწვალის ტყეებში დაეგლებოდნენ,  
 ხეანჯრებში მკრელი წაღლები გაერქოთ,  
 ხელთ ეპყრათ ხირიმის თოფები,  
 ტყავის ხალთები მხარზე ეკილათ,  
 კოდადნენ დათვებს, მგლებსა და მელებს,  
 ჭიხვებს კი.. რეალს უანწები ეღვათ,  
 მუინეარ-ვერცხლისფერი ქაჩაჩები,  
 ოქროსფერი ზურგის ბალანი შევნოდათ.  
 მაწიერნი იყენენ ჭიხვები,  
 გიცრულის სურნელი ასდიოდათ.  
 სისხანზე ფოთარებს სკუპ-სკუპს ასწაელიდნენ,  
 ცურს აწოვებდნენ,  
 შუბლს ულოკავდნენ.  
 რა ლამაზი იყენენ ჭიხვები...  
 ერთხელაც ასე,  
 ქაწვალის ტყეებში მობლატუნებდნენ,  
 - თქვე მჩხავანანო, კუქცარიელნო, კალაჩუნანო!...  
 უოილის ზეაეი მოაწედა მთიდან —  
 ნადირთ საკოდად თუ მოსდიხართ, მონადირეთ,  
 ეითარც ჩენს მოდგმას შექფეროს, — რე!  
 თქვენს დაფეთებულ თაბუნს შინც როდემდე ესდიოთ?  
 ეს ქარათები იმისია, ვინაც დაიარს,  
 ეს რკაბრტყელანი იმისია, ვინაც დათოდავს,  
 კილლო-მალლოთა ხეე-ხუეებში მოქაჩგონ ღუცი  
 ჭიხვთა მფარველი დალია და შურთხი თეთნულდის,  
 ადამის ძეთა სიბრალული რაღად სპირით?!  
 ვაუებს, ჩემს ვაუებს,  
 რამდენი ღუცი მოქონდათ ხოლმე.  
 ბებრუხანებს როგორ გვიყვარდა ღუცი.  
 მაწონის გემო ჰქონდა და ეეძასი —  
 ფობრერის სეიფში რა მოჩუხჩუხებს...

წყველ მთვარის. დღეს  
სამჯერ გატყუარა ბერდენა მიწვივ,  
მყრელმა წალღემმა ქვა-ლოდებზე გაიღეს კენესა,  
საესე ხალთები წარაფებზე დაკორიალდნენ.  
არა, არავის დაუთოფავს ამჯერად ჭიხვი.  
არა, არავის — მეელი ღრენია  
არა, არავის — ბომბორა დათვი...  
მყრელმა წალღებმა ქვა-ლოდებზე გაიღეს კენესა.  
საესე ხალთები წარაფებზე დაკორიალდნენ.  
გულღრკო კაცებმა თავმოწონელ დახედეს თოფებს,  
გამარჯვებულთა აღტყინებით ჩაიჭირქილეს;  
— აწ ვერასოდეს დააფეთებენ  
ჭიხვთა და ფოთრთა,  
მათი მფარველი დალია და  
შურთხი თეთნულდის,  
აღამის ძეთა სიბრალული არად სკირიათი  
მეორე ბექობზე სამი ქვარი აღმართულიყო,  
არყისხის ჭერები არაფრით არ  
ჰგავდნენ იმ ბიჭებს,  
სხვას ველარაფერს ხედავდა ბერიკაცი.  
მეწამულისფერი მოსდებოდა ყოველივეს —  
აუღებელი სისხლისფერი,  
ბრმად დაღვილი სისხლისფერი.  
ო, მშობლიური, მშობლიური სისხლისფერო  
და უმანკო სისხლისფერო  
მთებიდან თოფის ზატიო მოდიოდა,  
შავი ჭერები, ამოზრდილი თოთო სახეები  
ავბედით ჩქამზე აწყებდნენ ბუქენას —  
სამარადეამო ჭაჭეებიდან დახსნას ლამობდნენ...  
ჰაწვალს შესეოდნენ მონადირეები —  
პირმოქუფრულო მრეშთვალება,  
ხმელი კაცები  
და განურჩევლად ბოცავდნენ ყოველს —  
ბომბორა დათვებს,  
მელებს და... ჭიხვებს.  
ღუენარი მთელს ქვეყანას მოსდებოდა,  
აბა და ღუეი ეს რად სკიროდა,  
აბა, ბებრუხანები ვილას ახსოვდა.  
მობუცი ვართხმულიყო არყისხის ჭერებთან —  
აბა, რა, რა იცოდნენ მისი ბიჭებს,  
არც სამართალს სცოდნია, რა, მისი ბიჭების,  
არც ღედამიწას სცოდნია რა, მისი ბიჭების,  
არც ღმერთს სცოდნია მისი ბიჭების,

ამდენი დუცი მოქონდათ სახლში  
ხეანჩრიანები ქაწვალ-პეწვალს დაეგლებოდნენ,  
კოლადენენ დათეებს,  
მგლებსა და მელეებს,  
ჩიხეებს კი...  
კაცის თვალეხი ქონდათ...“

— გაიგე? ხომ გაიგე? — ჰკითხა გაყუჩებულ მინაანს ლექსის მო-  
ყოლა რომ დაამთავრა მოხუცმა და გამომცდელად მიაჩერდა თვალეხ-  
ში, — ხომ გაიგე, ეინაც იყვენ ისინი? ან იქნებ მოგონილი გგონია  
ყოველივე? ისინი, ის „პირხმელი, გულრძო კაცები“ ჩორლასფერა-  
ნი იყვენ მათ ჭიხეებივით დათოფეს ღვთისნიერი ძმები, რათა მერე  
თავისუფლად ეპარაშათ, ეხოცათ ენადგურებიანთ ოქაბრტყელანი. მი-  
აღწიეს კიდეც საწადელს, იმათია ახლა ეს ქვეყანა, აი, მე ახლაც  
ბეჭემს რქაბრტყელათა სისხლის სუნი.

და ასე გაგრძელდება, ვიდრე თქვენ არ აღმართავთ იმ დამარცხე-  
ბულ სამთა ძმათა ალამს, ვიდრე კვლავ არ შემოირიგებთ განაწყე-  
ნიბულ დალებს. მაინც რალა დაგვიშავეს უცოდველმა ღმერთქალებმა?

რაზე ხელვეყოფთ მამა-პაპათა მოგონილ ამბავს?

კვლავაც ესახლონ ისინი მიუვალ მყინვარებსა და ქარაფებზე. კოჭ-  
ტინები სამუდამოდ შეინახავენ წინაპართა მოგონილ ლამაზ სიცრუეს  
კლდის ქალებსა და ფერიებზე... ვინძლო ოდესმე კვლავ საჭირო  
გახდეს დალების მოხმობა. ძველ მონადირულ წეს-კანონთა მოშველი-  
ება, რათა კვლავ ამალღდეს ადამიანში ბუნებისადმი მოკრძალება,  
პატივისცემის გრძნობა, წმინდა, გულითადი დამოკიდებულება...

ჯერ კიდეც ათიოდე წლის წინ ლეგვერის სათიბებში ჩამოდიოდნენ  
ჭიხეები. არჩეები კი სალოკ ქვებთან ეყარნენ დღენიადაგ.

დღესა? დღეს როგორღაა საქმე?

ხანდახან მინდა ბებერ თვალეხს დაეაბრალო, ნადირის ნასახსაც  
რომ ველარსად წაუწყდომივარ, მაგრამ ვაი, რომ ასე არ არის — არ  
ჩამოდიან ჭიხეები ლეგვერის სათიბებში, არც არჩეები სვამენ ლეხ-  
ზირის ვეძას. და რატომ არ ჩამოდიან თუ იცი? განა გაუქრათ იმ რქა-  
ბრტყელებს პირში გემო? გააქციეს ისინი, მინან, დახოცეს და გაანა-  
დგურეს.

ვინც ის სამი ძმა დათოფა, ვინც დალები დაიფიწყა, იმათი არსებობა  
დაივიწყა, იმათ დახოცეს, თორემ ჩვენს კანონებში აგრერიგად იყო  
ნათქვამი — „არ დახოცო დედა ჭიხვი გიორგობამდე, არ დააობლო

ფოთრი, რამეთუ უმწეოსა და უძლურის დაობლება ღვთის გმობად მიგეტვლება.

არ დაყოლო ნადირი ერთზე მეტი, თუ კი გინდა, რომ შენს შვილ-თა შვილებს, მთელს მოდგმას შენსას შემოუნარჩუნო მათა და კლდე-თა მაცოცხლებელი მშვენებანი...“ — ასე ეწერა ძველ კანონებში დღეს იგი აღარავის ახსოვს...

ხოდა, თქვენ რომ ახვალთ იქ, დალებთან, შეირიგეთ ისინი. ნუ გაყრით თავისი მიწებიდან, აღადგინეთ თავიანთ ეფლებებში, ეს უზენაესი სამსახური იქნება, სამსახური ქვეყნისადმი, ლომის ხეობისადმი.

თუკი მოინდომებთ, დალები შეგირიგდებიან. მათაც უყვართ მუხლმაგარი ვაჟაკები, პირხმელი, ქარდაკრული ადამიანები. როცა ისინი კარგად დადიან მთებზე, დალები ზეიმობენ.

დაიმახსოვრე, მინაან, ჩემი სიტყვები, ისიც გახსოვდეს, რომ შენგან შევლას ელოდებიან ისინი... — ეს რომ თქვა, ცოტა ხანს რატომღაც იყუჩა თუთრმა მოხუცმა. თითქოს იმაზე ფიქრობდა, თავი ხომ არ შევაწყინო, ერთი გამომცდელად მიანათა კიდევ თვალები გატრუნულ ბიჭს, ვის გონებაშიაც ახლა ათასი ფიქრი ტრიალებდა, ათასი გრძნობა ებრძოდა ერთმანეთს. მოხუცს ძლივს შესამჩნევმა ღიმილმა დაუხერა სახე და დაწყებული საუბარი განაგრძო:

— დიდი გაბრიელი ნამდვილი მთამსვლელი და მოთხილამურე, დალების კაცი იყო. იმათს შემორიგებნაზე ფიქრობდა. მეუბნებოდა — „მირჩიე როდის შევყარო ხეობა. რომ დალებთან შევარიგო ხალხი, ყოველ შემთხვევაში ეცადო მაინც... თორემ მერე უკვე გვიანი იქნება, მერე უკვე აღარაფერი ეშველება საქმესო დაცარიელდება კავკასიონის ქიუხები ყოველთა სულიერთაგან — ნადირთა თუ ფრინველთაგან, განიძარცვება არემარე, ვითარცა მურყანი ფოთოლთაგან, გრძელი მოსაწყენი ზამთარი დაისადგურებს ლომის ხეობაში და არც არასოდეს გამოზაფხულდებაო...

ასე ამბობდა დიდი გაბრიელი. იმას ესმოდა ჩემი. ესმოდა და უნდოდა საქმეს შესდგომოდა, მაგრამ აღარ დასცალდა, ახლა შენ და ბექნემ უნდა შემოირიგოთ დალები...

უზენაესი სამსახური... — ფიქრობდა მთელი ღამე მიხეილი. ადრე არასოდეს ესაუბრა თეთრ მოხუცს დალებზე, მათს შემორიგებნაზე და ალბათ ამიტომ თუ იყო, ვერაფრით ვერ წარმოედგინა — რანაირად შეიძლებოდა ღმერთქალების შემორიგება.

რას გულისხმობდა „შემორიგებაში“ თეთრი მოხუცი?

ან გაბრიელი როგორღა აპირებდა მაგ ამბავს?

„დალების შემორიგება!“ ეს ანტონისეული ფილოსოფია იყო უწვერულვამო ბიჭისათვის ძნელად გასაგები ოღონდ ისეთი, რაზეც უნდა ეფიქრა, და რაღაც არ უნდა დასჯდომოდა — გამოეცნო, ანტონს იმედი ჰქონდა ამისი, თორემ ისე ტყუილად ენას არ მოიღლიდა თეთრი მოხუცი.

„ანტონის სიტყვა ისეთი ღრმააზროვანია, ათეული წლების მერე გაცხადდებო...“ — ამბობდნენ მეზობელ-თანასოფლელები თეთრ მოხუცზე. და მართლაც ასე მოხდა, გვიან, საკმაოდ გვიან ჩახვდა მიხეილი მოხუცის სიტყვების დედააზრს...

• •

— მეორე დილას მამლის ყვირლზე გავეუდექით ბეჩოშინხრის გზას მთული ღლე შეუსვენებლივ ვიარეთ მე და ბიძაჩემმა. მასსოვს, რა დღლილები მივეყარენათ საძილე ტომრებში. ძლივს მივხანხალდობდი, მეშინოდა — ეს ვრაი ნაზიჯიც და მეტს ვეღარც მოვუნაცვლებშეაქი. მგონი მაქსიმესაც ქანცი გამოსცლოდა, თუმცა სიარულში კი ვერას შეატყობდა კაცი...

„აი, მახერის სგამი... — მახერში პირველად ვიყავი — რა მაგარი ექაა თურმე, ე. აი კახა რომ გამოცალო, ათჯერ უნდა მიუბრუნდო, კეაილ ალაქიანებს გადაუხურავთ და მერხები დაუტანებიათ შინაბიძის კედლებში. ახლა იქ ჩამოჯდომას რაღა აჯობებდა, ახლა აქ ჩამოჯდონა მომაკვდავს მოასულიერებდა...“ — ეფიქრობდი გზადაგზა და თან ბიძაჩემს შეეყურებდი შავედრებელი თვალებით, იქნებ აქ მაინც ჩამოვისვენოთ, იქნებ აქ მაინც-მეთქი. შეეთხოვდი მალულად, ჩუმაღ.

მერე სვიმი უკან დარჩა, სოფელიც უკან მოვიტოვეთ, დოღრას ხეობას აფუყვით ჩანჩქერ შდუგვრას მიმართულებით, თანდათან დამად მივიწვედით მალალ ქედებს შორის, მორენებამდე მივალწვიით.

„ნეტავი ვინ მოასუფთავა რიყის შუაგულში ასე საგულდაგულოდ ეს მოედანი? — კელავ გამექცა თვალი თომიან მდელოსაკენ — მაინც რა რბილი და ფაფუკი ბალახია, ჩვენს მურყვამზე რო ბიბინებს ისეთი... რა შეეღრება კოშკზე წამოწოლა-წამოძინებას? ხელებს თავქვეშ შემოთყობ და უკან თვალეზი გელულება ადამიანს...“

ეპ, ტყუილად ვიიმედებდი თავს, არ დაადგა ჩვენს გზას საშველი

ვიდრე გადასასვლელი არ მოვიტოვეთ უკან და ჩრდილოეთის თავშესაფარში არ შევრგეთ თავი, შენც არ მომიკვდე, ჯაბრალეების ქობიდან ამოშლილი თომის ჩასასწორებლადაც არ შეჩერებულა ბიძაჩემი...

ამჟამად იყო, ეს მარულა საგანგებოდ ჩემთვის მოაწყვეს: ალბათ, მამამ თუ სთხოვა და ბიძაჩემიც უღმობლად მცდიდა, თორემ ასეთი თავქუდმოგლეჯილი ძუნძულ-სირბილი ზამთარში მთელი თვე ნაშიშ-შილვეი მგლისა თუ შენახა მხოლოდ.

სად მიგვეჩქარებოდა მაინცდამაინც ასე? ლამის თავი კი მოვიკალით ორივემ, თუმცა ყველაფერი უკვე წარსულს ჩაბარდა და იმისი გახსენება რა აუცილებელი იყო.

საძილე ტომარაში ჩათხუნებული სულგანაბული ველოდი, რა განაჩენს გამომიტანდა, როგორ შეაფასებდა დღევანდელ „ნალვაწს“ ბიძაჩემი. მაგრამ იგი ხმას არ იღებდა, პირში წყალჩაგუბებული დუმდა.

გავიდა რამდენიმე მტანჯველი წუთი.

„ან ავი მითხრას, ან — კარგი, ოღონდ მითხრას რაზე“ — ებრაზობდი ბიძაჩემზე. იგი კი გვერდზე გადაბრუნდა — „ლამე ნებისაო“ — სხვათაშორის გადმომიგდო და ხერინვა ამოუშვა.

მე შექებას, შეგულიანებას, მხარზე ხელის მოთათუნებას მოველოდი მისგან. მგონი ერთი კარგი სიტყვის ღირსი კი ვიყავი.

ექვის ჭია მღრღნიდა — მაინც რა უნდა, კიდევ რაღას ითხოვს ჩემგან, რითია უკმაყოფილო? — ებრაზობდი გულში. ყველაფრის თავი და თავი კი ის იყო, რომ მეშინოდა, უკან არ გავებრუნებინე, სახლში...

— ჯა... დაიძინე ახლა; რა შფოთვა აგიტყდა საბუღარიდან ბარტყები ხომ არ ამოგისხეს... — ჩამესმა უეცრად მაქსიმეს ხმა, იქნებ სიზმარში ეარ? გაოცებული ვიყავი — მას ხომ უკვე ეძინა, ხერინავდა კიდევ და საიდან გაიგო, ვშფოთავდი თუ რას ვაკეთებდი?

„მაინც რა უცნაურები არიან ეს უფროსები?“ — გავეფიქრე ჩემთვის და დაღლილ-დაქანცულ სხეულს გავყევი სამოთხეში სამოგზაუროდ...

## დედის წინ მორბენალი კვიცი

მეორე დღეს უკვე ადგილზე იყვნენ.

მაქსიმემ ბანაკის დირექტორს წარუდგინა მიხეილი. მე რე მთავარი მწვრთნელიც გააცნო. ორივენი მაქსიმეს ძველი ამხანაგები იყვნენ და მისი ნახვით დიდად გაიხარეს. მიხეილიც მოეწონათ, ოღონდ ვეს-

ტებით საუბარი რაღაც არ გამოსდიოდათ — დირექტორმა ცალი ხელი ბანაქისპირა წარაფებისკენ გაიშვირა — როგორ მოგწონს აქაურობაო.

მიხეილმა გაიფიქრა, ალბათ მეუბნება — ჰა, ბურთი და მოედანი! ჰოდა გვიჩვენე, რა ვაუკაციცა ხარო... და დიდად გაიხარა, თითქოს ფრთები გამოესხაო, ისეთი სიმსუბუქე იგრძნო ტანში. ამ წარათს აირბენდა კი არა, სულაც ააფრინდებოდა, თვალის უსწრაფესად გადაევლებოდა თავზე-

წუხანდელი დაღლილობა არც კი გახსენებია, არც უძილობისაგან დაჰბლეტია თვალები, ერთი ამაყად გადახედა უხერხულობისაგან მუცელში ენაჩავარდნილ ბიძამისს და ის იყო ძველისძველი ლაბადა უნდა გაეხადა, რომ განცვიფრებული თანამოსაუბრეები ჭერ ერთმანეთს შეაჯკერდნენ — რას ნიშნავს ყოველივე ესაო, მერე მაქსიმეს შეაშტერდნენ ცნობისმოყვარეობით აღვსილნი — იქნება შენ მაინც აგვიხსნა, რა ჩაუფიქრებია ამ უცნაურ კაცსაო.

მაქსიმე მოუხედა ძმისშვილს განზრახვას, ლაბადა უკანვე წამოაზურა მიხეილს და მაჯაზე თასმით დახვეული ბესარიონისეული მუჭირა ბრახიანად გამოჰგლიჯა ხელიდან:

— „ისგუ იმედშე ამახუ არი...“<sup>1</sup> — სვანურად მოიფხანა გული მაქსიმემ.

მიხეილმა იაზრა, რაშიაც იყო საქმე, მაგრამ იხტიბარი მაინც არ გაიტეხა. კვლავ წარაფისაკენ შეტრიალდა და გასაქცევად გაემზადა. „ადრე თუ გვიან ზომ უნდა ნახონ ჩემი სიარული, ბარემ ახლა ვაჩვენებ დაღლილ-დაქანცულზე. ბიძაჩემიც დარწმუნდეს — მისი ძმისშვილი არც ისეთი მუხლმკვდარი ვინმეა, სხვისი სათრევი და სატარებელი რომ გახდეს. ხოლო სახლში მამას უთხრას, რომ მისმა შვილმა უფროსები გადაარია-თქო“...

ასეთ რამეებზე ფიქრობდა იმ წუთში მიხეილი. მისი ღრმა რწმენით მთამსვლელს პირველ რიგში კლდეზე სიარული უნდა შესძლებოდა, მგლის მუხლები უნდა ჰპოვოდა, მჭრელი თვალები და თოვლის გუნდასავით შეკრული გული ჰქონოდა.

მიხეილი კი დაუმტკიცებს ამ ხალხს, რომ არც ერთი აკლია და არც — მეორე. მეტი კი რაღა უნდათ კადევ? რაღას მოითხოვენ მისგან? ჩარიცხონ კურსებზე, მორჩა და გათავდა, მორჩა და გათავდა...

<sup>1</sup> სვ. — შენს იმედზე მტერი იყოს...

ნუთუ ამ წარაფებზე სტდიან ხოლმე ახალგაზრდებს? ამ „საკარტოფილემ“ მინდორზე? დალაცორას ქარაფებს თუ შეედრება იგი? ან ლეგვმერისა და კახურის ციცაბობებს? ეს რა სამთამსელელო ბილიკებია, ისინი უფრო ლალამის თამელიან შემღგარენს მოაგონებს, ადრე გაზაფხულობით საშაშვე მახეებს რომ აგებდნენ ონავრები.

ჰულიშის დღესასწაულზე სრბოლისათვის შემართული ნამთევი ულაცვივით ხტოდა და ცმუკავდა. ერთ ადგილზე ვერ ისვენებდა მიხეილი. თვალით რა ხანია მონიშნა ასარბენი ბილიკი, უმოკლესი გზა ბექის თავამდე.

ბანაკის უფროსებს ამ უცნაური ყმაწვილის დიდგულოვნებამ ღიმილი მოჰგეარათ. ბოლოსდაბოლოს ისინიც დაინტერესდნენ — მაინც როგორი მომზადებული ჩამოვიდა ხერგიანთა გვარის მთათა და მყინვართა კიდევ ერთი მოტრფიალე რაინდიო. ისინი მაქსიმეს მოუბრუნდნენ — მიუშვი ერთი ვნახოთ, რა ბიჭიც არისო.

მაქსიმემ მიხეილს მიაძახა:

— ჰე, ლეხბიაქ, ატკომინ იალო, ატკომინ... კონჩხ ნომე ლახყუჩა ლო...!

მიხეილმა ნაშალ ქვაღორღზე მარდად და ლამაზად გადაიჩინა. ვიდრე ადგილიდან დაიძვრებოდა, უკანასკნელ წამს, თვალი მოჰკრა, მთავარმა მწვრთნელმა საათი რომ დანიშნა. ამან მეტი ცეცხლი შეუწნათ. ციცაბო ფლატეებს გვერდს როდი უვლიდა, გზას იმოკლებდა, დროში უნდოდა მოეგო.

ფიქრობდა, რაც უფრო პირდაპირ აივლიდა ამ წარაფს, მით უფრო მომიწონებენო.

ბექნუსა და ბესარიონისაგან ნასწავლი წესებისათვის უნდა გაეწია ახლა ანგარიში — სწრაფად, პირდაპირ და ამავე დროს რაც შეიძლებოდა მოხდენილად ევლო.

აი, ერთი ასარბენილა დარჩა, ერთი მომცრო ბექი. რატომღაც იოლად დასაძლუვი მოეჩვენა ეს მონაკვეთი მიხეილს და გულდამშვიდებული შეუყვია, მაგრამ ფლატე მაცდური აღმოჩნდა, ერთბაშად ჩამოშალა...

მიხეილი ადგილზე კი მოძრაობდა, მაგრამ წინ ვერ მიიწეედა, მერე ბექის თავიც ჩამოინგრა, კლდე და მიწა გრუხუნ-გრუხუნით ჩამოშევედა. მტვრის კორიანტელი ავარდა. მიხეილი გვერდზე გადახტა, ნი-

<sup>1</sup> სვ. პა, შე მუხლმკედარო, გაიქეცი აბა, გაიქეცი ოლონდ კისერი არ მოიტეხო სადმე...



წამხდარმა და შეცბუნებულმა ერთი მაგრად შეუკურთხა აბოლებულ წარაფს და უნდილად ჩამოიმუხლა.

მასა და უფროსებს შორის მტერის ღრუბელი გაწოლილიყო და აბა რანაირად შეეძლო იმათი დანახვა, არც ადამიანის ხმის მსგავსი რამ გაუგონია, მაგრამ რატომღაც მოეჩვენა, თითქოს იმ ფარდის მიღმა საათს დაჩერებული ადამიანები სიცილისაგან იფხრიწებოდნენ... მას რატომღაც დედის წინ მორბენალი კვიცის ამბავი გაახსენდა.

### ცხოვრებაში ხდება ხანჯაულები

— ბაბუა ანტონის ნაამბობის გარდა ბევრი რამ მაგონდება ბავშვობიდან. ინგლისში, როცა ძალიან გამიჭირდა და ბეთქილივით ცალ ხელზე ვეკიდე ქარათს, ჩემდა გასაკვირველად, მაცხოვრის ეზოში დაგდებული საჩილდაო ქვა ამელანდა თვალწინ. მერე ბავშვობის დღეები გამახსენდა.

...ლალამელები მაცხოვრის ეზოში ვიკრიბებოდით ხოლმე. არ ვიცი, რა გრძნობა მოგვერეკებოდა ყოველ დილაუთენია ამ ეზოსაკენ. მოედნის შუაგულში დაგდებული საჩილდაო ქვას შემოვერტყმებოდით წრედ, ალბათ ეს ქვა თუ გვიხიდავდა?! შემოვერტყმებოდით და მორიგეობით შევებრძოლებოდით, თითებს ჩაუქუქვრდით ყელში და მალლა ვეწეოდით, თუ ნაწვიმარი იყო და თითები სხლტებოდა, სახელოებით გაეამშრალებდით. ჭერ მარჯვენა ხელით, მერე — მარცხენა თი ეცდიდით ერთმანეთს.

ამ დროს მოგებული ყოველთვის ცაცია რჩებოდა და ჩვენ გულიანად შევნატროდით მის „მემარცხენობას“.

მაცხოვრის ეზოში მუდამ ჩოჩქოლი იდგა. ვინც საჩილდაო ლოდისათვის პატარა იყო, იქვე, ცოტა მოშორებით მუშტაქვის კერაში ეჯობებოდა თავის თანატოლებს. სულ პატარები რიკტაფელასა და ჩილიკაჯოხის თამაშით ერთობოდნენ.

ყველასათვის მოიძებნებოდა აქ თავისებური გასართობი — უფროსები გრძელ მერხზე ისხდნენ, ფილიანშერების ლაფაროს კედლის გასწვრივ რომ გაეწყოთ ლალამელებს, იმაზე და დარბაისლურად მასლაათობდნენ საჭირბოროტო საქმეებზე, სოფლის სატკივრებზე. ამ წმიდათაწმიდა ალაგას მათი ბჭობა-საუბარი განსაკუთრებულ მნიშვნელობას იძენდა — აქ ყოველი მათგანი მოვალე იყო სიმართლე, მხოლოდდამხოლოდ სიმართლე ეთქვა, გულისნადები გაეზიარებინა

სხვებისათვის, პირადი ინტერესები დაევიწყებინა, ქვეყნისაზე ეზრუნა...

სოფლის გოგონები მოცლილობის ეამს კლასობანას თამაშობდნენ. ალქაჩებივით მიხტი-მოხტოდნენ მიწაზე კეტით გამოხაზულ წრეებსა და ოთხკუთხედებში.

სულ ერთ წამში წარმოიძგა რატომღაც ბავშვობისდროინდელი სურათი... ჩაოდენ შორეული მოგონება იყო, ჩაოდენ დიდი ხნის ამბავი. მაგრამ ყველაზე დიდი განსაცდელის ეამს კი ამოტივტივდა როგორღაც გონების სიღრმიდან. მომეჩვენა, თითქოს ამ წუთშიაც იმ საჩილდაო ქვასთან ჩავტუტქულიყავი, თითები ყელში ჩამეჭირა და რაც ძალი და ღონე მქონდა, მალა ვეწეოდი.

• •

ეს ამბავი 1961 წელს მოხდა. ამ შემთხვევამ მთელ მსოფლიოს გააცნო მიხეილი, როგორც უმამაცესი კლდეზე მცოცავი, „კლდის ეფეხვი“. ინგლისის ალპინიზმის ფედერაციის მოწვევით საბჭოთა კავშირიდან ოთხი მთამსვლელი ჩავიდა ბროტანეთში. მასპინძლებმა შეუვალა, ქერეთ დაუძლეველი კედელი შესთავაზეს სტუმრებს მათი ოსტატობის სადემონსტრაციოდ. საბჭოთა დელეგაციის ყველაზე უფროსმა წევრმა, ცნობილმა მთამსვლელმა იოსებ კახიანმა ყველაზე უმცროსს — მიხეილს გადახედა. სხვებიც მიხეილს მიაჩერდნენ. და აი, იგი გაუდგა გზას...

თავიდან კარგად იძიოდა საქმე. მაგრამ ტრასა თანდათან გართულდა. დამრეცი კედელი უარყოფით დაქანებაში გადაიზარდა. უთოკოდ უმეწყვილოდ უარყოფითი კედლის დაძლევა კი თითქმის წარმოუდგენელია.

რა უნდა ელონა?

უკან გაბრუნებულო?

ქვემოდან ათასი უცხო თვალი მოსჩერებოდა და რას იტყოდნენ ისინი?

რას იტყოდნენ ისინი არა მხოლოდ მიხეილ ხერგიაზე, არამედ მთელს საბჭოთა მესიმაღლეებზე?

რა ეთქვა უკან დაბრუნებულს ამხანაგებისათვის, ხოლო სამშობლოში მისულს მთელი ხალხისათვის, კოლეგებისათვის?

და აი, სწორედ ამ წუთში დაელანდა თვალწინ რუხი ნაცრისფერი, ღოჭისყელიანი უცნაური ქვა. თავბრუდამხვევად ჩიალებდა იგი

სიფრცეში და მიხეილს ვერ გაეგო, რას ნიშნავდა ეს ყოველივე. მერე იგი მაცხოვრის ეზოში დაეარდა; მაშინ მიხვდა, ეს უცნაური მოჩვენება საჩილდაო ქვა იყო. ბავშვობისდროინდელი, დიდი ხნის მივიწყებული ლოდი...

• •

— რა უცნაურად დამძიებულიყო იგი. თითქოს დაღეული მომეჩვენა და წონაში კი მოემატებინა. ვეწეოდი, რაც ძალა მქონდა, ვეწეოდი მაღლა. განსხვავება მხოლოდ ის იყო, რომ ახლა მე ვეკიდე ზედ საბედისწერო ლოდზე, ლოდი თითქოს კლდეში ჩაეკირა ვილაცას და მე მის გლუვ ზედაპირზე ჩაბლაუქებული ვილარკნებოდი, ვიწელებოდი, ვეზიდებოდი სხეულს...

ისეთი გრძნობა დამეუფლა, თითქოს საკუთარ თავს აღარ ვეკუთვნოდი. კვლავ გამახსენდნენ დაბლა დარჩენილი ამხანაგები. თვალწინ წარმომიდგა სამშობლო. არ უნდა შემერცხებინა თავი.

„რაც იქნება იქნება-მეთქი“ — გაფიქვრე გუნებაში და კიდევ ერთხელ მოვაფათურე ხელი სიბ ზედაპირზე. ალაღებდზე აღმოვაჩინე მცირედი ღრეპო, შუა თითით ჩამოვეკიდე ზედ და ერთი ნაბიჯით წინ წავიწიე... მერე ისევ ფათური, ისევ ძებნა... უეცრად სხეული იმ ბავშვობისდროინდელმა ალტკინებამ მოიცვა და მე საბედისწერო კლდის თავზე აღმოვჩნდი... მას მერე ღრმად შწამს — ცხოვრებაში მართლაც ხდება სასწაულები...

არ ვიცი, რა მოხდა ასეთი. არ ვიცი რა ეშმაკი წამიძღვა იმ უფსკრულებზე, ერთი რამ კი გასაგებად მენიშნა: კლდესთან ჭიდილსა და საჩილდაო ქვასთან ორთაბრძოლას შორის არსებობდა რაღაც უხილავი კავშირი, ღრმა, ერთიმეორის განმაპირობებელი ლოგიკურობა, მიზეზ-შედეგობრიობა. იქაც და აქაც მთელი სიმწვავე ხომ ძირითადად ხელის თითებზე მოდიოდა. მას მერე, როცა მეკითხებთან ხოლმე — ცალ თითზე როგორღა იმაგრებ თავსაო, მაშინათვე საჩილდაო ქვა წარმომიდგება თვალწინ, მერე ათთარი მოხუცის ზღაპრის გმირების — ბეთქილისა და ჩორლას მამაცობა გამახსენდება და კიდევ, ზამთრობით, იმავე მაცხოვარის ეზოში ჩატარებული დიდი ჭგვიბის დღესასწაული...

• •

ზღვა მაყურებელი გაოცებული შესცქეროდა საბჭოთა სპორტსმენის ბრწყინვალე ტრიუმფს. კმაყოფილი იყვნენ მიხეილის ამხანაგებიც. მათ საკუთარი ყურით გაიგინეს, როგორ აღმოხდა ვილაცას მიხეილის მისამართით — შეხედეთ, ნამდვილი „კლდის ვეფხვიაო“!..

„კლდის ვეფხვი“ — აიტაცეს მყისვე ჟურნალისტებმა.

„კლდის ვეფხვი“ მთელ მსოფლიოს მოედო...

მას მერე საზღვარგარეთის სხვადასხვა ქვეყნებიდან გამოგზავნილ მოსაწვევე ბარათებსა და წერილებში ადრესატის სახელისა და გვარის გასწვრივ ყოველთვის ეწერა ხოლმე მიხეილის მეტსახელი — „კლდის ვეფხვი“...

### მთავო, გვაჩუქეთ წოთები...

ჩვეულებრივი, ადრიანი დილა იდგა. დამსვენებლებმა ის-ის იყო ზღვის სანაპიროზე მოიყარეს თავი „გასაშავებლად“, რომ ვილაცის ხმაშაღალი შეტახილი გაისმა:

— შეხედეთ, შეხედეთ... აი საოცრება!..

ხალხი მართლაც უცნაური სანახაობას მოწმე გახდა:

„კრესტოვია გორას“ შევეულ კლდეებზე თოკმობშული ადამიანები დაცოცავდნენ, სიცოცხლე მობეზრებულებით უფსკრულებს ახტებოდნენ თავზე, მაგრამ შიში მალე გაიფანტა — დამსვენებლები დარწმუნდნენ რომ ის უცნაური ადამიანები საკმაოდ თავისუფლად გრძნობდნენ თავს სიპეებზე.

ყირიმში, „კრესტოვია გორას“ კალთებზე საკავშირო პროფკავშირების და სპორტსაზოგადოებათა საბჭოების პირველობაზე კლდეზე ცოცვაში ჩენი ქვეყნის სამოცამდე „კლდის ოსტატი“ ღებულობდა მონაწილეობას. ზოგიერთი მათგანი რამდენიმე დღით ადრე ჩამოვიდა იალტაში ტრასის გასწვრივ (რასაც უაღრესად დიდი მნიშვნელობა აქვს წარმატებისათვის) მუხლოს გასაშლელად და „ბრჭყალების გასალესად“.

აქ იყო შარშანდელი ვერცხლის მედალოსანი კლდეზე ცოცვაში. აღმათელი სპორტის ოსტატი, ე. კოსმაჩოვი, რომელმაც გასულ წელს სულ რაღაც წამებში წააგო პირველ აციგოზე გამოსულ სპორტის დამსახურებულ ოსტატთან „კლდის ვეფხვად“ წოდებულ თბილისელ

მიხეილ ხერგიანთან. წლებულს კოსმაჩოვი შეჯიბრების ერთ-ერთ მთავარ ფაქტორად ითვლებოდა, მით უმეტეს, რომ მისი უპირველესი მეტოქე მიხეილ ხერგიანი არ ჩანდა, — ჭერაც არ დაბრუნებულყო ტიანშანის ექსპედიციიდან.

„იქნებ ვერც მოაწეროს ჩამოსვლა?“ — ფიქრობდნენ შეჯიბრების მონაწილეები. მათ, სხვათაშორის, ხელს აძლევდათ მიხეილის ჩამოუსვლლობა. იმ შემთხვევაში, თუ იგი არ მიიღებდა მონაწილეობას ასპარეზობაში, ისინი თითო ადგილით წაიწვედნენ წინ. კოსმაჩოვსაც კქონდა თავისი კონკრეტული გეგმები. იგი სწორედ „შურისძიების“ გრძობამ ჩამოიყვანა მთელი კვირით ადრე ყირიმში. მან მშვენივრად იცოდა: წინ გრძელი და ძნელი გზა იყო.

ამიტომაც მთელი ზაფხული გულმოდგინედ ემზადებოდა ამ დღისათვის. ახლა კი ყოველ უთენია გადიოდა ტრასაზე და მონალიჩის თვალით ზეერავდა გასასვლელ ბილაკებს.

„რამდენიმე წამი... სულ რამდენიმე წამი... ხომ შეიძლება იმ წამების დაბრუნება?“ — ფიქრობდა იგი თავისთვის და გუნებაში საგულდაგულოდ ადგენდა „კრესტოვია გორას“ მიკრორუქას. იყვნენ სხვა „შურისმაძიებელნიც“, ყოველი მათგანი ფიქრობდა წამებზე, წამის მეთადელებზე, მეთადელებზე, რომლებიც აუცილებლად უნდა გამოეტაცათ კლდეებისათვის და რომელთაც მათთვის გამარჯვება უნდა მოეტანათ.

• •

ჩვეების დღესასწაული მოსაელის სიუხვის დღესასწაული იყო. იგი სოფელ ლაღაში იმართებოდა. აბა რომელი ერთი ნაბდისქუდიანი დააკლდებოდა დღეობას?

ჩვეებს ქალებიც ესწრებოდნენ. — ისინი მაცხოვარის საყდარში საქონლის ნაფერღლებიან კვერებსა და ყველიან ლემზირებს აცხობდნენ და იმით უმასპინძლდებოდნენ მოჭიდავე-მოჯიბრებს. ისინი კი რამდენი იყვნენ! რამდენი თემი და სოფელიცაა, თითქმის იმდენი რჩეული მებურგელი! იყრიდა თავს.

ყოველ სოფელს თავისი ფალაქანი გამოჰყავდა, ყოველი მათგანი ცდილობდა აქ, ლომის ხეობის დედაგულში ხალხის წინაშე სახელი და დიდება მოეპოვებინა. აქაური გოგოებისათვის თავი მოეწონებინა.

<sup>1</sup> ს. მ. მოჭიდავე.

მაგრამ ჭიღობამდე ნათლისვეტის ბედი უნდა გადაწყვიტარიყო. ნათლისვეტისა, რომელსაც ლაღამელები იშვიათად ვინმეს გაატანდნენ მაცხოვრის ეზოდან. ისინი მასპინძლები იყვნენ და, რადაც არ უნდა დაჯდომოდან, აქვე უნდა დაენარჩუნებინათ ნათლისვეტი და იმის კონკოფზე საგულდაგულოდ მიჭეპკილი მოსავლიანობის განმგებელი და მლოცაეი ხის ჭვარი. დიდი გამოცდის წინაშე დგებოდა ყოველწლიურად ლაღამე. ეს პარატა სოფელი თითქმის მთელს ზემო სვანეთის ნაკრებ ვაჟკაცთა ლაშქარს უნდა გამკლავებოდა. ამიტომაც იყო, რომ ლაღამელები სამზადისს ჭვეობის დაწყებამდე მთელი კვირით ადრე შეუდგებოდნენ ხოლმე. სოფლის ბიჭები თოვლის გუნდებს ეუმშაედნენ. ნაცარქექიამ რომ ყველის ნაჭერს დაადინა წვენი, ისე დაუყენებდნენ წყალსა და მერე დაწულ გოდორში პანტასაფით ჩაუძახებდნენ. იმ გოდორს კი ცივ ალაგას, ლაღმის ტეობის პირას შეინახავდნენ, რათა სველი გუნდები საგულდაგულოდ გაყინულიყო და გამაგრებულყო. ამ გუნდებით ისინი მრავალრიცხოვან „მომხედურებს“ უნდა გამასპინძლებოდნენ. ჭვეობის ცუდობაზე დანდობა არ იქნება. ეს ყველამ იცის ჰოდა, ლაღამელები კი სხვაზე გულჩვილნი როდი არიან, რომ მოხედურთ მოსავლიანობის სვე-ბედი გაატანონ?!

ახალგაზრდების ერთი ნაწილი მარხილით თოვლს ეზიდება მაცხოვარის ეზოში. სხვები კიდევ დაზეცილ-დატკეპნილ მუსს ბარნიჩბებით აკლაპოტებენ, თანაბარ ნაჭრებზე ანაწილებენ, კუთხეებს უსწორებენ სამშენებლო ლოდებივით და ერთიმეორეზე აწყობენ

კოშკი უნდა ააშენონ ეზოს შუაგულში, კოშკი მაგარი უნდა იყოს, მაგარი და მტკიცედ ნაგები. კოშკს შუაგულში ნაძვის ტოტებშემოსხეპილ, კანგაცლილ, მოგლუეებულ ბოძს—ნათლისვეტს დაუტანენ. ნათლისვეტს თავზე ხის ჭვარს მიაჭედავენ ნათლისვეტი რაც სიპი და გლუვი იქნება, მით უფრო გაუჭირდებათ მომხედურებს იმაზე აცოცება და ზედ წვეარზე მიჭედებული ხის ჭვარის ჩამოსხნა.

მთავარი ნათლისვეტისა და ჭვარის დანარჩუნება იყო, იმათ თუ გაიტაცებდნენ სეტ-მესტიელები ლაღამელები სირცხვილნაქამნი, თავლაფდასხმულნი, შერცხვენილნი დარჩებოდნენ, იმ წელაწადს არც მოსავალი მოუვიდოდათ, ვერც მთად გაშვებული საქონელი აიყრიდა ტანს, აღარაფერს, აღარაფერს არ ექნებოდა გამკვეთი და ბარაქა...

სეტ-მესტიელი, დანჩვალ-ლახთაგელი და სხვა უბნელი გასათხოვარი ქალები მოდიოდნენ ჭვეობზე. იმათი გამოჩენა რაგინდ სუსხიანი

და ცივი ამინდიც არ უნდა ყოფილიყო, ყოვლისდამწველ ცეცხლს შეუნთებდა. ბრძოლა — პაექრობის ჟინს შექმატებდა ახალგაზრდობას.

არც დაკუმშულ, საგანგებოდ გაყინულ, გაქვავებულ თოვლის გუნდებს ერიდებოდნენ ისინი ამ დროს, არც ნათლისვეტიდან თავდაყირა მოწყდომასა და მთელის სიმძიმით მიწაზე დახეთქებას... ოღონდ სწორფერისათვის მოეწონებინათ თავი... რა იქნებოდა ისეთი, მათ რომ დააკავებდა. შეაჩერებდა...

შუადღისათვის მთელმა საზოგადოებამ მოიყარა თავი. ახლა ელოდებოდნენ მახვშის გამოსვლას, რომელსაც დღეობა უნდა გაეხსნა. კიდევ ერთხელ შეეხსენებინა ხალხისათვის ღვთისაგან დაწესებული დღესასწაულის მნიშვნელობა. ჭიდაობისა და ნათლისვეტცილაობის წმინდა მეგობრული ხასიათი.

„ჩვეიში კაცის სიკვდილიც რომ იყოს, ღვთის ნებით იქნება, დასახიჩრება და დაშავებაც ღვთის ნებით იქნება. მოსისხლე მტრებიც რომ შეხვდნენ და დაეკიდონ ერთმანეთს, იმათი პაექრობა მხოლოდღა ამხანაგური დავა იქნება. ხოლო ვინაც ამ ადამ-კანონებს არ დაიცავს. სხვას აწყენს და სხვისაგან ეწყინება, აურზაურს ატეხავს და საერთო მზიარულებას ჩაშლის, სამუდამოდ მოიკვეთება სოფლიდან. — ასეთი იყო, არის და იქნება მუდამ ნება-სურვილი მამაზეციერისა...“ — განაცხადებს მახვში ხმამაღლა.

ლაღამელები მაცხოვრის სალოცავის გვერდით, გატოტვილი ცაცხვის ქვეშ შეკრებილან. ხის ძირში გოდრები მოჩანს, ისინი დაკუმშული, გაყინული თოვლის გუნდებითაა სავსე. ახალგაზრდებს ხელები მკერდზე გადაუკვარდინებიათ, მალე ამ ხელებს დიდი ჭაფა დიატყდებთ და ახლა ასვენებენ — მათ, სწორედ მათ უნდა დაცალონ ეს გოდრები და ასობით თოვლის ტყვია გაგზავნონ „მტრის“ მიმართულებით. ვინც მისნური ხელით გამოიჩრევა და ვისაც სხვაზე კარგად უჭრის თვალი, ის ისარგებლებს ამ გუნდებით. მომჭირნეობაა საჭირო, თორემ ისე დასახარჯი „ტყვია-წამალი“ სად არი დანარჩენებმა სახელდახელოდ დაკუმშონ და ალაღბებდნენ გაისროლონ იქნება ვინმეს შავი დღე აყარონ, ვინ რა იცის...

სტუმრები გოდრებთან თავმოყრილ ახალგაზრდებს მალულად, მუშტრის თვალით ზეერავენ.

და აი, სოფლის, მახვში ამ თოვლივით თმაგათეთრებული, ამ ცასავით ლურჯთვალა, სვანური ნაბდისქუდიანი მოხუცი მზიარულებისაყენ მოუწოდებს ხალხს.

წყალსაგუბარიდან ერთბაშად გადმოსკდარი ღვართქათვივით იხუვლებს ხალხის ყიყინა-ჩოჩქოლი. ნაბღისქუდიანთა ლაშქარი ზღვასავით აბობოქრდება, ნაპირებს მიეხლ-მოეხლება. მღუღარე ორკილოლივით თუხთუხებს მაცხოვარის ეზო. უფროსები ახალგაზრდებს აგულიანებენ, უძახიან, თავიანთ ჭეელობას ახსენებენ.

წვერგაფშეკილმა, ვიღაც მუჭარიანმა მოხუცმა, ხალხის შუაგულში რომ იდგა, იმხელაზე აღიმალა ხმა, მოჩოჩქოლე ხალხი წამით გაუჩრდა და იმისაკენ შეტრიალდა:

— ამ გულღრჯო ლალამელებს თუ დაეურჩინეთ ქრისტეს ჭვარი, ჩვენს ყანა-სათიბებს ხვართქლა დაერევა, შემოდგომაზე დასალეწ-დასაბინავებელი აღარაფერი გვექნება, ჩვენი დარბაზები და ლაფაროები ჩალა-თივისაგან დაცარიელდება, ხოლო ბელეები — ქერფეტვისა და სიმინდისაგან საქონელსაც გაუქირდება და ადამიანსაცო... — ამბობდა მთელის გულმოდგინებითა და რიხით გახელებული მოხუცი. მეტი დამაჭერებლობა და სიმტკიცე რომ მიეცა თავისი ნათქვამისათვის, შიგა და შიგ უღვაშებზე გაისვამ-გამოსვამდა ხოლმე თითებსა და მარჯვენა ხელში ჩაბღუჯულ მუერას მუქართა და ქადილით დაარტყამდა მიწას.

მაგრამ ახალგაზრდობას, გინგლობას გადაცილებულ ყმაწვილკაცობას რაღა ცეცხლის შეკეთება და შეცაცხანება სჭირდებოდა. ეკლესიის წინ გამწკრივებული, მოლოდინისაგან ფრესკებივით გასუსული გოგონების ერთი შემოხედვაც კი საკმარისი იყო, ბრძოლის ჟინს დაეზაფრა მათი სხეული...

მალე ვიღაც თავგამოდებული ლეხთაგული კოშკის კედელს შეახტა. ცაცხვის ძირიდან მკექარ ხმაზე შეუყიყინეს, მალე ამ ყიყინას „მემიზნეთა“ გამოგზავნილი გუნდების კორიანტელი მოჰყვა.

მურყვამის კედელი საგულდაგულოდ იყო ჩამოსწორებული და ჩამოთლილი ლახთაგელმა ხელჩასავლები ვეღარსად მოუძებნა, უაზრო ფხუკულაობას მოჰყვა. ამასობაში კი თოვლის სეტყვამ თავპირი დაუღილა. მაგრამ იგი მაინც არ იხვედა უკან. გაბრუებული და დაბუჟებული მურყვამის ირგვლივ დაბარგანაობდა, კვლავ და კვლავ წაეპოტივებოდა, ხელჩასავლებ ადგილს დაუძებნიდა კოშკს, მაგრამ ამოდ... ბოლოს ვიღაცამ მომხეტურთაგან იაზრა და აბობოქრებულნი, თავპირდასისხლიანებულნი ლახთაგული ძალით გამოათრია „ბრძოლის ველიდან“...

მაგრამ ჰიდილი წუთითაც არ შემწყდარა. ახლა სპარდიშელი გა-



ვარდა წინ, მას უკან რამდენიმე ახალგაზრდა მიჰყვა, მათ მსწრაფლ მხრებზე შეისევს სპარდიშელი და კოშკის ქონგურზე შეისროლეს თვალისუსწრაფესად. ლალამელები, ცოტა არ იყოს, დაშინდნენ სტუმართა მოულოდნელ გამოხდომაზე და მეტის გულმოდგინებით დაფაცურდნენ.

სპარდიშელი ჭკვიანი და ეშმაკი ჩანდა, იგი შეეცადა ზურგით დამდგარიყო ცაცხვისაკენ, საიდანაც ლალამელები გუნდებს ისროდნენ და ჰყიეინებდნენ, მაგრამ არც კეფასა და ზურგში იყო სასიამოვნო დაკუმშული თოვლის რახუნი. აი, ბოძს ჩაეჭიდა კიდეც სპარდიშელი, ზელფეხით ხეართქლასავით ჩაეწნა ნათლისვეტს, ჭიაყელასავით დაგრძელდა ტანში, რათა ერთი გოჭით მაინც ამალღებულყო, მიახლოვებოდა სანუკვარ მიზანს, მაგრამ არ სწყალობდა ბედი. ერთმა მისნურად ნასროლმა „ტყვიამ“ წითლად შეუღება ცხვირ-პირი. დარეტყიანებულსა და გაოგნებულს ხელები დაუსხლტა და იმ სიმაღლიდან ჭერ მურყვაპის ქონგურზე მოადინა ბრაგვანი, მერე კი წვენგამჭდარ პანტასავით დაასკდა მიწას... დამარცხებული, უგონოდ გაშხლართული მოიერიშე თავისიანებმა გაათრიეს მოედნიდან.

საყდრის გასწვრივ გამწკრივებულ გოგონებიდან ვილაყას კივილი აღმოხდა. ცნობისმოყვარე ხალხი იჭით შეტრიალდა, მაგრამ გოგოს უნებლიედ გამელავენებული ხეაშიადისა თუ შერცხვა სანახაობით გატაცებულ თანატოლებს ამოეფარა.

— თოვლით დაუზილეთ პირ-სახე, მაგრად დაუზილეთ... — მედიდურად ბრძანა მუჭრიანმა მოხუცმა — თოვლით დაშაგებულს თოვლივე მოარჩინსო.

— რათ უნდა თოვლი, გოგოს კენესა ხომ გაიგონა და ისიც ეყოფა გამოსარჩებლად, ხომ ნახეთ, რა გულისდამწველად შეჰკივლა იმ ქალბნელმა... — მიუბრუნდა წვერგაფშეკლ მოხუცს ნაბდისქუდიანი, ლოყანაიარევი ვაჟაკი გაბზარული ხმით.

აყლაყის სიტყვაზე ახლომდგომებმა გაიცინეს. მერე, აზრს რომ ჩახედნენ, ღრმად ჩაფიქრდნენ და თავადაც შეშურდათ დამარცხებული სპარდიშელისა, ასე რომ გამოესარჩლა თავისი შეყვარებული. მალე კი რამდენიმე მათგანი მოედანზე გავიდა.

— ხა... ხა... ხა... — როყროყებდა მათი შემხედვარე სახენაიარევი. — რამდენი შესძლება ქალის ერთ გულიან ამოკენესასა, უტოლოვებს ბრძოლის ცეცხლი შეუნთო, თავგამოდების წადილი გაუღვიძა, ხა... ხა... ხა...

მაგრამ ვერც მათ ააღწიეს ბოლომდე. მერე სხვები გაემართნენ სა-  
ბრძოლველად. ვიღაც ყურანას ერთი აჩოჩებულა დარჩა ნათლისვეტის  
თავამდე, მაგრამ გუნდებით გაბრუებულს ხელ-ფეხი აუსხლტა ბოჭუე  
და კოშკის კედელზედა შეიკავა თავი, თორემ ადვილად შეიძლებო-  
და იმ სიმაღლიდან ჩამორეხვილს თავ-კისერი მოემტვრია. ისტიბარი  
მარც არ გაიტეხა, რამდენჯერმე ახტა-დახტა. კვლავ შეებლტა ნათ-  
ლისვეტს, მაგრამ მაინც ვერას გახდა, და მხოლოდ ის მოახერხა, რომ  
მურყვამს ქონგურები ჩამოუნგრია—აი, ესეც შენაო! მაგრამ არ გაგრ-  
ძელებულა დიდხანს მისი ბუქნაობა-პარპაში — ლალამელთა ნასროლი  
გუნდა შიშისა და შურისძიებისაგან ახარხარებულსა და გახელებულს  
უვლასდა გასაკვირვებლად დაფჩენილ პირში ვაეჭვდა და ლამის თვა-  
ლის-უსწრაფესად მოგუდა.

კოშკიდან გადმოეშვა და თავით დაენარცხა მიწაზე. კარგა ხანს იწვა  
ასე გაუნძრევლად, მერე კი ფართხალი დაიწყო. თავწაცლილი ქათამი-  
ვით ცახცახებდა. როცა გულადმა ამოატრიალეს, პირიდან სისხლიანი,  
კერატის ყვერივით წითელი გუნდა ამოაცალეს, იგი კვლავ გონს მო-  
ეგო, ერთი გაიწ-გამოიწია და სისხლის პურქვებით კვლავ კოშკისაკენ  
გაიწია... მაგრამ უფროსები გადაუდგნენ წინ...

• •

დრო კი გადიოდა. თანდათან ფართოვდებოდა, იზრდებოდა კარგე-  
ბის ქალაქი. მოდიოდნენ მამაცთა შორის უმამაცესი ადამიანები.  
„კრესტოვია გორას“ კალთებზე აბლაბუდასავით დაიქსელა მთა-  
შსვლელთა თოკების ხლართი.

• •

ისევ ბურუსით მოცული რჩებოდა მთავარი საკითხი: გამოვიდოდა  
თუ არა ამ შეჯიბრებაში ხერგიანი, მოასწრებდა თუ ვერა ტიან-შანიდან  
დაბრუნებას იგი?

■ •

შეჯიბრების მთავარმა მსაჯმა, ორჯონიკიძელმა სპორტის ოსტატ-  
მა, ალპურ ბანაკ „ჯაილიკის“ დირექტორმა ვ. ზოლოტაროვმა თანა-  
მსაჯებს ტრასის დაგეგმვა დაავალა. გაჩაღდა სამზადისი. ბრძოლის  
დაწყებამდე ორიოდ დღეა რჩებოდა.

— მაგრამ სად არის ხერგიანი? — კითხულობდა ხალხი, კითხულობდნენ მონაწილენი.

მთავარი მსაჯი მხრებს იჩეჩავდა. მიხეილი არ ჩანდა. იქნებ ხელი ჩაიქნია? შარშან წამებითლა გაასწრო კოსმაჩოვის, მხოლოდ წამებით, როცა მთელი ათი წლის მანძილზე კლდის ერთპიროვნულ „მეუფედ“ ითვლებოდა. მთელი ამ ხნის განმავლობაში ვერც კი მიუახლოვდა ეინმე მის მაჩვენებლებს. ამიტომაც კოსმაჩოვის შარშანდელი „წარმატების“ ამბავი სენსაციად იქცა. და ახლა ფიქრობდნენ: „იქნებ მართლაც ხელი ჩაიქნია მიხეილმა? მჯობთა მჯობი არ დაიღვევო, მასაც ხომ უნდა აჯობოს ეინმემ?“

• •

საკმაო დრო გასულიყო.

პაწვალისა და ირღულდის ფერდობებიდან სადამოსეული ბინდი მოიპარებოდა. ბანგურიანის თოვლიანი მწვერვალი სვანეთის ქედზე ჩაყურყურმალავებულ მზის სხივებს წითლად შეერუჟლა. მთაში მალე ღამდებ ადა, ნათლისვეტი კი ხელუხლებელი იდგა, ჭვარიც მიუწვდომელი რჩებოდა მოცილეთათვის. სტუმრები პლელვარებასა და შიშს მოეცვა — ვერ უნდა წაეგლიჯათ მოსავლიანობის ყისმათი და სვე-ბედი? როგორ წარმსდგარიყვნენ მკაცრი სამსჯავროს — მესტიის გაღმა-გამოღმა სოფლებში მომლოდინე ხალხის, შინაურთა თუ ვარეშეთა წინაშე? ლალამელებს კი თავიანთი მიზანი ჰქონდათ. აქ შემოკრებილითათვის თავიანთი ვაჟკაცობა, სიძლიერე და მოხერხებულობა დაენახებინათ.

ცაცხვის ძირში, მეგუნდავებთან სოფლის უფროსებმა სოიყარემ თავი. მათ ამ მცირედი შესვენებით ისარგებლეს და შინაურული ბჭობა-საუბარი გამართეს. სოფლის უხუცესმა, მაცხოვარს შებერებულმა გვარლიანების საქმოს უფროსმა, მარჯვე ახალგაზრდებს უხმოთათვისთან და გამომცდელად აათვალიერ-ჩაათვალიერა სათითაოდ.

— ჩვენ გადავწყვიტეთ საკუთარი კაცი გავაჯზავნოთ ქრისტეს ჭვარის ჩამოსახსნელად — საიდუმლოდ გადაულაპარაკა შემოკრებილთ — მაგრამ რახან იგი ჩვენნიანია, კი არ ვუშელავათებთ და დავინდობთ, პირიქით. შევეცდებით მომხვდურებზე შავი დღე ვაყაროთ, რათა ხალხის თვალში მართალნი და მიუდგომელნი გამოვჩნდეთ. ამავე დროს კი პატროსან ბრძოლაში ყველას დავანახოთ ჩვენი ვაჟკაცო-

ბა და გამბედაობა. ვისაც თავის იმედი აქვს, თქვას... — მოსჭრა უცბად სოფლის მახეშიმ და გამომდღელად მიაჩერდა ჩაფიქრებულ ყმაწვილკაცობას.

მკლავდაკაპიწებულმა მეგუნდავეებმა ერთმანეთს გადახედეს.

— ვისაც ბლოტვა ემარჯვება, წინ გამოდგეს... ისე არაფერი გამოვა, ნათლისვეტი ნამეტურ გლუვი გამოგვივიდა... — განმარტა შუბლშეკმუხენით მოხუცმა — ვისაც ცოცვა ძალუძს, ნახევრად გამარჯვებულა... —

— მინაანი... — ერთბაშად წამოიძახეს, — მინაანი თუ წაეა...

მიხეილი გოდრებს ჰყარაულობდა. სხვებთან შედარებით ახალბედასა და გამოუცდელს მხოლოდ გუნდების დარაჯობა მიანდეს. იგიც გულმოდგინედ შეუდგა თავისი მოვალეობის შესრულებას, ხელგაუწათავად, ბრუციანებსა და ელამებს ახლოს არ აყარებდა გოდორს, — თაეად დაკუმშეთ, რამდენიც გინდათ ესროლეთ, გოდრებთან არაფერი გესაქმებათო. — ეუბნებოდა მათ მიხეილი და თავიდან იშორებდა.

ახლა კი რალაზე დასჭირდათ იგი? — ველარაფერი გაეგო.

ამხანაგებმა სოფლის მახეშისთან მიიყვანეს იგი.

— ამ სვეტზე ახვალ? — ჭიქურ შეეკითხა მოხუცი გვარლიანი. — თუ იმედი არა გაქვს, ახლავე გვითხარი.

მინაანმა აღმატერად გაჰხედა ნათლისვეტსა და თანხმობის ნიშნად თავი დააკანტურა:

— ვეცდები, ხოშა ბაბა...

• •

1951 წლის ზაფხული სამუდამოდ დაამახსოვრდა მიხეილს.

იგი უკვე ინსტრუქტორთა სკოლის მსმენელი იყო. ამდენი ხნის ნაოცნებარს თითქოს ფრთები შეესხაო, კარგი სიზმარივით აუხდა. არც ენის უკოდინარობა აღმოჩნდა მაინცდამაინც დიდად ხელისშემშლელი მეცადინეობაში. ყოველივე, რასაც აქ გადასცემდნენ მოსწავლეებს, ერთხელ უკვე გაგონილი და ნასწავლი ჰქონდა — ზოგი მამამისისაგან. ზოგიც ბექნუს, ჭიჭიკოსა და მაქსიმესაგან. განსხვავება ის იყო, რომ ახლა სხვა ადამიანები, უცხო პედაგოგები თვალსაჩინოების შეთოდით ასწავლიდნენ ყოველივეს. მიხეილის გონებაში ხდებოდა ადრე გაგონილისა და ნანახის კიდევ ერთხელ განმეორება და განმტკიცება.

განსაკუთრებით ყულფების ნაირსახეობამ განაცვიფრა მიხეილი.

სევანეთში ორნაირი ყულფის განასკვალა იცოდა, იმათი ცოდნა აუცილებელი იყო თივისა თუ შეშის მოზიდვისას და მთამსვლელურ ექსპედიციაში, მაგრამ საკმარისი როდი იყო თურმე. თანაც სევანეთში ნასწავლი ყულფები ძირითადად კანაფის ბაწარზე იყო გამოსადეგი, ბანაკში დაუფლებული ყულფები კი — კაპრონის სამაშველო თოკზე. ყულფების განასკვის ნიჭზე დიდად იყო დამოკიდებული უარყოფითი კედლების წარმატებითი დაპყრობა-დამორჩილება. დიდი სიმაღლეებიდან თვალისუსწრაფესად, უსაფრთხოოდ დაშვება...

ბანაკში ახალბედა მთამსვლელები სწავლობდნენ აგრეთვე მთების ხასიათსა“ და „გუნება-განწყობილებას“, თოვლ-მყინვართა ხუშტურებს“, იმუშავებდნენ სინოპტიკოსის ალლოს.

ადრე თუ ბუნების მოვლენები შეგრძნებების სახითღა აღიქმებოდნენ მიხეილის შემეცნებაში, ახლა გუმანით ნაეარაუდევ შედეგს მეცნიერული, ლოგიკური ახსნა ეძებნებოდა.

სვანი ჭლაროსანი მოხუცები ამბობდნენ ხოლმე — „სალამოხანს ჩამავალი მზის სხივებზე, თეთრი ღრუბლის ფთილები ვარდისფრად თუ შეირუყლებიან, ეს ხვალინდელი კარგი ამინდის მაჩვენებელიაო. ხოლო თეთნულდმა თუ ნისლის საბლარდნელი შემოხვია — წვიმა-ჭარს ელოდეთო...“

„იმათი ნათქვამი მეტწილად მართლდებოდა, თითქმის არავის ახსოვს, მოხუცები თავიანთ ვარაუდში გამტყუნებულიყვნენ ხალხური, მამა-პაპიდან მომდინარე ამინდის გამოცნობისა და წინასწარმეტყველების ნიჭი და უნარი საოცრად განვითარებულიყო მათათა ქვეყანაში, მაგრამ რომ გეკითხათ მათთვის — მაინც რატომ უნდა გაავდარდეს, ან გამოიდაროს თუ თეთნულდს ღრუბელი შემოეჭარა, ან თუ ჩამავალ მზეზე ღრუბლის ფთილები წითლად შეირუყლაო, ვერაფერს გეტყოდნენ. მიზეზ-შედეგობრივი ახსნა ამ მოვლენებისა მათ არ შეეძლოთ. და ალბათ არ იყო მათთვის ეს აუცილებელი.

მაგრამ მთამსვლელისათვის ყოველივე ამის ცოდნას განსაკუთრებული მნიშვნელობა ენიჭებოდა. სხვა რომ არაფერი, უბრალოდ იმიტომაც, რომ მისი სამოქმედო არე ფართო მასშტაბებს მოიცავდა, ხოლო კავკასიონის მთიანეთისა და ტიანშანის ამინდის ადგილობრივი, წინდაწინ გამოსაცნობი ნიშნები არაფრითაც არ ჰგავდა ერთმანეთს, და არც შეიძლებოდა ყოფილიყო ერთნაირი.

ერთი სიტყვით, პროგნოზირების ალლო და უნარი ისევე საჭირო იყო მთამსვლელთათვის, როგორც მარდი მუხლები, შეუდრეკელი ნებისყოფა და ყოვლისაღმქმელი მზერა. რადგანაც სწორედ უამინდობა

და კიდევ უამინდობა იყო უპირველესი, გავეშებული და მძვინვარე მტერი ცისიერ ადამიანთათვის.

ალბათ ასობით გამოჩენილ მთამსვლელთა და მიტ უფრო დამწყებ ახალბედა მესიმაღლეთა დაღუპვის მიზეზი სწორედ უამინდობა იყო ძნელხილვადობის, ქარბორბალასა და დიდთოვლიანობის გამო, რამდენი, თითქმის სამშვიდობოზე გასული ექსპედიცია ჩარჩენილა გზაში, გამხდარა სიცივისა და შიშხილის მსხვერპლი...

სვანი მონადირეები, ამ დროს პირჯვარს ისახავდნენ და ამინდის შეუფეს, ელიას ევედრებოდნენ ხოლმე შეწვენას. მერე კი დაჰკრავდნენ ფეხსა და ანდეთი გაუდგებოდნენ გზას... ამ დროს ადვილი შესაძლებელი იყო, გზას ასცდნოდნენ და უფსკრულში გადაჩეხილიყვნენ, მაგრამ გამოდარების მოლოდინსა და ყინულის ჭანდაკებად გადაქცევას ერჩიათ თუნდაც ისეთი უეცარი აღსასრული, როგორც უფსკერო ნაპრალში გადაჩეხვება...

ზამთრობით, შობასა და უძღების კვირა დღეებში, როცა ცივდება და ენგურის ხეობაში ქარბორბალა დატრიალდება, ხშირი იყო ხოლმე მგზავრთა მხარის შეცვლა, ნამქერში ჩაჩუმქრვა და სხვა უბედური შემთხვევები. წლის ამ პერიოდში მეგვიანე მგზავრის სიკვდილს ჩვეულებრივად ავ სულებს — შაშიშებს მიაწერდნენ ხოლმე. მშობლები აკენიდანვე უნერგავდნენ ბავშვებს შაშიშებისადმი მოწიწებისა და შიშის გრძნობას. ისინი გრძელ ლოცვას უკითხავდნენ პატარებს შაშიშების მზაკვრობაზე:

დაადერში შაშიშები დარიალებენ,  
მციოსანნი  
თავთ ზუჩი ჩაჰოუფხატათო,  
რთვალისანი,  
ბავთ წკირები გაურქვიათო,  
კვარისანი,  
გარეთ ნუ გახვალ, შეილოსაო...  
არიან უმადურის თვალისანი,  
ეშმაკნი მეუფენი, ლამისანი,  
სიკინქილას გვარისანი —  
გარეთ ნუ გახვალ, შეილოსაო...  
ფესთ ქაბრალეები, ტყაეისანი,  
კბილ-ლოჭი, სპალოს ძელისანი  
გარეთ ნუ გახვალ, შეილოსაო...  
შუბლი — დაროსანი,  
კისერი — საროსანი,

დაწეები — ჭვალოსანი —  
 გარეთ ნუ გახვალ, შეილოსაო...  
 კილობს დაგიგებენ გორაზედა,  
 გეტყვიან ოსესა და დოსესაო.  
 ანგელოზსა და მსტოვარზედა  
 აქებენ სტუმარს — მომსვლელსაო.  
 მაწიერ თივასა და მზეზედა,  
 საიმქეყენოო გზებზედაო,  
 ხალალებსა და მთებზედა  
 მოყვარესა და მტერზედაო...  
 დააწყრილებენ ხმასაო  
 ორ მოგაცლიან თვალსაო,  
 წარგტყევეენ გულსთქმასაო  
 სულს შთაბერავენ სხვასაო...  
 ტყეებს გადაივლით უვალსა,  
 გზებს გადაივლით უღრანსა  
 აამელიანს და მუხნარსა.  
 ხეეს მიადგებით, წყალსაო  
 ბედაე. წყურვილი გკლავსაო  
 სხეები იმ ნაპირს გარდავლენ  
 შენ მუხლთლად იგრძნობ თავსაო.  
 ...ფეხი ქარაფზე დაცდება —  
 ვერაას შეასწრებ თვალსაო...  
 დაბდერში შაშიშები დარიალებენ,  
 მძივოსანნი  
 თავთ ზუჩი ჩამოუფხატავთო  
 რვალისანი,  
 ბაგეთ წკირები გაურკვეიათო,  
 ევარისანი,  
 კბლ-ლოჯი — სპილოს ძვალისანი,  
 ფეხთ-ჭაბრალები — ტყავისანი,  
 ეშმანი — მეუფენი ღამისანი,  
 სოკინკილაის გვარისანი.  
 შუბლი-ღაროსანი,  
 დაწეები-ჭვალოსანი,  
 კისერი — ხაროსანი —  
 გარეთ — ნუ გახვალ, შეილოსაო...“

მიხეილმა ზეპირად იცოდა ძველისძველი თქმულებები შაშიშებზე,  
 ტყისკაცებსა და ჰალეებზე. შაშიშები თუ თოვლიან მინდვრებში დაძრ-  
 წოდნენ საკბილოს მოლოდინში და ლაქლაქ-ტარტალით აბრუებდნენ  
 ადამიანს, გაიტაცებდნენ, გაიტყუებდნენ და სადმე ხევსა და ფლატეზე  
 გადაჩეხავდნენ, ტყისკაცები თავიანთი ნაფურთხით თარსავდნენ

მგზავრთა ბილიკებს, ხოლო პალები მაღალ მთებსა და კლდეებზე დასაფრებულიყვნენ; ქარაფებზე შერჩენილ მგზავრებს ბნელად მოე-  
ვლინებოდნენ, დაარეტიანებდნენ, ფეხს აუცდენდნენ და უფსკრუ-  
ლებს შესწირავდნენ ზვარაკად. მეტადრე ბავშვებს ერჩოდნენ რა-  
ტომლაც პალები, აკი პატარაობისას სულ იმათით აშინებდნენ მი-  
ხეილს.

მონადირეებიდან თითქმის ბევრს სჭეროდა ავსულების არსებობი-  
სა. ზოგიერთ მათგანს კი საკუთარი თვალთ ჰყავდა ნანახი დევი,  
ჯაგრით შემოსილი დედაშობილა არსება. მათი თქმით დევები ისეთა  
უშიშარნი იყვნენ, ტყეებიდან სოფლის ორღობებში ჩამოდრიოდნენ  
და ვისი ჭინიც ჰქონდათ, იმათ შეეფეთებოდნენ მაინცდამაინც. შე-  
ეფეთებოდნენ და იცოცხლე, შიშისაგან ენას ჩაუგდებდნენ კიდევ.

სოფელში დღესაც იყვნენ ავსულთან უეცარი შეხვედრის შიშით  
დამუნჯებული და ენაჩავარდნილი ადამიანები.

ის კი არა, ხანდახან დევები ბავშვებსაც იტაცებდნენ ხოლმე. ერთ-  
ხელ დღისით-მზისით მოუტაცნია ბავშვი. მთელი სოფელი შეჩოჩქო-  
ლებულა, მაგრამ გაკიდებას ველარავინ ბედავდა თურმე. ბოლოს  
მარგიანების უშიშარ ვაჟიაცს გამოუღვია თავი — ჯანდაბას ჩემი თავი,  
რაც იქნება, იქნება, ოღონდ ძეს კაცისას იმ ტროყაფეხიანებს ვეღარ  
გავატანო, გასდევნებია, მეფთქულაშის გადასახვევთან დასწევია და  
ბავშვი დაუტოვებინებია.

დევს დაუწყევლია ის ადგილი. დღესაც ყველა ასე ეძახის იმ ად-  
გილს — დევის დანაწყევარიო.

დევების შიში მართლაც ხეარტქლასავით მოსდებოდა მთელს ლო-  
მის ხეობას. დევის სახელის გაგონება შიშის ძრუანტელად უვლიდა  
ტანში ყველას. სოფლის რჩეული ადამიანები ცდილობდნენ, რადაც  
არ უნდა დაჯდომოდან, გაცხოველებული შიშის გრძნობა დაეთრგუ-  
ნათ როგორმე მოსახლეობაში. და აი, ვილაც ჰქვიანმა კაცმა, ბო-  
ლო რომ მოედო დევების პარპაშისათვის და იმათი სახსენებელი მო-  
ესპო ერთხელ და სამუდამოდ, ლამაზი მითი შეთხზა რომელიღაც შო-  
რეულ სოფელში მაცხოვრებელი პაიდანშერების ამოწყდომის თაო-  
ბაზე.

— ამა და ამ სოფელში — უამბობდა იგი ხალხს — ცხოვრობდნენ  
საქვეყნოდ ცნობილი პაიდანები (იგი დამაჯერებლობისათვის იმათი  
სამოსახლოს ნანგრევებსაც უთითებდა ხალხს). ერთხელ მათს ქორა  
მახვშის საფქვაკი წაუღია წისქვილში. ღამე ყოფილა. კვარი აუნთია,  
ხალთა ჩამოუგდია მხრიდან და ის იყო ხვიმრში უნდა გადაეპირქვა-



ვებინა, რომ ტროყაფეხება, ბანჯგელიანი დევი გამოცხადებია. იგი ახლოს მისულა და საფქვეის ჩაყრაში შეშველებია.

პაიდან არ დაბნეულა. მხრიდან პუსარი<sup>1</sup> ჩამოუფერტხავს, დევსაც ჩამოუფერტხავს...

პაიდან ფქვილის ასახვეტად დახრილა, დევსაც მიუბაძავს მისთვის...

ახლა ჭკუა და მოხერხება იყო საჭირო. აბა რსე ავსულთან რას გახდებოდა ძეხორციელი? პაიდანს არც ჭკუა ჰქვამდა და არც ეშმაკობა, ანთებული კვარის ერთი ნაჩეხი აუღია და ფეხებთან მიუტანია. დევსაც მსწრაფლ დაუტაცნია მოგუზგუზზე ნაჩეხი და თავიკი ბანჯგელიანი ფეხებისთვის მოუნათებია. ცეცხლის ალი უცბად მოსდებია გაბრიყვებულ ავსულს, მთელს ტანზე წაჰკიდებია. დევი წყველაკრულვით გავარდნილა გზაზე და რეტდასხმული ხიდიდან ენგურში გადაშვებულა.

ეს ყოფილა უკანასკნელი დევი, მას მერე მათი სახსენებელი გამწყდარა ჭვეყანაზე, ისევე როგორც მის მიერ დაწყველილი პაიდანშენისა... ბაბუა ანტონს კი არ სჯეროდა დევების. არც ავსულების არსებობისა სჯეროდა.

— ოლონდ, — ეუბნებოდა იგი მიხელს — ხალხს, ეტყობა, სჭირდებოდა ისინი და იმიტომ გამოიგონა, ყოველი თქმულება და ძველი ამბავი ხალხის კეთილდღეობისათვისაა შეთბზული, თორემ ისე, უმაღლეს დავიწყებას მიეცემოდა. ადამიანები უგუნურებასა და სისულელეს, ყოველგვარ უსარგებლოსა და ზედმეტს წყალს ატანენ მოუსაველეთისაკენ... ისევე, როგორც ავადმყოფობას ებრძვიან ისინი, ებრძვიან და თავიდან იშორებენ.

მხოლოდ დაღებისა სჯეროდა თეთრ მოხუცს:

— დაღები მართლა არსებობენო — უმტკიცებდა იგი მიხელს — დაღები ამ ბოლო დროს მავანმა და მავანმა ხალხმა დააფრთხო, შეაშფოთა, მაგრამ ისინი აუცილებლად უნდა შემოვირიგოთო, ეს გარდაუვალია და რაც მალე გავაკეთებთ, მით უკეთესი ჩვენთვისო... შენ უნდა შემოვირიგო ისინიო...

• •

ყოველივე ამას გრძნობდა თვითონ მიხელილიც. მისი აზრით, შარშან, პირველი ადგილი მხოლოდ უზადო ტექნიკისა და სანახაობისათვის მიაკუთვნეს მსაჯებმა.

<sup>1</sup> სვ. იფქლი.

„რა იქნა სისწრაფე?“

„რა მოუვიდათ ლეზზიზმისა და დალაცორას ქარაფებზე ადგმულ ნაბიჯებს?..“

„ხოლო სვანი მონადირეები ასი წლისანი დაძუნძულებდნენ ჯიხვების კვალდაკვალ... სვანი მონადირეები, ჩვენი წინაპრები...“

ორთვიანი, შორეული ექსპედიციიდან დაბრუნებული „კლდის ვეფხვი“ სწორედ ამ ეჭვებით გაუდგა გზას ყირიმისაკენ. ასეთი გრძელვადიანი ექსპედიციები სხეულს ადუნებს, სიზანტეს აჩვევს. კლდეზე ცოცვას კი საგანგებო მომზადება-ვარჯიში სჭირდებოდა. მხოლოდ სიმსუბუქის გრძნობა როდი ნიშნავდა კარგ სპორტულ ფორმას. მიუხედავად ამისა, იგი მიდიოდა იმედით, გამარჯვების რწმენით.

მაგრამ მოძალებული ეჭვი საკუთარი შესაძლებლობისადმი უნდობლობას იწვევდა, სულიერ წონასწორობასა და სიმშვიდეს უფრთხობდა. არა, არ უნდა დარღვეულიყო სულიერი მყუდროება...

• •

— პაპავ, შენ გინახავს დალი? — შეპბედა ერთ დღეს ანტონს მიხეილმა.

— დალი განა ძეხორციელია. იგი მოჩვენებაა, დედიშობილაა, რძისფერია და საკუთარ თმაშია ჩათბუნებული. დალს იმდენი თმა აქვს თავზე, რამდენი ნადირიც დაიარება. რამდენი ჯიხვიც დააკლდება არვეს, იმდენი ღერი სცივია ღმერთქალს. ამ ბოლო დროს ერთობ შეათხელეს ჯოგები და ღმერთქალებიც დამელოტდნენ. წარმოდგენილი მაქვს რანაირი შესახედაენი იქნებიან დამელოტებული ფერიები. ამას თავი გაანებე, განა სიცივე კარგ დღეს დააყრიდათ? უთმოდ, ოქროსფერი ტანსამოსელის გარეშე რაღა ეშველებათ, როგორ გაიტანენ თავს ყინულთში?

ამასწინათ იყო, ნათლად გავიგონე, როგორ მომძახოდა დალი. ცაიდერის ტყეებში დალები როდის ჩამოდიოდნენ, მაგრამ ეტყობა სიცივემ თუ ჩამოაგდო. იცი, რა საწყალობლად მომძახოდა? — თეთრო მოხუცო, შთააგონე შენს მინაანს, იმ ონავარ ბიჭს, მოგვეხოს და გვიპატრონოსო...

— ბეთქილმა რაღა დაუშავა, კლდეზე რო გადაჩეხა? რას ერჩოდა უპირველეს ვაჟაკსა და მონადირეს? ავი მითხარი, მამაცი მონა-

დირეები დალებს კი არ ეჯავრებათო, უყვართ კიდევო. მაშ რაღას ეჩხობა ბეთქილს?

— უყვარს, სწორია. ხომ იცი ერთი საფერხულო სიმღერა — „დალა კოჩას ხელღვაჟაღე“, მამაშენი რომ მღერის და ცეკვავს კიდევ. იქ გადმოცემულია როგორ გადაარჩინა მშობიარე დალი მონადირემ მოსალოდნელი ხიფათისაგან. ამისათვის ქალმერთმა გულუხვად დასაჩუქრა კიდევ თავისი მხსნელი — ყოველ ნადირობაზე ხარ-ჯიხვს დაჰპირდა. მეტი რაღა უნდა იმ დალოცვილს? ყოველ წასვლაზე ხარ-ჯიხვს რომ დათოფავს კაცი, საკმარისი არ არის? თუ შესძელი და შინ მოიტანე იმისი ხორცი ხო მთელი კვირეები ეყოფა ოჯახსა? ჰო და მეტი რაღა უნდოდა?

სამუდამოდ უზრუნველყოფილი იქნებოდნენ ჯიხვის ხორციით, ქონით და ტყავით, საყანწეები თავზე საყარი ექნებოდა, მაგრამ მონადირემ არ იკმარა ღვთისაგან ბოძებული, რამდენჯერაც წავიდა სულ ბათქაბუთქი დაუყენა რქაბრტყელებს, ჩორლა ხომ გახსოვს, იმისფერა ყოფილა იგიც, დაღს კი რაღა ექნა ამ დროს? როგორ მოქცეულიყო?

შენ რომ ყოფილიყავ დალი, რას გააკეთებდი?

ვიღაც პირსისხლიანი კაცი შემოიჭრა შენს საუფლიოში და სჭირდებოდა თუ არ სჭირდებოდა, ანადგურებს და სპობს ირგვლივ ყოველივეს. ამ მწირ ქედებს კი რანაირად შეუძლიათ დათოფილი ათობით, ასობით ნადირის მომრავლება-გამოზრდა? არ შეუძლიათ და აი, თანდათან შიშვლდებიან კავკასიონის ქიუხები, შიშვლდებიან ყოველთა სულიერთაგან... ხოლო დალებს კი გული უწუხბთ და დარდისაგან თმები სცივიათ...

ბოლოს, რომ არ მოვიდა ჭკუაზე გახლებული მონადირე. ადგნენ და ჯეროვნად დასაჯეს. მე მგონი, ამ სიმღერაში ის არის ნათქვამი, რომ ადამიანი გულხარბი და გაუმადლარი, სიტყვის გამტეხი და უპირო არ უნდა იყოს. ჩვენი დიდი წინაპრები ამ სიმღერას რომ ჰქმნიდნენ ალბათ იქიდან გამოდიოდნენ, რომ ზემოთ ჩამოთვლილი თვისებები ლომის ხეობის მკვიდრთათვის ისევე არსებითი და მნიშვნელოვანია, როგორც პური და წყალი, ხოლო გაუგონარმა და აკვაცმა ყოველივე თავის თავს დააბრალოსო. გულჩვილობა და დანდობა ღვთისაგან რომც იყოს, ეს მთები და მდინარეები მაინც მიუზღვავენ! მისაზღვეველს ფლიდთა და მრუშთა, ბოროტთა და უპიროთა...

აკი ბეთქილმაც უღალატა დაღს. სხვაში გაცვალა იგი, მიცემული სიტყვა ვერ შეუსრულა. დაღმა არ აპატია... ასეც უნდა მოქცე-

ულიყო, დაუნდობელია დალი, დაუნდობელი, ოღონდ სამართლიანი. და კარგი იქნება, თუ ამ მომთხოვნებლობას ჩვენს ყოველდღიურობაში, ჩვენს ყოფასა და ცხოვრებაში გადმოვიტანთ და დავნერგავთ. ჩვენმა წინაპრებმა ბევრჯერ სცადეს ეგ ამბავი, ნაწილობრივ მიაღწიეს კიდევ საწაღელს, მაგრამ ზოგი რამ გამორჩათ. ჰოდა ჩვენ ახლებურად მივუდგეთ, დღევანდელობას რომ სჭირდება, ისე...

არც ბექნუს სწაღდა ავსულების არსებობისა.

იგი კარგად ერკვეოდა ბუნების მოვლენებში. ამ პირქუშ ადამიანს ქანთამკვლევის საოცარი უნარი ჰქონდა — ზეპირად გეტყოდათ მიწის სხვადასხვა შრეთა გავრცელების არეს. გამოსაწვავი კირის ერთი ძარღვის მიხედვით შეეძლო მისი გავრცელების ერთიანი სქემა შეედგინა. სვანეთის ტერიტორიაზე ბექნუ რომ იტყოდა, იქ კირქვა ბუდობდა. კირქვა კი ოქროსავით ფასობდა სვანეთში. კირქვაც და ფიქალიც. ფიქლის მოპოვება განსაკუთრებით ჭირდა. მისი ქანები ძნელადმისადგომ ადგილებში გამოდიოდა რატომღაც სამზეოზე, თითქოს ემალებო ადაპიანებს. ბექნუსთან კი... ნი მიდიოდნენ რჩევისათვის — სად შეიძლება წასწყდომოდნენ კირქვას ან ფიქლის შრეს, სად ეცადათ ბედი.

ამინდის გამოცნობაც ძალუძდა. ცაზე ღრუბლის ფთილა რომ არ უოფილიყო და ბექნუს ეთქვა — ხვალ გაავდრდებაო. ექვს არავეინ შეიტანდა მის წინასწარმეტყველებაში. გონიერი, აზრიანი კაცი იყო ბექნუ. ერთი რამ მართლა სწამდა — რად უჩვეულო ნადირ-ფრინველის არსებობა. ისეთი ნადირ-ფრინველის... ზომლის მსგავსიც არც ძველ თქმულებაში იყო სადმე ნახსენები და არც ხალხმა იცოდა რა მის შესახებ. მხოლოდ თვითონ ბექნუს გაეგონა მისი ჭყვირილი. ბექნუს და კიდევ ორ ადამიანს — გაბრიელ ხერგიანსა და მთამსვლელ ქალს ლესია ვოლსკაიას, რომელიც 1935 წელს თეთნულდზე ახლათ.

— ზაფხული იდგა. ჩვენმა სამეულმა წარმატებით დააგვირგვინა თეთნულდის დალაშქვრა. ბანაკში მშვიდობით დაბრუნებულები ძალღონეს ვიკრებდით, ვისვენებდით. საოამოსპირზე გავშალეთ ჩვენი საძილე ტომრები, შევძვერით შიგ, ნებიერად ჩაეთბუნდით კიდევ და ის იყო, უნდა ჩაგვეთვლიმა, რომ უეცრად თეთნულდის კლდეებიდან, რალაც გაუგონარი, შიშის ზარდამცემი ჭყვირილი მოვარდა.

საშინელი ზაფრა დაგვეცა სამთავეს ყველაზე უფროსი და გამოცდილი, ყოვლისმხილველი და ყოველსმცოდნე გაბრიელი იყო, მაგრამ იმასაც არა სმენოდა მსგავსი რამ.

ხათლად მახსოვს, როგორც კი გამოვერკვიეთ (ალბათ ათი-თხუთმეტი წუთის მერე) სამთავემ პირჯვარი გარდავისახეთ. არც ერთი არ ვიყავით ცრუმორწმუნე, მაგრამ როგორც კი განსაცდელში აღმოვჩნდით და ამისი საბაბი მოგვეცა, უსირცხვილოდ გაიხსენეთ უარყოფილი, გრძნობა-გონებიდან დიდი ხნის წინათ ვაი-ვიშით განდევნილი ღმერთი. ყველაზე საცოდავ მდგომარეობაში მაინც ლესია იყო, და არც გაემტყუნებოდა: ქალს გული საგულეში არა ჰქონდა შიშისაგან. მთელი ღამე ლოცვა-ჩიფჩიფში გაატარა. არც ჩვენ გვეძინა სიმართლე რომ ითქვას, მაგრამ უცნაური მაინც ის იყო, მეორე დღეს, როცა საფრთხემ ჩაიარა და ჩვენ კვლავ მოვიკრიბეთ მხნეობა-სიმშვიდე და ლესიას შევახსენეთ, თქვენმა ლოცვამ იმოქმედა ალბათ თორემ ხიფათს ნამდვილად ვერ ავცდებოდით-მეთქი, იმან თავი ქვას ახალა, რის ლოცვა, რა ლოცვა, ან რა პირჯვრის წერა, მე არც ერთი გამიკეთებია და არც მეორეო.

იგი თავს დებდა ათეისტობაზე, მეტიც — სვანეთში დიდინ გატაცებით ჰქადაგებდა ღვთის არაარსებობას და იმ დღეს, უეცრად მახეში კი გაება! მაგრამ იმდენი გვარწმუნა, არც მილოცნია და არც პირჯვარი გარდამისახავსო, ლამის იყო დაგვაჯერა კიდევ თავის სიმართლეში. მთელი გზა გვარწმუნებდა — მასეთი რამ არაფრით არ შეიძლება მომხდარიყო, თქვენ ალბათ მოგეჩვენათო...

ბოლოს საშველი რომ აღარ მოგვეცა, ვუთხარი, ნამდვილად მოგვეჩვენა, თორემ თქვენც ხომ დაგამახსოვრდებოდათ-თქო.

ამ სიტყვებზე კი გულით გაიხარა, მწვერვალზე შედგომაც კი არ გაჰხარებია ასე. მე და გაბრიელსაც რა გვქონდა საწინააღმდეგო, კარგი ქალი იყო და იმისი სიამოვნება რალაზე გვეწყინებოდა.

• •

მსგავსი რამ ყვირილი თითქოს მიხეილმაც გაიგონა ერთხელ მთაში. ან იქნება ბექნუს ნაამბობი ჩაჰყვა იმ ღამეს ძილში და ყოველივე მოჩვენება იყო?

ეს ამბავი ინსტრუქტორთა კურსებში ჩარიცხვამდე რამდენიმე თვით წინ მოხდა, მანამდე, ვიდრე მამამისი საბოლოოდ დათანხმდებოდა ბანაკში გაშვებაზე.

საწყალი ბესარიონი ტვინი ჰქონდა მიხეილისაგან ამოღებული. უკანასკნელ საშუალებას ეძებდა, რათა შვილი როგორმე მთამსვლე-

ლობისათვის ჩამოეშორებინა. ერთხელაც, გაბრაზებულზე ასე უთხრა:

— თუ ასეთი ყოჩალი მყევხარ, ლეგვიერის ქედზე აწეგზავნები და ბაბუა ანტონის გამოქვებულიდან აბედ-კვესს ჩამომიტანო. აბედ კვესი მანდ ანტონს დაუტოვებია ადრე. თუ ამ საქმეს შემოსრულებ, მეტად ხმას არ ამოვიღებ და ზოგორც გენებოს, ისე მოიქეცი, გინდა უბარდოში წადი, გინდა — ჭაჭ-ეშმაკებთანაო...

მიხეილი გახარებული გაეარდა სახლიდან. ირღულდის ციცაბოები თვალისუსწრაფესად აირბინა, უკან ჩამოიტოვა ლენკიშისა და ფოშდელის ღამისსათევი ზექრები, ჩახისა და ქორულდის ტბები და ციცაბო ბილიკით ლეგვიერის ქედს გადაეკლო. დაღამებამდე შურთხიყ მოინადირა და მერე გულდამშვიდებული ეწვია თეთრი მოხუცის გამოქვებულს.

გამოქვებულში გამხმარი ბალახი ეფინა, წყვარაში სიბნელე მეფობდა. თითს თვალთან ვერ მიიტანდა კაცი. თანდათან კიდევ უფრო ჩამობნელდა აცივდა კიდევ. დამძიმებული ჰაერი მომგულდველად შემოსწოლოდა — სუნთქვა უჭირდა, სულს ძლივს ითქვამდა. სივრცე უცნაური მოციალე ათინათებითა და მირიადი იღუმალი ხმებით გაივსო. იდგა ერთი ჩურჩულ-გადაძახილი. ვილაცა ვილაცას ეხმიანებოდა ერთი კუთხიდან — მეორეში.

— დალაცორაზე ჰალემ ღამაშინა, მაგრამ იგი ხომ დავამარცხე ბოლოსდაბოლოს, აქ კი რატომღაც შაშიშები და დევები დამეპატრონენ — პაიდანისა და წისქვილში გამოცხადებული ბანჯკელიანი დევის ორთაბრძოლის სურათი მედგა სულ თვალწინ. ხანდახან ავსულის აბრიალებულ, ცეცხლში გახვეულ სხეულს რომ წარმოვიდგენდი, ხელებს ვიფარებდი თვალებზე, აღის კაშკაშა ანაბზინმა არ დამაბრმავოს-მეთქი, — მეშინოდა ზა თავიდან ვირილებდი.

„იქნებ არ იყო ის უკანასკნელი დევი. იქნებ კიდევ შემორჩნენ სადმე?“ — ეფიქრობდი გუნებაში. მერე, როცა შიშის დათრგუნვას მოვახერხებდი, სირცხვილის გრძნობა მეუფლებოდა — რა მეჩვენებამეთქი. მაგრამ მალე ყველაფერი თავიდან მეორდებოდა. მთელი საშენელება თურმე წინ მელოდა. შუალამე იქნებოდა, რომ უეცრად შემაზრზენი კივილი გავიგონე, ერთხანს ვიფიქრე, ალბათ შურთხებო თუ დააფრთხო რაიმე ნადირმა და ისინი თუ წივიან-მეთქი, მაგრამ ღამე შურთხის სტვენა რომ არავის სმენოდა?

მერე კვლავ პაიდანის მიერ დაბრძოლებული, აბრიალებული, აგუზგუზებული ტყისკაცი დამიდგა თვალწინ. აი, ცეცხლმოდებულმა

ავსულმა ბარგან-ბარგანობით გადაიარა შუკა, გავიდა ხილთან და იმ სიმაღლიდან ღრიალ-ღრიალით გადაეშვა ყოვლისშემძუსერელ მდინარეში. ჰო, ეს იმისი ხმა იყო, მხოლოდ იმას შეეძლო ასე საზარლად დაეღრიალა...

მერე გაბრიელი, ბექნუ და ლესია ეოლსკაია წარმომიდგნენ თვალწინ, სწორედ ასეთი ყვირილი გაიგონეს მათაც თეთნულდის მისადგომებთან. ანტონის ნათქვამიც მომავონდა — მოგზაურები ხანდახან კივილს რომ გაიგონებენ, იტყვიან ხოლმე: „ი, საცოდავი, ბეთქილის საცოლე მოსთქვამსო, ტყე-ღრეში თავის პატრონს დაეძებს, შინ მოუხმობსო“... მაგრამ ის ალბათ სხვა კივილი იყო. როგორ შეიძლებოდა ქალს ამნაირი ხმა, ჰქონოდა? არა, ეს ავსულისას უფრო ჰგავდა, ეს პაიდანის დაბრეყებული დევის მოთქმას უფრო ჰგავდა.

მერე ძალ-ღონე მოვიკრიბე და წუთით შიში და კრთომა გამოქვებულიდან გავლაღე. „თუ კი მართლა ასე ყვირის ვილაცა, ყურებზე რად არ ვიფარებ ხელებსა? როგორც მეხთატეხაში იციან ხოლმე, ისე რად არ დავიცობ ყურებს თითებით?“ — გავიფიქრე უეცრად და ცოტა გული მომეცა. „ყველაფერი მოჩვენებაა, ყვირილიცა და სხვა რამეც, ყველაფერი მოჩვენებაა და მეტი არაფერი“. — უფრო თამამად შევებრძოლე ღამის იღუმალეზას.

„რა იცი, იქნებ კიდევ აიფარე ხელი და შენ აღარ გახსოვს?“ — შემომეკამათა თითქოს ვილაცა. მართლაც რითი ვამტკიცებდი რომ არ ამიფარებია ხელი? არაფერი, არაფერი არ მახსოვდა. ერთი სიტყვით, ასე გაოგნებული და თავგზააბანეული არასოდეს ვყოფილვარ. ბექნუს ნათქვამი გამახსენდა: „მთამსვლელი ძილ-ღვიძილში ანგელოზებდაპატრონებული კაცივითაა — ხიფათიანი ბილიკების მგზავრი თავის თავს არასოდეს არ ეკუთვნისო“ და მართლაც, რამდენი არ ვეცადე, ვერაფრით ვერ დავიმორჩილე თავი — ათას შაშიშებსა და დევებს, იმათ ჩურჩულ-ჩოჩქოლსა და გადაძახილ-გადმოძახილს ვეღარ დავუძვეერი ხელიდან...

• •

შეჯიბრების წინა დღეს ახალგამოღვიძებულზე მთამსვლელებმა შენიშნეს ბანაკს კიდევ ერთი კარავი მომატებოდა, — პირამიდისებრი, ცისფერი. ცისფერი კარავი კი მიხეილს უყვარდა. მაგრამ... ახლა იგი ცარიელი იყო. მერე ვილაცამ დილის ბინდ-ბუნდში ქიმებზე გაცრულ სილუეტებს მოჰკრა თვალი. ასე ადრე ჯერ არავინ გასულა

კლდეებზე სავარჯიშოდ. ესენი კი ამ ბანაკის ტრადიციას არღვევდნენ.

საქართველოს წარმომადგენლებმა — „კოლმეურნის“ წევრმა მიხეილ ხერგიანმა და „განთიადელმა“ თ. ბაქანიძემ გადაწყვიტეს დარჩენილი მცირე დრო მაქსიმალურად გამოეყენებინათ და ალიონზე მიაშურეს კლდეებს.

• •

ეზოში მოქოთქოთე ხალხმა აბა რა იცოდა, რაზე ბჭობდნენ ასე გაცხარებით ლაღამელები, რა საჩუქარს უმზადებდნენ ისინი „მომხედურთ“. ერთი რამ კი ყველასათვის ნათელი იყო — საცაა ღამის სუღარა გადაეფარებოდა დედამიწას და თუ ახლავე არ იმარჯვებდა ვინმე ქრისტეს ჭვარი და ნათლისვეტი აქ დარჩებოდა, მაცხოვარის ეზოში, ლაღამელებს დარჩებოდათ ისინი და მათთან ერთად მოსაელის სეებელიც. სეტ-მესტიელები სირცხვილ-ნაჭამი უნდა გაბრუნებულიყვნენ თავიანთ სახლებში — არც ლხინს ექნებოდა შნო და ლაზათი, არც დროსტარებას.

ამ დროს ყველასდა მოულოდნელად მასპინძელთა რიგებს ჩუმი ყველასათვის შეუძმნეველი მინაანი გამოეყო და წელგამართული, გაემართა მურყვამისაკენ.

მომხედურებში ერთი ჩოჩქოლი შეიქნა.

— ეს როგორ იქნება... ჯერ არავის სმენია მსგავსი ამბავი — დაიძახა მუჯრიანმა მოხუცმა — თქვენ მასპინძლები ხართ და გვიმასპინძლეთ, სვეტზე ბლოტიალი რა თქვენი საქმეა — შეურაცხყოფილი კაცის კილოთი მიმართა გვეგანშეზის უფროსს. მერე თავისიანებს გადახედა; თითქოს შველას ითხოვდაო, მავედრებელი თვალებით ჩაათვალიერა ახალგაზრდობა.

— ეს როგორ შეიძლება... ეს როგორ შეიძლება, — დაიძახეს აქეთიქიდან სხვებმაც.

— შეუძლებელი უნდა შესძლო, ვაჟკაცობაც ის არის, თორემ პანტის ჩეჩქვა ყველას შეუძლია. დაიქერ ხელში სანაყს და ურტყამ და ურტყამ, ხანდახან პირსაც ჩაიტეპარუნებ ხოლმე... — გამოეპასუხა სტუმრებს ლაღამელთა მახეში — რახან თქვენ ვეღარ იმარჯვეთ, ახლა ჩვენ დაგვატალეთ, თუ ჭვარს ჩამოხსნიან ჩვენი ბიჭები, ვიცი, გეწყინებათ, აბა ხომ არ გაგიხარდებათ, ისეთი სულელები



არცა გეგონიხართ, მაგრამ რაც მთავარია, ღმერთს რომ არ ეწყინება. მაღალ ღმერთს ლომის ხეობისას...

იმის სიტყვაზე ხალხის ნაწილმა გაიცინა. ეტყობა, სტუმრებსაც მოეწონათ ხოშა ბაბას პასუხი; გულში იმათაც ეცინებოდათ, მაგრამ ხმაშავლა ვერ ამულაენებდნენ გულისნადებს.

მაგრამ მუჯრიანი მაინც თავისას გაიძახოდა:

— ეგ რა სამართალია, მეგუნდავეებიც თქვენა და ჯვრის ჩამომხსნელიც?! მაშ ჩვენ რაღა გვესაქმება აქა, ჩვენ ზედმეტნი ვყოფილვართ და ის არის. აი, გოდრებთან ეს ბიჭები დააყენეთ — თავისიანებზე გაიშვირა ხელი მუჯჯრიანმა — დააყენეთ და მერე თუ ვინმემ რამე თქვას, შეგვარცხვინეთ, თავი მოგვეჭერიო... თორემ ასე, თავისიანი სასიკვდილოდ ვის გაუმეტებია, რომ თქვენ გაიმეტოთ?

— ხალხმა თავად განსაჯოს, რაოდენ მიუყერძობებლნი ვიქნებით. თუ არა და დაგვძრახეთ, ქვეყნის სარიკო გაგვხადეთ, ჩვენი მხრიდან არავისი დანდობა არ იქნება. ვინც არ უნდა იყოს იგი. თანაბარ პირობებში ვაგრძელებთ პაექრობას. შელავათი ლაღამელებს არ სჭირიათ. ეს არავის არ უნდა ეშლებოდეს. მითუმეტეს შენა, მზის ამოსვლას ლამის მირიადჯერ შესწრებულ მომაცო თაშბი... — თავის პასუხს საყვედურიც მოაყოლა ხოშა ბაბამ.

მინანს მსუბუქად ეცვა. აბა რას იფიქრებდა — ნათლისვეტზე გასვლა მომიწევსო. ყველა, ვისაც წლოვანებით ერგებოდა მაცხოვარის ეზოში თავის გამოღება, ვისთვისაც ხალხს შეიძლება მოეთხოვა ნათლისვეტზე გასვლა, იმ დღეს კულის სქელ ტანსაცმელს იცვამდა, რათა ტანზე გუნდების დარტყმა იოლად გადაეტანა.

ხაკის პერანგი წელზე რომ არ მოფანფალებოდა უკან გადაეკიმა. ხაკისავე შარვლის ტოტები უპაჭიკოდ ჩაეტანა თომიან ჩაფლარებში. თავშიშველა იყო. უკანასკნელ წამს ვიღაცამ ნაბდის ქუდი ჩამოაცვა. დაბნეულობისაგან ისე გაბრუებულიყო, ქონგურებმონგრეულ კოშკისა და ნათლისვეტის გარდა ველარაფერს ხედავდა.

ხალხის ჩოჩქოლი მთელს სხეულში გასქდომოდა. ხმაურს აეტაცო მისი არსება.

რამდენიმე ნაბიჯიც და პირველმა მოხვედრილმა გუნდამ გონს მოიყვანა უსახური ფიქრიდან გამოარკვია.

პირველი, რამაც თავში გაუელვა, ეს იყო სინანული მშობლების გაუგონრობის გამო. სწორედ დღეს, დილით, როგორც ყოველთვის, დედა მამული შეემუდარა — თბილად ჩაიცვი, გაცივდებიო. მაგრამ

მან ყური არ ათხოვა მამულს... ახლა კი თითქოს ტყვიის ხოშკაკალას აყრიდნენო, მთელი ზურგი ეწვოდა. ო, რა მწარედ მიეზლო ახლა გაუგონრობისა და თავნებობისათვის!

მურყვამს შედარებით იოლად ააცოცდა. კეთაში მორტყმულმა გუნდამ წუთით კვლავ დაუბნელა თვალსაწიერი, მაგრამ თავი მაინც აითრია ქონგურზე. „ეს გვეგნუსი იქნებოდა, აბა — ვისი...“ — გაუელვა თავში. მეორე კისერში მოხვდა. „ეს ჯოხანის იქნებოდა, აბა ვისი“. ერთმა გუნდამ ყურის ბიბილოზე გაუტყლა ცუნა, თითქოს ხორცი წათალესო, ისეთი შეგრძნება დაურჩინა. „ეს კიდეც ჩარგოლის ფეშქაში იქნება... დიდი მადლობა. ბიჭებო, დიდი მადლობა“ — შეუთვალა მათ გამწარებულმა მიხეილმა. უფრო იმაზე მოსდიოდა გული — ეს გუნდები ხომ მისივე დაკუმშული იყო, რას იფიქრებდა, რომ ისინი თვითონვე აუწვავდნენ ზურგს, მისკენ წამოვიდოდნენ და ურეოდ და რახუნად დაუფლიდნენ სხეულში.

ნათლისვეტზე ცოცვა სხვებივით არ გასჭირვებია. კატასავით მიიკვამებოდა. ხელ-ფეხი არ ღალატობდა. ახლა უფრო ქვევიდან მოისმოდა ღრიანცელი, ისეთი გრძნობა დაუფლებოდა, თითქოს თვითონ კი არ ამობლოტდა, ხალხის ჩოჩქოლ-გნიასმა ამოისროლა ამ სიმაღლეზე.

„ცოტაც და ისე აღარ გაგიჭირდება, ცოტაც...“ — ანუ გეშებდა საკუთარ თავს მიხეილი.

მან კარგად იცოდა, რაც უფრო ნაღლა ააცოცდებოდა ნათლისვეტს, მასა და მეგუნდავეებს შორის მანძილი მით უფრო გაიზრდებოდა. მოხვედრის, ნიშანში სროლის სიზუსტე კი პირიქით, შემცირდებოდა. ამ ფიქრებში იყო რომ სვეტის თავზე მიჰქვილ ქრისტეს ჯვარს წაეტანა კიდეც. ეს წუთი იყო და ხალხის ჩოჩქოლმა იმძლავრა. დაბლიდან ერთბაშად მომწყდარმა ხივილის ტალღამ ლამის სვეტს მოსწყვიტა და ჰაერში აისროლა. მიხეილმა ერთხელ კიდეც გაიბრძოლა, ერთხელ კიდეც მოიკაკვა წელში, მერე გაიმართა და ნათლისვეტს ლამის თავზე წამოასკუპდა. ახლა ტანს ბოძზე შემოსალტული ფეხებით იკავებდა და თავისუფალი ხელებით ქრისტეს ჯვარს ეჭაჭვურებოდა, აყანყალებდა, ჩამოხსნას ლამობდა.

— მაცხოვარისაყენ... მაცხოვარისაყენ... — მოსძახოდნენ ცაცხესქვეშიდან ლალამელები.

სტუმრებმა თადარიგი დაიჭირეს, მაცხოვრის მხარეს გავარდნენ — ვინძლო იმ მხარეს გაესროლა მიხეილს ჯვარი, ადგილზე უნდა დახვედროდნენ და ხელთ ეგდოთ როგორმე.

— დაბლა მოისროლე, ყანებისაკენ... — უყვიროდნენ მიხეილს. ლალამელები ცდილობდნენ მოწინააღმდეგის დაბნევის, შეცდომაში შეყვანას, ძალების დაქსაქსვას, იმათს ბანაკში არეულობის შეტანას.

სეტ-ლახთაგელები ახლა ყანების მხარეს გაცვივდნენ.

მიხეილმა ერთი კი ვადმოჰხედა აჩოჩქოლებულ მოედანს, მტაცებელი ფრინველივით მოათვალეირა გარშემო, თითქოს რაიმე საკბილოს ეძებსო და რაღაც აზრმა გაუელვა გონებაში.

„არც მაცხოვრისაკენ ვისვრი, არც ყანებისაკენ... უყურადღებოდ მიტოვებულ მეგუნდავეებს ჩაუუგდებ, ისინი კარგად უპატრონებენ, თანაც საიაგიეროს მივუზღავე, იქნება თავშიც მოვახვედრო ვინმეს...“

გუნდები კი მოფრინავდნენ, მოზუზუნებდნენ, აცილებულნი წულით ჩაუქროლებდნენ. მალე მიხეილმაც მოისროლა ჯვარი, იგი ტრიალ-ტრიალით გაქრიალდა ცაცხვისაკენ და იმის ძირში გოდრებზე თავდახრილ ბიჭებთან ვიღაცას ზურგში მოხვდა.

მეგუნდავეებმა წუთით თავი ანებეს თავიანთ საქმეს, ჯვარი ყველაზე სწრაფმორბენალს, გუა ფალიანს ჩააბარეს. იმანაც, რაც ძალი და ღონე ჰქონდა, სოფლის თავისაკენ მოკურცხლა.

მოწინააღმდეგეებმა ერთი ხმაური ატეხეს:

— ე, მანდ გზა მოუჭერით, არ გაგექცეთ... — აგულიანებდა ახალგაზრდებს მუჯვრიანი მოხუცი.

— აბა, ჰე... აბა, ჰო... — ყვიროდა სახენიაარევი. თავად ერთ ადგილზე გახევებულიყო, ხელების ქნევისა და ყვირილ-ხარხარის მეტს არაფერს აკეთებდა. — ამ ღლაპმა როგორ მოგვატყუა, კაცო, ეს რა გვიყო, კაცო, ა? — ამბობდა გულისწყრომით და გაბოროტებით ნათლისვეტზე ტრიალ-ტრიალით ჩამოშვებულ მიხეილზე — ვინ იფიქრებდა სათრიკოს თუ გაგხდიდა, ე ცხვირმოუხოცავი? — სხვა რომ აღარავინ შემორჩა ახლო-მახლო. ახლა მუჯვრიან მოხუცს გადაულაპარაკა მან.

მაგრამ თამბის მისთვის არ ეცალა. სარდალივით ტრიალებდა. გაიშვერ-გამოიშვერდა ხელს, ახალგაზრდებს მითითებას აძლევდა. მაგრამ დღეს ხმა აღარ მოჰყვებოდა რატომღაც და იმაზეც ბრაზობდა. ამ ტროყაზეც იყო გულმოსული, რომ არავინ ეკითხებოდა და ისე იჩემებდა უფროსობას. ადრე, ჭეელობაში, იცოცხლე, ისე სჭექდა თამბის ხმა, ყურებს იცობდა ხალხი. მაშინ პირველ მომღერლად ითვლებოდა ხეობაში. დღეობებსა და ქელებებში სანთლით საძებარი

იყო. იმის პირველს ყინულოვან ნაპრალებში თოვლნადნობის რაკ-  
რაკს ადარებდნენ თანასოფლელები, მაგრამ, ახლა ომახიანი ყვირი-  
ლის ნაცვლად ხანდისხან ისეთი ხრინწიანი ხნავილი აღმოხდებოდა  
სოლმე, რომ თავადაც ელდა ეცემოდა ამის გაგონებაზე. ამ აყლა-  
ყის ჩარევა საუფროსო საქმეებში კი მით უფრო არ მოსწონდა და  
როგორც კი ბრძანებები მოილია, იმისაკენ შეტრიალდა და მკეახედ  
მიუგო.

— იმ ღლაპმა ქე მოგვიყვანა ჭკუაზე, მაგრამ აყლაყები მხოლოდ-  
და იბერებიან, ყროყინებენ და მეტი არაფერი, — მერე ოდნავ რომ  
შეერბილებინა ნათქვამი, დაფაციებულ, კოშკის კედლებთან მიმ-  
დგარი ახალგაზრდების მისამართით თქვა:

— აბა მაგათ შეხედე, ოფლად იღვრებიან, მაგრამ კოშკი კი ვერ  
დაუნგრევიათ. სხვა თუ არაფერი, ვერძივით ურქენს კაცი და ის  
იქნება, მე შენ გეტყვი და შუბლზე ტყავი ასძვრებათ. აი, საქმე ის  
იყო. ვინგლიანმა ბაღლმა რომ გააკეთა, ქვეყნის სათრიკო გაგვზა-  
და ყველა... — მოხუცმა თამბიმ ერთი ჩაახველა, ყელი ჩაისუფთავა  
და ამით სახენაიარევს ანიშნა, შენთან საუბარი მომიმთავრებიო.

— გზა მოუჭერით-მეთქი, ხომ გითხარით, გზა მოუჭერით... —  
შეტრიალდა ხალხისაკენ სახენაიარევი თორე — ისე გააშობენ ი ქრის-  
ტეს ჭვარსა, ეშმაკი ვერ მიაგნებს იმის ასავალ-დასავალს...

რამდენიმე სეტელ-ლებთაგელი უკან გაეკიდა გუა ფალიანს, სხეებ-  
მაც მოკლეზე მოუჭრეს გზა. ორღობეებში ისარივით გავარდნილი  
ბიჭები ერთმანეთს ეცილებოდნენ მეწინავეობას, ყველას უნდოდა  
პირველი დასწეოდა გუას. ვინც მოკლეზე გადავიდა ისინი ახლოს  
იყვნენ კიდევ მიზანთან. თანდათან უახლოვდებოდნენ წინ წასულს.

— ხე... ხე... ხე... — თავისთვის ხარხარებდა სახენაიარევი — მე რო  
არ მეთქვა, ვის გაახსენდებოდა გზის მოყვლევა, სამუდამოდ დავ-  
კარგავდით სვე-ბედსა... ხე... ხე...

მოხუცმა ერთი ამრეზილად გადმოჰხედა, მერე ხელი ისე მოიქ-  
ნია, თითქოს აბეზარი ბუზანკალა გააქშიო, იქით კოშკს მისეულ  
ბიჭებს დაუცაცხანა:

— ჰა, რაღა გემართებათ, ქერნარევი დუღაბისაგან ხომ არაა ეს  
მურყვამიც ჩამოსხმული, მარღად შეუტით, მარღადა.

— ერთ-ერთი მაღლა ავარდით. კოშკის თავანზე და ნათლისვეტი  
დააყანყალეთ. მაგრად დააყანყალეთ... — არ ჩამორჩა თამბის სახე-  
ნაიარევი, თავის ბუხუნა ხმით ახალი მითითება მისცა ბიჭებს. მერე  
კვლავ ჭვარს გადავენებულთ გაჰხედა პირმოქცინარმა და იმათაც თავი-

სებურად დასკვივლა — ჰე... ჰეეე... ცოტაც ქალაჩუნებო, ცოტაც და ჭვარი ჩვენია, ჰეეი... — ერთიან ცმუკავდა. იგი სიხარულისაგან.

ხალხი, მეტადრე სეტელ-ლახთაგელები, უკვე გამარჯვებულის იერით გასცქეროდნენ ორლობებს, სადაც ფეხმარდ მორბენლებს თოვლის კორიანტელი დაეყენებინათ. მათ უკვე ეჭვი არ ეპარებოდათ გამარჯვებაში.

— გზა მოუყელეთ-თქო, დროზე გავახსენე, თორე მაგის დამწვევი იყვნენ ესენი? ისე რა ვუთხარი მე მაგათ... ხე... ხე... — თავის მოხერხებულობასა და გონიერებას მიაწერდა ყოველივეს სახენაიარევი.

მაგრამ ნაადრევი იყო მისი სიხარული.

ლაღამელები დიდის ტანჯვა-წამებით დასაკუთრებული ქრისტეს-ჯვრის ასე იოლად დათმობას როდი აპირებდნენ. გუამ, რომ მიხვდა, მდევარმა გზა გადაუჭრა და ველარ დაუსხლტებოდა ხელიდან, ხერხს მიმართა, გვარლიანების ეზოსკენ გავარდა, საიდანაც ერთი ხელის გაწვდენაზე ბარლიანების მურყვამი მოჩანდა და ნადავლი, რაც ძალი და ღონე ჰქონდა, იჭითკენ მოისროლა. ქრისტეს ჭვარი რიალ-რიალით გაჭრილდა და კოშკის თავანში ჩაეშვა.

ამ მურყვამს ასასვლელი კარი ამოქოლილი და გაუქმებული ჰქონდა, ეს კი იმას ნიშნავდა, რომ სანატრელი ჭვარი სამუდამოდ იქ დარჩებოდა, იმ სიმაღლეზე, ცასთან და ღმერთებთან ახლოს... ლაღამელთა სახელისა და ვაჟაკობის მადიდებლად მაცხოვარის წმიდათაწმიდა მიწაზე დაივანებდა საუკუნოდ.

გაწბილებულმა სტუმრებმა ერთი ღრმად ამოიოხრეს და კოშკში ჩაშვებულ ჭვარს თითქოს ვულიც თან ჩაატანესო, ისე გააყოლეს თვალი. მერე თავთავისთვის უკმაყოფილოდ ჩაიბუზღუნეს რაღაცა და ახლა მთელი გაშმაგება და სიხელე ნათლისვეტზე გადაიტანეს. რაღაც არ უნდა დაჭდომოდათ, ნათლისვეტი მაინც უნდა დაესაკუთრებინათ როგორმე. მთელი ხალხი მურყვამს მისეულ ბიჭებს შეუერთდა და ერთიანი ძალით დაიწყო ნგრევა.

— ხომ გითხარით, მაგენი არაფრის გამკეთებელნი არ არიან-მეთქი... — ახლა უკუღმა შეატრიალა ნათქვამი სახენაიარევა და თავისებურად ჩახვიხვიენება სცადა, მაგრამ იმისი მოსმენის თავი აღარავის ჰქონდა. ბიჭები ნახევრად დანგრეულ კოშკზე იდგნენ და თოვლ-მიწაში ღრმად ჩამჭდარ ნათლისვეტს აყანყალებდნენ. ერთნი მალლა ეწეოდნენ, სხვები მურყვამს უთხრიდნენ ძირს.

ლაღამელებს ხელი უნდა შეეშალათ მათთვის, რომ დაღამებამდე მაინც დაენარჩუნებინათ როგორმე ნათლისვეტი. ისინი ბოძამდე შეღწევას ლამობდნენ, მაგრამ რიცხოვრებად სეტ-მესტიელები სკარბობდნენ. ახლა კი მთავარი სწორედ სიმრავლე იყო, ჰო და ლაღამელებს უკვე აღარაფერი გამოსდიოდათ.

მალე ი ნათლისვეტი ყიყინა-ხმაურით წამოაქციეს, პირი სეტი-საკენ უქნეს და მასპინძელთა სასოწარკვეთილ ყვირილში ლაღამის ორლობებში ჩააძუნძულეს, სოფელს გააცილეს და ლარელის ყანებთან მიაგდეს. ნათლისვეტის სეტამდე მითრევა არ იყო აუცილებელი გამარჯვებისათვის, მისი სოფელს გაშორებაც კმაროდა.

• ■

მეორე დღეს მსაჯის სასტვენის ხმაზე ტრასაზე სხვადასხვა ნომრით გამოსულმა ჭართველებმა განსაკუთრებული ინტერესი გამოიწვიეს: „როგორ ივლიან შეუჩვეველ ბილიკებზე?“

საერთოდ, გამოცდილი მთამსვლელები ამ დროს ბოლო ნომრებად ცდილობდნენ ხოლმე გასვლას. ახლა ერთხელ კიდევ ეძლეოდა კაცს საშუალება დეტალურად აღეკვა გზა, პრაქტიკულად დაკვირვებოდა გასავლელ ტრასას, გამოეზომა და მოენიშნა ფეხისდასადგმელი ადგილები და გაეთვალისწინებინა შემოსასვლელი „მარყუებების“ პირდაპირი გადაჭრის შესაძლებლობები. და რაცა მიხეილს სთხოვეს, როგორც საბჭოთა კავშირის ზეთგზის ჩემპიონს, მას ამოელო მონაწილეთა ნომრები, ეს შედავითი სწორედ აღმაათელ მეგობარს. და უთმო. და აი, შეჭიბრება დაიწყო, მიხეილი ტრასაზეა.

„სევანი მონადირეები ასი წლისანი დაძუნძულებდნენ ჯიხეების კვალდაკვალ — ფიქრობდა გზაზე მიხეილი — მუხლიც უჭრიდათ, მკლავიც“.

გავლილია თითქმის ნახევარი კედელი, გავლილია კარგად, მაგრამ საჭიროა მეტი სისწრაფე, საჭიროა წამები. ეს წამები კლდეს უნდა გამოსტაცოს, აუცილებლად უნდა გამოსტაცოს, და უცებ ქვევიდან ეშხში შესული გულშემატკივრების ძახილი შემოესმა: მიშა, მარჯვნივ! მიშა, მარჯვნივ!..

მაგრამ მიხეილი მაინც პირდაპირ მიცოცავს. კედელს აჰკვრია და მიცოცავს. აი, ცალი ფეხის დასადგმელიც აღარსად არის, აი, ორავე ფეხს ჰაერში აფართხალებს, ხელებით ჰკიდია შევრილზე. თითები ებრძვიან კლდეს, ეძებენ ღრეჩოებს, პორებს...

ქვევიდან კვლავ ისმის სასოწარკვეთილი ყვირილი:

— მიშა, მარჯენივ, მარჯენივ!!! — ჩოჩქოლებენ მაყურებლები.

მიხეილი კი ავიდა მაღლა, მერე დაეშვა ძირს და ორი მოგებული წუთით მივირდა ფინიშთან. იმ ქიმს სხვა ვერავინ აახტებოდა. ის ქიმა კი ორი წუთი „ღირდა“.

• •

მაღე ყველაფერი დამთავრდა. ნაბობქრალ ზღვასავით დაცხრა მთებიდან მორკინალთა მღლეღარება. ასე იყო თუ ისე, ყველა შეეგუა თავის ხედვას — ზოგმა გამარჯვება იხეიმა, ზოგმაც წარუშმატებლობის სიმწარე განიცადა.

■ •

— იმ ქიმისთვის რომ შეშებედა, იქნებ რაღაცა გამომსელოდა, — განუცხადა თავის გულშემატკივრებს. მეორე ადგილზე გამოსულმა კოსმაჩოვმა — ვერასოდეს ვიფიქრებდი იქ ძეხორციელი თუ მოიკიდებდა ფეხს.

• •

მიხეილი მაღლიერების გრძნობით გასცქეროდა „კრესტოვიას“ შვერილს, ამ რამდენიმე წუთის წინ ნანატრი გამარჯვება რომ მოუტანა...

მაღლა, კლდის ასწერივ ლურჯად გადაფერილ ცაში არწივი ბონობდა. იგი გამარჯვების კამარას ჰკრავდა მამაცი ადამიანის თავზე.

• •

— გულღრჯობეო, გეგონათ ნათლისვეტსაც დაგირჩენდით აქა? — გადასძახა ლაღამელებს სახენაიარევემა და თავმომწონედ გადაისვა უღვაშზე ხელი.

— არ თქვა ახლა, მაგაც ჩემმა ჰკუთვნებამ მოიმოქმედაო. შენი ზვიზვინი რომ არა, მართლა რა გვეშველებოდა... — ველარ მოუთმინა გულმა თამბის და მოურიდებლად შეარცხვინა ხალხში როყოყა სახენაიარევი.

ლაღამელთა ხოშა ბაბამ კვლავ მოიხმო მიხეილი თავისთან. მოწონების ნიშნად მხარზე დაადო ხელი, რაღაც ჩასჩურჩულა ყურში და სახენიაარევისაკენ მიახედა. მიხეილმა თავიდან ფეხებამდე შეათვალიერა იგი და ხოშა ბაბას მორჩილად დაუქნია თავი.

— წელან მაგან ღლაპი გიწოდა. თუ გული გერჩის, ანანე, არა და ღამძალებელი და მძრახველი არავინაა... — ხმამალა უთხრა ხოშა ბაბამ.

მიხეილმა კვლავ დაუქნია თავი.

— შიშით არ მეშინია, ისე რა ვიცი...

— ესეც, სვეტივითაა აყუდებული. თუ ამასაც თავზე მოექცევი, აიქ, გოგოებს ხომ ხედავ, დაადე თითი რომელსაც გნებავს და ხვალვე მოციქულად მიგეგზავნები. მიგეგზავნები და მოგიყვან კიდეცა... მიხეილს გაელიმა ხოშა ბაბას სიტყვებზე.

— აგრე იყოს ხოშა ბაბა. — თქვა მან და თოფნაკრავევით გავარდა წინ.

სახენიაარევი თამბრს ეკამათებოდა — უფროსები ბევრნი არიან აქ, მაგრამ ახალგაზრდობას შენსავით ათვალისწუნებით არავინ უყურებსო — საყვედურობდა იგი.

— ბევრს რომ ლაქლაქებ, გირჩევნია თავს მიხედო, მსტოვარი კარს მოგდგომია, ის ღლაპი გეძახის, წელან რომ სასაცილოდ გახვალდე -- დასცინა მას თამბიმ.

— აბა შენ იცი, არ შეგვარცხვინო... — მიაძახეს ამ დროს კმათში გართულ სახენიაარევეს სხვებმაც, რომელიც კიდევე ვერ გარკვეულიყო, რაში იყო საქმე, ვინ იწვევდა საქიდაოდ. ადგილზე შეტრიალდა და მის უკან შემართული მინაანი რომ დაინახა, ღიმილი ჰაშინდა გაუქრა სახიდან. გუნებამ ცუდი რამ უაზრა, მიხვდა „ღლაპმა“ იქით აიგდო სასაცილოდ. გამოწვევაც კი საქმარისი იყო თავისმოსაჭრელად — მისი შესაფერი მაინც ყოფილიყო ვინმე. შესაფერი წლოვანებითა და ძალოვანებით. არა და მინაანისათვის როგორ უნდა გაეყადრებინა თავი? როგორ გასულიყო მოედანზე? უარის თქმა კი სულ თავისმოჭრას ნიშნავდა.

მათს ირგვლივ წრე შეიკრა. გულშემატკივრები ორ ბანაკად დაიყენენ. ღაღამელები მიხეილს ამხნევებდნენ, სეტ-შესტიელები — თავიანთ მებურგიელს. მოხუცი თამბი მუქრაზე დაყრდნობილი შესცქეროდა მათს ორთაბრძოლას და ხმას არ იღებდა. სხვა დროს თავისიანებზე თავგადადებული, ახლა გაჩუმებულიყო, ეტყობა, წელანდელი წყენა ვერ მოენელებინა კიდევე. „აწი გაფრთხილდება,



ჰკუას ჩაიდებს თავში და ნაკლებს იროყროყებსო“ — ფიქრობდა იგი სახენაიარევე და გულში იმის წაგებას ნატრობდა.

მოწინააღმდეგეებმა ქაშკაშებში ჩაჰკიდეს ერთმანეთს ხელი, 'შორი-შორს გადგნენ, რათა მეტოქეს იოლად ველარ მოეგდო და მოელ-რიკა წელში. რამდენჯერმე შეანჯღრის, დაზვერეს ერთიმეორე.

— იესავ, შე ძველო, მიდი მისცხე ერთი შენებურადა... — მისძახოდ-ნენ სახენაიარევეს თავისიანები — ხადეიყერაი! არ გაუკეთო, რო იცი, ისე...

— მამა და შვილი, მამა და შვილი... — აქედან ლალამელები ცდილობდნენ წონასწორობიდან გამოეყვანათ როგორმე მიხეილის მეტოქე.

იესავს ოფლი ასხამდა სახეზე, სიმწრის ოფლი. „ამ ლლაპმა რა გამიბედლაო? — იმაზე იყო უფრო ასე გავეშებული. დამარცხებისა არ ეშინოდა — რამდენიც არ უნდა იხტუნოს, მაგი რას მიზამს, გვერდზეც ვერ გადამატრიალებსო, — ფიქრობდა იგი თავის წონასა და ძალაში დაიმედებული.

მიხეილი მართლაც შვილივით მოჩანდა იესავთან, ისეთი განსხვავება იყო მათს შორის როგორც ხნოვანებაში, ისე სიმაღლეში. მიხეილი გულმოდგინედ, მონდომებით ებრძოდა. ხტოდა, მაგრამ მეტოქეს შორს გამდგარ, გრძელ კოჭებს ვერა და ვერ უწვდინა გარეკაურისათვის გაქნეული მარჯვენა. რამდენჯერაც სცადა ამისი გაკეთება, იმდენჯერ ხმამაღალი გმინვა აღმოხდა, გმინვა გაწბილებული, ტყუილად დამაშვრალი ადამიანისა.

იესავი კი ამ დროს თვლებიდან შურისძიების ცეცხლს დააკვებდა. ჩაახველებდა და წიტვას მოჰყვებოდა.

— რა ბობალიყის ნასვამივით იწიტება ეგ მამაცხონებული, რა მოუვიდა... — იცინოდნენ მასზე ლალამელები.

— შველაის ტყუილა კი არ ეძახიან სეტ-მენტელებს, ნამდვილად შრატნაყლურწი იქნება — ცმუკავდნენ ლალამელები დამარცხებრს მოლოდინით აწრიალებულნი. მიხეილი მართალია კარგ მებურჯიელად ითვლებოდა სოყელში, მაგრამ ამ აყლაყთან რას გახდებო — ფიქრობდნენ ისინი.

— მამა და შვილი... მამა და შვილი... — დაიძახეს ისევ ლალამელებმა.

---

1 სვ. ხუმრობით — წამგებიანი ილეთი.

• •

შეორე დღეს კი ჩამოიტანა აბედ-კვესი; მაგრამ ვაი ასეთ დაბრუნებას — შიშისაგან დაძაბუნებული, დაჩიავებული ეშვებოდა სახლში. გულში კი ალქაჯი დედაკაცივით სწყევლიდა იმათ, ვინც წუხელის ამდები ქაჯ-ეშმაკი და ავსული შემოუხსია გამოქვაბულში.

მაცხოვარის ეზოში თანასოფლელები შეკრებილიყვნენ, შეკრებილთა შორის ყველაზე მაღალი შარდენ ჟალიანი მოსალოდნელ გვალებსა და წყალდიდობაზე ესაუბრებოდა თანასოფლელებს — ასე თუ გაგრძელდა. ენგური აღიდგება და კარგ დღეს არ დაყრის სგიშისა და ლეგამის სათიბ-სავარგულებსო — ამბობდა იგი.

— ჰო, აბა... მაგრამ წყალდიდობისა ისე აღარ მეშინია უკვე — არ დაეთანხმა კარის მეზობელს ბესარიონი — უშბისა და ლეხზირის მყინვარები ჩემს თვალწინ სალოკი მარლივით დაილიენ. კარგად მახსოვს, ლეხზირის მყინვარის ენა ცაიდერამდე წვდებოდა. ჩემსობაში ბარე ათ კილომეტრზე მაინც დაიხია უკან. ო, აღიდგება იცოცხლე, იმ დროს იცოდა ენგურმა, თორემ ახლა მაინცღამაინც არ მეშინია ისე...

ბესარიონს ყველანი დაეთანხმნენ — ასე იყო.

— მაგრამ ზარალი ახლაცა გვაქვს წყალდიდობისაგან, ვიცი, კარის ზღურბლს ვეღარ გადმოლახავს წყალი, მაგრამ გაღმა-გამოღმა ნოყიერი მიწა რო აღარ დაგვირჩინა? — საბოლოო სიტყვა მაინც შარდენმა დაიტოვა.

ამ დროს ლაღამელმა ახალგაზრდებმა ამოიარეს გზაზე მაცხოვარის ეზოში მობაასე უფროსებს მიესალმნენ.

— ხშირ-ხშირად რომ იყოს ეს უქმეები, რას გაიხარებდით არა? თორემ ბევრი მუშაობისაგან სუ წელი გაქვთ დამწყდარი... — გაეხუმრა ახალგაზრდებს არჩილ გვარლიანი.

ახალგაზრდებმა ვითომ დაირცხვინეს მის ნათქვამზე. ყველაზე ენამოსწრებულმა გვეგნუ გვარლიანმა კი არ შეიტოვა პასუხი:

— თქვენაც რომ მკვიდრად ჩამომსხდარხართ ამ დილაუთენია? ჩვენ კლუბში როა დასწრებაზე მისელა — აქაო და არავინ დაიკავოს ჩემი ადგილიო, ისე რომ მოსულხართ თქვენაცა?..

გვეგნუს სიტყვაზე ყველამ გაიცინა.

შალე ახალგაზრდები საჩილდაო ქვას შეზოერტყნენ. ქვა შუა ეზოში მისთვის განკუთვნილ ადგილას იდო. რუხ ფოლადისფერ ვარსიერის ლოდს ქვეერის მოყვანილობა ჰქონდა. მამა-პაპათა დანატო-

ვარი იყო იგი, ოღონდ არავინ უწყოდა ადამიანის ხელმა მისცა ასეთი ფორმა თუ ბუნებრივად დაჰყვა თავიდან.

ლონეში დაჯიბრებული ბიჭები თითებს ჩაუჭერდნენ ყელში და მალლა ეწეოდნენ. ქვა თავის მოცულობასთან შედარებით გაცილებით მძიმე იყო. იმის თავზე გადამტარებული ჭერ კაციშვილი არ დაბადებულყო, ყოველშემთხვევაში ასეთი ვინმე ხეობაში არავის ახსოვდა. რეკორდი საქართველოს ჩემპიონს ქართულ კილაობაში ნოე ფალიანს ეკუთვნოდა. ნოე ბუმბერაზი აღნაგობისა და უმაგალითო ჭან-ლონის პატრონი იყო. თავის ჭეელობაში ქვა მხრებამდე აუტანია.

ახლა კი სიტყვა ახალგაზრდებზე იყო. იქნებ ნოეს რეკორდი მოეხსნა რომელიმე მათგანს?

აქ იყო აგრეთვე საკრავი მუშტა ქვა. ყმაწვილკაცობა იმის შორს გადაგდებაშიაც ეჯიბრებოდა ერთმანეთს. ერთი სიტყვით, ლალაში მსოფლიოს რომელი ქვეყნიდანაც არ უნდა ჩამოსულიყო ადამიანი, შეეძლო ვაჟკაცობით თავი გამოეჩინა, დიდების მწვერვალზე ამალღებულიყო აქაურთა თვალში, მიუღგომელნი იყენენ ამ საქმეში ლალამელები.

იმ დღესაც ეჯიბრებოდნენ ახალგაზრდები ქვის აწევაში. უფროსები სიამოვნებით უყურებდნენ მათს პაექრობას.

განსაკუთრებული მნიშვნელობა აქ თითების სიგრძე-სიმოკლეს ჰქონდა. კოტიტა თითება კაცი გემოზე ველარ ჩაავლებდა ხელს საჯილდაო ქვას და აწევაც, რა თქმა უნდა, უფრო გაუჭირდებოდა. გამარჯვება-დამარცხება დიდად იყო დამოკიდებული თითების სიგრძე-სიმოკლეზე. ამიტომ კილაობის მსგავსად აქაც ხდებოდა მონაწილეთა „აწონვა“.

— ჰოი როგორი გადაკიდებულნი ვიყავით ერთმანეთზე. მთვარიანში შუალამამდეც კი შეეყოლილვართ ბიჭები ქვის კერასა და აწევას. დამარცხებულნი (დაუმარცხებელი კი ვინ დაბადებულა) გულისფანტკალით ველოდით უქმე დღეს, რათა კვლავ შეგებოდით მეტოქეს და ახლა ჩვენ დაგვემარცხებინა იგი. უქმე დღეები კი ბლომად იყო სვანეთში, ხალხი უქმეებს მართლაც რომ ჰქვიანურად იყენებდა — ერთად იკრიბებოდა, სოფლის საჭირბოროტო საერთო სახალხო საქმეებზე მსჯელობდა, ქეიფსა და პაექრობაში ატარებდა დროს. ერთმანეთს ეჯიბრებოდნენ თოფის სროლაში, ცხენოსნობაში, მდინარის გადალახვაში, ბოძზე აცოცებასა თუ თოვლის გუნდების

დაკუმშვაში, სირბილსა და ქვის კვრაში, საჯილდაო ლოდის აწევაში.

საჯილდაო ქვასთან ბრძოლა მართლაც ყველაზე საინტერესო სანახაობა იყო. მახსოვს, როგორ მიბუეოდა ხოლმე მეორე დღეს მკლავები, თითქოს სახსრებს შამტკრევდნენო.

როცა მეკითხებიან ხოლმე — ცალი თითით თავს როგორღა ვრევიო, პირველ რიგში ის, მაცხოვარის ეზოში გატარებული დღეებში ცოცხლდება ჩემს მეხსიერებაში, ბავშვობის ხალისიანი, მოუსვენარი დღეები, ალბათ მე და ჩემმა ამხანაგებმა საკმაოდ გავივარჯიშეთ ხელის კუნთები... და არა მარტო საჯილდაო ქვა მახსენდება, სხვაც ბევრი რამე...

### მუხთალნი არიან მთები...

— ბუბა ბესარიონ, მინაანი სადა გყავთ? — მიუბრუნდა აწრიალებულ ბესარიონს მარლენ რატიანი, მიხეილის უახლოესი ამხანაგი — ხომ არ გაგიგზავნიათ სადმე?...

უფროსებიც დაინტერესდნენ — რა მოუვიდა მინაანს, სად არის რომ არა ჩანს? როგორ შეიძლება ამხანაგებს დააკლდეს იგი? ეს ბესარიონიც ვერ უნდა იყოს გუნებაზე, თავი ხომ არ სტკივა? ახლა ყველანი ბესარიონს მისჩერებოდნენ მომლოდინე ავალებით — აბა რას ეტყვის, რას უპასუხებს მარლენსაო.

ბესარიონი დაიბნა. გულში დამნაშავედ გრძნობდა თავს შვილის წინაშე და ახლა დატუქსული ბავშვივით მოედო აღმური სახეზე.

— მიხეილი?... მამულმა გაგზავნა ლახთაგში. სიძესთან გაგზავნა, საქმე იყო რაღაცა...

— გომურში ხომ არ დაგიმწყვდევია? შენი ამბავი რომ ვიცი, ყველაფერი შეიძლება იფიქროს კაიმა. — გაეხუმრა ბესარიონს შარდები.

— ჩემო შარდენ, ლაბსყალელებზე როა ნათქვამი, ხომ გაგიგონია, მზის დამწყვდევა რომ მოიწადინეს, არიქა, ფანჯრები დაეხურათ და მნათობი ჩვენსა დავარჩინოთ... მინაანის დამწყვდევა თუ გინდა, დასანგრევი კედლები უნდა გქონდეს ბლომად და ახალი კარები მაჩუბისათვის... — გამოესარჩლა ბესარიონს არჩილი.

— ხო... შენი ჭირიმე არჩილ, ხო იცი, იმისი ამბავი. აბა მინაანს

დაამწყვდევს ვინმე? — გაუხარდა ბესარიონს მხარი რომ აუბა მეზობელმა.

სწორედ ამ დროს მაცხოვრის ორღობეებში თრიხინ-თრიხინით ჩამოეხეტა მიხეილი. ბესარიონი შეცბა. ირგვლივ მსხდომთ თვალი ველარ გაუსწორა და მიწას დააშტერდა.

მიხეილმა გაიხარა ამხანაგების დანახვაზე. მარლენმა, ელგუჯა რატიანმა, გვეგნუ გვარლიანმა და სხვებმა უმალ ჩაითრიეს იგი პაექრობაში. მარლენმა ხერხი იხმარა და მუშტა კვა მიუგდო ამხანაგს, ისე სახიფათოდ მიუგდო, ლამის ფეხზე დასვია, მიხეილი უკან გაბტა...

— რომ იკვებხნოდი, მიდი ახლა... — შიამაბა მარლენმა.

— ჰო, გავიგეთ, ვითქვამს. ყველა დავჯანბნეო... — თამაშში რომ ჩაეთრიათ უფრო იმისათვის ახელებდნენ ამხანაგები ახალმოსულს.

— დალილ-დაქანცულზე მიხელთეთ, არა? მოიცათ, იქნება ახლაც ვერ დაშიჯაბნოთ...

— ლახთაგიდან მოდიხარ, უშბიდან ხომ არა... — თქვა მარლენმა. ბიჭებმა გაიციინეს.

მიხეილმა თოფი მოიხსნა.

— ლახთაგიდანო? მე ვთქვი, ლახთაგიდან მოვდივარო?

— ლახთაგიდან მოდიხარ, მა რა...

— ლეგემერიდან რომ მოვდიოდე?

— ლეგემერიდან? გაიკვირვეს ბიჭებმა — თქვენი სიძე შურა ჩართლანი ლეგემერიში ცხოვრობს? ეგ კი აღარ ვიცოდით.

— რა შუაშია შურა? რის შურა, რა შურა!

— არის ალბათ შუაში, თორემ არც ვიტყოდით.

მიხეილმა ხალთაში ჩაყო ხელი, იქიდან ნანადირევი შურთხი ამოაძვრინა და ბიჭების წრეში მოისროლა.

— როდის ხახეთ ლახთაგში მსგავსი ფრინველი? თუმცა ვიცი, იმის მტკიცებასაც დაშიწყუბთ ახლა, შურთხი კი არა, შინაური ქათამიაო. — დამკინავედ შიამერდა იგი ამხანაგებს.

ეზოში მდუმარება ჩამოვარდა. ბიჭები გოცებისაგან პირდაფრენილნი დასტკეროდნენ ნანადირევს. უფროსებიც წამოდგნენ და ახალგაზრდებს მოაშურეს ცნობისმოყვარეობით შეპყრობილებმა — მართლა შურთხი თუ არისო. იმათაც არ სჯეროდათ შინაანისა — ლეგემერიდან მოვდივარო. აკი ეს წუთია — თქვა ბესარიონმა — ლახთაგში, სიძესთან გავაგზავნეთ ამ დილასო.

ამ დროს მიხეილმა მაშამისს ჰკიდა თვალი. მყისვე ენიშნა იმისი

უგუნებობა. უცბადვე გაიზარა ყოველივე, მიხვდა — მთელი ეს გაუგებრობა მამამისისაგან მომდინარეობდა. იგი ეტყოდა ამ ხალხს — ლახთაგში გავაგზავნეთო. და ახლა ინანა. თავი რომ გამოიღო — ლეგემერიში ვიყავიო. უხერხულ მდგომარეობაში ჩააგდო ბესარიონი. შურთხს დაშტერებულ ამხანაგებს ჩუმაღ გამოეპარა და ლასლასით ჩაუყუა შინისაკენ. ძალე მამამისიც წამოეწია. ერთხანს მღუმარენი მიჰყვებოდნენ შუკას. მერე მიხეილმა თქვა:

— გვიან შეგნიშნე, თორემ ხმას რად ამოვიღებდი...

— ხო? არა, რა მოხდა მერე... — თითქოს გულზე მოეშვაო ბესარიონს — ისა, შენა, შენ რა ჰქენი? — უნდოდა ეკითხა, როგორა ხარო, ხარბადაც აათვალეო მინაანი, თვალეები სიხარულისაგან გაცისკროვნებოდა — სალ-სალამათი დამიბრუნდა ჩემი მუხლმკვდარი ბიჭიო, მაგრამ კითხვით სულ სხვა ჰკითხა.

— ჩამოვიტანე, აი... — აბედ-კვესი გაუწოდა მამას მიხეილმა — საეკვო კია გამოდგეს კიდევ.

— ბაბუა ანტონი ხომ გაიხარებს მაგის დანახვაზე და... იცი, როდის დაურჩენია მანდა? უუჰ, ადარც კი ახსოვს, ისეთი ჭველი ყოფილა..

— ანტონმა აღმოაჩინა ის გამოქვამული?

— ჰო, შემთხვევით წაწყდომია. კარგი გამოქვამულია, ოღონდ საშიშია მანდ დამისთევა. შენც ხომ დარწმუნდი ამაში?

— საშიში?..

„ხომ ვერ მოატყუებს მამას? ყველაფერს ისე ეტყვის, როგორც იყო, ისე ეტყვის, რა თქმა უნდა. თორე იქნებ სულაც მანდ იყო ამოსული ბესარიონი და მალულად უთვალთვალებდა? მეჩე? მერე რაღას შერება?“

— კი, შიშით შემეშინდა, როგორ არ შემეშინდა, ათასი რამ მომელანდა, კივილ-ჰყვირილიც გავიგონე. ბექნუმ და გაბრიელმა რომ გაიგონეს თეთნულლზე, ისეთი. მაგრამ დანამღვილებით მაინც ვერ ვიტყვი, მართლა გავიგონე, თუ მომეჩვენა ყველაფერი.

— კივილი? — ჩაფიქრდა ბესარიონი — მახსოვს, ერთხელ გაბრიელი მოუყვა თეთრ მოხუცს რაღაც კივილზე. მაშინ ანტონმა ასე უთხრა გაბრიელს — ალბათ შეცივებული დალები თუ ჰკიოდნენ — თქვენგან დახმარება-შეწევნას თუ ითხოვდნენო. სწორედ ასე უთხრა მაშინ ანტონმა. შენთან ხომ არაფერი უთქვამს დალებზე? — შეეკითხა ბესარიონი მიხეილს.

— დალებზე? კი, მითხრა — ახლა ცუდ დღეში არიან ღმერთქალები და შენ უნდა უშველო.

— ასე თქვა? უცნაურია ღმერთმანი, ადრე მეც დაეურივებივარ—  
დალები შენგან შევლას ელიანო, უნდა დაეხმაროო. გაბრიელსაც,  
ბექნუსსაც, ჭიჭიკოსსაც ამასვე სთხოვდა ანტონი. ყველაზე დიდი იმე-  
დი მოხუცს გაბრიელისა ჰქონდა, მაგრამ გაბრიელს ბედმა უმუხთლა  
და ის იმედიც გაუქარწყლდა. ახლა კი შენ ეგულები იმათ შემწედ,  
ოღონდ უნდა გამოიცნო, უნდა ჩაუხვდე თეთრი მობუცის სიტყვას.  
მაინც რა გასაჭირი ადგათ ასეთი ღმერთქალებს? რა შეგვიძლია ჩვენ,  
მოკვდავთ? რა შეეძლო გაბრიელს, რა შეეძლო ბექნუსს, ჭიჭიკოსს,  
მაქსიმეს? რა უნდა იღონო შენ, გინგლიანმა ბაღლმა?

მაგრამ რაც მთავარია, ანტონიც თანახმაა რომ გაემგზავრო, ისიც  
შენს მხარეზეა, ყველამ ჩემს წინააღმდეგ შეკარით პირი. ეს მე ვარ  
რეგენი, ბრიყვი, სულელი, დანარჩენები ყველანი ბრძენები მყავ-  
ხართ... — გაცხარდა ბესარიონი — წადი, ბატონო, ჩრდილოეთში, გინ-  
და ხვალვე აიკარი გუდა-ნაბადი... — იგი უკვე შერიგებოდა იმ აზრს  
რომ მიხეილს ველარაფერი დააკავენბდა შინ, ვერაფერს მოუგონებ-  
და და მოუმიზეზებდა ისეთს, „ამ მუხლმკვდარს“ რომ არ გაეკეთე-  
ბინა და შეესრულებინა.

მიხეილი ერთი ზღაპრის მზე ჰაბუკი იყო, მეფის ქალიშვილი რომ  
შეჰყვარებოდა. მეფეს არ უნდოდა მისთვის მიეთხოვებინა თავისი  
ასული და ათას რამეს უგონებდა — დევის ფანდური მომიტანეო,  
თვითონ დევიც მომგვარეო.

მზეჰაბუკმა ფანდურიც მოუტანა და დევიც მოჰგვარა, სხვა ათა-  
სი სურვილიც შეუსრულა მბრძანებელ სასიამაჰროს. ბოლოს კი ხელ-  
მწიფეს აღარაფერი დარჩენოდა გარდა თანხმობისა.

იმის მდგომარეობაში იყო სწორედ ამაჟამად ბესარიონიც...

— მე ჩემი მითქვამს და... ახლა რაც გინდა ისა ჰქენი. ცხრა მთა  
კი არა, მილიონი ქელი გადასერე. ქვეყანაზე რაც რამ ზღაპრებია,  
იმათ გმირებს გაასწარი მთების გადალახვაში, ვინძლო მზე ჩამოი-  
ტანო ცის დასაღიერიდან და ამ ცოდვილ დედამ-წაზე მოაფრქვიო  
იმისი სხივნათელი. მაგრამ ხელებს თუ დაგწვავს, მამას აღარაფერი  
დააბრალო... — მერე მოწოლილ ბოლმას მოერია და წყნარად განაგ-  
რძო — ეს გზა ლამაზია, მაგრამ საცალფეხოა, ვინაც ბოლომდე მის-  
დიო, იშვიათად მოესწრო გაქაღარავებას... აი, რა ვაჟკაცები დაილუპ-  
ნენ თეთნულდზე, უშბაზე. და ბოლოს გაბრიელი! ყველაფერს რომ  
თავი გავენებოთ, იფიქრებდა ვინმე გაბრიელს თუ ხეავი მოუსწრა-  
ფებდა სიცოცხლეს? მთების კაცი, იმათთან ნათამაშევი, დაბრძენკა-  
ცებული ადამიანი, მთელს ქვეყანაში ცნობილი მთამსვლელი ერთ

მშვენიერ დღეს ზევემა ჩაჩუმქრა... იგი ხომ ჩვენი სისხლი და ხორცი იყო, ყველაზე ახლობელი ადამიანი, ჩვენ იმისი გვჯეროდა ყველაზე მეტად, გეწანდა, კვიემედებოდა, მაგრამ რა გამოვიდა? დღეს ეს ჯაღოქარი ჩვენთან აღარ არის, მორჩა, აღარ არის...

„მთები მუხთალნი არიან, დაუნდობელნი, ისინი არ არჩევენ ადამიანებს მათი წარმოშობის, ტიტულის, გვარის, ქონების მიხედვით. მთებში ყველა თანასწორია, ისევე, როგორც თვითმფრინავის მგზავრები, წავარანაზე შემდგარი ადამიანებიც სიკვდილ-სიცოცხლის ერთმან ჩაპეში არიან შემბულნი — წამოუტიეტივდნენ თეთრი მოხუცის სიტყვები მიხეილს. — მთებში ადამიანები უფრო ეთანასწორებიან ერთმანეთს, ვიდრე სხვაგან სადმე. ეს სწორფერობა და ერთიანობა მთის ბუნებიდან გამომდინარეობს: — თუ ივარგებ, თუ ძალ-ღონე შეგწევს, მშვიდობით გზა გქონია, არა და ჯანდაბას შენი თავიო. ამბობენ ეს კანონები — მთაში გულსუსტსა და მშიშარას აღარაფერი ესაქმება; მთა გულადისაა, ვაჟაკისაა... აქ მრუდე, ბოროტი თვალთვერ გადაზღადავენ ადამიანები ერთიმეორეს. უგლიმიც რომ ერიოს ჯგუფში, უნდა გაითანაბრო და ძმად გაიხადო, შესაძლებელია იგი გაჭირვების უამს ღმერთივით ამალდეს შენს თვალში, ისეთი სამსახური გასწიოს ვინძლო.“

მერე თქვა თეთრმა მოხუცმა:

— იქნებ ამიტომაც განვადიადებთ და ვესწრაფვით თანასწორობას? სწორფერობას? იქნებ ამიტომაც ჰქვია ამ ცასთან ახლოს მდებარე ერთ ციცქნა ქვეყანას უბატონო. უაზნაურო, თავისუფალი სვანეთი? და იქნებ ამიტომაც არის აქაურობაში ასეთი სწრაფვა მთებისაკენ, სიმაღლისაკენ, სადაც ასეთი განსპეტაკებული, ყოველგვარი მიწიერი სიბილწისა და მტვერჯანლისაგან განწმენდილი ცაა, სამართლიანი, მღიღარათა და ღარიბთათვის ერთიანის ძალით მანათობელი ოქროსფერი მზეა... ალბათ ეს გრძნობა თუ მიერეკება მთამსვლელებს, მესიმაღლეებს მწვერვალებისაკენ, — დაასრულა თავისი სიტყვა მოხუცმა.

„მაგრამ აქვს კი ყოველივე ამას დიდი გამართლება? — საგონებელში ჩავარდნილიყო მამა ბესარიონის გამო მიხეილი — აი თუნდაც მშობლის თვალში თუ აქვს ყოველივე ამას გამართლება? მშობლისა, რომელსაც აროდეს არ ჰქონია უზღვავე მოთხოვნილებანი და იმითაც კმაყოფილი და ბედნიერი იყო, რომ ყოველდღე გრძნობდა თავისი შვილის გულისცემას, სუნთქვას; მშვიდობიანი ნაბიჯების ჩქამს, იმის მოხმარებას, მხარში დგომას?“



— იქნება რაიმე ანგარება მალაპარაკებს ამდენს? მხოლოდღა სა-  
კუთარ სიამოვნებაზე ფიქრი მახურდღუნებს? ეშმაკმა უწყის, რა ხდე-  
ბა... ალბათ ერთი უბირო და გულსუსტი ვინმე ვარ და ეს არის. —  
ბესარიონმა ხელი აიქნია, თითქოს კერიდან წამოშლილ კვამლის ქუ-  
ლას იშორებს პირისახიდანო, უფრო საკუთარ თავზე გაბრაზებულმა  
ნაბიჯს აუჩქარა. გული აუჩუყდა სიბარულისაგან. უფროს-უმცროსი  
და-ძმებიც მოვარდნენ და ყიფინით შემოეხვივნენ „დაკარგულ“ ძმას.

დაიკო თინამ მხარზე მოგდებული თოფის კონდახს ჩაავლო ხელი  
და შეეყითხა იმის პატრონს:

— რაო, მინაან, ააცილე შურთხსა?

უმცროსმა ნათელამ ხალათში მოუფათურა ხელი.

— ეჭ, ცარეღია! შურთხი რომ ჩამოგეტანა, ან ტყის ქათამი, მე  
რომ ვაშლი შევინახე, იმას მოგცემდი... — აუქნია მან ხელი უფროს  
ძმას.

ძმა ანვარს ზღუქუნი აუვარდა — ნანადირევს რომ შემპირდი,  
რატომ მომატყუილეო. იმას უმცროსმა და-ძმებმა ნაზომ და ბეჭამაც  
აუბეს მხარი — ახლა სამივენი ზღუქუნებდნენ თან თვალებს იჭუჭყ-  
ენიღენ გაჩხლარი ბავშუური თითებით.

მიხეილს შეეცოდა უმცროსები. სიყვარულით მოუფერა სამივეს,  
მერე ცინას მიმართა:

— შენ გაახსენე თორემ მაგათ არც მოაგონდებოდათ ნანადირევი.

— მერე რა რომ გავახსენე?..

— შეპკირდი და რად არ შეუსრულე? პატარებიო და იმიტომ? —  
თავის მხრივ ჭიქურ შეუტია თინამ — რომ შეპკირდება, უნდა შეუს-  
რულოს კიდევაცა, ხომ ასეა, მამა? — ახლა ბესარიონი დაიმოწმა  
მან.

— ბევრს რომ ტლიკინებ, გირჩევნია. ენას კბილი დააჭირო, გაი-  
გე? — გაუბრაზდა ქალიშვილს მამა — ამათი ჭკუისა ხარ?

— რა, მართალს არ ვიძახი? — ახლა მამულს გადახედა თინამ.

— რომ მომეკლა, ი შურთხი, მართლა მომცემდი ვაშლსა? — მი-  
უბრუნდა მიხეილი ნათელას.

— მოკალი და მერე გაფრინდა? — გადაიხარსარა ნათელამ — გინ-  
და მომატყუო?..

— შენ ისა თქვი, მომცემდი ვაშლსა?

— მოგცემდი, მა არ მოგცემდი? — ოღნავ ენის ბორძიკით წარ-  
მოთქვა დაეჭვებულმა ნათელამ.

— აბა, რა.. აბა, რა... — ერთხმად დაიძახეს სხვებმაც.

მიხეილმა ხალთას პირი გადმოუბრუნა. იქიდან შურთხის რუხ ჭრელი ბუმბული გადმოფრიალდა.

— ეს რა, შურთხისა ხოა? — შეეკითხა იგი ნიშნისმოგებით დამებს — ა, რას იტყვით ამაზე?

ბავშვები გაოცებულნი შეჰყურებდნენ. თვალებს იმშრალებდნენ. მერე იატაკზე დაცვნილი ბურტყლი ახვეტეს.

— ამ ბურტყლში მოგცე ჩემი ვაშლი? — გამოერკვა უცბად ნათელა.

— ხო, შურთხისაა და მეტი რაღა გინდა? ან იქნებ ველარა ცნობ? — ჩაეკითხა მიხეილი — რახან შურთხისაა, ესე იგი, მომიკლავს კიდევ, აბა ისე საიდან გაჩნდებოდა ჩემს ხალთაში?

— მაგრამ შენ რომ ჩვენთვის არა მოგიტანია რა? ამ ბურტყლში მოგცე ჩემი წითელი ვაშლი? — ნათქვამზე იდგა ნათელა.

— მაშინ გაშპით და მაცხოვრის ეზოში ნახეთ მინაანის მონადირეებული შურთხი, აბა გაიქეცით ახლავე... — ჩაერია ბავშვების საუბარში საკარცულზე ჩამომჭდარი ქორა მახვში ბესარიონი. მას თავი ხელისგულეებზე ჩამოეგდო და რალაცაზე ნაღვლიანად ჩაფიქრებულიყო.

ბავშვებმა ყური ცქეიტეს. მამა ბესარიონის ნათქვამი ენიშნათ. ზელურების გუნდივით აიშალნენ და გარეთ გაცვივდნენ.

— ნათელ, ვაშლის მოცემა არ დაგავიწყდეს, იცოდე... — სიცილით გასძახა დაიკოს მიხეილმა.

ბავშვებს მხოლოდ თინა და ყველაზე უფროსები — იევა და ირა არ გაჰყოლიან, თუმცა ამათაც არანაკლებ აინტერესებდათ შურთხის ამბავი. მაგრამ უმცროსებთან სირბილ-წანწალს ხომ არ იკადრებდნენ.

— რა კაცია, შურთხი მონადირა და მაცხოვარის ეზოში დაადგოდო... — თქვა გაოცებულმა თინამ.

— ხო, ბევრი იცი, შენ..

— წვინდა მაცხოვარს შესწირე?

— ჰხი... ხი... ხი... — მამა ბესარიონს სიცილი აუვარდა თინას სიტყვებზე — ეს მართლაც კარგად თქვა მაგ ქალბნელამ, მაგანა... — წუთით გამხიარულდა ბესარიონი...

• •

ადილსუს ხეობა რალაციით მშობლიურ სვანეთს აგონებდა მიხეილს. ალბური ზანაკი „შეტალურგი“ კი სახლივით ახლობელი გახდა. ზანაკის ღირექტორი და უფროსი მწერთნელი მზრუნველობას არ იშუ-

რებენ მისთვის მათი გულწრფელი მამობრივი დამოკიდებულება ერთი უცხო მხრიდან ჩამოსული უთქმელი ბიჭის მიმართ მართლაც რომ უდიდესი ადამიანობისა და კეთილშობილების გამოვლინება იყო. მათ ყველაფერი იღონეს რათა მიხეილს საწადელისათვის მიეღწია. მერე და რამდენი ყურადღება სჭიროდა, რამდენი თანაგრძნობა, გულიანი რჩევა-დარიგების მოცემა, რათა იქაურ მკაცრ რეჟიმს შეჩვეულიყო, სპორტულ ფორმაში ჩამდვარიყო, მთამსვლელის ხასიათი და ჩვევა გაჰოემუშაებინა.

## სიძლერა — უჩინარი და საუზარელი მებოზარი

— მაგრამ მე არ გაეუმართლე — სინანულის გრძნობით იგონებს მიხეილი — რალაც ეშმაკად კვლავ წამძლია ბავშვურმა ცთუნებამ, სიანცემ ამიტანა. ერთ დღეს დაღაყორას მსგავსად, მარტოკა გაუუდექი გზაწვრილს უცნობი ვიატაუს მწვერვალისაკენ. არ ვიცი, რა ძალა შერეკებოდა ასეთი, რა უჩნმა მომცევა იმ დღეს — სულმოუთქმელად გავიარე მთელი გზა, გავკვალე ჩემი ბილიცი.

ვიატაუს მრისხანე კალთები პირველად შეაჯერა ალბათ ჩემნაირმა ლინდლიანმა ბაღმმა. შეჯერებაც არი და... შეიძლება ვინმეს დაუჯერებლად მოეჩვენოს, მაგრამ ერთი სამჯერ მაინც რალაც ალაღლებზე გადავრჩი სიკვდილს. ის კი არა, ხანდახან მეც ისე მომეჩვენება იმდღევანდელი ჩემი თავგადასავალი თითქოს ყოველივე სინმარში მოხდა, ან მე კი არა, თითქოს ვიღაც სხვას გარდახდა მთელი ის სიფათები. მახსოვს, ქარაფზე რომ გადავეკიდე და ფეხებს ჰაერში ვასხმარტალებდი. ჰიაყელასავით ვიღარქნებოდი, ვიგრიხებოდი სასიკვდილოდ განწირული, ყინულის ღრეჩოს, კი, რაზედაც ხელებით ვიყავი ჩაფრენილი თანდათან ეფექტებოდა ნაპირი, ეფექტებოდა და აღნებოდა კიდევ, დროზე თუ ვერ ავითრევედი ტანს, დროზე თუ ვერ ავმალდებოდი, მალე უკანასკნელი საყრდენიც შემომადნებოდა და მე „ცოცხალი ლოდივით“ დავეშვებოდი დაბლა უსასრულობისა და საუკუნო მღუმარებისაკენ.

მაგრამ, ალბათ ბედნიერ ფეხზე თუ ვიყავი ამდგარი, მყინვარის პორმა გასძლო, ხოლო მკლავებმა კი უკანასკნელი ძალა მოიკრიბეს და ნაწვიმარი, სველი თივის ბულულივით ამზიდეს მალლა, მაინც არ შევმდრკალვარ, უკან გაბრუნების სურვილი არ გამიკარებია ახლოს.

ასე იყო თუ ისე, ავედი და ავედი მწვერვალზე. იყო წუთები,

როცა ერთობ მიქირდა წინსვლა. ხან კლდის შვერილი გადამეღობებოდა, ხანაც მყინვარის ენა, მაგრამ უკანდახევაზე ფიქრი არ გამივლია გუნებაში.

მაგრამ ასვლა ერთია, რომ ახვალ სადმე, იქიდან დაბრუნებაცაა საჭირო. თუ კი ვერ დაბრუნდები, გინდ ასულხარ და გინდ — არა. ამ აზრმა მხოლოდ მაშინ გამიელვა, ზედ მწვერვალზე რომ შევდექი და მუქ-ლურჯ ცაზე გაღვრილ მზის უკანასკნელ ნათელს შევაჯღღე თვალი.

უეცრად ცუდი რაიმე მიაზრა გონებამ და მსწრაფლ დავიწყე ძირს დაშვება, დავიწყე, მაგრამ უკვე გვიანი იყო. ზედ შუა თხემზე შემომაღამდა. ეს იყო სეირი.

იმ დღეს მართლა ვირწმუნე, რომ ბუნებაში თავისთავად არსებობს რაღაც სამართლიანობა და კანონზომიერება. ამის მაგალითად ჩემი ამბავიც კმაროდა. ხშირად მსმენია — „ღამე თეთრად გაათენაო“, მაგრამ ღამისთევაც ყოფილა და ღამისთევაც. მართლაცაა, აბა როგორ შეედრება შინ, სითბოსა და მყუდროებაში ღამისთევა სადღაც მუხთალ მწვერვალზე. თოვლისა და მყინვარების საუფლოში, ათას მოჩვენებებსა და ლანდებთან ბრძოლასა და წვალებას? მითუმეტეს, როცა მოუქზადებელზე მოგიწევს გარეთ დარჩენა — უკარვოდ, საძილე ტომარის გარეშე.

„ცივ ღამისთევაზე“ საშინელება არც რა იქნება ალბათ მთამსვლელისათვის იგი ნიშნავს სიკვდილს, საუკუნო აღსასრულს, ან უკეთეს შემთხვევაში — სხეულის მოყინვას, დახეიბრებას, დაკუტებას. არის ერთი სიმღერა „ცივ ღამისთევაზე“, სადაც გადმოცემულია გასაჭირში ჩავარდნილი ალპინისტის მოთქმა. აი, ეს სიმღერა:

Зачем не взял себе штормовку,  
Палатку здарскую зачем не взял,  
Попал я беденький в холодную ночевку  
И мороз косточки мои сковал.

საძილე ტომარა კი აბა საიდან მექნებოდა. არც უთოვლო დალაცორასავით „თბილი“ მწვერვალი იყო ეს ოხერი ვიატაუ. მართლაც საშინელი წუთები დამიღგა. ვერც წინ მივიწვევდი, ვერც — უკან. სიცივე კი მხრებზე მაჭდა, სიცივე და შიში. მთელი სხეული შიშის გრძნობას მოეცემა. საცრისხელა თვალები ჰქონია შიშსა. უამრავი ავბედითი ფიქრი ასხია თურმე პანტასავით ამ იღუმალ გრძნობას. პანტა კი დაბლა ცვივა წამლაუწუმ და თავში, მხრებზე გეცემა, მთელს სხეულზე ეკლებად გესობა. ათასი უსიამო განცდა გეუფლება ადამიანს.

„კაციშვილმა არ იცის შენი ასავალ-დასავლისა. აბა ვის მოუვა გონებაში, რომ ვიატაუს კალთებზე იყინები? ვინ გამოჰყვება შენს ბატისფეხურ ნაკვალევს, ვინ მოგნახავს, თუკი აქ დარჩენა გიწერია სამუდამოდ? იქნებ მამა ბესარიონი მოგაგნებს ანდეთი, ან ამხანაგები მოგნახავენ? მაგრამ შენ რომ მათთან ერთი სიტყვაც არ დაგცდენია ვიატაუზე?“ — თასი ზმანება ენაცვლებოდა ერთურთს გონებაში.

„ან იქნებ სულაც შაშიშებმა გამოგიყენეს ამ მუხთალ გზებზე? შაშიშებს რამდენი სახელოვანი მონადირისათვის უბნევიათ გზაკვალნი, შენი აყოლიება კი რაღაზე გაუჭირდებოდათ? — შენი, გინგლიანი, ერთი „მუხლმკვდარი ბაღისა?“

და მეც შევეურიგდი ღეთისგან წილხვედრილ განაჩენს. ვიწრო ბაქანზე ვეყუდე გახევებული და აესულთა და ეშმაკთა ტარტალ-ლაყბობას მივეუგდებდი ყურსა.

„დაბღრაში შაშიშები დარიალებდნენ,  
მძიოსანნი,  
თავთ ზუჩი ჩაპოულხატავთო,  
რვალისანი,  
ბაგეა წყირები გაურკვეათო,  
კეაოისანი,  
— გარეთ ნუ გახვალ, შეილოსაო...“

ავბედიტად ჩქამობდნენ მუქ-ნაცრისფერ სივრცეში მოხუცი მებლაპარის ტუჩები. მაგრამ რაღა აზრი ჰქონდა ახლა ლოცვანის გახსენებას. შაშიშებმა რახანია გამომიყენეს საბედისწერო გზაზე და ახლა იმათ ველარსად წაეუვიდოდი, ველარსად გავექცეოდი.

„უნდა გაუძლო, უნდა გამაგრდე როგორმე, თორემ უფსკრულებში გადაგჩეხავენ. მერე კი შენი სახსენებელიც აღარ იქნება ამ ქვეყანაზე, ველარავინ გაიგებს შენს ასავალ-დასავალს, სამუდამოდ მიიჩქმალება ალიკვალი, სამუდამოდ იღუმალებით მოცული დარჩება გაუგონარი ბიჭის აღსრულების ამბავი“.

მაგრამ უფსკრულის საშიშროებისაგან რომც მეხსნა თავი, სიცივის მოძალებას როგორღა გავუმკლავდებოდი? რაღაც უნდა მეღონა, თორემ ერთი უგერგილო ქანდაკებაღა დარჩებოდა ჩემგან ვიატაუს უსიყრ თხემზე. ბედად თეთრი მოხუცის სიტყვები გახშირდნენ გონებაში. ერთხელ მასაც წამოღწეოდა გადასასვლელზე გამთოშავი ღამე, რომ არ გაყინულიყო ხელფეხის ქნევას მოჰყოლოდა. აღიონამდე „შინავორგის“ ბუქნავდა თურმე გამწარებული.

მეც მთელი სერიოზულობით შევეუდექი ხტუნვასა და ხელების ქნე-

ვას. ერთი კვადრატული მეტრის თოვლიანი ბაქანი, ჩემს განმგებლობაში რომ აღმოჩნდა ისე გადავტყეპნე, მეთაულტეს შეშურდებოდა. ხანდახან, ამ ყოფაში რომ ვიყავი მუხთალი ძილი წამომეპარებოდა, ან დაღლილობა შემომამწვებოდა. ამ დროს თავი დაბლა მეწეოდა ხოლმე, დაბლა, მოუსავლეთისაკენ.

გასულ წელს ჩემი ბიძაშვილი, გამოცდილი მძღოლი გადაიჩეხა მესტიის გზაზე. მაგრამ ვიდრე ამ ამბავს გავიგებდით თავს იმით ვინუგეშებდით — იქნებ სადმე ახლობელ ქალაქში გაუხვია ზუგდიდთან, ვინმე ნაცნობს და ამხანაგს ხათრი ვერ გაუტეხა და მანქანით გააცილაო. მაგრამ კვირისთავზე ავტობუსის მგზავრებმა ენგურის ნაპირზე გამორიყული ლეიბები ნახეს. ბიძაშვილს სწორედ ქვეშაგებელი უნდა ჩამოეტანა საავადმყოფოსათვის. მხოლოდ მაშინ დავასკვენით რომ ავებდითი შემახვევის მსხვერპლი გამხდარიყო. როცა დავუყვევით ენგურს ზღვისაკენ ვერც მანქანა ვნახეთ და ვერც მისი მძღოლი. თითქოს მიწამ ჩაყლაპა ორთავენიო. ბოლოს იმ ადგილსა წავაწყდით, სადაც მანქანა გადაიჩეხა მდინარეში — ფართე, მშვიდობიან გზას მკრთალად აჩნდა მანქანის საბურავების მრუდე კვალი; იგი პირდაპირ უფსკრულისაკენ მიუყვებოდა გზის კიდურს.

უფროსებმა თქვეს მაშინ: ალბათ გზად ძილი წამოეპარა, თორემ აქ საში მანქანაც კი აუვლიდა ერთმანეთს გვერდსაო. გვიმბრისა და სალიშის კლდეებს გამოსცდა და ამ ფართეზე რაღა გაუჭირდებოდაო.

— უნდა ემღერა, რახან მარტო იყო და ღამე მოდიოდა, უნდა ემღერა, — თქვა ყველაზე უფროსმა ტყინტულდ ხერგიანმა — ან გაჩერებულყო, ალიონს დალოდებოდაო...

ვერ ვიპოვეთ ბიძაშვილი. ვერც იმისი მანქანის ასავალ-დასავალი უნახავთ სადმე, გარდა იმ საბედისწერო ნაკვალევისა, ენგურისაკენ რომ მიემართებოდა, ველარაფერს წავაწყდით. ალბათ ენგურმა ჩაბტანა ზღვაში თავის მძღოლიანად...

„უნდა ემღერა, რახან მარტო იყო, უნდა ემღერა...“ — გამახსენდა ხერგიანთა უფროსის ნათქვამი. პო და მეც არ დავაყოვნე. აქანკალეებული ხმით წამოვიწყე:

„დალა კოქას ხელღვაქლე, რერომა, რაშა...“

ჩუქან თხეროლ ხოუულუქენე, რერომა, რაშა...“

ნადირობის ქალღმერთ დაღზე ვმღეროდი. შველა-დახმარებას შვეთხოვდი. მეც იმის დღეში ვიყავი, სიკვდილი მითვალთვალეზდა ყოველი მხრიდან. ამ სიმღერაში ნათქვამია, რომ მშობიარე ქალღმერთი

შამაცმა ნაბდისქუდიანმა იხსნა განსაცდელისაგან. მე კი, მე ვილა ვამიწვდიდა დახმარებოხ ზელს? ვინ მოიცლიდა ჩემთვის? მერე თეთრი მოხუცის ნათქვამი გამახსენდა — დალები ახლა გასაქირში არიან, შენგან შეველა-შეწვენას ელოდებიანო. თუ კი ასე იყო, თუ კი ასე უჭირდათ, მე რაწაირაღლა მომეშველებოდნენ ისინი?

ლილეოც ვიმღერე, მზის საგალობელი ჰიმნი. შევთხოვედი ცასა და ქვეყანას — მალე ამოწვერილიყო მთათა მიღმიდან ოქროსფერი მნათობი, მოებნია თავისი მანუგეშებელი, თბილი სხივნათელი დეღამიწისათვის. ირგვლივ გასუდრული წყვილიადი გაელალა ვიატაუს უჩინმაჩინის ბილიკებისა თუ ნადირთა წავარებიდან. გაენათებინა ერთადერთი ს-მშვიდობო გზა — დოლონარ მინდვრებისაკენ დაქანებული თოვლიანი თხემი, იქნებ მემარჯვა და უსაფრთხოზე გავსულიყავი როგორმე.

მას მერე ღრმადა მწამს:

— თუ გინდა იფხიზლო, თუ გინდა ძილმა არ წაგძლიოს, და უდროოდ არ მოგისწრაფოს აღსასრული, — იმღერე, იმღერე, იმღერე...

სიმღერა რასოდეს ტოვებს ადამიანს, იგი მუდამემამს მასთანაა... უჩინარი და საყვარელი მეგობარი. სიმღერები ადამიანებზე, ოქროსფერ მნათობებზე, მწვერვალებზე...

• •

მეორე დღეს ბელურასავით აბურძგვნილი, აკანკალებული, კბილების კაწკაწით მიაღგა ჰაბუკი ამხანაგებს. სასაცილო შესახედავი იყო. თვითონვე ეცინებოდა თავის თავზე, ყოველივე გარდახდენილზე; ეცინებოდა და რცხვენოდა. მწარედ განიცდიდა ყოველივეს.

• •

— მამამ და ბიძამ რომ გაიგეს ამის შესახებ, თქვეს — მაგისგან კაცი არ დადგებაო. — მაგრამ პატიებით ყველამ მაპატიო. მას მერე მსგავსი რამ არც ჩამიდენია. უკვე ბავშვი აღარ ვიყავი და მეტი მომეთხოვებოდა. ბანაკის დირექტორი და უფროსი მწვრთნელი დიდ იმედებს ამყარებდნენ ჩენზე. მეც უნდა გამემართლებინა ამ კეთილი ადამიანებისათვის...

• •

მიხეილმა იმავე წელს ბანაყის პირველობაზე კლდეზე ცოცვამი პირველი ადგილი დაიკავა. მერე კი ადილსუს ხეობის პაექრობაშიც იმარჯვა და საკავშირო პირველობაში მონაწილეობის უფლება მიიპოვა.

ყირიმში, კრესტოვია გორას ფერდობებზე ჩატარებულ კლდეზე მცოცავთა შეჯიბრზე შალიკო მარგიანთან ერთად წყვილთა სელაში ჩემპიონობა მოიპოვა.

1951 წელი მართლაც რომ ბედნიერი გამოდგა მიხეილისათვის. იმ შემოდგომიდან მოყოლებული უბრალო, ერთი უთქმელი და თაფ-მდაბალი ადამიანის ოქროს ნადავლი წლთიწლობით იზრდებოდა...

მიხეილის სახელი ცნობილი გახდა ქვეყნის ალპინისტურ წრეებში.

• •

იესავე წუთით შედგა. ეტყობა ყველაზე მეტად ეს შედარება ხეთ-ქავდა გულზე, ლაღამელები რომ მოსძახოდნენ — მამა და შვილი, მამა და შვილიო. სისხლმოწოლილი თვალებით მოათვალიერა ხალხი და კელავ გადააწიტა.

ამასობაში მიხეილმა დრო იხელთა, ლაჭებს შორის მოექცა, წელში მოკაკეულმა გვერდი ამოსდო მუცელზე, მერე უცბად წელში გაიმართა, მეტოქე მიწას მოსწყვიტა, ერთბაშად დაჰყვა მკლავებში მოსხმარტალე სხეულს და მოწინააღმდეგე საცოდავად დაასკდა მიწას, ტიკივით გაადინა ყახვანი.

მიხეილი უცბად აეცალა წაქცეულს, ნამეხარი ნაძვივით რომ გაშხლართულიყო მოედანზე და სირცხვილისაგან გაოგნებული და შეცბუნებული ადგომას ვერ ახერხებდა.

— მოგვერდი თუ გნებავთ, ეს იყო, ა, რა მოგვერდი უგდო ხომ დაინახეთ. — აჩოჩქოლდნენ ლაღამელები.

— აბა იქიდან ლაპარაკი შეწყდეს, ენამწარობა რა საკადრისია დააცადეთ დამშვიდებულზე იქიდაონ...

— მართალია, მართალია, ლიძეებზე<sup>1</sup> ნუ იქნება... თორემ მწარე ენა ვის არ გამოიყვანს მოთმინებიდან...

<sup>1</sup> მიდგომა.



იესავს ცოტა გულზე შოეშვა. წამოიზღაზნა და კვლავ ჩაჰკიდა ზელი მოწინააღმდეგეს. ლაღამელებს უკვე იმედი მოეცათ და გაზუნდნენ. ნერვიულობისაგან ხანდისხან უღვაშებზე თუ გაისვამდნენ ხელს, ანდა ნაბდის ქუდს შემოიტრიალებდა ვინმე თავზე...

ლუხთავ-სეტელებს ცუდი დღე ადგათ. არ სწყალობდათ დღეს ბედი და ყისმათი. რამდენიმე წამიც და მზის სხივებით შერუქდული ღრუბლიანი ცისკიდური კვლავ შემოხაზა იესავის მოსხმარტალე ფეხებმა. იგი კვლავ გაიშორა საჭიდაო მოედანზე.

პირველმა, შოხუცმა თამბიმ მოულოცა მიხეილს გამარჯვება. არავისი არ მოერიდა მუჯერიან თამბის, არც თავისიანებისა და არც სირცხვილნაჭამი იესავისა. მივიდა მიხეილთან და გადააკონა — „ორი ჩემის ხნისა მოიყარე, შვილო“ — უთხრა.

ლაღამელთა ხივილი მოეფინა სოფელს. გამარჯვების ყიყინა იდგა, კოშკები ყრუ ექოდ გადმოსცემდნენ ხალხის ბუბუნ-ჩოჩქოლს.

თამბის მერე ხოშა ბაბა მივიდა გამარჯვებულთან. მან გოგონებისკენ გაიხედა.

— აარჩიე, რომელიც გინდა. სიტყვა-სიტყვით... — მახვშის სახე თბილმა ღიმილმა დასერა.

გოგონები ჩიტების გუნდივით აიშალნენ და სიცილ-კისკისით შეცვივდნენ მაცხოვრის ეზოში.

დღესასწაულის ცილაობა-შეჯიბრი დამთავრდა. ახლა პურისჭამა და არყის სმა დაიწყებოდა. მოზეიმე ხალხს ღმერთი უნდა ედიდებინა, ლომის ხეობის ხატ-საყდრები დაელოცა.

შეკრებილთ მაცხოვრის გალავანში ხოშა ბაბა შეუძღვა. მან პირველმა დაიჩოქა, ხელები ზეღმართა და ეკლესიის თავანზე გამოსახულ ჭვარზე თვალმიპყრობილმა ბებრული ხმით ჰლადადყო:

— წმინდაო მაცხოვარო, ლაღამისაო, გეაჭებით და გვედრებთ თაყვანისმცემელნი და მონანი შენნი — გვიმრავლეთ საქონელი და ფრინველი შინაურ-გარეული, გვიმრავლე ხეავი და ბარაქა ბელლებსა და კიდობნებში, თივა და ჩალა საბძელსა და ლაფარობში, და კიდევ შეგთხოვთ — მშვიდობის წელი მოუვლინე ერთიან ლომის ხეობას, ლაღამს და ლანჩვალს, სეტსა და ლახთავს, შგედსა და სპარდიშს, მშვიდობა დიდსა და პატარას, ძეხორციელს ყოველს, ხოლო შიმშილი და გადაშეხება აუგიანსა და მოღალატეს, ქურდსა და კუდიანს, ავსულს, მათი შვილებისა და შვილთაშვილების ჩაურევლად... ამინ!!!

— ამინ... ამინ... ამინ... — დაიბუბუნა მუხლმოყრილმა ხალხმა.

— ამინ... ამინ... — დაიგუგუნეს ლომის ხეობი! უტყემა ვაჟაკებმა, ლამის ბინდ-ბუნდში გაუჩინარებულმა ნატყვიარმა მურყვაებმა.

— ამი... ამიინ... — დააბურთავეს მთიელთა ლაღადისი სეტ-მესტიას შემოჯარულმა თეთრნაბდისქუდიანებმა — უმბამ, თეთნულდმა და ლაილამ, ბანგურიანმა, დალაყორამ და ჩათინმა.

ადამიანები, მთები და მურყვაემები ყველანი ერთიანის ძალით ევედრებოდნენ მამაზეციერს, არსთვანმრიგეს, მზიანი დღეები მოევილინებინა ყანა-სათიბებისათვის, ტყე-ახოებისათვის, წაეარნა-ბილიკებისა და წარაფებისათვის... ყოვლისშემძლე, ყოვლისშემჰერელი და ყოვლისმომცველი იყრ მათი ერთიანი ლოცვა-ღაღადისი, მათი ვედრება და აჟა ცად, ვარსკვლავებმა და ღმერთთა ალკლენილი...

### გზა მწვერვალებისაკენ...

— ლაღამი ზეიმობდა ჯგვიბში გამარჯვებას. ნეც მილოცავდნენ წარმატებას. ბევრი ისეთი ცნობისმოყვარეობით აღვისილი მათეალერებდა და შემომტყეროდა თითქოს პირველად მხედავდა. ეტყობა, ზოგიერთს ჩემს მოხერხებულობასა და მოქნილობაში ეჭვი ეპარებოდა. ნათლისვეტზე აცოცება კიდევ არაფერი, მაგრამ კიდაობაც თუ გეხერხებოდა, ამას კი ვერ წარმოვიდგენდიო — პირში შეუბნებოდნენ ისინი. მე კი ხმა ვერ ამომელო, მხოლოდლა მხრებს ვიჩეჩავდი.

გულს არ ეკარებოდა რატომღაც ეს საერთო მსიარულება, რომლის დამკვიდრებაში მეც მიმიძლოდა წვლილი. თავიდან ვერც ვაჯრკვეულიყავი, რაში იყო საქმე, მაინც რა მქონდა ასეთი სადარღებელი და სანაღვლო, კრიჟა რომ ვერ გამეხსნა.

ამხანაგებიც შემნიშნავდნენ, — ჰეი, მინაან, გამოფხიზლდი, გამოისედე ერთი რა ჟრიაშული და მსიარულება სუფევსო. ისინი გოგოებისაკენ მახედებდნენ, რომლებიც ჩვენს დაჟინებულ მზერაზე შუბლს იკრავდნენ, თოფნაკრავებივით შეტრიალდებოდნენ და დამორცხვების ნიშნად ნიკაპთან მოკრულ თავსაფრის ტოტებს აიფარებდნენ სახეზე.

მაგრამ მაინც ვერ მოვედი გუნებაზე. გული კვლავ დამძიმებული მქონდა. იმ ღამეს შინაც მოწყენილი ვიყავი. ჩვენები გაზარებულნი, სიამაყით აღვისილნი შემომტყეროდნენ „ჯგვიბის რაინდს“, დაძმებმა აღარც კი იცოდნენ რითი ესიამოვნებინათ ჩემთვის. სადღესასწაულოდ მორთმეული ვაშლი და ჩირი შესაცუტქნად რომ ვერ გაემეტე-

ბინათ და საგულდაგულოდ გადაეძალათ თავთავიანთ სახუნდარებში. ახლა გამოაჩინეს და მე მომიტანეს: ჩვენ საკმაოდ გეახელით, ახლა შენც ჩაიტკბარუნე პირით...

— მეც მაძლარი ვარ, — ჯგვიბში მაქამეს-მეთქი — ვუარობდი, მაგრამ ვინ დამიჭერა. არა, უნდა გასინჯო, დალილიზე გუნებას დაგიწმინდავსო — მეხვეწებოდნენ ყველანი.

— მაშინ ყველამ ერთად ვქამოთ-მეთქი... — შევთავაზე მე.

— აი, ჩვენ რამდენი ვქამეთ... — მუცელზე დაიტყაპუნეს ხელი პატარებმა — მეტი ველარც ჩაგვეტევაო...

— ჰეი თქვენა, სამკუჭიანები რომ ვართ ის ხო? არ დაგავიწყდათ? აბა კარგად ჩაიხედეთ შიგნით, არსად პატარა ადგილი არ გეგულე-ბათ ერთი-ორი ლუკმის დასატევარი? ერთი ჩაიხედეთ, აბა...

დიდებმა გაიცინეს... ბავშვები დაფიქრდნენ. მერე მუცელზე დაიხედეს.

— ჰო, მე აღმოვაჩინე ცარიელი ადგილი, აქა — მარცხენა მხარეს მოიტყაპუნა ხელი ანუარმა.

— მეცა, აი მეცა... აყვირდნენ სხვებიც.

— ჰო და ძალიანაც კარგი, მოდით ახლა და შევუდგეთ ქეიფსა... — შევთავაზე უმცროსებს.

მოცვიდნენ, ირგვლივ ჩამომისხდნენ. მთელი ჩვენი ქონება თანაბრად დაუენაწილე, ჩემთვისაც დავირჩინე ცოტა რამ.

— არა, შენ ყველაზე პატარა შეგხვდა, — შენიშნა ნათელამ — ასე როგორ შეიძლება...

— ასე არ გვინდა, ასე არ გვინდა... — ახმაურდნენ სხვებიც.

ყველამ უკანვე ჩამოდო თავისი წილი.

ნათელამ მთხოვა ხელახლა გამენაწილებინა ხილი.

რალა გაეწყობოდა, ასეც მოვიქეცი.

უფროსები თვალგაშტერებული შემოგვეცქეროდნენ. დედა მამულს გულიანად ეცინებოდა — ახლაც იტყვი, სამკუჭიანები არა ვართო? — ნიშნისმოგებით ეუბნებოდა იგი ბესარიონს — ამ ციციქნა ბავშვებსაც კი აღმოაჩნდათ სამ-სამი კუჭი...

მამულის სიტყვები მამაჩემს აბრაზებდა, მაგრამ ველარაფერს ამბობდა, ჩვენზე კი მოსდიოდა ალბათ გული — თქვე შეაგბნელებო, ამ ქალთან რაღაზე შემარცხვინეთ მე და ჩემი გვარიო.

ახალი განაწილებით ყველა კმაყოფილი დარჩა, ოღონდ პირის ჩატკბარუნებას რატომღაც არც ერთი არ აპირებდა.

— მე შევინახავ ჩემს წილს, კარგი? შენ ხომ არ გეწყინება, მინა-  
ან? — მითხრა ბოლოს ანვარმა.

— მეცა, რა? — გადახედა უფროს ძმას ნათელამ — მეც შევინახავ  
ხვალისათვის?

სხვებიც მათ აპყენენ — ჩვენც ხვალისათვის შევინახავთო.

— აი, არ ჩამეტყევა თორემ ამაზე უარს ვინ იტყოდა... — გაიბ-  
რიქა წელში ანვარი.

სხვებმაც გამობოეს მუცელი. — ჩვენც მაგ დღეში ვართო.

— აბა მესამე კუჭი ცარიელიაო, რომ აპბობდით?

— შეგვეშალა, ის საპნის ბუშტი ყოფილა, ჩვენ კუჭი გვეგონა... —  
თქვა ნათელამ.

იმის ნათქვამზე უფროსებს კვლავ წასკდათ სიცილი. მეტადრე  
ბესარიონმა გაიხარა:

— ჰა, ისევ იტყვი, სამკუჭიანები ხართო? — გამარჯვებულის იე-  
რით გადახედა მან მამულს.

ბავშვებმა მოხვეტეს თავ-თავისი წილი და წაყიდ-წამოვიდნენ —  
ზოგი სამზად ოთახში გავიდა, ზოგი დარბაზში შებრაახუნდა, ზოგმაც  
ლაფაროში შეინახა თავისი ვაშლები.

მე მართლაც გადამეწმინდა გუნება იმათთან საუბარში, ხოლო  
ჩემი მოღუშულობისა და უგუნებობის მიზეზს მხოლოდღა შეუღამი-  
სას მივხვდი — უცნაური სიზმარი ვნახე. ერთი ჭადაროსანი, გაძვალ-  
ტყაეებული მოხუცი დამესიზმრა. მე და იგი თოვლის გუნდების და-  
კუმშვაში ვეჯიბრებოდით ერთმანეთს ლამპრობის დღესასწაული იყო  
და ლამარიის ეზოში უამრავ ხალხს მოეყარა თავი. ჩვენს პაექრობას  
უყურებდნენ ისინი. მოხუცი მოცახცახე ლაქებს შორის მოიქცევდა  
მუშტებში ჩაბლუჯულ თოვლის გუნდას და ისეთ ძალას ატანდა, სულ  
კისრის ძარღვები ებერებოდა. თვლებიდან ნაპერწკლებ<sup>1</sup> აფრქვევ-  
და, გამარჯვების ჟინს აღენტო მისი ბებრული სხეული.

მეც ერთ გაწამაწიაში ვიყავი, ოღონდ ლაქებს არ ვიშველიებდი  
გუნდების დაკუმშვისას; მოხუცს ემს გუნდას ვუყენებდი თოვლის  
გარდში<sup>1</sup>, რადგანაც უმცროსი ვიყავი, მაგრამ მაინც იმისი გუნდა  
იფშხენებოდა. რა საცოდავი შესახედავი იყო ამ დროს მოხუცი,  
სირცხვილის აღმური მოსდებოდა მთელს სახეზე ხშირ, ჭადარა  
წვერზე, შუბლსა და დაწვებზე სიმწრის ოფლი ადგა. მე კი მიხარო-  
და გამარჯვება და ვხარხარებდი, ხმამალა ვხარხარებდი. უტიფრად

<sup>1</sup> (სე) — ი. რ. ო.

შევეციცინებდი მოხუცს თვალებში და ნიშნისმოგებით ვუყვირო-  
დი -- ჰა, შე ბებერო, ხო დაგამარცხეს!...

ასეთი უსიამო სიზმარი ჭერ არ მენახა. რომ გამოვერკვიე ვამი-  
ხარდა — ყოველივე მოჩვენება იყო და მეტი არაფერი. მაგრამ უცნა-  
ური რამ კი მოხდა იმ წუთში: უეცრად რატომღაც წუხანდელი ჩემი  
მეტოქე, სახენაიარევი იესავი გამახსენდა, ორჯერ რომ დავანარცხე  
მიწაზე და იმ მოყაყანე ხალხში, ეკლესიის კედელთან ჩამწკრივებუ-  
ლი გოგოების წინაშე თავი მოკვერი, თავმოყვარეობა და კაცობა შე-  
ვურცხვინე. იქნებ მისმა გულისსწორმაც მოჰკრა თვალი მოედანზე  
სადირე მორივით გაშხლართულ იესავს? მოჰკრა თვალი და სამუდა-  
მოდ აიყარა გული მასზე?

რას ვერჩოდი მაინც?

იგი ხომ ჩემზე ხნიერიც იყო, ჩემზე გაცილებით უფროსი!

რანაირი ამხანაგურიც არ უნდა ყოფილიყო ჩენი პაექრობა მა-  
ინც ხომ ეწყინებოდა?

მაინც ხომ დასწყდებოდა გული?

რა მქონდა გასაყოფი იესავთან?

გასაყოფი და საცილო? კარგი იყო თუ ცუდი, მე რალაში მე-  
კითხებოდა, მე რომელი მეცამეტე გოჭი ვიყავი, რომელი მართლმსა-  
ჯული, რომ იგი, ჩემთვის უცხო ადამიანი, აგრეერიგად დამესაჯა, ქვეყ-  
ნის სათრიკო გამეხადა?

იმ წუთში მივხვდი რომ ჩემთვის უცხო გზას ვადექი. ჰიდაობა  
სვანეთში დიდი სიყვარულით სარგებლობდა, მაგრამ ჩემს ხასიათს  
რომ არ უდგებოდა? ისედაც ხშირად გულს მტკენდა ხოლმე, სხვისი  
დამარცხება, უზღვავე ხალხის წინაშე მებურგიელის ხალიჩაზე და-  
ხეთქება.

იმ წელს რაიონის ჩემპიონობა რომ მოვიპოვე ქართულ ჰიდაობა-  
ში, საბოლოოდ დავრწმუნდი ამ ექვის სიმართლეში მოწინააღმდეგის  
დაჯაბნა არაერთარ სიამოვნებას არ მანიჭებდა. სიამოვნებას კი არა,  
უფრო გულს დამწყვეტდა ხოლმე — თანატოლის წინაშე შინაგანად  
დამნაშავედაც კი ვგრძნობდი თავს. მოჰიდავე ხომ გამარჯვების ჩწმე-  
ნით გამოდის ხალიჩაზე და თუ ვერ ივარგა მხოლოდ თავის თავს უნ-  
და დააბრალოს. მე მაინც ყოველთვის საყვედურებით ვავსენდი ჩემს  
თავს — შენსავით რომ ვერ ჰიდაობს იმაზე უნდა დაჩაგრო?

რალაში გეკითხება შენ მისი ამბავი — ჰიდაობს თუ ვერ ჰიდაობს?

იმავე წელს თბილისში წაგვიყვანეს რესპუბლიკურ შეჯიბრებაზე,  
მაგრამ გზაში გამოვეპარე და უკან, მესტიაში დავბრუნდი. როცა ჩემს

საქციელზე პასუხი მომთხოვეს უფროსებმა, მე სახედარივით ჩამოვ-  
ჭინდრე თავი და ხმა არ აწომილია. ჩემი ახსნა-განმარტებანი მათთვის  
გაუგებარი და სასაცილო იქნებოდა, ის კი არა. შესაძლებელია სი-  
სულელედაც კი მიეჩნიათ ყოველივე. ასე რომ მათს წინაშე თავს ვერ  
გავიმართლებდი, ამიტომაც დუმილი ვარჩიე. ხმას არ ვიღებდი.

იმათთვის კი არა, მამაჩემისთვისაც კი არ გამინდვია გუნდიდან  
გაქცევის ნამდვილი მიზეზი, მამაჩემისთვის, რომელიც გაოგნებუ-  
ლი და შეცბუნებული იყო ჩემი უგვანო საქციელით.

„როგორ, ხალხი თავს იკლავს თბილისში წაყვანაზე, შენ კი უკან  
გამოიქეცი. სულელისა და ბრიყვის მგტი ვინ გააკეთებდა ამას? რა  
ვიცი, იქნებ ბედს გაემართლებინა და იქაც გემარჯვა ფალაენობაში,  
მერე კიდევ გემარჯვა და სასახლო კაცი გამოსულიყავი, სასახლო  
და საამაყო. ესეც რომ არ იყოს, ქალაქს მაინც ნახავდი, ათასი საოც-  
რებითა და მომხიბლობით აღსავსე ქვეყანას... შენ კი სულელურად  
მოიქეცი...“ — ხელების სავსავითა და მხრების ჩეჩვით ამბობდა ამ  
სიტყვებს მამაჩემი.

მე კიდევ უფრო განმიმტკიცდა მთებში წასვლის სურვილი. ხალი-  
ჩა არა და არ მიტაცებდა, შენი თანატოლის, შეიძლება უფრო სუს-  
ტის, შეიძლება მოუქნელისა და მოუხერხებლის დაჯაბნვა და „ჭკუის  
სწავლება“ და ამით მოჩოჩქოლე ხალხის თვალში სახელის მოხვეჭა,  
არავითარ სიამოვნების გრძნობას არ ბადებდა ჩემში. არა, არ იყო  
ეს ხელობა საჩემო საქმე... თვალწინ თოვლიანი მთები მირიალებდ-  
ნენ, მთები სპეტაკნი, ამაყნი და თვალშეუვალნი.

„მაგრამ იქაც რომ ისეთივე შეჯიბრებაა, როგორიც აქ, სპორტ-  
დარბაზებსა და სოფლის კლუბების საჭიდაო ხალიჩებზეა? — წა-  
მოტივტივდებოდა ხანდახან გონების სიღრმიდან მწვალებლური ეჭ-  
ვი — რაღა იქ მივიხარია ასე?“

მერე მივხვდი, მართალია მთა-ც შეჯიბრება იყო, მაგრამ არა  
თანატოლებთან, არამედ მთებთან, მწვერვალებთან, ცისიურ უგრძ-  
ნობელ „აღამიანებთან“.

ალბათ ძეხორციელი რომ გაჩნდება, იმის არსებში იმთავითვე  
არის მოცემული ბრძოლის, შერკინების უინი, ჩვენი არსებობისათვის  
ეგზომ აუცილებელი გრძნობა. ჰო და მეც ვნახე ჩემი გზა, გზა —  
მწვერვალებისაკენ...

## დავატკაცება

მიხეილის სახელი თანდათან ცნობილ ხდებოდა... იგი შედარებით ახალი მოსული იყო მთამსვლელობაში, მაგრამ უეცარმა წარმატებებმა უტბად აამალა ყველას თვალში. უკვე არავინ არ თაქილობდა მასთან შეამხანაგებას. მან ისეთი მთამსვლელური გული და ხასიათი უჩვენა უფროსი თაობის ცნობილ ალპინისტებს რომ ყველანი გაოცებაში მოიყვანა.

მთამსვლელისათვის აუქჩარებლობა, სიღინჯე და სიდარბაისლე აუცილებელი იყო. ეს თვისებები კი იმთავითვე აღმოაჩნდა მიხეილს. მთიელის ბუნება და მოვლენებისადმი მიდგომა სხვანაირი არც შეიძლება ყოფილიყო. მისი წინაპრები კველანი ღინჯი, სერაოზული ადამიანები იყვნენ. მიხეილის ძარღვებშიაც თეთრი მოხუცისა და მამამისის, ბექნუსა და გაბრიელის სისხლი სჩქედდა. სიღინჯე და სიდარბაისლე თავდაპირველად ბავშვურ სიანცესა და დაუდგრომლობასთან ერთად განივთებულყო მის სხეულში, ვიდრე ახალბედა და ჯერ კიდევ გამოუცდელი იყო სამთამსვლელო საქმეში ეს პირველი თვისება სჯაბნიდა მეორეს, ხოლო როცა ღინჯი მამაკაცურ უღვაშებში გადაეზარდა, როცა პირველად შეაწუხა თავის საქციელზე პასუხისმგებლობის გრძნობამ და როცა პირველი წარმატების სიხარულის გრძნობა განიცადა. ნეორემ, აქამდე მიყუჩებულმა და მიჩქვალულმა თვისებამ აღიმალა ხმა. აღიმალა და მისი არსებიდან განდევნა ის პირველი — ბავშვური.

ადრინდელი უმწიფრობანი და სისულელები თანდათან განქარდნენ მისი არსება-გრძნობიდან. და ახლა, როცა მიხეილზე ლაპარაკობდნენ მისი კოლეგები, პირველ რიგში მის სიღინჯესა და სიდარბაისლეს აღნიშნავდნენ.

მთამსვლელისათვის აუცილებელი იყო აგრეთვე მომთხოვნელობა ჯგუფის წევრების მიმართ, საქმის პრინციპულად, ბოლომდე მიყოლა. მაგრამ ამაზე ჯერ ადრე იყო ლაპარაკი ეს თვისებები მეტადრე უკვე სპორტის ოსტატის ნორმატივის მქონეთ სჭირდებოდათ, როცა მათ უფლება ეძლეოდათ შედარებით რთული, დამოუკიდებელი მთამსვლელური ლაშქრობის ხელმძღვანელობისა და ორგანიზაციისა. მიხეილი კი ჯერ საამისოდ ზედმეტად „ახალგაზრდა“ იყო.

მაგრამ მალე ამისი დროც მოვიდოდა...



1



2

3







4

5





6



7



8



9

10





11

12





13

14



15





16



17




18

19



21



20





22

23







24

25




26





27

28






29



30

31





32

313



34





35

36





38

39

37





40



41

42



43



„მიხეილ ხერგიანი უეჭველად განუმეორებელი, მოვლენაა არა მარტო საბჭოთა ალპინიზმში. არამედ საერთაშორისო მთამსვლელობის ისტორიაშიც.

მარტოოდენ „უშბის სარკის“ დამორჩილება რომ გავიხსენოთ, ისიც კი საყმარისია ერთი ადამიანის უკვდავებისათვის. ეს ასევე ჭეშმარიტად მსოფლიო მნიშვნელობის გამარჯვებად უნდა ჩაითვალოს. ხოლო მისი ორგზის შედგომა კომუნიზმის პიკზე — საბჭოთა კავშირის უმაღლეს მწვერვალზე? ანდა მიხეილის სამაშველო საქმიანობა? როცა იგი ბეწვის ხიდზე გადიოდა რათა უცნობი ადამიანის სიცოცხლე ეხსნა საფრთხისაგან?

გავიხსენოთ აგრეთვე მიხეილის ხელმძღვანელობით ორმოცდახუთკაციანი ძღვევამოსილი მსვლელობა უშბაზე — სვანეთის წმიდათაწმიდა მურყვამზე? როცა მან შესანიშნავი ორგანიზატორისა და ხელმძღვანელისათვის დამახასიათებელი თვისებები გამოამჟღავნა?

მიხეილის, ამ შესანიშნავი ადამიანის სპორტული პიოგრაფია, ფიზიკური და სპეციალური მომზადების თავისებური სისტემა, პედაგოგიური და საზოგადოებრივი საქმიანობა, ბოლოს კი მისი ადამიანური თვისებები ერთობ საინტერესო და ჭკუისსასწავლებელია ყველასათვის...“

ი. ი ა რ კ ი ნ ი

საბჭოთა კავშირის სპორტის  
დამსახურებულ ოსტატი.

— მაინც რაა იმაში უჩვეულო და უცნაური ი.მ.შ.თ.-ს ვარჯიშების ნაცვლად საიერიშოდ მზადებისას მამაჩემს თუ ვეხმარები მორებისა და შეშის მოზიდვაში ცაიდერის ტყიდან? ანდა ენგურის რიყეზე ქვას თუ ვამზადებდი სახლის ნშენებლობისათვის?

ჩვენ ხომ ისევ ძველისძველ სვანურ მაჩუბში ვცხოვრობთ, რომელიც უკვე რამდენი ხანია მიატოვეს სვანებმა...

მუშები რაღაზე უნდა დავიჭირაოთ მე და მამაჩემმა, ანუარმა და ბექამ ქვის მოგროვებაზე? თავად ჩვენაც ხომ შეგვიძლია ეს საქმე გავაკეთოთ? ესეც რომ არ იყოს, ხომ იტყვიან ჩვენებურები — შინაანი გადიდკაცდა, მუშაობას თაკილობსო. ვიცი, ნამდვილად ასე იტყვიან, იმიტომ, რომ „გადიდკაცებულები“ საკმაოდ მომრავლდნენ



ყველგან — უსაქმურობისა და ფუფუნებისაგან, იოლი არსებობისაგან თავგასული, მუცელქონიანი ხალხი — საუკუნოდ რომ მიატოვეს ფიზიკური საქმიანობა.

მათზე თუ ამბობენ — გადიდჯაცდნენო, ზემზე რად ვერ იტყვიან ვითომ?

ჩემი რალაზე მოერიდებათ?

და არის კიდევ სხვა გარემოება — სვანი და საერთოდ მთიელი კაცი ჰეშაობას რომ გადაეჩვენა იმაზე დალუპული ადამიანი მეორე აღარ იქნება ქვეყანაზე.

ეს აზრი უფროსებისგანაც ხშირად მსმენია და მე თვითონაც კარგად ვიცი რომ ასეა.

მთიელი ხომ ბავშვობიდანვე მოუსვენარი ცხოვრებით ცხოვრობს, ბერს მოძრაობს, უამრავ ენერჯიას ხარჯავს, რაც, ბუნებრივია, მალევე აღიღვინება სხეულის მიერ. შიღება-მონელების პროცესი გაცხოველებულია ორგანიზმში. ხოლო როცა იგი მთას მიატოვებს, ანდა მოძრაობასა და შრომას მოუკლებს საოცრად ჩიავდება, სუქდება, ჭირგვდება, მატულობს წონაში, რადგანაც სხეულში უკვე წინანდებურად აღარ ხდება ენერჯიის განთავისუფლება. ბოლოს ადამიანი ტიკიტომარას ემსგავსება, თავის პირვანდელ სახეს კარგავს. ყოფილა შემთხვევა სოფლიდან რამდენიმე წლის წასული კაცი მეზობელ-ნათესაებზეც ველარ უცვნიათ.

პო და მეც ვმუშაობდი, როცა ამისი შესაძლებლობა მეძლეოდა ხოლმე. მერედა რა სჯობდა ამხანაგებში, თანასოფლელ მხენელ-მთესველებში ვარევის, იმათთან საუბარსა და სიმღერას.

ერთხელ იყო, რიყეში საქვიშე ორმოს ვთხრიდი, შუაღლე იქნებოდა მამაჩემი რომ გამომეცხადა და საყვედურით ჩამომძახა:

— გაანებე ახლავე თავი ბაჩრე ლიბურკაალს,<sup>1</sup> საფრანგეთისათვის თუ ეშალები, წესიერად მოემზადე, სახლში შენი ღახმარების გარეშეც გავალთ როგორმეო...

— რა იყო, მამა. აკი დილას შენ თვითონ გამომისტუმრე სამუშაოდ? — გაოცებულმა ავხედე მამაჩემს.

— რა იყო? როგორ თუ რა იყო! მთელი სოფელი შემომსევია — შენი შვილი საფრანგეთშია წასასვლელი შეჯიბრებებზე და უნდა მოემზადოს როგორც წესი და რიგითო. შენ კი საშველს არ აძლევი, ხან საქონლის ჩამოსარეკად დაგყავს, ხანაც სათიბებს აღობინებ, ახ-

<sup>1</sup> (სვ.) ქეების ქაჯურს.

ლა კი რიყეში გაისტუმრე, რა უნდა ივარჯიშოს მანდ, ლოდების  
ჭაჭგურისაგან რა კარგი დღე მაგას დაადგებაო?...

ეს ამბავი 1967 წლის ზაფხულში მოხდა. მე იმ პერიოდში მთელის  
გულმოდგინებით ვემზადებოდი მსოფლიოს ცნობილი მთამსვლელები  
შეკრებისათვის, რომელიც მონბლანის მისადგომებთან, საფრან-  
გეთის ქალაქ შამონში უნდა ჩატარებულიყო. აქ ჩემს გარდა საბჭო-  
თა კავშირიდან მონაწილეობას მიიღებდა სლავა ონიშჩენკო, ჩემი  
ძველი მეგობარი, შესანიშნავი მთამსვლელი...

კარგად მახსოვს, იმ საღამოს მართლაც მოვიდნენ მეზობლები  
ჩვენთან სახლში და დაბეჭითებით განმაცხადეს — თუ მშენებლობის  
ამბავი ასე გედარდება, ჩვენ გვიმსახურე, შენ კი გაანებე ლოდებთან  
ბრძოლას თავი და როგორც წესი და რიგია ისე მოემზადე შეჯიბრე-  
ბისათვის, თორემ იქ რომ მისავათებული ჩახვიდე და საქმეში ვეღარ  
გამოღგე, ჩვენი სირცხვილიც ხომ იქნებაო...

მე ავუხსენი — ამაზე უკეთესი ვარჯიში რა უნდა იყოს, სხეული  
ყოველ მხრივ დატვირთულია, ათასნაირ მოძრაობას განიცდის, მთამს-  
ვლელსაც მეტი რაღა სჭირდება-მეთქი. ასეთი იყო ლაშქრობისათვის  
ჩემეული მომზადების „სისტემა“, რაზედაც ამ ბოლო დროს ბევრს  
ლაპარაკობენ ხოლმე. არაფერი მანდ უცნაური და რთული არ არის.  
მისი არსი ორი სიტყვით გამოიხატება — „მუშაობა, ფიზიკური მუ-  
შაობა“. მართლაც სად შეიძლება გავარჯიშდეს ისე კარგად ადამიანი  
როგორც სათოხნზე, ქვის მოგროვებასა თუ შეშის დამზადებაზე?

იმ წელს კი რიყეზე „ლიბურკაალს“ უნაყოფოდ არ ჩაუვლია,  
არც თანასოფლელები შემირცხვენია. მე და სლავამ საფრანგეთში  
მანცდამანც ურიგოდ არ ვიარეთ, თუმცა ამაზე შეიძლება უფრო  
ვრცლად ილაპარაკოს კაცმა.

\* •

— 1967 წელს შამონში, საფრანგეთის მაღალმთიანეთში ოცდა-  
ათამდე ქვეყნის უძლიერესი მთამსვლელი შეიკრიბა. ყველაზე დიდ  
პატივისცემაში მაინც ნებალელი შერპი, თენსინგის ძმისწული გომ-  
ბუ იყო. იგი ორჯერ ვახდა მსოფლიოს „უმალესი“ ადამიანი. გომბუ  
1955 წელს ინდოელებთან ერთად ავიდა ჯომოლუნგმაზე, მერე კი  
ამერიკელებთან ერთად იზეიმა ცადაჭრილ გოლიათზე გამარჯვების  
სიხარული.

იგი ხალისიანად უყვებოდა ცნობისმოყვარე ხალხს, კანჩეჯანლაზე

მისი და ამერიკელი თანამეწყვილის და ექსპედიციის ხელმძღვანელის უიტაკერის ასვლის ამბავს.

— გომბუ, მიდი პირველი, შენ აქაური ხარ, ამ მიწის მკვიდრი, უფრო გეკუთვნის — უთქვამს მისთვის ამერიკელ კოლეგას მწვერვალზე გასვლის წინ.

ზრდილობიან მთიელს იმის სიტყვებზე მადლიერების გრძნობით გაუღიმიო და უარის ნიშნად თავი გადაუქნევია:

— ჩვენ თავიდან ერთ თოკში ჩაბმულნი მხარდამხარ მოვიწვევდით მალლა, და აი, ხედავ, აქ, იმხელა ადგილია ორივე თავისუფლად დავეტევიო... — უპასუხნია გომბუს.

და ასე ხელიხელ გადახვეულნი გასულან ბექობზე და ერთდროულად შემდგარან მწვერვალზე. უიტაკერს სურათი გადაუღია გომბუსათვის. მერე აპარატი მოუმართავს და შერპისათვის გადაუცია, იმასაც თავმომწონედ დაუჩხაკუნებია იგი. მერე უიტაკერს ამერიკის დროშა აღუმართავს მწვერვალზე, ხოლო გომბუს თენსინგის გამოტანებული მაშხალა დაუნთია.

ერთი სიტყვით, გომბუ ცნობისმოყვარე ტურისტებისათვის, რომლებიც მრავლად იყვნენ შამონში, უძვირფასეს „ექსპონატს“ წარმოადგენდა.

• •

— მთამსვლელთა შეკრება სხვა შეჯიბრებებს სულაც არა ჰგავს. მსაჯობას ჩვენთან ძირითადად საათები სწევენ, რომლებიც ბანაკიდან, ან ღამისსათევიდან გასვლისას ჩაირთვებიან და აგრეთვე მწვერვალიდან ჩამოხსნილი წინა ჯგუფის დატოვებული წერილი — ანდერძი, რომლის წარდგენა ისევე აუცილებელია, როგორც სტუდენტისათვის პირადობის მოწმობის ჩვენება შეღავათიან სამგზავრო ბილეთის შექმნისას.

ვინც ყველაზე ნაკლებ დროში დაიპყრობს მწვერვალს, გაპარჯებულიც იგია.

გზა მწვერვალისაკენ თავად უნდა აირჩიოს მთამსვლელმა. ოღონდ ძირითად მარშრუტს ნუ გადაუხვევს და სხვა მხრივ შეუძლია თავის ნება-სურვილზე იაროს... საკუთარი გუმანითა და ანდეთი შეარჩიოს უმოკლესი, უსაშიშრო მისადგომები, ქვათაცვენისა და ზევეებისაგან დაზღვეული ადგილები...

მალე შეკრების მონაწილეებს გამოგვიცხადეს, რომ ჯგუფებს სრული თავისუფლება ეძლეოდათ მწვერვალებისა და მარშრუტების შერჩევაში, აგრეთვე ტრასაზე გასვლის არჩევანში...

მე და სლავა მშვენიერ გუნებაზე ვართ. ამაში მთავარი „დამნაშავე“ ფრანგული ამინდია, რომლის დარიც იშვიათად შემხვედრია ლაშქრობისას. რაც მთავარია, ტანში ისეთ სიმსუბუქეს ვგრძნობდით, რომ თუნდაც ათას მთას გადავივლიდით შეუსვენებლივ. ახლა ჩვენც უნდა გადაგვეწყვიტა — რომელი მწვერვალისათვის შეგვეცტა. მწვერვალები ალპებში ბლომად არის. მაგრამ ქართული ანდაზისა არ იყოს — „თხა თხაზე ნაკლები“... ყველა რთულ მწვერვალებს ეტანებოდა და ჩვენც რალა სხვაზე ნაკლები ვიყავით.

— მოდი, გრანდ-ჟორასზე ვცადოთ, — ვეუბნები სლავას — სირთულეს რომ შევეშვათ, ისედაც კარგად ეღერს ეს სახელი — „გრანდ-ჟორასი“.

სლავა თანახმაა — შენი ხმალი და ჩემი კისერიაო — მეუბნება. მაშ ასე — გადაწყდა — გრანდ-ჟორასი!

უკანასკნელ სამ წელიწადში გრანდ-ჟორასის ჩრდილოეთ კედელს არავინ გაჰკარებია, მისი თოვლიან-ყინულიანი ფერდობების ძნელად-მისადგომობის გამო. მაგრამ ამ შეკრებაზე ყველა ცდილობს თავის გამოჩენას, რაც ბუნებრივია; ყველას უნდა სენსაცია მოახდინოს, ისე, ვინმეს გაკვირვება შეუძლებელია.

და აი, ვიღაც-ვიღაცეებს მოუშურებიათ კიდევ მწვერვალისათვის — ჩრდილოეთის კედელზე უშველებელი რიგი დგას.

ჩვენც ჩავეწრეთ რიგში. მერე მთის ტრამვით კედლის ძირას მდებარე მესიმაღლეთა ქოხისაკენ გავეშურეთ.

ქოხში ერთი აურზაურია. ყველა წასასვლელად იწევს და არავინ კი არ მიდის.

ესპანელები კარგა ხნის გასულები არიან ტრასაზე, პოლონელები, ჩეხები და იაპონელები სხედან. იაპონელებს ამხანაგი მოსწყდომიანთ კედელზე და უკან გამობრუნებულან, მაგრამ როგორც ეს მამაც ხალხს სჩვევია, იბტიბარს არ იტებენ, ელოდებიან, როდის გამომჭობინდება მათი მსუბუქად დაშავებული ამხანაგი, რომ ხელახლა შეუტიონ კედელს.

ცოტა ხნის მერე პოლონელები გადიან ტრასაზე, მაგრამ მალევე უკან ბრუნდებიან. გაწბილებულნი თავს აკანტურებენ — ოთქოს ეშუქრებიანო. ჩეხები ფიქრობენ — ვნახოთ ერთი, რას იზამეხ ეს-

პანელები და მერე ჩვენც იმისდა მიხედვით ვიმოქმედოთო. მერე ისინი ჩვენ გვეკითხებიან:

— თქვენა, თქვენ რაღა გადაგიწყვეტიათო?

— რიგს ველოდებით-მეთქი.

— ისინი გვეუბნებიან:

— ჩვენი რიგია, მაგრამ თუ გნებავთ, ერთად წავიდეთო.

ლოდინმა გული გაგვიწყალა. შესაძლოა გამოდარებას ელოდო მთაში ადამიანმა, ან ამხანაგის გამოძახობინებას, შესაძლოა ძირითადი ბანაკიდან დათქმულ სიგნალს ელოდებოდე, მაგრამ რიგის ლოდინი მართლაც უჩვეულო რამ იყო ჩვენს სამთამსვლელო პრაქტიკაში. ეს უაზრო ლოდინი მით უფრო გულისგამაწყალებელიც გვეჩვენებოდა, რომ გარეთ მშვენიერი სალაშქრო ამინდი იდგა... ამინდი კი მთაში თითქმის ყველაფერია, არა და ვიღამ უწყოდა, როდის შემოსწყრებოდა ქვეყნიერებას მაღალი ელია?

ამიტომაც ჩხების წინადადებას ერთავენი გაგვახარა. აღრიანი დილა იყო. ჭერ კიდევ ბნელოდა მყინვარზე რომ მივაბიჯებდით. ჩხები ოთხნი იყვნენ. ჩვენ კი — ორნი. ერთ თხემს რომ მივადექით, ჯგუფში საუბარი შეიქმნა — რომელი მხრით აგვევლო მისთვის. ჩვენ — მარჯვენა მხრით ავლას ვამჯობინებდით, ისინი — მარცხენათი. რომ ვერ შეეთანხმდით, ჩვენ ჩვენი გზით გავემართებით, ისინი — თავისი გზით.

მთაში მართალი ის არის, ვინც მიაღწევს მიზანს, ვინც მშვიდობიანად იგლის. ჩვენ გავასწარიტ. მაღლა კედელთან დაველოდეთ. რომ ამოაღწიეს, სულის მოთქმა დაეცალებოდა და კვლავ ერთად გავედექით გზას. მალე ციკაბო ყინული დაიწყო. ჩვენ წრიაპები გვეცვა და სწრაფად გავდიოდით ყინულზე. ისინი კვლავ ჩამოგვრჩნენ.

„სამშვიდობოზე“ გასულნი კვლავ დაველოდეთ. სულგრძელობას კი ვიჩენდით, მაგრამ ვგრძნობდით, ტემპს ვკარგავდით. ეს კი ცუდი იყო. ცუდი იყო, მაგრამ რა უნდა გვექნა — იმათ რიგი დაგვიტოვეს, ყოველშემთხვევაში შეგვიამხანაგეს, ახლა კი ჩვენც სიკეთით უნდა გადაგვეხადა მათთვის. ავდექით და შერეული წყვილებით განუარჩეთ გზა. ასე მართლაც შეიძლებოდა უფრო ჩქარა სიარული. მაგრამ ორი კაცი ოთხს რანაირად ვეყოფოდით! იმათი ერთი წყვილი წინ წავიდა და მოკლე ხანში ისეთი ლოდებით „გაგვიმასპინძლდა“, შენი მოწონებულის!..

აი, ვეება ლოდი მოგორავს ციყაბო ფერდობზე, ხედავ რომ შენ-სკენ მოდის, მაგრამ ვაჟყაი ხარ და განსაზღვრე, რომელ მხარეს გადაუხვევს — მარჯვნივ თუ მარცხნივ. ასე რომ ადვილად ვერ აუქცევ გვერდს. მაგრამ საბედნიეროდ ყველაფერი მშვიდობიანად დამთავრდა. ლოდმა შეგვიცოდა და ჩემსა და ჩეხოსლოვაკელ თანამეწყვილეს შორის ჩაიქროლა. რამდენიმე წუთიც და... ვხედავ — ერთ-ერთი ჩეხი მოსწყდა ადგილს და ნელ-ნელა იწყო დაბლა დაცურება. თოკი გაწყდომანზე დაიჭიმა. საბედნიეროდ წრიაპებმა გვიხსნა. უსაფრთხოებაში დარწმუნებულმა მძლ-ვრად გამოვქაჩე თოკი და უცბადვე შევძელი მისი შეჩერება. ჩეხს სახე და ხელები გაკაწრული ჰქონდა. სხვას არაფერს უჩიოდა.

გავიარეთ ეს მონაკვეთიც. ყინულები თითქოს უკან მოვიტოვეთ. ახლა კლდიანი მასივები დაიწყო. მეწინავე ჩეხების წყვილი კუს ნაბიჯით მიიწევს წინ. ჩვენ გული გვეწურება. ისე, კარგად მიდიან, ჰკვიანურად, საიმედოდ, ვერაფერს იტყვის კაცი, მაგრამ ასეთი ტემპი არაფრად გვაწყობს.

მე შევთავაზე:

— პირველი ვივლი და მეტრ სისწრაფისათვის თქვენს თოკებსაც გავიბამ-მეთქი.

დამთანხმდნენ. ორი თოკი რომ გავიარე ერთ-ერთმა ჩეხმა, სახელად იურამ მითხრა:

— ბიჭებო, ვხედავთ ჩვენზე ძლიერები ხართ. გაბრკოლებთ და მეტი არაფერი. ქვევით კი ამბობდნენ, რომ საბჭოთა მთამსვლელებს კლდეზე ცოცვის საკმაო გამოცდილება არა აქვთო. ტყუილია ეს. თქვენი წყვილი აქ საუკეთესოა, ამას ყველა იტყვის. ხო და იარეთ წინ. ეს აუცილებელია საქმისათვის. ამას სამართლიანობა მოითხოვს, სხვა რომ არა იყოს რა...

მე და სლავა დავემშვიდობეთ და წინ გავვარდით. მალე ზემოდან რალაც ჩქამი მოგვესმა. ესპანელები აღმოჩნდნენ. ისინი ვითომ აღიან, მაგრამ მცირე მონაკვეთის დაძლევის მთელი საათი კი უნდებიან. უნდა დაველოდოთ, ვიდრე სამშვიდობოზე გავლენ, სხვა რა გზაა. მაგრამ არ დაადგა იმათ ასელას საშველი. მაშინ ჩვენ ეუბნებით:

— ან მოგვიხმარეთ, ან წინ გავვიშვით-მეთქი...

ისინი უარობენ:

— ხომ ავლივართ და წინ როგორღა ვაგატაროთო.

ადგილი ძალიან ცუდია, მოუხერხებელია. უშველგბელი უარყოფითი დაქანების კედელი აქლემის კუზივით გადმოზნექილა ჩვენს თავზე. აუცილებლად მარჯვენა მხრიდან უნდა გვეგანა მისთვის რომ თავზე მოვქეოდით. მაგრამ ეს გზა საკმაოდ გრძელი იყო — ჯერ ორმოცდაათ მეტრზე უნდა გავსულიყავით აღმოსავლეთისაკენ. მერე დაბლა დავშვებულებიყავით და მხოლოდ იმ ადგილიდან შეგვეძლო ასვლის გაგრძელება.

ერთხანს კიდევ შევცქეროდით ესპანელთა საცოდაობას. მერე გულმოსულები ერთბაშად წამოვხტით ადგილიდან და პირდაპირ ვეტაკენით „აქლემის კუზს“. პირველი მე წავედი, თავიდან კარგად მივდიოდით, თუმცა არც მერე გავგეჰირვებია მაინცდამაინც, ალბათ იმიტომ რომ ზედმეტად აღვზნებულები ვიყავით და სიძნელეები არარად მიგვაჩნდა, და ალბათ იმიტომაც, რომ უკან დახევას არ ვიყავით დაჩვეულნი, და უფრო კიდევ ლოდინის შიშით, რომლისგანაც ასე გექონდა გული გაწყალებული, თავდაუზოგავად მივიწევთ წინ.

რამდენიმე მეტრი კიდევ და კედელზე თოკებს ვპოულობთ, კლდის ღრეჩოებში ალაგ-ალაგ ქანგიანი პალოები მხედება. ზოგან თოკები ჩამომპალია, რაც იმაზე მეტყველებს რომ ადრეც და უახლოეს ხანშიც ბევრს უცდია კედლის ამ გზით დაძლევა, უცდია, მაგრამ ვერ კი აუსრულებია საწადელი — თოკები და პალოები კლდის ყველაზე დიდი შეერილის მისადგომებთან თანდათან შეთხელდა, ბოლოს კი სულ არ გვხვდებოდა. ეტყობა, კუზთან მოპაექრებები ფარხმალს ჰკრიდნენ და უკან ბრუნდებოდნენ.

ახლა ჩემს წინ სწორედ ეს გლუვი, უარყოფითი დაქანების კედელი აღმართულიყო. ამ უბანზე არც ღრეჩოებია, არც ხელჩასაჭიდი პორები, მხოლოდ შლიამბურებით (ღრუსატებით) თუ გავა კაცი ფონს, მაგრამ ისინი ჩვენ არა გვაქვს თან წამოღებული.

ასე და ამრიგად ჩვენი წინსვლა სერიოზულად შეფერხდა.

ესპანელებმა რომ დაინახეს, პირდაპირ შეებნენო შევირისს, თავში იტკიცეს ხელი, გაოცებულებმა ერთი ღრიანცელი ატეხეს. ალბათ თავის ენაზე ერთმანეთს ეუბნებოდნენ — ეს ვილაყა, ნამდვილად გაგიჟებულიაო!

ჩეხები კი ქვევიდან მოგვძახიან (ვიდრე ჩვენ ესპანელებს ველოდებოდით ისინიც წამოგვეწივნენ):

— საით გაგიწევიათ, მანდ ეშმაკი ვერ გაგა...

1964 წლამდე თბილისის ფიზკულტურის ინსტიტუტში მთამსვლელობის განყოფილება არც არსებობდა. ეს მაშინ, როცა აქვე სპორტის უკლებლივ ყველა სახეს ეუფლებოდნენ ფიზკულტურელები. ამ წელს კი პირველად დაისვა ალპინიზმის განყოფილების დაარსების საკითხი, ხოლო მომდევნო წლიდან, ფიზკულტურის ინსტიტუტის არსებობის ისტორიაში, პირველად ჩააბარეს აბიტურიენტებმა მისაღები გამოცდები სპორტის ამ ვაკეატურ სახეობაში.

მიხეილს ცოტა წელიწადი როდი მიუძღვის განყოფილების ჩამოყალიბებისა და მომავალი მთამსვლელების აღზრდა-განათლების საქმეში. რესპუბლიკის ფიზკულტურის ფედერაციის ხელმძღვანელობამ სწორედ მას დაავალა მეურვეობა გაეწია ამ სექციისათვის.

მიხეილმა სვანეთიდან ჩამოიყვანა მთებით გატაცებული ახალგაზრდები, რომლებმაც უკვე ინსტიტუტში სწავლის პერიოდშივე გამოიჩინეს თავი, როგორც ახალი ყაიდის, ახალი სტილის მთამსვლელებმა. ამ პერიოდის კანმავლობაში არ მოწყობილა რაიმე ცოტად თუ ბევრად მნიშვნელოვანი ექსპედიცია, მთამსვლელთა ლაშქრობა რომ ამ. ჯერ კიდევ წვერაუშლელ ქაბუეებს არ მიეღოთ მონაწილეობა მასში.

— ამ ახალგაზრდებზე ახლა დიდ იმედებს ვამყარებთ, — ამბობს მიხეილი, — მე შეამაყება და მიხარია, როგორც მასწავლებელსა და პედაგოგს მათი წარმატებები. რაც მთავარია, ეს არის ახალი შემოქმედებითი ძალების თაობა მათი ხელწერა ლაკონური და ლამაზია, ღლეკანდელობის, თანამედროვეობის შესაფერისია. ჩვენი მიზანიც ხომ ეს იყო — მიგვეცა თეორიული და პრაქტიკული ცოდნა-გამოცდილების მაქსიმუმი, და ამით შეგვეზადებინა ისინი დიდი ალპინიზმისათვის.

ამ ახალგაზრდებმა იციან ექსპედიციის დროს ორგანიზებულობის, დისციპლინის, წესრიგის ფასი, რაშიც ადრე მოვისუბტებდით ხოლმე. მათ მთელი სერიოზულობით აქვთ წარმოდგენილი: მწვერვალთა ძლევა არც ისე იოლი საქმეა, საჭიროა სათანადო მომზადება, ბევრ მიწიერ სურვილზე უარის თქმა, ნებისყოფის გამომუშავება... მე კი ყოველივე ეს თანამედროვე ქართული და საბჭოური ალპინიზმისათვის უდიდეს მონაპოვრად მიმაჩნია...

როცა ჩვენ მოვტყდებით, მუხლებში ძალა გამოგველევა და მე-



ტად აღარ დაუბერავენ მთებიდან სამოგზაურო ქარები, როცა მყინვართა ანარეკლისაგან დაოსებულ თვალეში სისველე გავვიჯდება, ეს ახალგაზრდები აიკიდებენ ზურგჩანთებს და გაუდგებიან თოვლიან გზებს, ლურჯი ცის დასალიერიდან ზვავის ხმაზე დააბუზუნებენ მამაპაპათა უბერებელ და უღიადეს სიმღერას, მზის საგალობელ — ლილეოს...

ადამიანი ყველა მწვერვალზე მაღალია!.. — ხმამალა ამცნობენ ქვეყნიერებას ისინი.

— ეპეი, მანდ ეშმაკი ვერ გავა, ეპეი.

არის წუთები ადამიანის ცხოვრებაში, როცა არაფერს ანგარიშს არ უწევ, უფრო სწორედ, თავის თავს აღარ ეკუთვნი. შექმნილი მდგომარეობა გაიძულებს იმოქმედო გონიერების საწინააღმდეგოდ. რალაც უხილავ ძალას აუტანიხარ და თავის ნება-სურვილზე მიგერეკება საითაც მოისურვებს. ამ უხილავმა ძალამ შეიძლება განსაცდელისაგანაც იხსნას ადამიანი, მაგრამ კიდეც უფრო მოსალოდნელია რომ ქარაფებზე, მოუსაველეთში გადაჩეხოს.

მსგავსი წუთები ყოველდღიურ ცხოვრებაშიც გვხვდება, მაგრამ იქ ამ გრძნობას სიცხოველე და მგზნებარება აკლია. მთაში კი, განსაცდელის ეამს შეიძლება სულ სხვა კაცად იქცე, ისეთ ადამიანად, რომ, დაწყნარებულ გუნებაზე ველარც კი იცნო შენი თავი.

მსგავსი ვითარება იყო ახლაც — ჩვენ გამოვასწარით ჩეხებს, ორთაბრძოლაში ჩავებით ესპანელებთან (ჩვენდა უნებურად გამოვიდა ასე), თავი გამოვიდეთ ყველას წინაშე და ახლა უკანდახევა მართლაც თავისმოკრა იყო და მეტი არაფერი.

— ეპეი... მანდ ეშმაკი ვერ გავა... რას შვრები... — კვლავ მოგვძახიან ქვევიდან ჩეხები.

მე კედელზე ვარ. ერთობ საშიში ადგილია. კლდის გლუვი ზედაპირი არ იძლევა საშუალებას პალოების გამოყენებისა, ღრუსატები (შლიამბურები) კი ჩვენ როგორც უკვე ითქვა თან არ წამოგვიღია. და აი, კვლავ შორეული ჩქამი მოვარდა ჩემს ხურთასმენამდე: ლალამის მაცხოვარის ეზოში ჭკვიბის დღესასწაულს იხდიდნენ სეტ-მესტიელები. თავჭვრიანი ნათლისვეტი მედიდურად აღმართულიყო მოედანზე, სოფლის მახვში, მოხუცი გვარლიანი მალულად ათვალიერებს ბიჭებს — ვინ აებღატება, ვის ეყოფა ძალა და გამბედაობა, რომ სვეტის თავზე მორიალე ჭვარი — მოსაველიანობის სვე-ბედის გან-

მრიგე ქრისტეს ჯვარი ჩამოხსნას და ლალაში დაანარჩუნოს? ვინ არის ასეთი გულადი?

მიხეილის წინ უამრავმა თოვლის გუნდამ ჩაიწეილა, ისინი მწარედ ხედებიან კისერსა და ზურგში. იგი მაინც მალლა მიიწევს, ჭიკუძასავით მიიკაკეება, ფეხებს მაშასავით ჩაუჭერს ნათლისვეტს, შერე წელში აიშართება, და ერთი ნაბიჯით ამალდება...

ერთი წამით იგი წარმოიდგენს ლალამელთა, და არა მარტო ლალამელთა ქერითა და ჩალა-თივით, კარტოფილითა და სიმინდით, ოსპითა და კანაფით გამოტენილ ლაფარო-ეზოებს, კიდობნებსა და ბაგებს. ირგვლივ ხევი და ბარაქა სუფევს — თვალშეუვლები სიმდიდრეა. სიმდიდრე და სიხარულია ლომის ხეობაში. ყოველივე ეს ამ ქრისტეს ჯვრის წყალობაა, მაცთუნებლად რომ განქარვებულა გაყინულ სივრცეში. ცოტა და... აი, ერთი ნაბიჯი... შერე გამარჯვებული ხალხის ყიეინა მოვარდა... ლალამელები ჯვრის დანარჩუნებას შეიმობენ, ხოშა ბაბა კი მიდის მასთან, გოგოებისაყენ გაახედებს და ეუბნება — აირჩიე რომელიც ვინდა...

და ახლა მიხეილი წუთით იმათზე ფიქრობს, იმ შავბნელებზე, ხოშა ბაბამ რომ დაანახა შორიდან. ერთი იმათთაგანი ახლა მისი მეგობარია — კატი. იგი შინ ელოდება, გამარჯვებულს ელოდება, ისეთი გულისთანაცქალით უცდის, ცხრა მთას ვალმა გარდასულ მთიბველს რომ ელოდება თავისი სწორფერი...

აი, საჯილდაო ქეაც. მაცხოვრის ეზოში სოფლის ბიჭები შეკრებილან. ისინი მორიგეობით მიდიან ქვასთან, გამოყვანილ ყელში თითებს ჩაუჭერენ და მალლა ეწევიან, იმათს დაქიმულ კისერზე სისხლით დაბერილი ძარღვები აყრილან და ტოკავენ...

შეჯიბრების მონაწილე ოხრაეს, კენესის, წელში იკაკეება. თვლებიდან ნაპერწყლებს აფრქვევს. უნდა მოერიოს, უნდა აღმართოს როგორმე, ააცილოს დედამიწას და ამ დროს იგი ჰგაეს მორწმუნეს, ღვთისმსახურს, მუხლზე ჩაჩოქილს, ხელკვერიანს, აღმოსავლეთით თვალმიპყრობილი ძღვენს რომ სწირავს მამაზეციერს და შველა-შეწვენას ევედრება.

იმის ხელში საჯილდაო ლოდი ძღვენივით ჩანს, რაღაც ზღაპრული ძღვენივით... ღმერთს ეაჭება მოჯიბრალი, მიილოს მისი ძღვენი. მაგრამ მამაზეციერი უარობს... უარობს, იმიტომ რომ ლოლები არაფრად სჭირია მამაზეციერს. მოჯიბრალს კი ხელიდან უვარდება იგა.

მაგრამ არა, კვლავ მიდის ლოდთან და კვლავ ზეალმართვას ცდილობს მისას, უნდა მიართვას ძღვნად მამაზეციერს, რადაც არ უნდა დაუჯდეს, უნდა მიართვას.

რადაც არ უნდა დაუჯდეს... რადაც არ უნდა დაუჯდეს...

• •

— ორმოცდაათი ძეგრი ისე გავიარე ცალი თითის ჩასავლებს თუ ვიპოვნინდი სადმე. ღრეჩო-პორის მავგარი მანდ არსად შემხედრია. რამდენიმე თავმოკლუებულ კოპსა და მოჭიქულ „თეფშებზე“ თითს კი არა სათევზაო კავსაც ველარსად გამოსდებდი... და აი, უშბის მერე აქ მოხდა მეორე საოცრება — მე ისევ მალლა ვარ, კუზის თავზე. იქიდან დაბლა რომ გადავიხედე, ლამის თავბრუ დამეხვა. სლავასაც ელდა ეცა — ქვევიდან ხელით მანიშნა — ხომ არ გადაირიე, შიგნით შეიწიეო...

თითქოს მურყვამის ქონგურზე ვიყავი გადმომღგარი, ისეთი გრძნობა მქოხდა. მურყვამებს ხომ რა ხანია, შევაჩვიე თვალი, ეს კედელი კი რატომღაც ისევ მაშინებდა. მერე ძალა მოვიკრიბე, პალო ჩავაბრტყი, თოკი გამოვაბი და დაბლა დავუშვი. მალე სლავა ამოვიდა და როგორც კი სული მოითქვა. იკითხა:

— აქ რანაირად გაიარე? მაინც რანაირად გაიარე აქ?

— რა ვიცი... გავსხლტი როგორღაც... — ღიმილით ვუპასუხე მე. სლავა თავს აქნევს გარცემის ნიშნად.

— კარგი კედელია? შეგიძლია ცოცვა? — გაივლი, დაძლეე, არა და იკონწიალებ მთელი საათობით. ამ ესპანელებივით...

— მართლაცდა ეს რა ალპინიზმია? — მეთანხმება სლავა — ლამაზი კედელი, თოვლი, მყინვარი, რა გინდა სულო და გულო, ყველაფერი აქვეა, შენ კი თოკებზე ჰკონწიალობ და კუს ნაბიჯით მიიწევ მალლა. ჰო, მაგრამ ეს მაინც წარმოუდგენელია — ჩემს გამოვლილ წარაფს ჩაატქერდა იგი.

— მალლა შიიწევო? — დაბლა გადავიხედე მეც — ისინი ვითომ მალლა ზოიწევენ? შენ ასე ფიქრობ? — ესპანელებს მართლა არაფერში ეტყობოდათ, მალლა თუ მოიწევდნენ. ისინი ისევ იმ ადგილზე იტყეპნებოდნენ ამ რამდენიმე ხნის წინ რომ დავტოვეთ.

— კაცმა რომ თქვას, რა აქვთ მაინცდამაინც საჩქარო? ადრე თუ გვიან ამოვლენ და ის იქნება, შეიძლება ჰკვიანურადაც იქცევიან...

— ოღონდ ერთი ამბავია, ყოველივე ეს თუ მაგათი სიღინჯით აიხსნება, მაშინ ეს სიღინჯე კარგია იქ მშობლიურ მთებში, საკუთარ სახლში, სადაც გარეშე თვალი არ შემოგცქერის, მსოფლიოს რჩეულმა მთამსვლელმა კი უნდა გაუტოო კიდეც! თორემ ასე ყველა კი იკონწიალებს...

— აი, დარდი. იკონწიალონ და ისიამოვნონ, ჩვენ რა...

— ასეა თუ ისე, მე ვეთანხმები ფრანგებს, რომ გრანდ-ჟორასი მათი ყველაზე საინტერესო კედელია, შენ რას იტყვი ამაზე?

სლავა თანხმობის ნიშნად თავს მიქნევს — უდაოდ ლამაზი კედელიაო. მერე გზას ვაგრძელებთ. სულ ათას ორასი მეტრი გავიარეთ ცოცხით. საღამოს ხუთი საათისათვის უკვე მწვერვალზე ვიყავით. ასვლას მოვანდომეთ სულ ცამეტი საათი. ამ დროში შედის ის შეფერხებაც, გზად რომ გვხვდებოდა.

ქვემოთ ვეშვებით სამხრეთის კედელით, იტალიის მხარეზე.

კედლის ძირში კლდისა და მიწის მიჯნასთან პატარა ქოხი დგას. ქოხიდან მადის აღმძვრელი ოხშივარი გამოდის. ოხშივარი ჟრჟოლა-სავეით გვივლის ტანში. ქოხის პატრონი ღიმილით გვეპატიყება შინ, მობრძანდით, გვეწვიეთო. მაგრამ იგი ხომ ვინმე ჩვენებური მელუქნე არ იყო რომ ნისიად გაგემასპინძლებოდა. ჩვენ კი კაპიკი არ გვიჭყავის ჭიბეში. არც იტალიური ფული გვაქვს თან, არც — ფრანგული. ძალიან კი მოგვანატრა ამ ქოხმა ჩვენებური სუფრა, ნაირ-ნაირი საკმელებით დამშვენებული. მე ქუთაისში საშოვარზე ჩასული სევანების ამბავიც კი გამახსენდა, ისინიც ჩვენსავით მოშივნულები იყვნენ ალბათ, გზად ვილაც მელუქნემ რომ შეიპატიყა — მობრძანდით, მეწვიეთ, თქვენი ხმალი და ჩვენი კისერიო.

სევანები პირველად იყვნენ ქალაქში, იქაური ვაჭრული წესებისა არა გაეგებოდათ რა და მელუქნის მიპატიყება სტუმართმოყვრობად მიიღეს. თქვეს, ეს რა ღვთისნიერი კაცი შეგვხვდა, სხვებს კი არა ჰგავსო... ერთი ჩამოვიდეს სევანეთში და პატივისცემას ასმაგად გადაუხდითო.

სევანები ქუდმოხდილნი, მადლიერების გრძნობით აღვსილნი შებრაახუნდნენ ღუქანში და სუფრას მიუსხდნენ.

მელუქნემ კი, რაც კარგი რამ გააჩნდა, ყველაფერი გამოუტანა. ეშხსა და ჭამა-სმის ლაზათში შესულ სტუმრებს სულ ტკბილი სიტყვებით მიმართავდა — «კიდეც რას მიბრძანებთ, სხვა რა მოგართვათო...»

სვანები კი ალტკინებულნი თავიანთი „აღმოჩენით“ — გზად გა-  
ნობილი მელუქნის კაიკაცობითა და სტუმარმასპინძლობით მჯილებს  
იბაუენებდნენ მკერდზე და ღმერთს ეაჭებოდნენ — ისე ნუ მოგვკლავ,  
ეს კაცი სვანეთში არ ჩამოგვიყვანო...:

მაგრამ მალე საქმე სხვანაირად შეტრიალდა. სტუმრები რომ გა-  
მოქდნენ და წასასვლელად აიშალნენ, მასპინძელმა დანახარჯის ანა-  
ზღაურება შემოსთავაზა მათ.

ახლა სულ სხვა კაცი იღვა მათს წინაშე, ვერც წელანდელი თავა-  
ზიანი ღიმილი უნახეს მელუქნეს სახეზე. აბა რას წარმოიდგენდნენ  
მთიელები თუ თავაზიანად მიპატიებულ სტუმარს დანახარჯის გა-  
დახდა ევალებოდა? მათს ქვეყანაში ასეთი რამ წარმოუდგენელი იყო.

როცა დარწმუნდნენ — მელუქნე არა ხუმრობსო, ნაბდის ქუდები  
შემოცტრიალეს თავზე, ხანჯლები იშიშვლეს და თავს წამომდგარ პო-  
ლიციელებს შეუტიეს. ყველაზე მეტად იმის რცხვენოდით — ჭამა-სმის  
გულისათვის როგორ უნდა შეეკლათ ამ ოხრებს თავი, რაიმე ვაჟ-  
კაცურ საქმეზე მაინც მოგვევლოდა ჩხუბიო. არა და გადასახდელი  
ფული მათ არ გააჩნდათ და არაფერი...

მერე ყველანი დაიპირეს და ციხეში ჩასვეს.

შინ მომლოდინე ცოლ-შვილს, ნათესავ-მეზობლებს კი ეგონათ —  
ჩვენი კაცები ეტყობა, სარფიან სამუშაოს წააწყდნენ და იმაზე შეაგ-  
ვიანდათო. სინამდვილეში კი ციხეებში ეყარნენ და ერთი საათის  
ნაქამ-ნასვამი ძმრად ამოსდიოდით ყელში. არავინ უწყის, როდემდე  
გაგრძელდებოდა მათი წვალება, ერთ გულმოწყალე გენერალს რომ  
არ შებრალებოდა ისინი.

ეს გენერალი სასამართლოში გამოსულა და უთქვამს:

— ამათს ქვეყანაში სხვანაირი სტუმარ-მასპინძლობა იციან. მანდ  
იტყვიან ხოლმე — „სტუმარი ღვთისააო“, შინ წრფელი გულით ეპა-  
ტიებებიან უცხოს და რაცა აქვთ აღარაფერს იშურებენ მისთვისო.  
ოჯახის ქალი ფეხსაც კი დაჰბანს უცხოსო. მთაში ზოგან წაწალსაც  
კი მიუწვენენ სტუმარს, რათა მის ვაჟკაცობაში დარწმუნდნენ და  
იგიც დაარწმუნონ თავიანთ მიმდობლობასა და ერთგულებაშიო.

იმ გენერალმა იხსნა საწყლები, თორემ იმათ — ასავალ-დასავალ-  
საც ვერავინ გაიგებდა.

ეს რომ ვუამბე სლავას, სახეზე სევდანარევი ღიმილი გაუქრთა.

მაშინათვე გავეცალეთ იქაურობას.

ქოხის მებატრონემ ალბათ კარგად იცოდა მთამსვლელთა ჯიბის

ამბავი, შესაძლოა წრფელი გულითაც გვეპატიებოდა, სხვა რომ არაფერი, იგიც ხომ მთიელი იყო, რაც აშკარად ეტყობოდა მზემოკიდებულ, გარუჯულ სახეზე.

მაგრამ სვანებზე გარდახდენილი ისტორია ისეთი ჭკუისსასწავლებელი გაკვეთილი იყო ჩვენთვის, რომ მანდ პურისქამასა და დასვენებას უკვე ისეთ გემოს მაინც ვერ ჩავატანდით. თანაც რაიმე გაუგებრობას რომ ჰქონოდა ადგილი, გამოგვიჩნდებოდა ვინმე მშველელი და გულშემატკივარი იმ ლეთისნიერი გენერალივით?

„სადა ხარ ჩვენო გენერალო? შორსა ხარ ჩვენო, გენერალო?“ — ვლიღინებდით გზად მე და სლავა.

• •

„ღმერთმა გამოძერწა და სული შთაბერა“.

გადილ-ბაშკარას მწვერვალიდან სამნი ეშვებოდნენ. სამთავეს ილაჯი გაწყვეტოდათ ერთ ადგილას, ზედ უფსკრულის თავზე ისინი შეჩერდნენ, დაკვირვებით მოათვალიერეს ადგილმდებარეობა, მაგრამ სანუგეშო ვერაფერი ნახეს.

ნათელი გახდა, სავარაუდო გზას ასცდენოდნენ. თხემი, რომელსაც ისინი გამოპყვნენ მწვერვალიდან შეეულ კლდეებად ეშვებოდა სადღაც მოუსაველეთისაკენ. უკან გაბრუნებას ძალა სჭირდებოდა, ეს უკანასკნელი კი მათ ნახევარ გზამდეც ვერ ეყოფოდათ. არა და ადგილზე ფუსფუსს არავითარი გამართლება არ ჰქონდა. გამთოშავი სიცივე ძვალსა და რბილში გასჯდომოდათ ისედაც.

საჭირო იყო მოქმედება, მოძრაობა, რისკი. და მათ იქვე კლდეში ჩაართყეს პალო, გამოაბეს თოკი და დაბლა დაუშვეს, — იქნებ უახლოეს ბაქნამდე მისწვდეს და ჩაგვიყვანოსო.

პირველი, ჭგუფის უფროსი — იური ბურუხევიჩი ჩამოეკიდა თოკზე და დაშვება იწყო. მას დანაჩენებიც მიჰყვნენ. „ცოტაც და სამშვიდობოს გავალთ... ცოტაც და...“ — გულდაარბენინებული ფიქრობდა ერთ ციციქნა თოკზე „ჩამოცმული“ სამი ადამიანი.

მაგრამ ნაადრევი გამოდგა მათი სიხარული. შუა გზამდეც არ იყვნენ ჩაღწეულნი, თოკი რომ „დამთავრდა“.

უახლოეს ბაქნამდე, ფეხმოსაკიდებელ მოედნამდე ბარე ორმოცდაათამდე მეტრი მაინც იქნებოდა დარჩენილი. სამივე მეგობარი ერთ

დღეში აღმოჩნდა. და კვლავ დაისვა მათს წინაშე უკან გაბრუნების პრობლემა. მაგრამ საუბედუროდ მათდა, ამაზე ფიქრიც კი ზედმეტი იყო. ამისი ძალა აღარავის შესწევდა. დედამიწა კი თითქოს-და იძარო, ზღვასავით ტორტმანებდა და მოიქცეოდა, სადღაც შორს, შორს, მიეჭანებოდა, შორეულნი და მით უფრო სანეტარონი ხდებოდნენ ქალაქები და სოფლები, მდინარეები და ადამიანები, სითბო და ძეხორციელის ჩქამი.

თოვლის ლოლუებივით ეკიდნენ ისინი და იმ ლოლუებივით ემსხვრეოდათ იმედები.

მორჩა, ყველაფერი გათავდა, სიცოცხლეს შავი წერტილი დაესვა. ერთი დღე...

ორი...

სამი...

ოთხი დღე...

ქარზე აფრიალებული, გასაშრობი სარეცხივით ეკიდნენ ისინი ჰაერში და თვალმილულულნი ელოდებოდნენ აღსასრულს, რომელიც თანდათან უახლოვდებოდათ. სახეში სცემდათ ქარი და თოში, კანკალებდნენ შიშისაგან, შიმშილისა და სიცივისაგან.

ყველაფერს აქვს დასასრული, ყველაფერი მთავრდება...

და უცბად, ამ დროს საიდანღაც ძეხორციელისეული ჩქამი მოვარდა.

გადავიწყებული, ადამიანის ხმა.

ნეტარი, თბილი, მზესავით სხივოსანი და კაშკაშა ხმა.

ვიღაცა იძახოდა:

— ნუ გეშინიათ, ჩვენ აქა ვართ...

ისინი წუთით თვალს ახელენ და დაბლა, თავდაყირა გადაკიდულ მასივებს მოავლებენ ნისლიან მზერას.

„მოჩვენება, ეს წყეული მოჩვენება...“

მაგრამ იგივე ხმა რამდენჯერმე მეორდება:

— ჩვენ აქა ვაართ, აქა ვაართ, აქა ვაართ...

და მართლაც მოვიდნენ ისინი — მიხეილ ხერგიანი, ერმინე კახიანი, მიხეილ ხერგიანი (უმცროსი). სამი, საბედისწერო თოკზე კოჭებად ასხმული ნახევრად უგრძნობელი ადამიანი მიწაზე ჩამოუშვეს. მაშველი ჯგუფის წევრებმა მათ თავისი სხეულის სითბო გაუ-

ნაწილებს... სამი ლოლუა თბებოდა, ლღვებოდა, სუნთქავდა, იღვიძებდა...

მთები ათას დაბრკოლებად აღმართულან ადამიანთა წინაშე, ათას კითხვად და გამოცანად აზიდულან ცისიერ სამყაროში. და როცა ძებორციელს რაღაც უჭირს, ვიღაცის შველას ელოდება, „სოსივით“ გაისმის მისი ყვირილი უსასრულო მღუმარებაში. მაგრამ ხმა ვედრებისა სადღაც პორებსა და ნაპრალებში იჩუმქრება, იქედება და იკარგება, კვდება, უგზო-უკვლოდ ქრება...

იგი მაინც ელოდება, ელოდება, ელოდება... უსასრულოა მისი ლოდინი...

და ვერრა შეედრება იმ სიხარულს, რასაც ეს „განწირული“ განიცდის ადამიანის ჩქამზე. არ არსებობს ალბათ იმაზე ცხოველი მადლიერების გრძნობა მის ცრემლმორეულ თვალებიდან რომ იღვრება სიკვდილიდან სიცოცხლეში მობრუნების ჟამს...

მიხეილისათვის ნაცნობი და ახლობელია ეს განცდა — გაჭირვებულთა, იმედწართმეულთა გამოღვიძების წუთი, პირველი გაღიშებისა და გაყინულ თვალ-საქქერლებში სიცოცხლის სხივის აკიაფების წუთი. არა ერთი და ათი ადამიანი უხსნია თოვლიანი ქუნგლების ტყვეობიდან და შთაუბერავს მათთვის საქუთარი სითბო...

ასეა, როცა მთებზეა ლაპარაკი, როცა მოიხსენიებენ დიდი კავკასიონის ხერხემალს, ჩრდილო და სამხრეთის კალთებს, აქლემის კუზებად ჩარიგებულ თეთრშუბლა მწვერვალებს, ნუ შეშინდებიან ხიფათიანი გზების მაძიებელნი და მოყვარულნი — მთამსვლელები, ტურისტები, თვითმოქმედნი და გეგმიანები. იქ, ახლო-მანლო, ხერგინების, კახიანების, ჩართოლანების, ნიგურიანების, ჭაფარიძეების, გაბლიანების და ცასთან ახლოს მდებარე ქვეყნის სხვა საგვარეულოთა „მაშველი რაზმებია“. ისინი მთებში მიიტანენ მზესავით სხივნათელ, თოვლივით კაშკაშა, ზღვასავით ბობოქარ, იმედთან ხმას, იმედთან შემოძახილს...

დიდ კავკასიონზე უდევს ბუნაგი „კლდის ვეფხვს“ მიხეილ ხერგინს. აქ ლომგულდებიან მისი ბოკვერები, მომავალი „მზის მაძიებელნი“...

• •

„სადა ხარ, ჩვენო გენერალო? გვიშველე გენერალო!“ —

— ჩანჩალში კურმაიერის ტყესთან შემოგვალამდა. აქვე გადაუწყვიტეთ დაბანაკება. კარავი გავშალეთ და დავიძინეთ. დილაუთენია  
მ. მ. ხერგინი



ტორინოს გადასასვლელისათვის უნდა შეგვეტია. მაგრამ მეორე დღეს კიდევ უფრო წაგვიხდა გუნება — გადასასვლელისაკენ ყველა საბაგირო გზით მიემგზავრებოდა. ჩვენ კი უფულობის გამო ფეხით უნდა წავტიალებულიყავით, თითქოს ქვეითად სიარული გვაკლდაო. იტალიის კურმაიერი და საფრანგეთის მაღალმთიანი კურორტი შამონი ერთმანეთთან საბაგირო გზითაა დაკავშირებული. ამ ორი ქვეყნის საზღვარზე, რომელიც ზედ ქედის თხემზე გადის, დგას სასტუმრო „ტორინო“ (3370 მ ზღვის დონიდან). სადაც ყოველთვის უამრავი დამსვენებელი, ტურისტი და მთამსვლელი იყრის ხოლმე თავს.

„სადა ხარ, ჩენო გენერალო?“ — ვლიღინებდით ისევ მე და სლავა და ბანცალ-ბანცალით მივუყვებოდით აღმართს. ოი, რა ბრანზიანი ღიღინი იყო ეს, აბა რა დამშვიდებულ გუნებაზე იქნებოდა კაცი ჩვენს მდგომარეობაში? ყველა საჭაერო გზით დასეირნობს და ჩვენ კი ამდენი ნაჭაფარ-ნაწვალევი ხალხი ქვეითად ვლახავთ სრულებით უსარგებლო კილომეტრებს. ხანდახან საბაგირო გზისაკენ თუ გაგვექცეოდა თვალი, რასაც ძალიან ვერიდებოდით, შურისაგან გულზე ვსკდებოდით, გვეჩვენებოდა თითქოს იმისი მგზავრები დამცინავად დაგვექეროდნენ მაღლიდან და ერთმანეთს მიუთითებდნენ ჩვენზე: შეხედეთ, ეს რა ჯურის ხალხია, ყველა კომფორტაბელურად მგზავრობს, ეგენი კი სახედრებივით მოჩანჩალებენო...

ექვსი საათი მოვანდომეთ ტორინოში ასვლას. საბაგირო გზის რამდენი ბოძი დავითვალეთ ამ სამიათას ექვსას წუთში! სასტუმროში რომ მივედით, ცოტა სული მოვითქვით, მაგრამ მალე უსიამოვნო ამბავიც გავიგეთ — ძლიერი ქარის გამო აქედან საბაგირო მიმოსვლა შამონამდე შეჩერებული იყო.

„საბაგირო გზა თქვენ რალაში გამოგადგებოდათ, მაინც რალაში გენალელებოდათო, — იტყვით ალბათ. — საცა აქამდე ფეხით იარეთ და ვერ ისარგებლეთ იმითი, ახლა რალა შეიცვლებოდა ვითომო?“

მაგრამ მე და სლავამ ამ ექვს საათში ერთ გამოსავალს მივაგენით — უფრო სწორად ერთი გადაწყვეტილება მივიღეთ — ტორინიდან რადაც არ უნდა დაგვედომოდა საჭაერო გზით უნდა გვემგზავრა. როგორ, რანაირად? — ნისიად!.. ამჯერად უკვე ნისიად. შამონში ჩვენ შეგვეძლო ჩენი ვალი ჩასვლისთანავე გაგვესტუმრებინა. ეს იმას ემგვანებოდა — შუალამისას ტაქსი რომ დაგვირეგებია შინ წასასვლელად და თან ფული არა გქონია, შენ მაინც ჩამქდარხარ მან-

ქანაში და დანახარჯი სახლიდან გამოგიტანია მძლოლისათვის. ეს მეთოდი გაჭირვებისაა და შეიძლება ერთგვარ უხერხულობასთანაც იყოს დაკავშირებული, მაგრამ რას იზამ, როცა სხვა გამოსავალი არაა... თავს მხოლოდ იმით თუ დაინუგეშებ — შესაძლებელია ტაქსის შოფერი და ამ საბაგირო გზის მეპატრონეც ყოფილან ოდესმე ამ დღეშიო...

ესეც ასე: ვინ უწყის, ქარი როდის ინებებს ჩადგომას, ჩვენ კი უნდა ველოდოთ და ველოდოთ სვანეთის თვითმფრინავით. თითქოს დაგვებედა მე და სლავას ამ გზობაზე ლოდინი. იქ, ტრასაზე გასვლის ლოდინი, მერე თოკებზე მოკონწიალე ესპანელების ლოდინი, ჩეხების ლოდინი, ახლა კი გამოდარების ლოდინი. ან იქნებ ფუხით ჩავსულიყავით?

ორივენი ვნერვიულობთ, მაგრამ ვითომ არ ვიმჩნევთ. მე გასამხნეებულად ვეუბნები სლავას:

— იცი, სლავა, ერთხელ სვანეთში მივდიოდი და ქუთაისის აეროპორტზე ორი კვირა ველოდე საფრენი ამინდის გამოსვლას... მერე და იცი, რა მოხდა?

— როგორც იქნა, გაფრინდი, არა?

— საქმეც იმაშია რომ — არა! ამინდზე გაბრაზებულმა ავდექი და ქვედა გზით გავუტეიე მესტიისაკენ...

— შენც მოიგონე რაღა... აქ არ აგვიხდეს შენი მონაყოლი, თორემ მოგკლავ, იცოდე...

და აი, ჩვენ ესხედვართ ტორინოს დერეფანში და ამ საკითხზე ვფიქრობთ — როგორ აჯობებს? აქ ერთი ამბავია გასათვალისწინებელი: მთამსვლელი, რომელიც ასეთ პასუხსაგებ შეჩიბრებაში მონაწილეობს, უკიდურესობამდეა შეზღუდული დროით, იგი, ბუნებრივია, განსაკუთრებით უფრთხილდება და ზოგავს ძალასა და ენერჯიას. დღეს თუ ერთი მწვერვალი დალაშქრა, ხვალ მეორეს უნდა ეწვიოს, ერთი სიტყვით, მეტი, რაც შეიძლება მეტი სასარგებლო მუშაობა უნდა გასწიოს. მის განკარგულებაში არსებული დრო მაქსიმალურად გამოიყენოს მხოლოდდამხოლოდ მწვერვალებისათვის, რადგანაც მთამსვლელთა „საქმენი საგმირონი“ დამოარჩილებული თეთრონებით განიზომება, ჩვენი უთაებოლო ჩანჩალი კი საქმისათვის არამც და არამც არ იყო სარგო.

„სადა ხარ, ჩვენო გენერალო?“ — ჩავიდილინე კიდევ ერთხელ

გუნებაში. ისევე მშველელსა და დამხმარეს ვუხმობდი, მაგრამ აბა საიდან უნდა მოგვევლინებოდა იგი?

• •

— ხშირად მეკითხებიან ხოლმე, ვინ მიგაჩნიათ თქვენს მასწავლებლად. ცხოვრებაში გზის წარმმართველად. ძალიან ძნელია ამ კითხვაზე პასუხის გაცემა, მაგრამ ვფიქრობ სიმართლეს არ იქნება მოკლებული. ჩემს მასწავლებლებად, მამაჩემი, ანტონ, გაბრიელ, ბექნუ ხერგიანები, მაქსიმე გვარლიანი, ჭიჭიკო ჩართოლანი, გიო ნიგურიანი, ალმაჯირ კვიციანი, გოჯი ზურებიანი, აღსილ ავალიანი და სხვა მთამსვლელები რომ დავასახელო. ერთად იმიტომ ჩამოვთვლი იმ ადამიანებს, რომ მათი დამორიშორება, ინკოგნიტოდ წარმოდგენა ყოველად გაუმართლებლად მიმაჩნია მე პირადად. მთამსვლელობა ხომ ერთი ადამიანის სპორტი არ არის, ალბინიზმზეც არის ნათქვამი — „მარტო კაცი მინდორზე მეომარი ვერ იქნებაო...“ ზემოთ ჩამოთვლილი მთამსვლელები ერთად დადიოდნენ მთაში, ერთად ეწეოდნენ ლაშქრობებს, ერთად იმარჯვებდნენ და მარცხდებოდნენ კიდევ. ჭირი და ლხინი ერთი ჰქონდათ.

ადრე, იმდენი როცა არ იწერებოდა მათზე, ხალხი ზეპირად გადასცემდა ერთმანეთს გაბრიელის, ბექნუს, ჭიჭიკოსა და სხვათა გმირობის ამბავს. ისინი ლეგენდებად იქცნენ თანასოფლელთა, ახლობელთა თვალში, ყველას თვალში. სვანეთში კი ოდითგანვე არსებობდა ვაჟკაცობის, გამბედაობის, სიმამაცის კულტი. ოცდაათიან წლებში კი მთამსვლელობით გატაცებამ უმაღლეს წერტილს მიაღწია მთათა ქვეყანაში...

ჰოდა, პატარები ხომ თავისებური ხალხია. აბა რომელი ბავშვი იქნება რომ თავისი იდეალი, თავისი გმირი არ ჰყავდეს ოცნებაში წარმოსახული და თავადაც არ ისწრაფვოდეს მისი საგმირო საქმეებისაკენ...

ჩვენი სალოცავი ხატები მაშინ ყველაზე უშიშარი, მთებთან მებრძოლი ადამიანები იყვნენ. ბევრ რამეში ვბაძავდით მათ. მაგალითად, სიარულში, სიმძიმეების აწევაში, „კლდეზე ცოცვაში“... ვბაძავდით კი არა, ვეჭიბრებოდით კიდევ ერთიმეორეს ძველი მაჩუბების კედლებზე თუ ელექტრო ბოძებზე აბლატებაში. ონავრებს მსგავსი თამაშ-შეჭიბრის გარეშე ვერც კი წარმოგვედგინა არსებობა.

მაგრამ ჭერ იყო და გაბრიელა დაიღუპა, მერე ალიოშა ჭაფარიძე და მისი ჭგუფი იმსხვერპლა გულზვიადმა უშბამ. ყველაზე გულდასაწყვეტი ამბავი მაინც ის იყო, რომ უშბის ერთ-ერთი პირველდამპყრობი, გიო ნიგურიანი, შიშველი ფეხებით რომ ავიდა უშბაზე, სისხლისაღების ძველი ადათ-წესის მსხვერპლი შეიქმნა. წაამსვლელების ლაშქრობაში სიკვდილი ჩვეულებრივი ამბავია, მაგრამ ბრმა ტყვიით აღსრულება კი ყოველგვარ უსამართლობასა და სიმკაცრეს აღემატება. მთამსვლელობის ისტორიაში გიო ნიგურიანისეული გმირობა შესაძლოა ჭერაც არავის ჩაუდენია. სწორედ მან უშბის პირველი საბჭოური ექსპედიციის დროს, უმაგალითო თავგანწირულობით მთელი ჭგუფი იხსნა განსაცდელისაგან...

ხოლო ვინ იყო ალიოშა ჭაფარიძე? საბჭოური მთამსვლელობის ერთ-ერთი გამოჩენილი მოღვაწე, მთამსვლელობის პირველ მესვეურთა დიადი საქმის უშუალო და სახელოვანი გამგრძელბელი. კავკასიონის მთავარი ქედისა და მის განშტოებათა პირველი მაგელანი. უშბის პირველდამპყრობი, ცნობილი გეოლოგი-ინჟინერი.

მაგრამ ალიოშა ჭაფარიძის პიროვნებას კიდევ უფრო საინტერესოს ხდის მისი და-ძმის — სიმონ და ალექსანდრა ჭაფარიძეების სასახელო საქმეთა გახსენება. საერთოდ, მათი ოჯახის ერთსულოვნება, რომელიც უპირველესად მათა სიყვარულში გამოიხატა.

სიმონი ავბედით 1929 წელს თეთნულდზე დაიღუპა პიმენ დვალთან ერთად. მისი სიკვდილის ამბავი მთელს საქართველოს მოედო. მაგრამ სიმონის და-ძმა ცრემლად როდი იქცნენ. მანამდე რომ ფიქრადაც არ ჰქონიათ გუნებაში, ისე აიკიდა ორთავემ ზურგჩანთა, აიჭრა გულა-ნაბადი და სვანეთის მთებისაკენ გაეშურნენ საყვარელ ძმაზე შურისძიებით შეპყრობილნი.

იმ წუთიდან იწყება ჭაფარიძეთა ძლევაბოსილი, დაუღალავი მსვლელობა კავკასიონის, და არა მარტო კავკასიონის შუგვერვალებზე, რომელთა კალთებზეც ჭერ ძეხორციელის ფეხი არ დადგმულა, ისანი ტოვებენ პირველ საბჭოურ ბარათებს, დგამენ სატრანსპორტული ნაგებობებს, ადგენენ რუკებს, რის ნაკლებობასაც ასე განიცდიდა მაშინ ჩვენი ქვეყანა...

პამირსაც უწია ალიოშა ჭაფარიძემ. მაშინ პამირის მთიანეთში ყველა ვერ გაბედავდა გამგზავრებას. იღუმალებით იყო მოცული ალაისა და ტრანსლაის, მეცნიერებათა აკადემიისა და ღარჯანის მთაგრეხილები, რომლებიც ჭერ კიდევ შეუსწავლელი იყო, ხოლო

„ლარმოს“ მყინვარის რაიონი კი სრულებით თეთრ ლაქას წარმოადგენდა პამირის რუქაზე...

... — ძალიან ნელა მივიწვედით წინ, რადგანაც თოვლში მუხლებამდე ვეფლობოდით და ყოველ ხუთ-ათ ნაბიჯზე შესვენება გვიბდებოდა — აღწერს ლენინის პიკზე ლაშქრობას ალიოშა ჯაფარიძე — ყველა მღელვარებით ვადევნებდით თვალყურს ცაზე ღრუბლების ქროლვას.

უეცრად რაღაც ჩოჩქოლი შეიქნა. რამდენიმე წამის შემდეგ დავინახავთ რომ ვიღაც მოგორავს ქვევით. იგი ინსტრუქტორი პოლიაკოვი აღმოჩნდა. საბედნიეროდ, ორმოცდაათი მეტრის შემდეგ ის ღრმად ჩაეფლო თოვლში და გაჩერდა, საიდანაც იგი ინსტრუქტორებმა — წერეთელმა და ბელეცკიმ ამოიყვანეს.

პოლიაკოვი დაღლილი და შეშინებული იყო. ამიტომ წინა ჯგუფს მის ნაცვლად ინსტრუქტორთა რაზმის უფროსი გაუძღვა. გაიარა რამდენიმე წუთმა და კვლავ შეიქნა ჩოჩქოლი. მოლაშქრენი გაჩერდნენ ერთ ადგილას და სულგანაბულნი იცქირებოდნენ მარჯვნივ, სადაც საშინელის სისწრაფით მოჰქონდა ქვევით თოვლის ზევეს რამდენიმე კაცი წინა ჯგუფიდან. ესენი იყვნენ ინსტრუქტორთა რაზმის უფროსი და ოთხი წითელარმიელი, ქვევით გორვის დროს ისინი ხან იმალებოდნენ ფიფქ თოვლში, ხან კი ზევით ამოტივტივდებოდნენ ხოლმე.

მთელი რაზმი იდგა და მისჩერებოდა ამ ამბავს, მაგრამ მიშველება კი არავის შეეძლო.

საბედნიეროდ ცოტა ხნის შემდეგ ზევეის სიჩქარემ დაიკლო და ხუთივე ზევეწაღებული თოვლში ჩაფლულნი გაჩერდნენ ორას მეტრზე იმ ადგილიდან სადაც ჩვენ ვიდექით, უფრო სწორად, საიდანაც ისინი დაგორდნენ. ჩვენი მღელვარება ჯერ კიდევ არ იყო სავსებით დამცხრალი, თვით დაზარალებულები კი ჯერ კიდევ გონს ვერ მოგებულიყვნენ, რომ ჩვენ პირდაპირ ცხვირწინ ჩაგვიარა საშინელი სისწრაფის ზევემა, მაგრამ სასწაულად იგი არც ჩვენ და არც ზევეწაღებულებს არ შეხებია. ვუთხარით ოპერატორებს არ გაეშვათ იშვიათი შემთხვევა და გადაედოთ მთელი ეს ორომტრიალი, მაგრამ თავდაცვის ინსტინქტს ისე შეეპყრო იმათი არსება, რომ სურათების გადასაღებად არა სცხელოდათ. „რა დროის გადაღებაა, საცაა ზევეი წაგვლეკაესო“ — გვითხრა ერთ-ერთმა მათგანმა.

მდგომარეობა მართლაც სერიოზული იყო. მარჯვნივ მიმავალი

ზეავი ჭერ კიდევ არ იყო ჩათავებული, რომ ზევიდან დიდი სისწრაფით ახალი ზეავი გვიახლოვდებოდა. ის ახლა პირდაპირ მოდიოდა და მთელ რაზმს უქაღდა წალეკვას. ზეავის აცდენა ყოვლად შეუძლებელი იყო, რადგანაც ის დიდი სიგანით მოდიოდა. სხვა გზა არ გვექონდა, ადგილზევე უნდა დავმაგრებულიყავით როგორმე საიმედოდ და ისე დავხვედროდით ჩამოშვავებულ თოვლს. ჩვენ თვალის დახამხამებაში ვთხრით თოვლის თავშესაფრებს, ვწვებით და ორივე ხელით ვეკიდებით ღრმად ჩაჩქობილ წერაყინებს. საკმაოდ დიდმა თოვლის ტალღებმა საშინელის სისწრაფით გადაუარა მთელ რაზმს და ქვევით, უფსკრულებში გაუჩინარდა. ყოველი მოლაშქრე წარმოუდგენელის დაძაბვით იყო ჩაქიდებული თავის წერაყინს. ყველამ კარგად იცოდა რომ მისი ხელიდან გაშვება ზეავის კლანჭებში ჩავარდნას უდრიდა.

ზეავმა უვნებლად ჩაიარა, მაგრამ სავსებით შესაძლებელი იყო, ის მეტი სიძლიერით განმეორებულიყო.

მეტი გზა არ იყო, ან უნდა დავბრუნებულიყავით. მალე ისევ 6200 მეტრზე ვიყრიტ ყველანი თავს.

შევუღეკით თოვლის თავშესაფარის მოწყობას. მალე ყველამ მოათავა დაბინავება. არ ვართ დაწოლილი მარტო ოთხი კაცი: მე, წერეთელი, პოლიაკოვი და ინსტრუქტორთა რაზმის უფროსი. ის იყო, ჩვენც ვათავებდით მუშაობას რომ უეცრად საშინელი სიძლიერის გრიგალმა დაძაბრა. თოვლის მტვერმა სრულიად დააბნელა ჩვენი თავშესაფარი. მე მაშინათვე გავედი გარეთ. წერეთელი უვნებლად იდგა თავის ადგილას.

გავიხედე იქით, სადაც დანარჩენები მეგულვებოდნენ და თვალწინ დამიდგა საზარელი სურათი. ბანაკი თითქმის აღარ ჩანდა, ის მთლიანად მადლიდან ჩამოშვავებული თოვლით იყო დაფარული. ქვევით კი, ას მეტრზე თმაგაწეწილი იდგა ინსტრუქტორთა რაზმის უფროსი და შეეღას ითხოვდა. ცოტა ქვევით კი მისი და პოლიაკოვის ჩანთები ეყარა. თვით პოლიაკოვი გარინდებული იდგა იმ ადგილას, სადაც ამ რამდენიმე წუთის წინ კარავს დგამდა. ამგვარად ზეავის დამარხვას ოთხი კაცი გადაუურჩით — მე, წერეთელი, პოლიაკოვი და ინსტრუქტორთა რაზმის უფროსი. მთელი დანარჩენი რაზმი დაფარული იყო თოვლით.

ფიჭრის დრო არ იყო. წერეთელი და მე შევუღეკით ტყვეობიდან ხალხის განთავისუფლებას. ჩვენ წამოგვეშველა ლაშქრობის უფ-

როსი, რომელმაც სხვის დაუხმარებლად გაინთავისუფლა როგორ-  
ღაც თავი. ვიდრე ჩვენ გავანთავისუფლებდით წერეთელს, ინსტრუქ-  
ტორ ბელეცკისა და ჩემს რაზმებს, სხვა ჯგუფებშიაც გააჩაღეს  
თოვლის წინააღმდეგ ბრძოლა. რადგან ინსტრუქტორთა რაზმის უფ-  
როსი ორჯერ ზედიზედ იყო ზეავში მოხვედრილი იმის ჩანთის  
ამოსატანად მე დავეშვი დაბლა. ვიდრე ქვევით ჩავიდოდი და ჩანთას  
ამოვიტანდი, იქვე, ერთი ნაბიჯის მანძილზე სიკვდილს ებრძოდა  
თურმე ორი ახალგაზრდა.

„მანდ, თქვენს წინ ორი კაცია ზეავით დაფარული!“ — ყვირის  
ზემოდან პოლიაკოვი და მიმითითებს იმ ადგილზე, სადაც მე და რაზ-  
მის უფროსი ვიდექით.

ჩვენ თავდაუზოგავად დავიწყეთ ნაზავი თოვლის გადაყრა. რამ-  
დენიმე წუთში გამოვაჩინეთ კარავი, სწრაფად გავხიეთ მისი წინა პირი.  
მაგრამ შიგნიდან ჩამიჩუმი არ ისმოდა. კარავში მწოლიარენი აღარც  
კი იძვროდნენ. თვალის დახამხამებაში გამოვიტანეთ კარვიდან გაზეთ  
„იზვესტიის“ კორესპონდენტი, რომელიც საბედნიეროდ გაბრუებული  
აღმოჩნდა და მალევე მოსულიერდა. შემდეგ კი — უმცროსი მეთაური  
ამბ. პომოგაიბო. ის უკვე აღარ სუნთქავდა, მაგრამ ჩვენ მაინც იმედი  
გვქონდა ხელოვნური სუნთქვით მისი მობრუნებისა.

უდიდესი მღელვარებით შევცქეროდით ექიმს, რომელიც ნახე-  
ვარი საათის განმავლობაში უდიდესის მოთმინებით ცდილობდა მო-  
ებრუნებინა ამხანაგი პომოგაიბო. მაგრამ ამას უკვე საშუალოდ ჰქონ-  
და გრძნობა დაკარგული, სუნთქვა და გულისცემა შეჩერებული...”

— ალიოშა ჯაფარიძეს, როგორც მთამსვლელს, ბადალი რომ არა  
ჰყავდა, ეს კარგად ჩანს 1936 წელს ლენინის პიკზე ჩატარებული  
ლაშქრობის ამსახველ ამ მცირე ნაწყვეტიდანაც კი. იგი იყო ფხიზელი  
გონების, მაგარი ნებისყოფისა და სპორტული ენის კაცი. იმავე  
წელს, მიუხედავად ამდენი წარუმატებლობისა, ალიოშა ჯაფარიძე  
ექვსჯერ შეეცადა დაუმორჩილებელი ლენინის პიკის დაპყრობას,  
ექვსჯერ დატოვა უამინდობის გამო მწვერვალისწინა მისადგომები,  
მაგრამ გული მაინც არ გაუტეხია, რომ უფროსების დაეინება არა,  
იგი მეშვიდეჯერ აპირებდა სამკაცციანი ჯგუფით საბჭოთა კავშირში  
სიმაღლით მეორე მწვერვალის, ლენინის პიკის დალაშქვრას...

მაგრამ ყველაზე დიდი გმირობა ალიოშა ჯაფარიძის ბიოგრაფიაში  
მაინც უშუაზე გამარჯვება იყო, უშუაზე. რომელიც თავისი ხელშეუ-  
ვალობით. მიუდგომლობით, შვეული, გრანიტოვანი კლდეებით ასე

იზიდავდა მსოფლიოს ყოველი კუთხიდან მთების მოყვარულთ, გამოჩენილ მთამსვლელებს.

უშბის დამორჩილების ცდას საკმაოდ დიდი ხნის ისტორია აქვს. მის წვერზე შედგომის ბედნიერება პირველად ინგლისელ კოკინსა და შვეიცარიელ ულრიხ ალმერს ხვდა წილად. კოკინი გულის მყინვარიდან ავიდა უნაგირაზე, ხოლო შემდეგ უშბის ჩრდილო აღმოსავლეთ წვერზე 1868 წელს.

ამის შემდეგ კი გულგოროზმა უშბამ თითქოს პირი შეეკრა, მიუდგომელი და ხელმიუყარებელი გახდა. 1888 წლიდან მოყოლებული 15 წლის განმავლობაში მიუხედავად საზღვარგარეთელი მთამსვლელების მრავალი ცდისა, ვერაინ ამალდა მის წვეროკინაზე. ვერაინ მოავლო დამცინავი მხერა. მთაგრებილების გამოჩენილი შვედეთარი, ინგლისელი დ. ფრეშფილდი უშბისაკენ შიშავალი გზების გამოსაკვლევად საგანგებოდ ავიდა გულბაზე და იქიდან შეუდგა მრისხანე მწვერვალის კალთების დახვერვას, მაგრამ ამაო იყო მისი გარჯა, დააწმუნდა რა უშბის მიუდგომლობაში, სამუდამოდ ჩაიქნია ხელი მასთან შეკვინების ცდაზეც კი...

მხოლოდ 1903 წელს მიაღწიეს უშბასთან მოპაექრებმა საწადელს. ორმა ჯგუფმა ზედიზედ დალაშქრა უშბის სამხრეთ-დასავლეთისა და ჩრდილოეთის მწვერვალი. ეს იყო გებლენგის, ვებერის, რეისტერისა და შუსტერის (ხელმძღვანელი გერმანელი მთამსვლელი შულცი), პფანისა და დისტელის ჯგუფები. ისინი ერთმეორის მიყოლებით ავიდნენ უშბაზე (პფანისა და დისტელის ჯგუფმა ნაწილობრივ შულციეს ჯგუფის მიერ გამოყენებული პალოებით ისარგებლა მწვერვალზე ასვლისას).

ამის შემდეგ გადის 20 წელზე მეტი და კვლავ უშედეგოდ მთაგრდება ყოველი იერიში უშბის წინააღმდეგ. რამდენიმე ათეული ჯგუფიდან მხოლოდ ერთმაღია შესძლო კვლავ მისი დამორჩილება.

ამრიგად: საზღვარგარეთელებიდან მიუხედავად მათი მრავალრიცხოვანი ცდისა, მხოლოდ ოთხმა ჯგუფმა თუ იხეიმა უშბაზე გამარჯვება, დანარჩენები ნირწამხდარნი, ოცნებაუხედენელნი გაბრუნდნენ უკან. ზოგიერთმა კი, (ავსტრალიელების ჯგუფი) საუბედუროდ, სამუდამოდ აღსასრული კპოვა სვანეთის კავკასიონზე. კერძოდ კი უშბაზე, ამ გულზეიადი მწვერვალის ტინებსა და ფრიალოებზე...

ამგვარად, მედგარე ბრძოლა, რომელსაც მსოფლიოს სახელგან-



თქმული ალპინისტები აწარმოებდნენ უშბის წინააღმდეგ, ორმოცდაათი წლის განმავლობაში მხოლოდ ოთხჯერ დაგვირგვინდა ადამიანთა გამარჯვებით. ხოლო რევოლუციამდე უშბასთან ბრძოლის ისტორიაში არა ვგაქვს შემთხვევა, რომ ადგილობრივ ალპინისტს დაემორჩილებინოს ორკუბა გოლიათი, თუ არ ჩავთვლით ხალხურ, გადმოცემას, რომლის მიხედვითაც უშბის მწვერვალზე ლეგენდარულმა მურათბი კიბოლანმა სასწაულებრივი კოცონი ააგუზგუზა, გადმოცემას, რომელიც ასე ცხადად შემოუნახავთ მეხსიერებაში ამ მამაცი ადამიანის ქალაქოსან თანასოფლელებს.

1934 წელს ალიოშა ჭაფარიძისა და გიო ნიგურიაჩის, ალექსანდრა ჭაფარიძისა და იაგორ კაზალიკაშვილის ძლევამოსილი მსვლელობა უშბაზე საბჭოური მთამსვლელობის პირველი დიდი გამარჯვება იყო აქ ყველაზე ნათლად გამოჩნდა ალიოშა ჭაფარიძის, გიო ნიგურიაჩის, უშბაზე ამალღებული პირველი საბჭოთა ქალის — ალექსანდრა ჭაფარიძის, ცნობილი მეგზურისა და მთამსვლელის იაგორ კაზალიკაშვილის ალპინისტური შეუდრეკლობა და ვაჟკაცური შემართება.

მაგრამ უმჯობესია უშბის ეპოპეაზე თავად ასკლის ხელმძღვანელმა შესანიშნავმა მთამსვლელმა და ადამიანმა, შემდგომი უშბის კალთებზე აღსრულებულმა ალიოშა ჭაფარიძემ ილაპარაკოს. მე პირადად მისი წიგნის საშუალებით ბევრი რამ გავიგე მთამსვლელობაზე, 1953 წლის ზაფხულიდან იგი იყო ჩემი პირველი სამაგიდო წიგნი, წიგნი ვაჟკაცობასა და ერთურობის გატანაზე მთაში, წიგნი მთებთან ბრძოლასა და მათს სიყვარულზე. ეს იყო წიგნი უშბაზე პირველი საბჭოური ასკლის შესახებ. ეს იყო, პირველი ცდა მთამსვლელთა უცნაური და თავისებური ცხოვრების მხატვრულად ასახვისა და გადმოცემისა...

ჰო, მურათბის მერე იყვნენ ალიოშა და გიო...



სწორედ ამ დროს სასტუმროს დერეფანში ორნი შემობრაგუნდნენ. — ქალი და ვაჟი. ისინი სპორტულად არიან გამოწყობილნი, ორივენი ლამაზი შესახედაობისანი არიან.

და აი, აქ მოხდა ერთის შეხედვით უცნაური ამბავი:

ქალი სასტუმროს კედელზე გაკრულ „ქათმის პორტრეტთან“ მიეჯი და სუფთა რუსულით თქვა:

— შეხედე, რა გაპრტყენილი დედალია, ვინ ჩამოკიდა აქა...

— რატომ გგონია მაინცდამაინც დედალი? მამალი რომ იყოს? — არ დაეთანხმა მას ვაჟი.

ქალს თითქოს ალმური მოედო სახეზე:

— ძალიან გთხოვ, ნუ გადამიკეთებ ხოლმე ნათქვამს, რომ ვინმე გვისმენდეს, რას იტყვის...

— რა უნდა თქვას მაინც? მე ვამბობ — მამალია-მეთქი, შენ გაიძახი — დედალიაო. რაა მაგაში უცნაური და სასირცხოვო?

სლავას ველარ მოუთმინა გულმა, „თანამემამულეებთან“ შეხვედრით გულაჩუყებული თამამად ჩაერია მათს ლაპარაკში.

— ეს არც დედალია და არც მამალი... ეს ბულბულია...

მოსაუბრეებმა გაოცებისაგან თვალები დააპყიტეს.

— თქვენ რუსები ხართ? საიდან ჩამოხვედით?

— საბჭოთა კავშირიდანა ვართ. რუსი და ქართველი. — ეუპასუხე მე -- ჩამოსვლით კი გრანდ-ჟორასიდან ჩამოვედით.

მოგვიახლოვდნენ და სეტყვასავით დაგვაყარეს კითხვები:

— რომელი ქალაქებიდანა ხართ?

— თბილისიდან.

სლავაც პასუხობს თავის წილ შეკითხვებზე.

— რა გვარისა ხართ?

— ხერგიანი.

-- როდის ჩამოდით?

--- აქ თქვენთან?

-- ჰო, იტალიაში...

--- იტალიაში გუშინ, საფრანგეთში კი უკვე რამდენიმე დღეა.

— კიდევ რას აპირებთ?

— თუ შევძელით რომელიმე მწვერვალზე ვცდით ალბათ...

— რა გზით დალაშქრეთ გრანდ-ჟორასი?

— ჩრდილოეთის კედლით ავედით.

ვაჟი — მარინო იტალია-საბჭოთა კავშირის სავაჭრო პალატის გენერალური მდივანი აღმოჩნდა, ქალი კი, მისი ცოლი — რუსეთიდან ჩამოეყვანა. ახლა თათლობის თვე ჰქონდათ — საქორწილო მოგზაურობას იტალიის მალალმთიანეთში ატარებდნენ.

მარინომ ჭერ არ იცოდა ჩვენი გასაქირი. შემოგვთავაზა — მოდი, თუ დრო გაქვთ, საბაგრო გზით დავეშვათ კურმაიერში, იქიდან კი ჩვენი მანქანით შამონში ჩავიყვანთ გვირაბის გავლით.

ამ სიტყვებ-ს გაგონებაზე მე და სლავა კინლამ ცუდად შევიქენით. (ყურძიერიდან ხომ ის იყო ამოვედით). მართალია მარინოსადმი მადლობის მეტი რა გვეთქმოდა, მაგრამ აქამდე უკან გაბრუნების ფიქრსაც კი არ გაუელვებია ჩვენთვის გუნებაში და მასპინძელი კი სწორედ ამას გვთავაზობდა.

ეს ორი სიტყვა „უკან გაბრუნება“ ყოველგვარ სატანჯველზე უარესია მთამსვლელისათვის. მთელი წელი ემზადება იგი სალაშქროდ. სპორტული ფორმის შესანარჩუნებლად რამდენ ამქვეყნიურ სიამოვნებას იკლებს, საიერიშოდ მზადების ერთწლიან ფაციფუცში უაშრავი პირადი საქმე რჩება მოუგვარებელი. მე მყავს ამხანაგები, რომელთაც რამდენიმეჯერ გადაუდვიათ ცოლის მოყვანა, მხოლოდ იმის გამო, რომ საქორწილო სამზადისი და გაწამაწია ლაშქრობაში ხელს შეუშლიდათ.

ჰოდა, მიდის მთამსვლელი მწვერვალზე და უცბად შუა გზაზე ქარბორბალა, დიდთოვლობა ან სხვა რამ უბედურება ატყდება თავს. ხელმძღვანელი კი, რომელსაც მთელ მოსალოდნელ შედეგებზე განსაკუთრებული პასუხისმგებლობა აკისრია დიდი ხნის ფიქრის შემდეგ აცხადებს — უკან გასაბრუნებლად შეემზადეთო. ამ დროს კი მწვერვალამდე სულ რაღაც ათიოდე მეტრი თუა დარჩენილი. მაგრამ სხეულში მოწოლილ სურვილს რანაირად უნდა გაუწიო ანგარიში თუ კი თოვლს კარვები ვედარ უძლებენ, მოიერიშეთ კი შემოაკლდათ სურსათსანოვაგე და შიმშილმაც დარია ხელი? ნამცეცი პური, ქილა კონსერვი სანატრელი გამზდარა ყველასათვის. ჰო და რაღას შვრები ახლა? კიდევ დაელოდები გამოდარებას?

ხელმძღვანელი კი ბრძანებს — უკან გაგებრუნდეთო! უნდა დაემორჩილო მის ბრძანებას, სხვა რა გზაა! უხალისოდ მოიგდებ გუდანაბადს, აითრევ წელსა და უნდილად მიაბიჯებ თავდაღმართზე, მიუყვები ტანჯვა-წამებით ამოვლილ წავარნა-წარაფებს. საოცრად დაგმძიმებია სხეული, თავში კი სიცარიელეა, გონებას ბურუსი ჩამოსწოლია, აღარაფრის თავი აღარა გაქვს, მიზანი დაკარგე, ოცნება დაგემსხვრა და ვიდრე ხელახლა იპოვი მას, ვიდრე ხელახლა გაცოცხლდება შენში ოცნებისა და ფიქრის უნარი, ვიდრე საბრძოლველად მოიმართები, აზრდაცლილი, გამოშიგნული მიაბიჯებ, ამ კლდეებივით უსახური და გამოფიტული მიბანცალებ და შესაძლოა ამ წუთში ალღომ გიმტყუნოს, ფეხი აგიცდეს, ხელი დაგისხლტეს ქიმზე, ტანმა

წაგძლიოს, ერთი სიტყვით ეშმაკმა გაცდუნოს და სამუდამო სასუფეველს ეწიო კიდევ.

და ამ წუთში მთამსვლელისათვის განა ბევრ რამეს ნიშნავს ქარაფზე ფრენა? მისთვის ხომ სულერთია ყველაფერი. რადგანაც ხორციელი ცნებები უკვე აღარ არსებობენ მისთვის. უფრო მეტიც — შესაძლოა სიკვდილსაც კი ნატრობდეს ჩუმაღ.

მეც ხშირად მწვევია მსგავსი მელანქოლიური განწყობილება. ჩემს ამხანაგებისთვისაც დაურეგია მას ხელი. სამწუხაროდ ზოგიერთი მათგანი უმსხვერპლია კიდევ.

მაგრამ მთამსვლელი ამ დამღუპველ გრძნობას არ უნდა აჰყვეს, იგი უნდა ამალდდეს მასზე, თავად დაიმორჩილოს ეს მაცდური გრძნობა. მთამსვლელისათვის დიდი მნიშვნელობა აქვს სულიერი წონასწორობისა და მზნეობის შენარჩუნებას. და ვისაც ეს არ შეუძლია, საცოდავია იგი. საცოდავია, იმიტომ, რომ ვეღარ გააღწევს ბოლომდე, როგორც იტყვიან ვეღარ ეწვეა თავის სიჭერეს. ალპინისტმა, ნამდვილმა მთამსვლელმა მირიადი ხიფათიანი გზა უნდა განვლოს და თუ ერთხელაც აუცდა ფეხი უკვე ყველაფერი გათავებულა მისთვის. აქ შეცდომა აღსასრულს ნიშნავს. ამით განსხვავდება ალპინიზმი სპორტის სხვა სახეობისაგან. შეცდები და შეეწირები, მორჩა და გათავდა. ამაშია ალპინიზმის სირთულე და სიდიადეც ალბათ... სიკვდილი ყოველ ბეჭობზეა ჩასაფრებული. მათა ადამი ასეთია. — ულმობელნი არიან მათნი...

ჰო, ჩვენ „უკან გაბრუნებაზე“ ვსაუბრობდით. როგორც უკვე ვთქვით, ყველა მთამსვლელს ჰირივით ეჩავრება ეს ორი სიტყვა. მაგრამ ერთია მწვერვალიდან გაბრუნება და სხვაა უკან გაბრუნება გადასასვლელიდან, იოლად დასაძლევ უღელტეხილიდან, რომლის გადალახვა არავითარ სიძნელესთან არ არის დაკავშირებული გარდა უღრრობისა და მოუტლელობისა. ამიტომაც მართოს წინადადებათ ორთავენი ჩავვაფიქრა. ბოლოს პირდაპირ ვუთხარი: რას ვიფიქრებდით თუ ასე მოგვიხდებოდა, თან ერთი კაპიკიც კი არ წამოგვიღია და კურმაერიდან ეს წუთია ფეხით ამოვედით ტორინოში სწორედ უფულობის გამო. უკან გაბრუნება კი... მოგვხსენებთ...

ცოლ-ქმარმა სიტყვა არ დაგვამთავრებინეს. გაოცებულნი დარჩნენ გაგონილით:

— გრანდ-ჟორასის მერე აქ ფეხით ამოხვედით უფულობის გამო? ვაი სირცხვილო, სად იყო იტალიური სტუმართმოყვარეობა?!

მერე მარინომ აგვიხსნა:

— ერთი სიტყვაც რომ დაგცდენოდათ, საბაგირო გზაზე ფულს ვილა მოგთხოვდათო. ეს რა უცნაური ხალხი ყოფილხართო. ახლა კი სხვა რა გზაა, ჩვენ უნდა გამოვისყიდოთ საბაგირო გზის მესვეურთა უგულისხურობა, წამოღოთ ჩვენთან, მანქანით მიგაგვრიალებთ იმ თქვენს შამონშიო...

რაღა გვეთქმოდა. რახან ასე გულიანად გვეპატიებოდნენ, უარს როგორ ვეტყოდით. მანქანით ვიმგზავრებდით და შესაძლოა უფრო ადრეც კი ჩავსულიყავით ბანაკში. თანაც, ვინ უწყოდა, როდის ჩადგებოდა ეს ოხერი ქარი, რომ საპაერო მოძრაობა განახლებულიყო? და ისიც გასარკვევი იყო, გვამგზავრებდნენ კი ნისიად მებაგირები? კო და ქვეითად მგზავრობა რომ დაგვეჭირებოდა ისე?

საბაგირო გზით დავეშვით კურმაიერში.

მარინო სადგურის მუშაებს გაესაუბრა. ისინი ყველანი სპორტულ ფორმაში იყვნენ გამოწყობილნი. ალბათ ჩვენზე თუ უთხრა რამე. ისე აგვათვალ-ჩაგვათვალაიერეს. მერე ერთბაშად შეიცხადეს კიდეც:

— მადონა, მადონა! ეს როგორ ვერ შევნიშნეთ, როგორ გამოგვრჩა მხედველობიდან ეს მოკრძალებული ხალხიო...

მართლაც ძალიან შეწუხებულები ჩანდნენ. ხელებს მკერდზე გადაიჯვარდინებდნენ, მერე კი ცისაკენ აღაპყრობდნენ — ბოდიშობდნენ, გვაპატიეთ ასეთი დაუდევრობაო.

მერე დავშორდით ახალგაზრდა მებაგირებს. მარინოს მანქანაში ჩავსხედით და გვირაბისაკენ გავსწიეთ.

გვირაბი საფრანგეთისა და იტალიის მიწისქვეშა საზღვარია. საზღვარზე კი, როგორც ეს მთელს მსოფლიოშია მიღებული საბუთები ისინჯება. მაგრამ ჩვენ რომ არც ისინი წამოგვიღია თან? რაღას შვრები ახლა? თავი ზედ რომ არ გვბოლოდა ალბათ იმასაც შამონში დავარჩენდით, ისე გამოდიოდა ჩვენი საქმე.

მარინომ, ჩვენმა მხსნელმა „გენერალმა“ იტალიელ მესაზღვრეებს აუხსნა, ვინც ვიყავით, საიდანაც მოვდიოდით და სადაც მივდიოდით. გუშაგებმაც მოუსმინეს მარინოს, თავის მხრივ რაღაც უთხრეს. ახლა მარინო ჩვენ მოგვიბრუნდა:

— არ შვრებიან. როგორ იქნება სტუმრების ასე უპატივცემულოდ გაშვებაო. ხომ უნდა ნახონ იტალია, რომი, მილანი, ვენეციაო...

მე და სლავა კი აბა რას ვიფიქრებდით ორი უცხო ქვეყნის საზღ-

ვართან ასე იოლად თუ გადავრჩებოდით გუშაგებთან მოლაპარაკებას. და იმასაც ვინ იფიქრებდა, ასეთი ხუმარა მესაზღვრეები თუ არსებობდნენ სადმე საერთოდ, ისინი თურმე გვეხუმრებიან — ვერა. ვერა გაგიშვებთო. ისევ თავიანთ სტუმართმოყვარეობას უსვამენ ხაზს.

ბევრი ვიცინეთ.

რამდენიმე წუთში კი გეზი საფრანგეთისაკენ ავიღეთ.

შამონი აფორიაქებული შეგვხვდა. ჩეხებს ხმა დაეგდოთ. რუსების წყვილმა მთელი მარშრუტი ცამეტ საათში გაიარაო. ყველა გაოცებული შემოგვცქეროდა, ერთმანეთს მიუთითებდნენ ჩვენზე — აი, ესენი არიანო.

ჩვენ კი გვეგონა, რომ ყველაფერი წყალში ჩაგვეყარა. საბჭოური კანონით ყოვლად დაუშვებელია დადგენილი მარშრუტიდან გადახვევა. თუ გადაუხვებ და ეს გაიგეს, ასვლას ვინ ჩაგითვლის, ის კი არა, შესაძლოა დისკვალიფიკაციაც მოგცენ.

ის ის იყო ოთახში შევედით და ტანსაცმლის გამოცვლას შევეუდქეთ, რომ ალპინიზმის ფრანგული სკოლის შეფი ჟან ფრანკო გამოჩნდა თარჯიმანითურთ. მან გვკითხა:

— სად გაიარეთ გრანდ-ჟორასის კედელი? ესპანელებს რომ დაეწიეთ იმ ადგილიდან რა მიმართულებით წახვედით?

რა უნდა ვქნათ. ხომ არ მოატყუებ უფროს კოლეგას? თანაც ამდენი ხალხი გვხვდავდა. ელდა გვეცა — „დაგვეკარგა გრანდ-ჟორასი, დაგვეკარგა და ესაა!“ მერე, როგორც ამ დროს ხდება ხოლმე თანდათან შევეგუეთ კიდევ გუნებაში ამ დანაჯარგს და ჟან ფრანკოს ვუთხარით: კედელს პირდაპირ შუბლში ვეტაკეთ-მეთქი. სიმართლე ვუთხარით.

## ალეოზა ჯაფარიძე: ზიზველი ფეხებით უზგაჯ...

ჩვენი ჭგუფი უშბასთან შებრძოლების სურვილით აღფრთოვანებული, განთიადიდანვე შეუდგა გასვლისათვის მზადებას.

ძალიან ვნანობდით, რომ ჩვენს შორის არ იყო გიო ნიგურიანი. რომელიც თანახმად პირობისა, გათენებამდე უნდა ამოსულიყო ჩვენთან. სვანის მონაწილეობა უშბაზე ასვლაში ხომ ჩვენი ექსპედიციის ერთ-ერთ მნიშვნელოვან ამოცანას შეადგენდა, მით უმეტეს, რომ ზე

მო სვანეთის მთელი საზოგადოებრიობა და ორგანიზაციები უდიდესი ინტერესით შეხედნენ ჩვენს ექსპედიციას და განსაკუთრებით სვანის მონაწილეობას მასში.

უკვე დავკარგეთ გიოს მოსვლის იმედი და ის იყო, გასვლას ვაპირებდით, როდესაც გამოჩნდა ჩვენი ბანაკისაკენ მომავალი კაცი, რამდენიმე წუთის შემდეგ ჩვენს წინ იდგა ტანადი და ვეფხვივით მოქნილი ვაჟკაცი, ეს იყო გიო. აღსავსე ხალისითა და იმედებით.

გიოს მოსვლამ ყველა გაგვახარა და გამარჯვების რწმენა კიდევ უფრო განამტკიცა ჩვენში.

გიოს მოსვლის გამო ნახევარი საათი დავაყოვნეთ კიდევ და სრულ შეიდის ნახევარზე გავედით ძირითადი ბანაკიდან.

თოვლიანი კულუარი, რომელსაც ჩვენ მიეყვებოდით ზევით, შედარებით მოხერხებული აღმოჩნდა ასასვლელად. არსად მთელს მის სიგრძეზე არ შეგვხვდებოდა რაიმე დაბრკოლება თოვლისა და ყინულების ვარდნილების სახით, რომ საჭირო ყოფილიყო მათი გვერდის ავლა. არ დაგვიჩნდა აგრეთვე საფეხურების ჭრაც. ასე არ იყო 1930 წელს, მაშინ კულუარის დაახლოებით შუა ნაწილში, სადაც იგი ვიწროვდება გვერდის კლდეებისაგან, ჩვენ გადაგვეღობა დიდი განივი ნაპრალი და ვეება თოვლვარდნილი, რომელთა გადალახვა ძალიან სახიფათო იყო, ამან გვაიძულა მაშინ დაახლოებით 3250 მეტრი სიმაღლიდან 3400—3450 მეტრამდე გადავსულიყავით და გაგვევლო მარცხნივ აღმართული გვერდის კლდეებზე, რომელთა თხემზე დაბინდების გამო ღამის გათევა მოგვიხდა. ახლა ამ კლდეებზე ღამის გათევა არ იყო საჭირო, რადგან ასვლა დილით ადრე დავიწყეთ და, მოულოდნელი რამ თუ არ შეგვემთხვეოდა, სრული შესაძლებლობა გვქონდა პირველსავე დღეს მიგვეღწია 4000 მეტრის სიმაღლემდე, სადაც მეორე ბანაკის გაშლა გვქონდა გათვალისწინებული.

...როცა 3650—3700 მეტრის სიმაღლეზე ავედით, მივადექით კულუარის ყველაზე უფრო ციკაბო და სახიფათო ნაწილს, აქ უკვე დარჩენილმა ორმა მებარგულმაც კატეგორიული უარი გამოგვიცხადა გზის განგრძობაზე. სხვა გამოსავალი აღარ იყო, მე ნება მივეცი მათ დაეტოვებინათ ბარგი და გაბრუნებულიყვნენ.

თითოეულ ჩვენთაგანს 20 კილოგრამზე მეტი ბარგი მოჰქონდა. ამ ტვირთის განაწილებას ყველას შორის მე მიზანშეწონილად არ ვთვლიდი, არც მისი დატოვება ვარგოდა, რადგან მეორე ბანაკში თუ შეუძლებელი არა, ძალიან საძნელო აღმოჩნდებოდა უკარგო, უბ-

ჩემსოდ, უნავთოდ და უსპირტოდ გაძლება. ტვირთის წაღება, სწვა გამოსავალი არ იყო, მე და სანდრო გვლიამ ვიკისრეთ, იაგორა და ალექსანდრა ჩვენთან დარჩნენ და თოკებით გვეხმარებოდნენ. ვიო და ლევან მარუაშვილი კი დაწინაურდნენ, რომ ადრე მისულიყვნენ დანიშნულ ადგილს და ბანაკისათვის შესაფერისი მოედანი შეეჩინათ.

• •

ჩვენდა გასაკვირველად ქან ფრანკომ ხელი ჩამოგვართვა და გამარჯვება მოგვილოცა:

— ყოჩაღ, ბიჭებო, გიჟუკაციათ და უგ არი... რამდენი ხანია დგას ეს მწვერვალი, რამდენი ვინმე შებრძოლებია მის ჩრდილოეთის კედელს, მაგრამ ამ გზით ჯერ ვერავის დაურღვევია მისი მყუდროება. და საერთოდ ცამეტ საათში არავის გაუვლია თქვენი მარშრუტი..

უცბად შეიცვალა მდგომარეობა.

ერთი წუთის წინ თუ ეგრერიგად ცხვირჩამოშვებულნი და მხრებჩამოურილნი ვიყავით, ახლა ჩვენზე ბედნიერი არავინ გვეგონია. ყველანი გვილოცავენ გამარჯვებას.

მერე ტელევიზიიდან მოვიდნენ ოპერატორები. ისინი თავიანთი კამერებით თავს დაგვტრიალებდნენ მე და სლავას. არ ვიცი, რა ჩანაფიქრი ჰქონდათ, მაგრამ რატომღაც გვთხოვეს ავტომობილში ჩავმჯდარიყავით. მერე კი ხან იქით გაგვაქროლეს, ხან აქეთ გამოგვაქროლეს.

— ეს რაღა პატივისცემა გამოვა მაგათ თუ აქ გაგვითხარეს უღროოდ სამირე — ვეუბნები ხუმრობით სლავას.

ძალიან ჩქარა დაჰყავთ მანქანა.

სლავა კი მეუბნება:

— თუ მაგათ ცოცხალი გადაეუტრჩით, მოდი ერთხელ კიდევ ვცადოთ სადმე, ა?..

ჩვენი მარულა მშვიდობით დამთავრდა. კვლავ მაცდუნებლად გვიღიმოდნენ მწვერვალები. საფრანგეთის შემდეგ პამირში უნდა წავსულიყავით და ვიფიქრეთ სამზადისს საფრანგეთშივე შევდგომოდით — წინასწარი აკლიმატიზაციისათვის გადავწყვიტეთ ალპების უმაღლესი მწვერვალის მონბლანის (4810) დალაშქერა.

იმ დღისათვის ამინდი აირია. ღრუბელი და ბურუსი ჩამოწვა. არ იყო რიგიანი ხილვადობა, მაგრამ ყოველივე ამან ჩვენზე სრულიად  
9. მ. ხერგიანი



დაც ვერ იმოქმედა. ალბათ გრანდ-ჯორასისეული ალტყინება თუ მოგ-  
ვეებოდა. მწვერვალის დალაშქვრას მხოლოდ ხუთი საათი მოვანდო-  
შეთ. შინ დაბრუნებულებს ჟან ფრანკო შეგეხვდა და გვეუბნება:

— გულს ნუ გაიტეხთ, რას იზამ, ასეთია ჩვენი ცხოვრება, ხან  
გაგვიმართლებს, ხან — არა... თუმცა თქვენ რა, უამინდობამ შეგი-  
შალათ ალბათ ხელი...

ჟან ფრანკომ რა იცოდა და ვერც წარმოედგინა ალბათ, ასე მალე  
თუ დავიმორჩილებდით მწვერვალს და იმაზე გვანუგეშებდა ასე. რო-  
ცა მოვახსენეთ — „ვიყავით, დავლაშქრეთ და ეს ესაა დაებრუნდით —  
მეთქი“, ჩვენმა მასპინძელმა გაოცებით წამოიძახა:

— თქვენ ტუპოლევის ლაინერებით დანავარდობთ მწვერვალე-  
ბო.

მერე, როგორც უკვე ვთქვი, მშობლიური მთები გვიხმობდნენ, პა-  
შირის გოლიათებისათვის კიდევ უფრო ძნელი გამოცდები უნდა ჩაგ-  
ვებარებინა...

იმ წელს გრანდ-ჯორასის ჩრდილოეთ კედელზე გავიღე მარშრუტს  
მიხეილისა და სლავას საპატივცემულოდ „საბჰოთა ვარიანტი“ შეარ-  
ქვეს. იგი ჯერ კიდევ არავის გაუვლია.

## ახლოვდება გაღამოვების ბრძოლა

29 აგვისტოს დილის ათ საათზე ჩვენ ჩავალაგეთ ჩანთებში სა-  
ჭირო მოწყობილობა და საგზალი, გავიკეთეთ წრიაპები და თოკის  
საშუალებით დავიწყეთ ჩასვლა მოკლე მაგრამ მეტად დაქანებულ  
თოვლიან კულუარში, რომელსაც ჩაყევით გუშინ მე და იაგორა გზის  
დასაზვერად რომ ვიყავით წასული.

ჩვენი ბანაკიდან 40—50 მეტრით დაბლა თოვლიანი კულუარი-  
ანუ უფრო სწორად რომ ვთქვათ თოვლიანი ლარტაფი ებჯინება გარ-  
დიგარდმო მდებარე მცირე ქედით ამალლებულ კლდეებს, თითქმის  
სწორი კუთხით უხვევს სამხრეთით და რამდენიმე ნაბიჯის შემდეგ  
წყდება ვერტიკალური კლდის თავზე...

მერე დავიწყეთ ასვლა თოვლიანი ველის მარჯვენა კიდურით. გეზი  
გვეჭირა კლდოვანი კედლის სამხრეთ-დასავლეთ კუთხეზე, სადაც ეს  
კედელი უფრო დაბალია. და მისი შემოვლა, ჩვენის აზრით, უფრო  
ადვილი იყო.

დიდი სიფრთხილით მივეცოცავედით თოვლიანი ფერდობის კლდოვან ნაპირზე და დაახლოებით საათნახევრის შემდეგ, განვევლით ეს საქნელო გზა. ამის შემდეგ გაეყვეით თოვლიანი ველის ოდნავ შესამჩნევ ქედისმაგვარ ნაწილს. ეს უმნიშვნელო ამაღლება თოვლიან ველს ორ ნაწილად ჰყოფს. ერთია აღმოსავლეთი ნაწილი, ის, რომელზედაც ავედით და მეორე — დასავლეთი ნაწილი, უფრო მოკლე, მაგრამ გაცილებით დაქანებული და მოყინული.

ორივე ეს ნაწილი წარმოადგენს უშბის მწვერვალიდან დაქანებული ხშირი ზევეების სათარეშო ასპარეზს. მაგრამ ეს ზევეები უფრო სახიფათოა თოვლიანი ველის დასავლეთ ნაწილში, რადგან იგი უფრო ციცაბოა და მოყინული. საჭირო იყო ფერდობის ეს დასავლეთი ნაწილი განზე გადაგვექრა, რომ გავსულიყავით კლდოვანი კედლის სამხრეთ-დასავლეთ კუთხესთან, ეგრეთწოდებულ „წითელ კუთხესთან“.

ეს ადგილი წარმოადგენს „ყელსახვევზე“ გამაეალი გზის ყველაზე უძნელეს ნაწილს.

უდიდესი სიფრთხილით გავიარეთ სათითაოდ ეს ფერდობი და გავედით „ყელსახვევის“ ჩრდილო-დასავლეთ კლდოვან ნაპირზე. ეს კლდეები გაცილებით უფრო ციცაბოა. მაგრამ რადგან არც მოყინულია და არც თოვლით დაფარული, ნაკლებ საშიშროებას წარმოადგენს. დაუბრკოლებლივ ავეცოდით ზედ და მივალწიეთ მწვერვალის სამხრეთი კლდოვანი კედლის სამხრეთ-დასავლეთ კუთხეს. ამ ადგილის სიმაღლე შავი ზღვის დონიდან დაახლოებით 4300 მეტრს უდრის.

აქ კედლის ძირას წავაწყდით ნაბინაეარს, რომელიც შვეიცარიელ ალპინისტებს მოეწყოთ 1933 წელს. ეს სადგომი წარმოადგენს მოსწორებულ მცირე მოედანს, რომელიც ერთის მხრივ კლდოვან კედელს ებჯინება, სამი მხრიდან კი ქვით არის ამოშენებული. ეტყობა ეს სადგომი ორი კაცისათვის არის ნაეარაუდევი, რაც ეთანხმება შვეიცარიელთა ჭგუფის მონაწილეთა რაოდენობას. ამ სადგომის პოვნამ დიდი სიაშოვნება გვაგრძნობინა.

ძნელი გამოსათქმელია თუ რა სიხარულს, რა სულიერ სიმშვიდესა და საკუთარი თავის რწმენას უნერგავს გულში ადამიანს სულ უმცირესი კვალიც კი ადამიანის ყოფნისა აქ, კლდეების, თოვლისა და ყინულების საოცარ სამეფოში.

ნაშუადღევის ოთხის ნახევარი იყო, რასაკვირველია უკვე აღარ შეიძლებოდა გზის განგრძობა, მაგრამ ვინაიდან ჭერ ერთი, საჭირო

იყო მაქსიმალურად გამოგვეყენებინა დრო და მეორე — ცნობისმოყვარეობა გვაიძულებდა გავვეგო რა მოგველოდა კუთხის შემდეგ, ჩვენ გადავწყვიტეთ წინსვლა.

მართლაც, გავყევით კედელ-კედელ დაახლოებით 50 მეტრის მანძილზე. მიუხეზიეთ მწვერვალის სამხრეთი კედლის დასავლეთ კუთხეს და ჩვენს წინაშე მთელი თავისი სიდიადით აღიმართა უშბის მწვერვალის სახელგანთქმული ორასმეტრიანი დასავლეთი კედელი, ის კედელი, რომელმაც უშბას შეუქმნა რეპუტაცია უძნელესი მწვერვალისა ევროპასა და ქავკასიაში.

ეს კედელი იზიდავდა ყველა ალპინისტს. ბევრი ცდილობდა მის ძირამდე მაინც მიედწია თუ სხვა არაფერი, მაგრამ დიდმა უმრავლესობამ ესეც ვერ მოახერხა. ახლა, როდესაც პირველი ბანაკიდან მეორე ბანაკამდე და უკანასკნელიდან „წითელ კუთხემდე“ უდიდეს სიძნელეთა გადალახვის შემდეგ, ჩვენ თვალი შევაჯვღეთ ამ კედელს, ცხადი შეიქმნა, რომ აქამდე მხოლოდ ცალკეული შეტაკებები გეჭონდა სიძნელეებთან, ხოლო რაც შეეხება გამომწყვეტ ბრძოლას წუთითაც არ გვშორდებოდა, შეგრძნება იმ გარემოებისა, რომ ჩვენ ვალდებულნი ვართ და შეგვიძლია კიდევ ერთხელ ზედმეტად დაეამტკიცოთ ადამიანის ძალთა სიდიადე ბუნების ძალებზე.

უკვე გვიანი იყო და საჭირო შეიქმნა ღამის სათევი ადგილი. მაგრამ „წითელი კუთხის“ ზევით არსად არ იყო ისეთი ალაგი, სადაც რამდენიმე კაცს შეეძლებოდა მოთავსება. კედლის ძირში კი ერთი კაცის დასაწოლსაც ვერსად მონახავ, ამიტომ დავიწყეთ დაშვება „წითელი კუთხის“ მიმართულებით. დაახლოებით 30 მეტრზე რომ ჩამოვედით მოვნახეთ ადგილი, სადაც შეიძლებოდა ერთი კაცის დიდი გაჭირვებით მოთავსება. ასეთივე ადგილი ვნახეთ ცოტა ქვემოთ, პირველიდან რამდენიმე მეტრის დაშორებით. ვინაიდან იაგორამ და გიომ „წითელ კუთხესთან“ ჩასვლა ირჩიეს, სადაც მზად იყო მხოლოდ ორი კაცისათვის საკმარისი ღამის სათევი, მე და ალექსანდრა დავრჩით უშბის სამხრეთი კედლის თხემზე.

## პირველი უზარმაოლება და უკან დახევა

საუზმის შემდეგ დავიწყეთ გზის შერჩევა კლდეებში. მაგრამ ვერტიკალურ და სიბ კლდეებზე შორიდან გარკვეული გზის დასახვა ძალიან ძნელია. თვალი შევაჩერეთ ბუხრის მსგავსად შეღრმავებულ

ადგილზე კედლის ქვემო ნაწილში. როდესაც ამ ბუნხარს კარგად დავაკვირდით, შევნიშნეთ, იქ ზემოდან ჩამოყიდებული თევზის ხაზი გამოვარკვეეთ, რომ ეს იყო თოკის ნაჭერი, დატოვებულა ჩვენს წინამორბედთა მიერ.

ბუხრის დასაწყისთან რომ მივსულიყავით, საჭირო იყო კედელ-კედელ გავყოლოდით რაფას.

უკიდურესი სიფრთხილით გავიარეთ სახიფათო ადგილი და 10—15 მეტრის შემდეგ მივედით ბუხრის ძირში, სადაც ეკიდა შორიდან ჩვენს მიერ შემჩნეული თოკი.

თოკი სრულიად დამპალი იყო. ხელის ოდნავ შეხებზეც კი იშლებოდა. ეტყობა, იგი დატოვებული იყო 1903 წელს შულცეს ჯგუფის მიერ. გარდა თოკისა ბუნხარში შევამჩნიეთ კედელში ჩარკობილი რკინის პალო.

ბუნხარი თითქმის ვერტიკალური იყო. მაგრამ კედლის მცირე შევრილების გამოყენებით მე, გიო და ალექსანდრა ავცოცდით ბუნხარზე. პირველი ბუხრის მერე ჩვენ მოვხვდით მეორე ბუნხარში. მანდ ვიპოვეთ კიდევ ორი პალო, პალოებზე თოკი დავამაგრეთ, ალექსანდრა იქვე დავტოვეთ, მე და გიო კი გავეყვით რაფას კედლის გაყოლებით. გავედით მესამე ბუნხარში, სადაც კვლავ შევამჩნიეთ კედელში ჩარკობილი პალო.

ეს გარემოება თითქოს გვითითებდა გზაზე, და მე მყისვე დავაპირე ბუნხარზე ასვლა, მაგრამ ჩემი ცდა ამაო გამოდგა. დიდი ხნის შეუპოვარი მუშაობის შემდეგ იძულებული გავხდი უკანვე დავბრუნებულყავი — ამ სიძნელის გადალახვა ჩემ ძალ-ღონეს აღემატებოდა.

ჩემს შემდეგ ბუნხარზე ასვლა სცადა გიომ, მაგრამ ისიც ვერაფერს გახდა და უკანვე ჩამობრუნდა.

ვინაიდან ყველა ნიშნის მიხედვით ეს ბუნხარი ერთადერთ ასასვლელ გზას წააგავდა, მე და გიო თითქმის სამნახევარი საათის განმავლობაში ვცვლიდით ერთმანეთს და თავგანწირვით ვცდილობდით ზევით ასვლას, მაგრამ ჩვენმა შრომამ სულ უქმად ჩაიარა და იძულებული გავხდით უკან დაგვეხია.

გიომ იშოვა მოხერხებული დრო და შეუდგა თავისი თეორიის გადმოლაგებას იმის შესახებ, რომ უშბის მწვერვალი მიუდგომელია, რომ „იმპზე არავინ ასულა, და ვინც ამბობს ავედიო, ცრუობს“ და სხვა ამგვარი.

დამარცხებულთა მძიმე განცდით დავბრუნდით უკან. ჩვენს შეგნებაში მთელი თავისი სიმწვავეთ ჩაისახა ეჭვი, რომ უშბაზე ასვლა მიუწვდომელია ჩვენი ძალ-ღონისათვის.

შერე რა შედეგი მოჰყვებოდა ჩვენს ხელცარიელ დაბრუნებას? მთელი ჩვენი ექსპედიცია დაცინვის საგნად გახდებოდა სვანეთში. იმის ნაცვლად, რომ აქაურთა შეგნებიდან საბოლოოდ გაგვედევნა ცრუმორწმუნეობა ადამიანისათვის უშბის მწვერვალის მიულწველობისა, ჩვენი ცდის უშედეგო დამთავრება ზედმეტი საბუთი იქნებოდა ამ ცრუმორწმუნეობის გასამტკიცებლად.

უკვე სამი საათი იყო, როდესაც დაქანცულები გავედით ბუხართან, სადაც კლდესთან იჭდა ალექსანდრა. მან გვიჩია გზის მოძებნა ზევით. — თქვენს ცდაში — თქვა მან, — ქვემოდან ვათვალიერებდი ადგილს ამ კედლის თავზე და მე მგონია იქ შეიძლება ასვლა...

უფსკრულზე გადმოწეული კედლის სიმაღლე დაახლოებით სამ მეტრს უდრიდა. მე შეეუყენე გიოს ბეჭი, შემდეგ ხელებითა და წერაყინით მოვეხმარე რომ კედელზე ასულიყო, ერთი წუთის შემდეგ კი მოგვესმა გიოს გახარებული ყვირილი: „თოკი, თოკი! როგორც ჩანს აქ შეიძლება ასვლა!“

გიოს მხიარულმა ყვირილმა იმედები გააღვიძა ჩვენში. დაქანცულობამ თითქოს გადაგვიარა და უკვე მზად ვიყავით განგვეგრძოთ იერიში, მაგრამ უკვე ოთხი საათი იყო, იაგორაც ქვევით იმყოფებოდა.

ერთად რომ მოვიყარეთ ყველამ თავი, იაგორამ და გიომ მოისურვეს სამხრეთი კედლის ძირში დამისთევა. ალექსანდრამ არჩია აქვე მიბმულიყო კლდეზე, ბუხრის ძირში და ისე გაეთია ღამე. მე ძალიან მომეწონა ალექსანდრას განზრახვა. ბუხარში დარჩენით იგი ზოგადად იმ ვნერგიას, რაც ტყუილ-უბრალოდ უნდა დახარჯვოდა რამდენიმე ასეული მეტრი ძნელი და სახიფათო გზის დასაძლევად „წითელ კუთხემდე“ და უკან.

ალექსანდრას დატოვებას კლდეებში მე მიკარანახებდა სხვა გარემოებაც. ჩვენ ხომ წინ უდიდესი და სახიფათო სიძნელების გადალახვა მოგველოდა, რომელიმე ჩვენთაგანს კი შეეძლო ყოყმანი დაეწყო და სულაც უარი ეთქვა ასვლაში მონაწილეობაზე. ყოველ შემთხვევაში განცდილ სიძნელეთა ზეგავლენით ზოგიერთ ჩვენთაგანს შეიძლება ეჭვი ჩასახვოდა ასეთი მძიმე და სახიფათო ასვლის მიზანშეწონილობაში რომელიმე ჩვენთაგანს შეიძლებოდა ინტერესი და

კარგოდა უშბისადმი. ეს კი უეჭველად დაასუსტებდა ჯგუფს ფიზიკურად და სულიერად. ახლა კი კლდეზე დატოვებული ალექსანდრა იმ ცოცხალ საწინდარს წარმოადგენდა, რომელიც ყოველად შეუძლებელს ხდიდა ჯგუფის რომელიმე წევრის უკანდახევის და ჯგუფს უკარნახებდა ყოველმხიზგარეშე განეახლებინა უშბაზე შეტევა. ამგვარად უკანდასახევი გზა უკვე მოჭრილი იყო.

• •

— მთებთან ხუმრობა რომ სახიფათოა, ყველა მესიმაღლემ კარგად იცის. ჩვენს ყოველდღიურ ცხოვრებაში ბევრი რამ მოგვეტევეტა, მაგრამ მთაში მიმავალი ადამიანი უნდა განიწყინდოს, განსპეტაკდეს, როდეთა-ბრალისაგან, ისე მთა არ მიიღებს მას. მთად მიმავალმა კაცმა სულიერი კათარზისი თუ არ განიცადა, ისე არაფერი გამოუვა ცისიერეთში. იმიტომ რომ მთა გულზეიადია, ამაყი და მომთხოვნია, თავის დამფასებელია. და ვინც მათი დაფასება და პატივისცემა ვერ ისწავლა, იმათი გზები დაამოკლეს მთებმა... მალე მოიშორეს ისინი გულზეიადებმა.

ზოგი გარეგნულად ისეთი მშვიდია, შამა აბრამის ბატკანი გეგონება. აი, მაგალითად, თეთნულდი. მას მეტსახელად „სევანეთის პატარა-ძალსაც“ კი ეძახიან. მართლაც, რომ შეხედავ, საქორწილოდ მორთული დედოფალი გეგონება, ისეთი ლამაზი და მშვიდი, სათნო და მომხიბლავია. მაგრამ გავიხსენოთ 1929 წელს მის კალთებზე დატრიალებული ტრაგედია; როცა ორი შესანიშნავი ქართველი მთამსვლელი სიმონ ჭაფარიძე და პიმენ დვალი აღესრულა მის კალთებზე, და ადვილად დავრწმუნდებით, რომ მთათა სიმშვიდე მოჩვენებითია, მხოლოდლა მაცდური პოზაა...

და რა უბრალოდ დაიწყა ყველაფერი, მყინვარმა თითქოს ხუმრობა-ხუმრობით გაისტუმრა ორი ვაჟკაცი მოუსავლეთში. აი, როგორ აღწერს პიმენისა და სიმონის დაღუპვის ამბავს ამ ტრაგედიის უშუალო და ერთადერთი მოწმე, მთამსვლელობის პირველი ფუძემდებელი საქართველოში გიორგი ნიკოლაძე:

„2—3 საუენილაა დარჩენილი კლდემდე, სადაც საშიშროება უკვე გავლილი იქნებოდა, როდესაც შედრკა პიმენი. ის ორი ფეხით ერთ საფეხურში იდგა და ორივე ფეხით დაიწყო დატურება, თავდაპირველად ნელა, სულ ნელა, თითქოს შეუმჩნეველად. ის ცდილობდა

დამაგრებელიყო ჯოხით, რომ შესაძლებელი ყოფილიყო მასზე დაყრდნობით ფეხების შემაგრება, მაგრამ ფუჟი იყო მისი ცდა.

მე შეშინებით დაუუყვირე სიმონს, რომელიც ჩემზე ახლოს იდგა ზურგიით პიშინისაკენ და ჰკრიდა ახალ საფეხურს. „პიმენ, პიმენ“ — დაიყვირა სიმონმა და სწრაფად დაარქო წერაყინის წვერი წაქცეული პიშინის მუხლებთან, მაგრამ წერაყინმა ვერ დაიკავა პიშენი. მაშინ სიმონმა სტაცა ხელი პიშენს ბეჭებში, მაგრამ აღარაფერს შეეძლო პიშენის შეჩერება, მისი ბედი უკვე გადაწყვეტილი იყო. და მასთან ერთად სიმონის ბედიც.

დაცურება თავდაპირველად ნელი იყო. უეცრად თითქოს მიწას მოსწყდნენო, გაქანდნენ ქვევით საშინელი სისწრაფით. მე დავინახე. როგორ გაუეარდათ ორივეს ხელიდან წერაყინები და გადავიდნენ სხვადასხვა მხარეზე. ისინი სულ უფრო მეტი და მეტი სისწრაფით მიექანებოდნენ ჩემს მარჯვნივ. პიშენი, სიმონი. ორი წერაყინი, დროშა — ყველაფერი ჩაცვივდა მყინვარის ძირში. გადაუხვია მარცხნივ და გაჰქრა ჩემი ხედვის არედან. შესწყდა ხმაური. დადუმდა ყველაფერი და მხოლოდ მე დავრჩი ამ ყინულისა და სიკვდილის სამქაროში“.

მას მერე რამდენი ათეული წელი გავიდა, რამდენჯერ დაიქუხეს მწვერვალთა კალთებიდან ყოვლისშემძუსერელმა ზვაეებმა. ალიოშა ჭაფრიძემ თავის დასთან, ალექსანდრა ჭაფარიძესთან ერთად პიშენისა და სიმონის დალუპვის მომდევნო წელსვე იძია შური ძმისა და მეგობრის დალუპვისათვის, 1930 წლის ივლისში ოთხი დღის განმავლობაში სამჯერ დალაშქრეს თეთნულდის მწვერვალი. მომდევნო წლებში კი გამორჩენილმა ქართველმა მთამსვლელმა სანდრო გვალიამ 182 კაცისაგან შემდგარი ჯგუფი აიყვანა მწვერვალზე. ერთი სიტყვით, თეთნულდზე იერიშები არ შემწყდარა, იგი რამდენჯერმე იქნა დამორჩილებული, მაგრამ მაინც ძველ, მუხანათ მთად რჩებოდა და დარჩება ისევე, მათათა ხასიათი უცვლელია სამარადეთამოდ, ეს იქნება თეთნულდი, უშბა თუ სხვა რომელიც გნებავთ, მათი დამორჩილება შეიძლება, მაგრამ მათთან თამაში — არა...

გაეიხსენოთ კიდევ ერთი გულდასაწყვეტი ამბავი — შხარის კალთებზე დატრიალებული ტრაგედია. აბა ვინ იფიქრებდა, რომ ლამის სამშვიდობოზე გასულ გურამ თიქანაძეს სწორედ იმ ადგილას წამოეწეოდა სიკვდილი? ყოველივე ძნელადგასავლელი უკან მოიბრუნეს, გულში თავისთვის გამარჯვებას ზეიმობდნენ მთამსვლელები და უც-

ბად ყველაფერი დაუმწარდათ. ეს იმასა ჰგავს, ომიდან მშვიდობით მობრუნებული ჯარისკაცი ალაყაფის კარებთან რომ მოიტეხს კისერს, მაგრამ რას იზამ, ასეთია მთამსვლელის ბედი. ერთ შეცდომაზე მთელი სიცოცხლით აგებ პასუხს. ყველაზე გულისდამწველი კი ალბათ ასეთი აღსასრულია, ასეთი უეცარი და მუხთალი აღსასრული. ბაბა ანტონისაგან მსმენოდა ერთი სვანური თქმა — „სადაც არ მოელი, იქ უფრო გაფრთხილდი“.

ასეა თუ ისე მწარე გაკვეთილები უამრავი გვექონდა ჰკუთისასწავლებლად: მთამსვლელობის ისტორიის თვალისგადავლება იმიტომ არის კარგი, რომ იგი მოდუნებულ სხეულში მთვლემარე სიფრთხილის გრძნობას წამოახტუნებს და გამოაფხიზლებს. ყველა დიდი და საპასუხისმგებლო ასვლების წინ არც ერთ მთამსვლელს არ აწყენდა მისი აწ გარდაცვლილი, ან რაღაც სასწაულებით გადარჩენილი კოლეგების, ამხანაგ-მეგობრების მიერ დაშვებული შეცდომების კიდევ ერთხელ გახსენება, თვალის გადავლება, გონებაში წარმოსახვა, რათა თვითონაც შესძლოს იმათი თავიდან აცილება. ამიტომაც იყო რომ უშმაზე საიერიშოდ მზადებას განსაკუთრებულ ყურადღებას ეაქცევდით.

უშმა ხომ არც თეთნულდი იყო და არც რომელიმე სხვა მცირე მწვერვალი კავკასიონისა. ჩვენს „სარკეზე“ ხომ ჯერ ადამიანის ფეხი არ შემდგაროყო, ძეხორციელის გამოსახულება არ არეკლილიყო. ჩვენ ეიქნებოდით მისი პირველი მეკვლეები, დაუპატრეებელი სტუმრები და ვინ უწყის როგორ მიგვიღებდა, რა მასპინძლობას გაგვიწვედა იგი?

რამდენიმე წლის წინ მე და ცნობილმა საბჭოთა მთამსვლელმა მიშლიაევმა პირველებმა განვიზრახეთ „უშბის სარკის“ იერიში, ავედით კიდევ უნაგირაზე, რათა ახლოდან შეგვეხედა და დაგვეთვალიერებინა იგი.

— მუხთალია... — კარგა ხნის დუმილის შემდეგ თქვა მიშლიაევმა — ეგრევე ეტყობა, რომ ბოროტგანზრახვებისაგანაა ალენილი.

— ასე ფიქრობ? — უფროსი მეგობრის ანდში ექვის შეტანა ყოველად გაუმართლებელი იქნებოდა ჩემის მხრიდან.

მიშლიაევს უსიამოვნოდ შეექმუნხნა წარბები, მრეში, მოწყენილი თვალები კედლისთვის არ მოუცილებია ისე გაიმეორა ნათქვამი:

— რაღაც მზაკრობა რომ უღვეს ეგრევე ეტყობა, ხედავ, როგორ ლაპლაპებს?

ერთი კილომეტრის სიმაღლის „მოშალამინებულ“ კედელს მზე



მოსდგომოდა და მისი ანარეკლი თვალებში გვეცემოდა. უშბის „სარკე“ სულთამხუთავად აყუდებულ იყო ჩვენს ცხვირწინ. რაღაც უმწეობისა და უსუსურობის გრძნობას მოეცვა ჩვენი არსება. მაგრამ ალბათ ამიტომ — მით შეტი იყო წინააღმდეგობის გაწევის, პირისპირ შებმისა და შერკინების სურვილი.

არასოდეს დამავიწყდება ის წუთები. უცბად ვიგრძენი, რომ მთელი სხეული მიცახცახებდა, ასე ხშირად დამმართნია სარაიონო შეჯიბრებებზე, საჭიდაოდ რომ გამოვდიოდით. მას მერე მსგავსი გრძნობა არ დამუფლებია. რომ გამოვერკვიე და გონს მოვეგე, თვალები კვლავ კედელზე მქონდა მიშტერებული, გონებით ხელჩასავლებ ღრეჩოებს, ასასვლელ მონაკვეთებსა და ღამისსათევ ბაქნებს ვეძებდი და ვინიშნავდი. მაგრამ არც ერთი იყო და არც მეორე, მესამეზე, ღამისსათევ ბაქანზე ლაპარაკი ხომ ზედმეტია, მაგრამ გონება გაცხოველებული შუშაობდა, თვალთ ახლა საპალოე ადგილებსა და გასასვლელ მეტრებს ვითვლიდი და ვანგარიშობდი, რამდენ დღეს მოვუნდებოდით სარკის დალაშქვრას? ერთი... ორი... სამი... ოთხი... — სულ რვა ღამისთევა გამოვთვალე. მერე კოლეგისათვის რომ გამეზიარებინა ჩემი ფიქრი, მისკენ შევეტრიალდი, მაგრამ მიშლიაევი იქ აღარ იდგა. ნაფეხურებს გაეყაოლე თვალი და რამდენიმე მეტრზე-ლა დავაწიე მზერა. იგი დაბლა ეშვებოდა. საკუთარ თავზე გამეცინა, მაინც რანაირად ვაპირებდი მარტოხელა კაცი ამხელა კედელთან შებმას? განა სულელური არ იყო ჩემი საქციელი? გამეცინა და მყისვე უკან გამოვდიე ამხანაგს.

„— ახალბედა ხარ, გამოუცდელი, უფროსს დაუჭერე“. — ჩავილაპარაკე გულში. მიშლიაევი 17 ოქროს მედლის მფლობელი, გამოცდილი, ერთ-ერთი უმამაცესი მთამსვლელი იყო. ამხანაგებში და ალპინისტთა წრეში დიდი ავტორიტეტით სარგებლობდა. ახლა კი მე თითქოს იმის ვაჟკაცობასა და შეუპოვრობაში შემქონდა ეჭვი. ეს ეჭვი იყო ალბათ უკან რომ მეწეოდა და მექაჩებოდა მწვერვალისაკენ, უშბას თითქოს თავისი უხილავი ხელი მოეხვია ჩემთვის და არ უნდოდა გაშვება, თავისკენ მიმიხმობდა.

„ერთი სცადე, იქნება რამე გამოგივიდეს!“ — მამასხარაეებდა იგი. მთელი სხეული თოვლის გუნდასავით შემეკრა. არ ვიცი, იმ წუთში კრიჭის გახსნა თუ შემეძლო. ერთიანად უშბასთან შებმის უინს მოეცვა ჩემი არსება და კიდევ — სირცხვილის გრძნობას: ეს საპირისპირო განწყობილებები ბულრაობდნენ სხეულში. — ორი თავმომწონე ვაჟ-

კაცი ლაჩრულად იხედა უკან, შინისაკენ მიჩანჩალებდა ზაფრადაცემული, სახლისაკენ მიეშურებოდა, რათა თბილ საწოლებში ჩათბუნებულიყვნენ. ტკბილი სიზმრები ეხილათ...

— სიცოცხლე როცა მომბეზრდება, ჩრდილოეთი უშბის განაცხადს წარვადგენ ალპინიზმის ფედერაციაში და ამ დაწყევლილ უშბის სარკეს მოვადგები კიდევ... — დაარღვია ღუმილი სრულიად დამშვიდებულმა მიშლიაევმა — მანამდე კი ერთი დიდი სურვილი მაქვს, ჩათინთაუს მინდა შევეუტიო...

„ჩაიშალა, ყველაფერი ჩაიშალა... შორჩა, გათავდა...“ — ეფიქრობდი მთელი გზა და არა მარტო იმ დღეს, მერეც სულ ეფიქრობდი „უშბის სარკეზე“. რამდენჯერმე დავაპირე კიდევ, კვლავ შემეხსენებინა მიშლიაევისათვის ჩრდილოეთი უშბის დალაშქვრა მაგრამ შემდგომ წელს ჩათინთაუს მწვერვალიდან ავებდითი წითელი შუშხუნა გაეკრა ზეცას... ვიცი, ამ რაიონში მიშლიაევის თექვსმეტ კაციანი ჯგუფი მოქმედებდა. რაღაც ავი მიაზრა იმ წუთში გულმა. ამჯერად ანდეს, სძწუხაროდ, არც ჩემთვის უმტყუნია, — რამდენიმე დღის შემდეგ მიშლიაევი და კიდევ ჯგუფის რამდენიმე წევრი ჩამოვასვენეთ მესტიაში.

ამ დაუდევარმა ადამიანმა მხოლოდ ერთი წლით გადაივადა სიკვდილი. იოლი გზის მამებარი არასოდეს ყოფილა, მაგრამ უშბაზე გაცილებით „მშვიდმა“ ჩათინთაუმ რატომღაც არ დაინდო იგი.

მაინც რას ერჩოდა, რა დაუშავა ასეთი?

გამოცდილმა კაცმა რა შეცდომა დაუშვა, რომ ასე მკაცრად დასაჯა მისმა საყვარელმა ჩათინთაუმ?

მითუმეტეს, მიშლიაევმა ხომ მშვენივრად იცოდა მონადირული და ამ შემთხვევაში ალპინისტური თქმა — „ვერიდებოდი ღოლოსა, შემომხვდა სოფლის ბოლოსაო“, იცოდა კი არა თვითონვე ქადაგებდა და დიდი ერთგულიც იყო ამ სვანური და არა მარტო სვანური, ზოგადკაცობრიული სიბრძნისა...

უკვე სხვა გზა არ დამრჩენოდა ახალი ამხანაგები უნდა მეძებნა. ახალი სწორფერანი და თანამგრძნობი ამ სარისკო და საძნელო საქმეში. ერთობ საორკოფო და სათუო კი იყო — სიკვდილმობნეულ ბილიკებზე სამოგზაუროდ უნდა მომეხმო და გამეყოლებინა ღმერთისა და ქვეყნის წინაშე ალაღმართალი, უდანაშაულო ადამიანები, რომელსაც ჰქონდათ დიდი ოჯახები, ჰყავდათ ცოლ-შვილი, დაძმები და ნათესავები... ვისთან ყოფნაც ასე უხაროდათ, ვისთან დაშორებაც ასე ეძნე-

ლებდათ... და რომელთაც ჩემთვის არასოდეს არაფერი არ დაეშავებინათ.

მაგრამ მათს აყოლიებას, მათს მხარში ამოდგომას მოითხოვდა არა მარტო ჩემი პირადი ინტერესები და რაიმე ძველი ანგარიშები უშბის მიმართ, არამედ საქართველოს ალპინისტთა ინტერესები, და კიდევ ის, რომ ისინი ყველანი მთამსვლელები იყვნენ, სრული ამ სიტყვის მნიშვნელობით. მთელი რიგი სავალალო ინციდენტებისა და ჩავარდნების შემდეგ საჭირო იყო დიდი, საყოველთაოდ აღიარებული გამარჯვებების მოპოვება, სულიერი მხნეობისა და დაკარგული თუ შელახული პრესტიჟის აღდგენა.

ამ საქმეში კი „უშბის კედელს“ ნამდვილად შეეძლო დახმარება აღმოეჩინა ქართველი მთამსვლელებისათვის. დიახ, ჩვენ უნდა გავვეფანტა მწვალებლური ექვები, შიში... და მე ბევრი იქრისა და განსჯის შემდეგ წინადადებით მივმართე ჩემს უახლოეს ამხანაგებს — შალვა მარგიანს, ჯოკია გუგავას, გივი წერედიანს, ჯუმბერ კახიანს, შალვა ახვლედიანს, შოთა ჩართოლანს, მიხეილ ხერგიანს (უმცროსი)... ალბათ სწამდათ და სჯეროდათ ჩემი, ესმოდათ საქმის სირთულე და მისი მნიშვნელობაც. არცერთმა არ დაიხია უკან. ყველანი ერთხმად ამომიდგნენ მხარში. ყოველგვარი ჭოქმანისა და „შინ შევეკითხების“ გარეშე განაცხადეს თანხმობა.

ეს იყო 1959 წელს, მაგრამ არც მაშინ, არც მომდევნო წლებში ჩვენს ერთობლივ სურვილს აღსრულება არ ეწერა. უშბის სარკეზე შეტანილ განაცხადს სხვადასხვა მიზეზების გამო არ ამტკიცებდნენ.

1964 წლისათვის კი, როგორც იქნა, გამოცხვა დიდი ხნის ნალოლიაკები კვერი და ჩვენც მთელის მონდომებითა და პასუხისმგებლობის გრძნობით შევეუდექით სამზადისს.

• •

31 აგვისტოს აღრიხანად ავდექით და შევუყევით წაცნობ გზას. დილის ათ საათზე უკვე ალექსანდრასთან ვიყავით ასული, რომელსაც ჩინებულად გამოეძინა და სავსებით მხნედ გრძნობდა თავს.

ზედა რაფაზე მცირეოდენი დასვენების შემდეგ გიომ ბეჭი შემიყენა და მომეხმარა ამ კედელზე ავსულიყავი, სადაც ამგვარივე წესით გუშინ თვითონ ატოცდა. თოკის დახმარებით მე სხვებიც ამომყვენენ; კლდის თავზე, თუმცა დიდი სიძნელით, ერთ ხანს მაინც დაუბ-

რკოლებლივ შივდიოდით, მაგრამ ჩქარა ისევ ჩიხში მოვიქეცით. მარ-  
ჯენივ და მარცხნივ სრულიად ვერტიკალური კლდეები იყო აღმართუ-  
ლი. მდგომარეობა გუშინდელის მსგავსად თითქოს გამოუვალი იყო.

მაგრამ უბრძოლველად უკან დახევა არ შეგვეძლო.

ყველა შესაძლებლობა მოვსინჯეთ, რომ როგორმე დაგვეძლია  
ვერტიკალური კლდეები. მეც და გიოც ვცდილობდით ხანაც მარცხნი-  
დან აგვევლო მათთვის, მაგრამ ამაოდ — ვერაუთარ გამოსაეალს ვერ  
ვპოულობდით, მეტი გზა არ იყო, იერიში უნდა მიგვეტანა მესამე  
კლდოვან ღარზედაც.

ეტყობოდა, არც ერთი ჩვენი წინამორბედი არ ასულა ამ ღარით,  
მაგრამ იმ გზის ძებნას რომ შევდგომოდით, რომლითაც მათ ამ აღ-  
გილს გვერდი აუარეს, დიდი დრო დაგვეკარგებოდა. ამიტომ მტკი-  
ცედ გადავწყვიტეთ უკან არ დაგვეხია უკანასკნელ შესაძლებლობა-  
დე და ვცდილიყავით კედელზე ასვლას.

მთელი საათის განმავლობაში მე და გიოც ვცვლიდით ერთმანეთს  
და თავგამოდებული იერიში მიგვექონდა, მაგრამ ყოველივე ამაო იყო.  
კლდის გლუვი ზედაპირი ვერაფრით ვერ დავძლიეთ. აუწერელი ჭაფა  
დაგვადგა და ძალ-ღონეც თითქმის სრულიად გამოგველია. საჭირო  
იყო თავი დაგვეწებებინა ცდებისათვის...

მაგრამ აი, ერთი უკანასკნელი და გადამწყვეტი შეტევა — გიო  
ჯაბრალეებს იხდის და ფეხშიშველი ცდილობს გლუვ კედელზე აცო-  
ცებას, მისი ცდა შედეგს აღწევს — შიშველი ფეხები კედელზე მაგ-  
რდება, გიო მიცოცავს ზევით თითქმის ღარის ნახევრამდე და ასწრებს  
კლდის ბზარში რკინის პალოს ჩრქობას. ამით გადაწყვეტილი იქნა  
ჩვენი ასვლის ერთ-ერთი უძლიერესი საკითხთაგანი. კედელი, თუმცა  
დიდი გაჭირვებით, მაგრამ მაინც დავძლიეთ...<sup>4</sup>

• •

— რა დაგრჩათ კლდეებზე, მიწაზე ვერ დაეტევით? თავს რაზე  
იკლავთ? — ხშირად მსმენია საყვედური, გასაკუთრებით, ძნელი,  
ტრაგიკული ასვლების მერე გვისაყვედურებენ ხოლმე. ნათესავ-მე-  
გობრებს ვეცოდებით ბიჭები და თავიანთ გულისწყრომას იმის გამო,  
რომ ჩვენ კინაღამ გადავიჩივებთ, ან გავიყინეთ, ასე გამოხატავენ. რა  
თქმა უნდა, ძნელია პასუხის გაცემა. ასეთი პრაქტიკული თვალსაზრი-  
სით თუ მიუუდგებით ამ საკითხს, მართლაც და რა დარჩენია ადა-

მიანს უკაცრიელ მწვერვალებზე? მიდი და აუხსენი, თუ კაცი ხარ, აუხსენი და დაარწმუნე, რომ დარჩენა-არდარჩენა აქ არაფერ შუაშია.

გაახსენე, ამ ხალხს 1942 წლის კავკასიონის ბრძოლები, როცა გადამწყვეტ როლს სამთო ოსტატობა და ალპინისტური ხელოვნება ასრულებდა. გაახსენე ბექნუ და გაბრიელ ხერგიანების, მაქსიმე გვარლიანის, კიკიკო ჩართოლანის, გოჯი ზურებიანის, ილიკო გაბლიანისა და სხვა ქართველი მთამსვლელების სასახელო საქმეები კავკასიონზე, იქნებ მაშინ შეგეშვან და თავი გაგანებონ... მაგრამ ეს მხოლოდ მედლის ერთი მხარეა.

ჩემთვის, მაგალითად, ყოველი დაუპყრობელი მწვერვალი აუხსნელი, კონკრეტულ საგნად ქცეული ოცნებაა, მიზანია, რომელიც თითოეულ ჩვენგანს ასულდგმულებს და ამოძრავებს, შესაძლებელსა და შეუძლებელს შორის აღმართული სამანია, და შენ, რადაც არ უნდა დაგიჯდეს, გინდა დაიმორჩილო იგი. სხვანაირად რომ ვთქვათ, გინდა აიხდინო წმიდათაწმიდა ოცნება, გულისწადილი შენი. განა მაგაზე საპატიო საქმე არსებობს რაიმე ამ ქვეყნად? მე არა მაქვს მხედველობაში მაინცდამაინც მთამსვლელის მიერ რომელიღაც მწვერვალის დაპყრობა, მე ვგულისხმობ ოცნების, მიზნის აღსრულებას საერთოდ, რასაც იშვიათად აღწევს ხოლმე ადამიანი. რა თქმა უნდა, ძნელია, ძალიან ძნელია.

ეს არის დღენიდაც ბეწვის ხიდზე სიარული. ხიდზე, რომელიც შორეულია, ქანაობს და შეიძლება ამ წუთში ჩატყდეს, შეიძლება ამ წუთში ჩატყდეს, შეიძლება ცოტა მოგვიანებით, ეს ეშმაკმა უწყის! ალბათ ამიტომ არის, რომ მთამსვლელი, რომელმაც საექსპედიციო თადარიგი დაიჭირა, ტყავის ბურთივით დაჭიმული, დაკუმშულია; შინაგანი, ქვეშეცნეული მღელვარება ძაბავს და აქანდაკებს მას.

მთამსვლელებს სიტყვაძუნწობასაც უსაყვედურებენ ხოლმე. სიტყვაძუნწი ხალხი რომ არის, ეს მართალია. აბა სცადეთ და რომელიმე ხელოვანს ეწვიეთ თავის სახელოსნოში, როცა იგი გაცხოველებული შემოქმედებით მუშაობის პროცესშია. საუბარს გაგიბამთ კი არა, შეიძლება კარიც კი მოგიხუროთ, ასევეა მთაშიც. მთა ალპინისტისათვის იგივე სახელოსნოა. მართალია, აქ ქანდაკება არ იძერწება, მაგრამ ისეთივე შემოქმედებითი მუშაობა, უფრო სწორად აბსტრაქტული შემოქმედებითი პროცესი მიმდინარეობს — მხატვარივით, მწერალივით, რაიმე ხელშესახებს, კონკრეტულს კი არ ჰქმნის. ერთი შეხედვით, მარტივ საქმეს ასრულებს: ადის მწვერვალზე და ჩამოდის

მწვერვალადან. შეიძლება ნაფეხურებიც არ დარჩეს მისი; ვერავის-  
თან ვერ დაიტრაბახებს, ამდენი ოფლისღვრის შედეგად ეს შეექმენი,  
ის შეექმენიო.

მაგრამ სიცოცხლე? სიცოცხლე, რომელიც უვნებელი, მთლიანი  
დაბრუნდა ბარში? ამ სიცოცხლეს ხომ იგი დაატარებდა სიკვდილო-  
ვან ნაპრალებს შორის, იგი ეზიდებოდა ხელშეუვლებელ ქაჩაფებსა და  
ქიმებზე. მან განაცდევინა გამარჯვების სიხარული და სიდიადე შექ-  
მატა ადამიანის სულს. თუ ეს ასეა, მაშინ მთამსვლელის დაპყრობილ  
მწვერვალებს, ამ სიცოცხლეს, ამ სულის სიდიადეს სხვები დაინახა-  
ვენ და წაიკითხავენ, როგორც სიმამაცის, სიყვარულისა და ძლიერე-  
ბის წიგნს. აი, ამ მომენტში იგი უკვე ახლოს არის ხელოვანის შემოქ-  
მედებასთან.

კეშმარიტი მთამსვლელი არასოდეს მიატოვებს მთას, ისევე, რო-  
გორც მეზღვაური — ზღვას და პოეტი — ლექსების წერას. არ მია-  
ტოვებს, ვიდრე მთელია, ვიდრე არ გამწყდარა მისი ჭაჭვი. მერე კი...

დაძაბულობასა და გაჭირვებას ყოველთვის აბათილებს და ანაზღა-  
ურებს გამარჯვების სიხარული. ადამიანი ყველა მწვერვალზე მა-  
ღალია!

**1943 წ. თოვლიანი უზბის ქრონიკა**

**გოჯი ზურაბიანი!**

**ვეუხვებოდით მფარვრად, როგორც თანატოლნი...**

— უკან დარჩა უზბის კალთებზე ჩვენს მიერ დიდის წვალებით  
გამართული ათამდე ნაბინავარი. უკან დარჩა კოშმარული ღამეების  
წყება, რომლის მსგავსი არც დასიზმრებია ალბათ არასოდეს ადამი-  
ანს, რისი წარმოდგენაც ძეხორციელის წარმოსახვას და ფანტაზიას  
აღემატება. კოშმარული ღამეების და რაღა მხოლოდ ღამეები... დღეებიც.

ისინი კვირა-ორშაბათის მთვარესავით წააგავდნენ ერთმანეთს.  
თითქოს დანარჩენი სამყარო უფსკრულში ჩაიჩხნაო და მხოლოდღა  
ჩვენ შემოვრჩით უზბის ქაჩაფს რაღაც ბედად თუ უბედობით — ერ-  
თადერთი, რისი არსებობაც ჩვენ ყოველწამს შეგვახსენებდა ხოლმე

<sup>1</sup> ს. დამს. ოსტატი. 1943 წლის ზამთარში უზბის ექსპედიციის მონაწილე. ხელ-  
მძღვანელი ალიომა ქაფარაძე.

თავს, ეს ავბედითად დატრიალებული ქარბორბალა იყო, გრანიტოვან შვერილებზე რომ იფხრიწებოდა და მეძავი ქალივით დაგვიკიოდა თავს. ქარბორბალა, რომელიც თოვლში ჩამარხულ კარავშიც მოძვრებოდა და თითოეულ მათგანს თავის აშარ ხელებს გვიფათურებდა სულში, სხეულში...

და კიდევ იყო მეორე სახეობა — შიმშილი. თავისი უხილავი, წახნაგოვანი ბრჭყალები რომ ჩაველო ჩვენთვის და დახრჩობას, მოგუღვასა და უთვალავი მოჩვენებებით მოშთობას გვიპირებდა. მოჩვენებებით, დაბლა, სადღაც შორეულ მიწაზე დატოვებულ ადამიანთა დღესასწაულებზე, ლხინ-ქეიფებსა და დღეობებზე, სააღდგომო საკლავებზე, დატყავულ ყოჩებზე, კვირიკობის დღეობაზე, უშველებელ სპილენძის ქვაბებში მოთუხთუხე ნახარშსა და ტაბაკებზე ჩამორიგებულ, მეხორცეთა მიერ მსხვილად დანაწილებულ მსუქან ულუფაზე. მწდეთა მიერ პირის გასახსნელად ჩამორიგებულ თითო კათხა წინწანაქარზე. და რაზე არა... მაცდურ წარმოდგენებზე. პირში გუბდებოდა ნერწყვი, ზღვად იქცეოდა და წალეკვით გვემუქრებოდა. არავინ იცოდა, გამოფიტულ, გამთანგველი წყურვილით შეპყრობილ სხეულის რომელ კუნჭულში მოიძვევებოდა წებოვანი სითხის უმრეტი მარაგი.

აუ, რა მაცდუნებლად მოჩუხჩუხებდნენ სანეტარო მკვავეწყლები. ვეძა-სგიმები შიხრისა და მესტიისა, მულახისა და კალისა... მკავეწყლები, რომელთაც დუცის მომკავო გემო წაჰკრავდათ და სხეულში მაცოცხლებელ ნექტარად იღვრებოდნენ.

მერე ჩვენი უსაგნო ფარფატი მოჩვენებათა სამყაროში ერთი აკვიატებული, ათასჯერ ნანახი, და განცდილი სურათით მთავრდებოდა: უფსკრულებში მიფრიალებდა მუხინის ზურგჩანთა, რომელიც მას ქარმა მოსტატა, და რომელშიც გვექონდა ხორაგეული, შავი დღისათვის შემონახული პური არსობისა. უშბის წარაფებზე დატრიალებული ზურგჩანთა დაბინდული გონების ლაბირინთებში გაიქროლებდა, მეტეორივით მოსწყდებოდა იგი ზეცის თავანს, წრეს გააკეთებდა სივრცეში და კოტრიალ-კოტრიალით გაუჩინარდებოდა სადღაც მოუსავლეთში. მერე კი კვლავ წამოყელყელავდებოდა. ახლა უკვე ჩანთას ადამიანის მხრები ჰქონდა, კაცის თვალები, ხელები. ჩამოქდებოდა ქარაფზე და გრუხუნ-გრუხუნით გადაემეგებოდა დაბლა უფსკრულეთში. ერთხელ, ორჯერ, სამჯერ... მაინც როგორ არ დაიფლითა იგი, როგორ უძლებდა გაუთავებელ კოტრიალს მთის წავარნებზე?

მერე ხელს გავიწვდიდით ალიოშასაკენ — ეს ინსტინქტი მას მერე

დაგვიჩვენა, რაც მან მომჭირნეობით გადანახული თავისი წილი ულუფიდან შოკოლადის ნატეხები დაგვირიგა ილაჯმიხდით. „გვიმკითხავე, გვიმკითხავე...“ — შესთხოვენ ალიოშას ჩვენი გამწვანებული მოკანკალე ხელები. მერე თავის ერთი მძლავრი გაქნევა და ეს მოჩვენებაც ქრება თვალსაწიერიდან. მერე სხვა იწყება.

ახლა კი ერთად მოვაბიჯებთ ყველანი. როგორც იქნა გამოვალწიეთ ქარაშოტის, შიმშილ-წყურვილისა და სიცივის მარწუხნებს. ახლა ჩვენ ვგავართ მეუღლებოვით, რომელთა ილაჯმიხდილი სხეული მთელი თავია უწყლო ქვიშრობებსა და ბარხანებში დაბარგანობს და ჰა, შორს, სადაც ცის დასალიერთან მოჩვენებასავით გამოკრთა ოაზისთა მწვანე ანაბზინი. სანეტარო სიმწვანით აღტყინებული მათი სხეული კი გაშმაგებული მიიჩქარის იქითკენ...

და აი, ახლა ჩვენ კვლავ აქა ვართ, აღამიანთა მიწაზე, არა მზით, აღამიანთა სულით გამთბარ მიწაზე. რამდენიმე ნაბიჯიც და თბილად მოგუზგუზე კერძისთან დავეყრებით, სადაც სენაური ხაქაპურების ოხშივარი და თეთრი გომეჯების მადისაღმძვრელი სურნელება დატრიალდება. ცოტაც და თოვლის ექვსეული გალხვება, მხრებიდან ჩამოიბერტყავს ყინულის კარნიზებს, და მალე ყველა მათგანის სხეულში მწვანე გაზფხული დამკვიდრდება...

ცოტაც და...

ჯერ კი წინ გზა გვიდევს. გზა, რომელიც არ გვაშინებს, რომელსაც დავძლევეთ, რადგან უარესი უკან მოვიტოვებთ, ეს გზა არაა რად გვიჩანს... მხოლოდ მოთმინება, კიდევ მოთმინება, მოთმინება... წმინდა გიორგის გაქირვების უამს გამოცხადა ჩორლას, გაუმაძლარ მონადირეს. მაგრამ მორწმუნე კაცს. ჩვენც გვქიროდა წმინდა გიორგის დახმარება...

— წმინდაო გიორგი, ჩაარტყი ხელი რაიზერს, ჩაარტყი, რომ მტრად აღარ მოხვეტოს გზად ცივი თოვლი. და...

— ჩაარტყი, თორემ მერე გვიანი იქნება, ჩაარტყი იმ ხელზე, ამოანთხევიანე პირიდან თოვლის ნაყური, დედის რძესავით ტკბილი, მაცდუნებელი სითხე. ჩაარტყი, ჩაარტყი რაიზერს ხელი...“

„მერე რა, თუ შენთვის სანთელი არ დაუნთია, ხარები არ დაუკლავს და შეუწირავს ღვთის სახელზე. რაიზერი კაცია, შენ კი ნაბდის-ქუდიანთა მფარველი... ნუ დაიშურებ მისთვის მცირედ სამსახურს, ჩაარტყი, ჩაარტყი თოვლისხვეტია ხელზე, უკანვე ამოარწყევიანე თოვლის ნაყური, დედის რძესავით ტკბილი და მაცდუნებელი“.

ახლა კი მოვაბიჯებთ როგორც თანასწორნი. ერთ თოვზე გადაბ-



მულნი, ერთ ფიქრზე ამოცმულნი, ერთი იმედით აღტკინებულნი. ერთი... რი... სამი... ექვსი სიცოცხლე მოკვალთავს გზას შინისაკენ, ადამიანთა მიწისაკენ. მაგრამ ჯერ კიდევ დარჩა, ჯერ კიდევ არის ხრამები და ნაპრალები, თოვლისაგან შენიღბულ-დამალული, თოვლისაგან, რომელშიაც ჭიანჭველებივით ვფუთფუთებთ და ვირევით. თოვლისაგან, რომელსაც მთელი ქვეყანა თეთრად გადაუპენტავს...

■ — წმინდაო გიორგი, შეგვეწიე ჩვენ,—ექვს ნაბდისქუდიანს, არა როგორც ღვთისმოსავთ, არამედ როგორც მამაკაცებს, ვისი მფარველობაც ოდესღაც თავს იღვე...“

— მოვდივართ. მოვდივართ. ჰეი, ვინა ხართ, სადა ხართ. თქვენთან მოვდივართ, ასე გულდაგულ მოვისწრაფვით და თქვენ კი აღარსად ჩანხართ. ჰეჰეი, ზეცის ნაღვლო, სად დამარხე მიწა და ადამიანები, სად წარტყვევენ მათი გულისტქმა და გონება-აზრი... ჰე... ჰეეი...

## ალმატგირ კვიციანი: შვილი ვაჟაკის შესაწოდგარი...

— არ მახსოვს ერთ კვირაში იმდენი თოვლი ჩამოეტანოს. და არც არავის არ ახსოვს ლომის ხეობაში მსგავსი რამ. იმდენი ითოვა, იმდენი ითოვა, რომ სახურავები და გზათაპირები ერთმანეთს გაუთანაბრდნენ, უფრო მეტიც — გზათაპირები ზემოდან მოექცა ორსართულიანი ქორების სახურავებს.

სახლებსა და ეზო-გალავნებში შესასვლელები „საიქიოს შუკებს“ დაემსგავსა. ზოგან შებოლილი, გამომწვარი დედაღირები ჩატყდნენ, სახურავები ჩაიქცნენ; მეზობლის ახმაზი ვაჟაკი სახლის გადათოვლასას ყავარ-ხიდებს ჩაჰყვა თან და ნანგრევებიდან ძლივს გამოიყვანეს და სასიხრებულო და გაცივებული. კავკასიონის გადაღმა ომი მძინვარებდა, და თითქოს შინ დარჩენილი ახალგაზრდისა და ბებრუხანების შურდო ბუნებას, ყოვლის წამლეკავი ქარტეხილი დაატეხა თავზე.

ბეჩო-მაზერლებს სამუდამოდ დაამახსოვრდათ 1943 წლის შემოდგომა. მაინც რამდენი თოვლი ჩამოყარა უცბად.

ქელებსაც თოვლიან მოედანზე ვიხდით. სოფლებიდან მოზღვევებუ-

1 სპორტის დამსახურებული ოსტატი, მაშველი ჭგუფის წევრი.

ლი შაოსანი ხალხი ბარებითა და ნიჩბებით შეიარაღებული მოდიოდა.

შაოსანი ხალხი...

რა უცნაური სანახავი იყო თოვლ-გადახვეტილ მოედანზე გამართული ქელები.

თითქოს თეთრი და შავი ფერი ებრძოდა ურთიერთს, შავი ზედ დააბიჯებდა თეთრსა და ფეხქვეშ თელავდა, მაგრამ თეთრი მალლით მოიფრქვეოდა და მოიბარდნებოდა.

თეთრი და შავი ებრძოდა ერთმანეთს, და ორივე ერთი მეორიდან გამოშდინარეობდა ამ წუთში — თეთრმა შავი ჩააცვა ადამიანებს, მაგრამ ეს არ იყო ყველაფერი... თეთრის მოძალეხას შეიძლება უარესი უბედურება, შიში და შიმშილი, განადგურება, მიწის პირისაგან აღგვა მოეტანა მათთვის. ეს იყო კავკასიონის ძაგდაგს გადაურჩნენ, მტრის ურდოები ჩაჩუმქრეს მიუვალ ხეობებსა და გადასასვლელებზე, მაგრამ ახლა თეთრი რისხვა მოდიოდა მალლიდან...

ერთი ვაჟაკი უკვე იწვა სარეცელზე, დიდთოვლობის მსხვერპლი!

ხალხი გაოგნებული დასჩერებოდა მის გაყინულ სახეს და რაღაცას გაუგებრად ლულულულებდა. ეს იყო სასოწარკვეთილებაში ჩავარდნილი ადამიანების ჩიფჩიფი — ლოცვა. ელიას. ამინდის გამრიგეს ევედრებოდნენ ისინი შეწევნასა და მფარველობას.

მახვშენი, ნაბდის ქუდიანი მოხუცები წამდაუწუმ გამოდიოდნენ გარეთ და აფუებულ ზეცას ააშტერებდნენ სისველეგამჭდარ თვალებს — იქნება პირი იცვალოს ამინდმაო. მაგრამ არ ჩანდა არსიდან შველა, არსიდან ნუგეში...

მერე ერთს ჩრდილოეთისაკენ გაიხედავდნენ, მაგრამ სად იყო ჩრდილოეთი? თეთრად დაბარდნილი თოვლიანი ველები მოჩამდნენ ყოველის მხრით. მოხუცები, და არა მარტო ისინი, მუხლმორთხმულნი ეაჭებოდნენ წმინდა გიორგის, ერთი ნაბდისქუდიანის დანაკლისი ეკმარებინა ხეობისათვის. მშვიდობით მოებრუნებინა უშბაზე წასული ვაჟაკები.

დღე დღეს მისდევდა, ლალადისი მძლავრდებოდა, თალხი მატულობდა, გმინვა მატულობდა. იდგა ტირილი და გოდება. „ერც ი გვაკმარე, დანარჩენებს ნულარ ჩაუჩუმქრავ გზა-სავალს, ნულარ გადაატარებ გაუვლელ ღარტაფებზე, მშვიდობით დაგვიბრუნე ხეობას“...

მერე თოვლში სამარე გათხარეთ. ნანგრევებს მიყოლილ ვაჟაკი წავასვენეთ სვანური სამგლოვიარო ზარის გუგუნით. არასოდეს

არ მსმენია ასეთი შენზარავი ზარი, და არც არავის სმენია ლომის ხეობაში მსგავსი მოთქმა, იმიტომ რომ მთელი სოფელი ტირიდა, იმიტომ რომ ისინი ერთბაშად შვიდ ვაჟკაცს დასტიროდნენ, ერთის კუბოს მიასვენებდნენ და ექვსი მკვდარი იქ ეგულებოდათ მრისხანე უშბაზე, საიდანაც ამინდიანობაშიც კი იშვიათად ვინმე დაბრუნებულა სალ-სალამათი, იმ ექვსეულისაგან კი, კვირაზე მეტია, ჩამიჩუმი არ ისმოდა. ხო და ახლა შეიღეულს დასტიროდა სოფელი. ჯანღონით სავსე ვაჟებს გლოვობდა.

მერე შესანდობარი დაილია იმათი ყველასი ერთად. შესანდობარი აღიოშა ჭაფარიძისა, ქელემში ონიანისა, გოჭი ზურებიანისა, მუხინისა, რაიზერისა და ტელემაქ ჭაფარიძისა. ექვსიდან სამი აქაურებმა იყვნენ, ადგილობრივი, ლომის ხეობისანი, მაგრამ ამას რა მნიშვნელობა ჰქონდა ამჟამად, გლოვობდნენ ყველას ერთად, რადგანაც მთამსვლელთა შორის გარჩევა არასოდეს არ იყო, შინაურ-გარეული, ყველა, ვინც მთას ებრძოდა, სიმაღლეები იტაცებდა, მზეს ესწრაფვოდა, ერთნაირად საყვარელი იყო მათათა მკვიდრთათვის, ერთნაირად ახლობელი, დასაფასებელი...

და სწორედ ამ დროს ვილატამ დაიძახა: მოდიან, მოდიანო...

ქელეხის ხალხი აიშალა, აიშალა და ჩრდილოეთით თოვლიან მინდვრებისაკენ დაძაბა მზერა, სადაც თითქოს ღრიანკალივით მოფუთფუთებდნენ შავი წერტილები...

— მოდიან... მოდიან... — გაისმა იმედიანი ხმა.

ისინი მწყობრი ნაბიჯით, ერთიმეორის მოყოლებით მოდიოდნენ; მოკვალავდნენ თავიანთ გრძელ და მძიმე ბილიკს, როგორც ტოლნი.

წინ ტელემაქ ჭაფარიძე მოუძღოდით, ბრგე, ახოვანი ვაჟკაცი. ტელემაქს რაიზერი მოჰყვებოდა, მერე კი სხვები...

ყველანი იღიმებოდნენ. ხიფათი გამოვლეს და უხაროდით. მხოლოდ მერე, თბილ კერიას რომ შემოუსხდნენ, მაშინლა დაიკვნესა ტელემაქმა, დაიკვნესა და წაიქცა. ზღართანი გაადინა იატაკზე. და როგორც გაზაფხულზე მზის მხურვალეებისაგან სისველე გამკდარი ლოლები სწყდებიან სახურავებიდან, ისე დაულხვა და გასძვრა ბრგე ვაჟკაცს კოჭებამდე მოყინული ფეხები...

ტელემაქმა ერთი უმწეოდ მიმოიხედა ირგვლივ, თითქოს თავისი, ამ ერთადერთი ამოღვრისა შერცხვაო, სახეზე სიწითლის აღმურამა გადაჟარა...

სხვები გამოერკვნენ, ველარაფერი გაეგოთ, რა ხდებოდა — მათ წინ იწვა უფეხო ადამიანი, რომელიც მთელი გზა წინ მოუძღოდა

ჩგუფს და ყველაზე დიდი ზურგჩანთა ეკიდა. ახლა კი იგი იატაკზე გაშორტილიყო.

რაიზერმა ხმა ველარ ამოიღო, მან ერთი ამოილულულა და დაღუმდა, მერე კი ხრიალი აუვარდა, ხრიალი, რამაც შემდეგში გრძნობა-გონება დაუბნელა სამუდამოდ... წმინდა გიორგიმ მას ზურგი შეაქცია და მწარე განაჩენი გამოუტანა: „მიწა ხარ და მიწად იქეც...“

უშბა კი... ზეიმობდა გამარჯვებას.

მეზამთრეებიც თავის მხრივ ზეიმობდნენ მწვერვალზე გამარჯვებას. ტელემაქიც ზეიმობდა, მერე რა რომ იგი უფეხებოდ დარჩა, რამდენი ვინმე იყო სალ-სალამათი, მაგრამ ზამთრის უშბაზე იშვიათად ვინმე ყოფილა. ეს ფეხები კი ღირდა ზამთრისეული უშბის საფასურად...

მხოლოდ რაიზერი არ იყო მამაცი ექვსეულიდან ამ ქვეყანაზე, მან თავისი განწყობილება იმქვეყნად წაიღო თან. არავინ უწყოდა, რას ფიქრობდა ახლა იგი — უხაროდა თუ ნანობდა, და არც ის უწყოდა ვინმემ — რას უქადდათ დარჩენილთ მათი ბედის ვარსკვლავი. მწვერვალთა ნაპრალებიან გზებზე ყველაფერი იყო მოსალოდნელი.

• •

— ალიოშა ჭაფარიძის, როგორც მთამსვლელის ერთადერთი ნაკალი, თუ შეიძლება ასე ითქვას, ის იყო რომ მან უკანდახევა არ იცოდა, მიუხედავად ყოველგვარი დაბრკოლებისა, იგი შეუპოვარი სიჭიურტით ესწრაფვოდა გამარჯვებას, ბოლომდე რჩებოდა ბრძოლის ველზე — „გამარჯვება ან სიკვდილი“ — ეს სიტყვები ალიოშა ჭაფარიძის დევიზი იყო. და არც აროდეს უნახავთ იგი დამარცხებული.

მხოლოდ 1945 წლის შემოდგომაზე, ერთხელ ზოელი მისი სპორტული ცხოვრების მანძილზე არ გაუმართლა ბედის ვარსკვლავმა. საუკუნოდ ემსხვერპლა თავის სათაყვანებელ უშბას, გვიან შემოდგომაზე გასულმა სამკაცინმა ჩგუფმა უამინდობის გამო ზედიზედ ექვსი ღამე ათია მწვერვალზე, მეშვიდე ღამეს კი ჩრდილოეთიდან მოვარდნილმა ქარბუქმა სამუდამოდ აღგავა მათი კვალი მიწის პირისაგან — ალიოშა ჭაფარიძე, ქელეშბი ონიანი და მუხინი, მამაცი სამეული თავიანთ კარავთან ერთად უშბის მარადისობას შეერწყნენ.

უშბის მწვერვალზე და მის მისადგომებთან 1946 წლის აგვისტოში დაღუპულთა ღსოვნის აღსანიშნავად მოწყობილი ჩრდილოეთი უშბის ექსპედიციის წევრებმა გაბრიელ ბერგიანმა, ბექნუ ბერგიანმა,

გოჯი ზურებიანმა, ჭიჭიკო ჩართოლინმა, მაქსიმე გვარლიანმა, ალექსანდრო ჭაფარიძემ ივანე მარის ხელმძღვანელობით რამდენიმე ღირსსახსოვარი ბარათი ჩამოიტანეს მრისხანე უშბიდან. ეს ბარათები გვამცნობენ. თუ რა ვაჭირვება ადგა მამაც სამეულს და მაინც რა ვაჯკატური შემართებით მიიწვედნენ ისინი მიზნისაკენ...

„საქ. ალპური კლუბის ჯგუფი:

1. ალიოშა ჭაფარიძე (ხელმძღვანელი)
2. ქ. ონიანი
3. ნ. მუხინი

ამოვედით უნაგირაზე კოკინის გზით გულის მყინვარვარდნილით. ძლიერი ქარბუქის გამო ვათიეთ უნაგირზე 6 ღამე. ამინდის გამოუყეტებლობისა და საკონტროლო ვადის, (6 X) მოახლოვების გამო სამხრეთ უშბაზე ასვლას თავი დავანებეთ და ცუდი ამინდის პირობებში ამოვედით ჩრდილოეთ უშბაზე და ვეშვებით უშბის პლატოსაკენ. ღამეს ვათეთ თვით მწვერვალზე.

მწვერვალზე ვნახეთ ა. მალეინოვის ჯგუფის ბარათი დათარიღებული 1940 წლის 7/IX.

ჩვენ კარავში ვართ, გარეთ ძლიერი თოვია. ხეალ აუცილებლად უნდა ვიყოთ უშბის პლატოზე. დავიწყეთ ჩასვლა 6/X 12 საათზე, მიუხედავად ქარბუქისა...”

ეს იყო მამაცი მთამსვლელების უკანასკნელი ხმა ცის დასალიერიდან. ვაჯკატური გადაძახილი თანამოძმეთა გასაგონად, უკანასკნელი გამოსამშვიდობებელი სიტყვები თოვლით განსპეტაკებულ სიმაღლეებთან, ქვეყნიერებასთან. იგი მათა მდუმარებას შეერწყა. როგორც ჭეშმარიტ მთამსვლელთ შეჰშვენით, ისე იცხოვრებს ალიოშა ჭაფარიძე საუკუნოდ მთებთან ერთად, გულზვიად უშბასთან ერთად, ცისიერ ქარიშხლებსა და ვარსკვლავთა ციმციმთან ერთად. ამიერიდან იგი გაიზიარებს ეგრერიგად შეყვარებული „ხელოვნურად ნაგებ ბუმბერაზის“ ავსა და კარგს, ლხინსა და ჭირს...

მაგრამ სულ სხვა იყო გიოს სიკვდილი. უშბის ერთ-ერთი პირველდამპყრობი ტყვიამ იმსხვერპლა, ტყვიამ, რომელმაც კლდის ქიმებზე დახეული ქარის ზუზუნით ამცნო ხეობას უმამაცესი ადამიანის ბრმა აღსასრული.

გაბრიელი კი... გაბრიელიც მთებს შეუერთდა, იმათ მდუმარებაში განიეთდა. მთიდან მომწყდარი ზეავის ღრიალში დაიწვა მწვერვალთა კოცონად დანთებული თავმდაბალი და შეუდრეკელი სული...

■ ■  
უშბა! შიშისმომგვრელად გაისმის ეს სახელი, შიშისმომგვრელად და გამომწვევად.

უშბა! — მრისხანების, ქედუხრელობისა და სიჭიუტის განსაზიერება. ასე იცნობენ მას ყველგან, ჩვენში თუ საზღვარგარეთ. ინგლისში არსებობს მთამსვლელობის „უშბისტოა კლუბი“, რომლის წევრებადაც მსოფლიოს უძლიერესი ალპინისტები მიიღებიან.

უშბა! — საბჭოთა კავშირში მთამსვლელობის განვითარების ყველაზე უტყუარი და მკაცრი მემატიაწე.

რამდენი ადამიანი შეეწირა მის ფრიალოებს, რამდენმა სული გაიღო მსხვერპლად და მის ცივ ყინულებში ჰპოვა სამუდამო სასუფეველი. სხვები კი მწვერვალის მისადგომებიდან ოცნებააუხდენელნა. ნირწაშხდარანი გაბრუნებულან უკან და შემდგომისათვის გადაუღვიათ რეკანშის აღება.

ძნელია უშბაზე ასვლა, მის წვერზე შემოდგომა და ფერხდით გართხმული მწვერვალის დამცინავედ გადახედვა.

დასცინიან სუსტებს, მშიშრებს, უშბა კი ძლიერია, ხელშეუვალია. მიუქარებელია. უშბას არ უნდა, რომ დასცინოდნენ.

მაგრამ მთამსვლელობა ეს არის შურისძიება დაღუპული ამანაგებისათვის. და ყოველთვის, როცა ვაუკაცები წერაყინებითა და მწვერვალთა „ზურგისამწველი“ რკინებით მოჭედილი სამთო ფეხსაცმელებით, ზურგჩანთებითა და დიდი იმედებით შეიარაღებულნი მიემგზავრებიან საიერიშოდ, პირველ რიგში ისინი შურს იძიებენ. ისინი უკვდავყოფენ კლდეებიდან ფერმკრთალ ნოჩვენებებად გაღმომზორალი საყვარელი სახეების ხსოვნას...

• •  
ისინი შურს იძიებენ...

— სხვადასხვა მოსაზრებებით წინა საიერიშო სამზადისი სამეტაბად დავყავით.

პირველ რიგში საჭიროდ მივიჩნიეთ ძირითადი ჰგუფის დაკომპლექტება, მისი საბოლოოდ ჩამოყალიბება, აგრეთვე უშბის რაიონისა და კერძოდ „სარკისადმი“ შეფარდებული, ტექნიკურად შესაბამისი და შესატყვისი, აქაური სპეციფიკური პირობებშისათვის გაოსადეგი საჭურვლის დამზადება და მისი გამოცდა საცდელი ასვლების დრისა.

ფიზიკური მომზადების პროგრამაში შევიტანეთ ვარჯიშები, ტექნიკური ხასიათის ასვლები ციცაბო კედლებსა და ისეთი შვეულა დაქანების კლდეებზე, რომელთა თვისობრივი მონაცემები ძნელად-დასაძლეევობისა და დაქანებულობის თვალსაზრისით „უშბის სარკისას“ უახლოვდებოდა. ფიზიკური მომზადება ითვალისწინებდა აგრეთვე 1964 წლის ზამთარში სათხილამურო მეცადინეობას, ნადირობას, სხვადასხვა ხასიათის სამუშაოების შესრულებას, ეს იქნებოდა შეშის დამზადება, სამშენებლო ქვის მოზიდვა, კარტოფილის თოხნა და სათიბების შემოღობვა, აგრეთვე კლდეზე ცოცვის იმიტაციური ვარჯიშების შესრულება...

მეორე ეტაპით გათვალისწინებული იყო მთელი რიგი სასიმაღლო ასვლები ცენტრალურ კავკასიონზე და არა მარტო სასიმაღლო ასვლები, უნდა გვევარჯიშა კედლოვან მონაკვეთებზე, რათა შესაძლებლობა მოგვეცემოდა მოიერიშე ჯგუფის დაკომპლექტებისა და მისი ძირითადი ბირთვის საბოლოო ჩამოყალიბებისა. რადგანაც წინასაიერიშო ასვლები ფრიად დამქანცველი და მომღლეელი იქნებოდა, შესაძლებელი იყო რომელიმე წევრთაგანს უარი ეთქვა „უშბის სარკის“ იერაშზე, ან რაც მოსალოდნელია მთაში, გამორიცხული არ იყო მთამსვლელთა დაშვება, ტრავმირება, ფიზიკური და სულიერი დეპრესია. სწორედ ამიტომაც, წინასაიერიშო ასვლებს განსაკუთრებულ მნიშვნელობას ვანიჭებდით, იგი ყველა ჩვენთაგანისათვის იქნებოდა ერთგვარი გამოცდა უშბის სარკის იერიშის წინ.

ჩვენს მესამე ამოცანას შეადგენდა ძირითადი მარშრუტის დაწვრილებითი შესწავლა. მოიერიშეთა გუნდის წევრებს საკუთარი თვალთ უნდა ენახათ კედელი, გულდასმით გააცნობოდნენ მას და მერე აზრთა ურთიერთგაზიარების საფუძველზე ერთობლივი დასკვნები გამოეტანა კედლის გავლის მთავარი მიმართულების დადგენაში. უნდა გამოგვერკვია უშბა-ჩათინის დიდი კულუარის — ჩალათის მყინვარის მიდამოებში ძირითადი ბანაკის მოწყობის შესაძლებლობები.

მაგრამ ვიდრე უშუალოდ მთებს ვეწვეოდით, გადავწყვიტეთ ჯერ ჰაერიდან დაგვეზვერა ჩვენი სამოქმედო უბანი. ქუთაისში მომუშავე მესტიელმა მფრინავეებმა სიამოვნებით ითავეს ჩვენი მეგზურობა კავკასიონის უღელტეხილებზე. ისინი შურთხებივით დასტრიალებდნენ თავს მრისხანე უშბას და მზად იყვნენ მისი ყოველი კუთხე-კუნძული ეჩვენებინათ ჩვენთვის. მაღალმთიანი პირობები სულაც არ აშინებდათ მათ. ჩვენ კი გვეზუმრებოდნენ — მთამსვლელები მანამ.

დე იყავით, ვიდრე თვითმფრინავი გაჩნდებოდა, მას მერე კი რალასი მაქნისები ხართ, ჩვენ თუ გაგვეჭიბრებით მწვერვალთა დაყრობა-შო.

ჰაერიდან დათვლიერების მერე კიდევ უფრო გაგვიცხოველდა უშბასთან შებმის სურვილი, მაგრამ ყოველნაირად ვცდილობდით მოძალებულ ცდუნებას არ ავყოლოდით. ვგრძნობდით, აჩქარება ისევე, როგორც ყველა საქმეში, აქაც შეიძლება დამღუპველი აღმოჩენილიყო.

გავაგრძელეთ ვიზუალური დაკვირვება. სულ 20 იენისიდან 10 აგვისტომდე ექვსჯერ გავიდა ჩვენი ჯგუფი ლალამიდან უშბის მისადგომებისაკენ. ამ ხნის განმავლობაში „ჩვენი კედლის“ სხედასხვამხრივი, საგულდაგულო და საბოლოო დათვლიერების ნიღაგზე შევადგინეთ „უშბის სარკის“ მიკრო რუკა. მთელი გასაღწეული მარშრუტი დავყავით უზნებად და მონაკვეთებად. მოვნიშნეთ ღამისსათევი ადგილები, გავითვალისწინეთ ღამისთევის ხასიათი — ძირითადად „ცივი“, ჰამაკებზე დაკიდული ღამისთევისათვის უნდა შეემზადებულიყავით, ეს გარემოება კი უამრავ საზრუნავს გვიჩენდა ყველას. „ცივ“ ღამისთევას არცერთი არ ვიყავით მაინცდამაინც შეჩვეული და შეგუებული. როგორ გადაიტანდა სხეული რამდენიმე ღამე ზედიზედ თოკის ხლართებში „ნეტარებას?“

კედლის გავლის თაობაზე მონაწილეებს შორის იყო აზრთა სხვადასხვაობა, მაგრამ საბოლოოდ მაინც მოვახერხეთ ერთიანი, ყველასათვის მისაღები მარშრუტის, სავარაუდო გზის დადგენა. გავითვალისწინეთ აგრეთვე ამ გზიდან შესაძლო გადახრათა უზნები. ექვსჯერადმა დაკვირვებამ ღრმად დაგვარწმუნა, რომ „ჩვენი კედელი“ მაინცდამაინც ჩინებული „ყოფაქცევისა“ არ უნდა ყოფილიყო. მხედველობაში მაქვს მთელი აღმოსავლეთი ფერდის გაყოლებაზე ჩვენს მიერ შემჩნეული ინტენსიური ქეათაცვენა, მზის ამოსვლიდან ღამის დაღამებამდე, აგრეთვე ხანგამოშვებით, კედლის თავანიდან ნამჭერული ზვაების გაღმოფრქვევა, რასაც თან ახლდა ყურისწამლები ხმაური. ხანდახანაც ყინულის ნატეხები ცვიოდა მალლიდან, ამ დროს ყრუ გუგუნის და საუკუნოვანი თოვლის ლაწანისა და მტკრევის ხმა იდგა.

ჩვენ ვითომ შედარებით „მშვიდობიანი“ მარშრუტი შევარჩიეთ. ვითომო, იმაზე ვამბობ, რომ გვეჩვენებოდა, თითქოს ჩვენს მიერ თვალთ მონიშნულ მონაკვეთზე შედარებით სიმშვიდე და სიწყნარე სუფევდა.



ჩვენს ვარაუდებს მალე პრაქტიკული გამოცდა უნდა გაეელო. მანამდე კი უსაფრთხოობის მიზნით გადავწყვიტეთ მეშახტეთა ქუდებით შევიაარალებულიყავით. იმათი შოვნა სვანეთში ცოტა საძნელო საქმედ გვეჩვენებოდა, მაგრამ, თურმე ვცდებოდით. მესტიელმა მესხანძრეებმა სიამოვნებით დაგვიტემეს თავიანთი ჩაფხუტები — ამ დღეებში საქმე არაფერი გვაქვს და ტყუილად რალაზე დავიმძიმოთ თავი ამ რკინებითო.

## გაუმარჯოს უკანდახევასი..

და აი, დადგა დრო, როცა პრაქტიკულად უნდა შეედგომოდით იერიშისწინა მზადებისათვის შემუშავებული გეგმის განხორციელება. ვიდრე გზას გაუდგებოდით, მთებისაკენ. ჭკუფის ყველა წევრი დაზღვეული იქნა მესტიის რაიონის სოცუზრუნველყოფის განყოფილებაში. ჭკუფის შემადგენლობაში მოხდა ცვლილება, ერთ-ერთმა მონაწილემ — ავთანდილ ახვლედიანმა უარი განაცხადა ექსპედიციაში მონაწილეობაზე. მის ჩაცვლად გუნდში ჩარიცხული იქნა შალიკო მარგიანი სათადარიგო შემადგენლობიდან.

როგორც უკვე აღვნიშნეთ, „უშბის სარკემდე“ ჯერ საცდელი ასვლები უნდა ჩაგვეტარებინა, ჩვენ შევარჩიეთ მწვერვალები, რომლებიც გეოგრაფიულად უშბასთან ახლოს მდებარეობდნენ და აგრეთვე რელიეფისა და ძნელადდასაძლეევობის თვალსაზრისითაც უახლოვებოდნენ მას.

იერიშისწინა ასვლების სვანეთის კავკასიონზე ჩატარების იდეა იმითაც იყო გამართლებული, რომ ჩვენ შესაძლებლობა გვეძლეოდა უშბის რაიონისათვის შესაფერისი აკლიმატიზაცია მიგველო.

პირველად სამხრეთ უშბას შევეუტიეთ. გვინდოდა ეს ასვლა ჩვენს სულიერი მამის, შესანიშნავი ადამიანისა და გამოჩენილი მთამსვლელის გაბრიელ ხერგიანის ხსოვნისათვის მიგვეძღვნა. გაბრიელის გზით ბევრი ჩვენთაგანი არც იყო ასული უშბაზე და სინდისი ქენჯნიდა.

იყო კიდევ ერთი მოსაზრება, რომელიც ნახევრად ცრუმორწმუნეობრივ ხასიათს ატარებდა — რატომღაც ყველას გვჯეროდა, თუ პირველ ასვლას წმინდა და ალაღმართალი კაცის, გაბრიელის გზით მოვახდენდით უშბაზე, მის ნაკვალევზე სიარული უცილობლად გამარჯვებას მოგვითანდა, მშვიდობას დაგვიბედებდა.

გაბრიელის გზა თავის დროზე ურთულესად ითვლებოდა, მაგრამ

დროთა განმავლობაში ქართველი და უცხოელი მთამსვლელების მიერ იგი ისე იქნა ათვისებული, რომ სამხრეთ უშბის ხსენება წინანდებურად თმებს აღარ უყენებს ყალყზე ადამიანს.

ამ გზის პირველი მკვალავეები იყვნენ ძველი თაობის ალპინისტები — გაბრიელ, ბექნუ, ბესარიონ ხერგიანები, ჭიჭიკო ჩართოლანი და მაქსიმე გვარლიანი. მათ გულის მყინვარიდან სამხრეთ-აღმოსავლეთი კედლით შეუტრეს ბუმბერაზს და სვანური ჯაბრალეებითა და კანაფის თოკით აღჭურვილებმა მთელს ლომის ხეობას ამცნეს უშბის ხელ-შეუვალობის ლეგენდის დასასრული.

ეს მოხდა 1937 წელს. ასე რომ, მურათბის მერე იყვნენ ალიოშა და გიო, მათ მერე იყო — გაბრიელი.

ჩვენმა ჯგუფმა სამხრეთი უშბის მეხუთე „ბ“ კატეგორიის მწვერვალი უკან მოიტოვა და ახლა გეზი მის აღმოსავლეთით მდებარე შუროვსკის პიკისაკენ აიღო (მეხუთე „ბ“ კატეგორიის სიძნელის მწვერვალი). ეს მწვერვალი დავიმორჩილეთ ჩრდილო-აღმოსავლეთის მხრიდან.

ამის შემდეგ ჯგუფმა პლატოდან შეუტია მცირე უშბას. პლატოსა და მცირე უშბიდან გავაგრძელეთ „ჩვენი კედლის“ ვიზუალური დათვალიერება. განსაკუთრებულ ყურადღებას კვლავ მის „ყოფაქცევაზე“ ვამახვილებდით, რადგანაც ყველაზე მეტად სწორედ ქვათაცვენისა და ზეავენის გვეშინოდა.

მოსამზადებელი ასვლები დავამთავრეთ ცენტრალური შხელდის დაპყრობით ჩრდილოეთის კედლიდან (მეხუთე „ბ“ კატეგორია).

საცდელი ასვლების დროს, რომელიც 10 ივლისიდან 10 აგვისტომდე გრძელდებოდა, გავიარეთ სამი კედლოვანი. მარშრუტი მეხუთე „ბ“ კატეგორიის სიძნელისა და ჩავატარეთ რამდენიმე სასიძნელლო ხასიათის ასვლა. ამ ხნის განმავლობაში მოიერიშეთა ძირითადი ბირთვის შემადგენლობაში რაიმე ცვლილება არ მომხდარა. ექსპედიციის წევრები კარგად შეეწყვნენ ერთმანეთს, ჩადგნენ ფორმაში და მზად იყვნენ მთავარი ამოცანის შესასრულებლად.

რვა აგვისტოს ჯგუფი გამოემართა შინისაკენ ალპურ ბანაკ „შხელდიდან“, საიდანაც მთელი ამ ხნის განმავლობაში საცდელ ვარჯიშებს ვაწარმოებდით და კვლავ ეწვია უშბის პლატოს, რათა ახლა უკანდასახევი გზა მოგვენიშნა; გამორიცხული როდი იყო ასვლისას უამინდობა მოგვეწეოდა, ანდა სხვა რამ დაბრკოლება შეგვემთხვეოდა. უკანდასახევი გზის მონიშვნა და შეგულება ადრე არ გავცხსენებია და ახლა, როცა ყველაფერი მოთავებულად მიგვაჩნია, უცბად პირიბე

გვარლიანმა ჩამოგვიგდო სიტყვა ამ დაწყებულ „უკანდახევაზე“ პირიბე მეთვალყურეთა ჯგუფის უფროსი იქნებოდა „სარკის“ იერიშის დროს. და ალბათ მის კომპენტენტიაში შედიოდა კიდევ ყოველი შემთხვევისათვის, უკანდასახევი ან მისაშველებელი გზების წინდაწინი შეგულება-მონიშვნაზე ფიქრი.

— ეჰ, თქვა ამანაც... — გადააწიტა პირიბეს ამ ახალი აღმოჩენით არცთუ ისე ნასიამოვნებმა შალიკო მარგიაანმა — ახლა უშბის პლატოზე გაბრუნებას ის მირჩევნია, სულაც ვეღარ ჩამოვალწიო ორკუზიანიდან, გაიგე?

შალიკო მართალი იყო. მწვერვალებმა საკმაოდ გამოგვფიტეს და დაგვალღეს, ახლა დასვენებას არაფერი გვერჩივნა. სხვა რომ არა, ძალღონე ხომ უნდა მოგვეკრიბა მთავარი ასვლისათვის. და ესეც რომ არ ყოფილიყო, არც ის მოგვწონებია მაინცდამაინც, რომ უკანდასახევი გზის მოსანიშნადად უნდა გაებრუნებულიყავით და არა სხვა რამეზე. „უკან დახევა“, ამის გულში გაფიქრებაც კი სამარცხვინო და სათაკილოა ყველა მთამსვლელისათვის.

მაგრამ რალა გაეწყობოდა — პირიბე დაჟინებით მოითხოვდა უკან გაბრუნებას, ამ შემთხვევაში კი იგი იყო ჩვენი უფროსი. ისე, ჩვენაც მშვენივრად გვესმოდა, რომ იერიშის წარმატებით დამთავრებისათვის საჭირო იყო ყოველი წვრილმანისათვის ანგარიში გაგვეწია. მთაში ყოველივესა და ყველაფერს თავისი კონკრეტული სახელი ჰქვია და ჩვენ არ უნდა შეგვშინებოდა მათი ხმამალა წარმოთქმისა. უკანდახევის ხელოვნების ცოდნაც ისეთივე აუცილებელია მთამსვლელისათვის, როგორც იერიშისა, რადგანაც უკანდახევა წინსვლისა და შეტევის ერთ-ერთი შემადგენელი ნაწილია.

ხანდახან კი უკან დახევა გამარჯვების მომტანიც არის, როგორც ბრძოლის ეელზე, ისევე მთამსვლელობაშიც. არ მახსოვს ზუსტად რომელ ალპინისტს ეკუთვნის ეს სიტყვები — „გაუმარჯოს უკანდახევას, რადგანაც სხვა გზები განქარდნენო“.

ჩვენ გავსწიეთ უშბის პლატოსაკენ. მაგრამ ეს კი იყო — ბიჭები კბილებს უღრჭიალებდნენ „ხმაგამწყრალ“ პირიბეს — შენი ოინებია ეს ყველაფერი, მაგრამ ჩავალთ მესტიაში და იქ განანებოი როგორც ჟერ არსო...

მერე მივხვდით, რამდენად სასარგებლო აღმოჩნდა ეს გზობა ჩვენთვის. მთასთან „ფუთი მარილი“ თუ არ შექვამე, ისე ვერაფერს გაიგებ მისას. ამ გზობაზე საბოლოოდ გადაწყდა, რომ ძირითადი ბანაკი ჩათინისა და ჩრდილოეთი უშბის გადაკვეთაზე ჩამოწოლილ კუ-

ლუარის შეაწელზე დაიდგებოდა, მექვიცივით ამობურცული შავი კლდის ძირში, ზღვის დონიდან 3500 მეტრის სიმაღლეზე. სამაშველო და მეთვალყურე ჯგუფები კი ჰალადის მყინვარის ბოლოში, ლეგემერის ქედის თხემზე დაბანაკდებოდნენ. მოიერიშე ჯგუფის წინსვლის შესაბამისად დამხმარე რაზმს თანდათან უკან უნდა დაეხია და საბოლოოდ გულის მყინვარზე გადასულიყო და იქ დაგელოდებოდა.

ამ გზობაზე მოვახერხეთ აგრეთვე ტრასის აგეგმვა და ქაღალდზე გადატანა.

რელიეფურობისა და დახრილობის თვალსაზრისით მთელი მარშრუტი ოთხ ნაწილად დავყავით:

I — კომბინირებული მონაკვეთი. საშუალოდ 65 გრადუსი დაქანებისა.

II — კლდოვანი ფერდობი, 95 გრადუსი დაქანებისა.

III — კომბინირებული უბანი 65 გრადუსი დაქანებისა და —

IV — მწვერვალისწინა თოვლიანი ფერდი 35 გრადუსი დახრილობისა.

ჰორიზონტალური მანძილი ასელის საწყისი პუნქტიდან მწვერვალამდე არის არა უმეტეს სამასი მეტრისა, ხოლო სიმაღლეთა სხვაობა ძირითად ბანაკსა და ჩრდილოეთი უშბის წვერს შორის შეადგენს დაახლოებით ათას სამას მეტრს. ხოლო მწვერვალისწინა თხემის დახრილობას თუ გამოვთიშავეთ საერთო მოცულობიდან, რომლის დაქანებაც 35 გრადუსს არ აღემატება და ამდგ. დ არც არის მხედველობაში მისაღები, ჩვენი კედლის, ეგრეთწოდებული „უშბის სარკის“ საშუალო დაქანება 90 გრადუსამდე აღწევს. ცხადია დახრილობა ყველა უბანზე თანაბარი არ არის, ზოგიერთ მონაკვეთზე იგი მატულობს, სხვაგან კი — კლებულობს.

9 აგვისტოს კედლის მისადგომები მოვიწახლეთ ჩალათის მყინვარიდან. ამ აგვისტოს კი უკვე მესტიაში ვიყავით. აქ, დასვენებულზე, კიდევ ერთხელ გადავავლეთ თვალი მარშრუტს, ჩვენი ექსპედიციის უფროსთან, გამოჩენილ მთამსვლელთან, სპორტის დამსახურებულ ოსტატთან სანდრო გვალიასა და მეთვალყურეთა ჯგუფის ხელმძღვანელ ბექნე ხერგიაანსა და სხვებთან ერთად განვიხილეთ ყოველი წვრილმანი ჩვენს ასვლასთან დაკავშირებით. ცოცხალ მთაბეჭდილებებზე დაყრდნობით გავაანალიზეთ მარშრუტი, გამოვთვალეთ საიერიშოდ საჭირო დრო. დავადგინეთ, რომელ მონაკვეთზე ვინ ვისთან ჩაებმებოდა წყვილში, რასაც ტაქტიკური მოსაზრებებით

დიდ მნიშვნელობას ვანიჭებდით ყველანი. მარშრუტზე გასვლა დავთქვით 12 აგვისტოსათვის. დასვენება ორი დღეა გამოგვდიოდა, რაც საკმარისი არ იყო ძალების მოკრებისათვის, მაგრამ გვეშინოდა ამინდის გაფუჭებისა და ფორმის დაკარგვისა, ამიტომაც ჩვენი აჩქარება ერთგვარად გამართლებული იყო.

## ტიანუანის ლაშქარი...

— წყალი, ჰე, ჰეი, წყალი...

სასოწარკვეთილ ხმას ქარის წივილი ერთვის. კარავში მწოლიარეთ ესმით გულიანი ყვირილ-მუდარა, მაგრამ მათ თავისი გასაჰირი ადგათ, თავისი მწუხარებაც ჰყოფნით. არა და მლაღადებლის ხმა კვლავ და კვლავ ეხმინება გამეფებულ მღუმარებას, სამარისებურ მღუმარებას, რომელსაც კარვის კალთებზე დახეული ქარის წუილი თუ დარღვევს ხანდისხან.

— წყალი, ჰეჰეი, წყალი...

მეზობელ კარავში, სადაც ორნი წვანან, მლაღადებლის ხმაზე ფუს-ფუსი ატყდება.

— ჩქარა, მინაან, ჩქარა... — ეუბნება ამხანაგს მოცახცახე ხმით საძილე ტომარაში ჩათბუნებული ხმამინაველებული კაცი — ცოდვია, მიეშველე, მინაან...

მინაანი გაზქურაზე შედგმულ ჰურქელს დასჩერებია. ჰურქელი თოვლით არის გამოვსებული. თოვლის ბულული თანდათან დაბლა იწევს, გემივით იძირება მოთუხთუხე წყალში.

„ — ჩქარა, ჩქარა, ჩქარა...“ — რეკავენ უჩინარი ზარები.

მაგრამ თოვლი ნელა, ჯიუტად იცვლის სახეს, ეტყობა, ეს გარდასახვა არაფრად ეპიტნავენ და წამი-წამ, წუთი-წუთ იხანგრძლივებს პირველყოფილ სიცოცხლეს, ქათქათა სიცოცხლეს...

მინაანი წუთით შორდება ქვაბსა და ციებიანთან მიდის. იგი წევს, ხნავის და კვნესის.

— მოიტა, მოიტა, მანამდე ხელები...

— ხელები? — უკვირს მწოლიარეს მინაანის ნათქვამი.

— მოიტა, გაიგე, მოიტა...

— ხელები? — გონებას დაბავს ციებიანი

— ჰო, ხელები.

მერე ნელ-ნელა ამოაქვს საძილე ტომრიდან გათოშლილი მკლავები და სიგრძეზე ილაგებს.

მინაანი მწყურვალეით ეცემა მოცახცახე მკლავებს და თავის სითბოს უნაწილებს მათ. ძარღვიანი, ღონიერი თითებით ჩააფრინდება გაყინულ ძვალ-ძარღვს და სახინკლე კომივით ბუზნის და ზელავს.

— არა... არა... არა... — ჩუტად გაიძახის ციებიანი — არა, არა... გაჩუმდი, შენ გაჩუმდი...

— არა... არა.. — მკლავებს ინთავისუფლებს იგი, მაგრამ ძალა არ ჰყოფნის.

იქით ორკიოლი თუხთუხებს, თუხთუხებს, თოვლი კი ისეე გაუმდნარია, ვიდრე გადნება, დრო აქვს, მანამდე შეუძლია იმუშაოს.

— ჯერ არ გამდნარა, გაიგე? რო არ გამდნარა, ეს ოხერი?

— მიუტანე, წყალი მიუტანე... — იძახის ციებიანი.

ხორცი იზილება, ისორსლება თითებს შორის. თანდათან თბება, დამზრალ კაბილარებში მაცოცხლებელი სისხლი იწყებს მიმოქცევას.

იმას მიხედვით, ჯერ იმას მიხედვით. არა... არა... არა... — თავის მკლავებს ებრძვის ავადმყოფი, იწმაწნება, იღვლარქება, თავის დაძვრენას ლამობს, მაგრამ მინაანი ისე მაგრად ჩაფრენია, თითქოს მაცხოვარის ეზოში ვინმე გებურგიელს ეჭაჯუტებოდეს. აქეთ ლაღამელებია, იქით სეტ-მესტიელები.

— არ შეგვარცხვინო, მინაან... — აგულიანებენ თავის ფალავანს მასპინძლები.

— ლიძელბე ნუ იქნება, ლიძელბე ნუ იქნება... — ამხნეებენ თავიანთ მებურგიელს სეტ-მესტიელები.

მოედანზე ყოვლისმომცველი ჩოჩქოლ-ხმაური გამეფებულა.

— აბა, შენ იცი, მინაან... აბა შენ იცი... — მოესმის ათას მთაშ მიღმიდან თავისიანების მავედრებელი ხმა. თეთრი ანტონი მოსძახის ლანჩვალისაგან, მამა ბესარიონი აგულიანებს, ბექნუ კი მუნჯურად უხსნის რალაცას.

„ჩქარა... ჩქარა... ჩქარა...“ — იძახის კარვის ქიმზე ქარი.

ორკიოლი კი თუხთუხებს. თეთრი გემი კი ჩაიძირა. ჩაიძირა... კიდევ კარგი დროზე ჩაიძირა.

— მალე მოვალ, გაიგე, მალე მოვალ... — ხმამაღლა უყვირის მინაანი ამხანაგს და მკლავებს საძილე ტომარაში უფუთნის — მე ახლავე მოვბრუნდები...

— წყალი... აუ, წყალი... — ისმის ყვირილი მეზობელი კარვიდან.

— წყალიიიიი.. იიი — გაჰკივის კარვის კალთებზე ქარი.

მინაანი გამოდის გარეთ და ფორთხვით მიიწევს მეზობელი კარვისაკენ. გარეშემო უკაცრიელი, ათასი მოლანდებებითა და ქაჯ-ემ-მაკებით აღსავსე მღუმარება და სიჩუმე გართხმულა. ყინულის მარწუხებში ცისიერი სიჩუმე თითქოს ცახცახებსო, ქარის წუილი მოთქმა-გოდებად გაისმის შორეთში... აღარც ვარსკვლავები კიაფობენ, რომელთა საუფლოშიც ისინი იმყოფებიან ახლა, აღარც სხვა რამ ორიენტირი მოჩანს ახლო-მახლო.

ყოველივე მღუმარებასა და წყვილიადში განქარვებულა. აღარ არსებობენ ლამპიონებით გაჩახჩახებული დიდი ქალაქები, აღარც მოლიცილიცე ზღვებია ამ ქვეყანაზე, აღარც გზაშარა, სამშვიდობოს გამავალი. არის წყვილიადი, არის თოვლი, თეთრი მღუმარება, ყინული და ქარი. არის უფსკრული და წაფარნები. არის ზმანება, ხმა მლალადებლისა უდაბნოსა შინა და სიკვდილის შიში. როკავს იგი, გამარჯვების სიმღერას მღერის. სიკვდილი იმარჯვებს, სიკვდილი ახლოა. ეს სიკვდილი იძახის:

— წყალიიი... იიიი. — შემზარავი, საშინელის ხმით იძახის იგი. აუ, რა შიშისმომგერელი, არაამქვეყნიური ხმა აქვს სიკვდილს, ხმა საზარელი, ხმა იღუმალი, საიქიოს ხმა.

მესანგრესავით მიხობავს თოვლზე. ოკეანის უსასრულობაში მოსროლილი მეზღვაურივით მოიქნევს ხელ-ფეხს, ირგვლივ უფსკრულეზია, ქარაფებია. ახლა ისინი უკუნეთს შერწყმიან, მინაბულ-მიყუყულან, მაღღურად ჩასაფრებულან, ეს კარგად იცის „მეზღვაურმა“, — ფრთხილად... ფრთხილად...“ და მას ახსენდება ლხინსა და ქეიფში, ფიხვნობაში მეგობრის ნათქვამი ლექსი: „აქეთაც ქარაფებია, იქითაც ქარაფებია, მოკვდები? — არაფერია ვიცოცხლებ? — არაფერია!“ მაგრამ ახლა სიცოცხლე აუცილებელია, სიკვდილი ისედაც მოდის, სიკვდილი ახლო-მახლო დაბორილობს, და სიცოცხლე აუცილებელია, რათა აღრე თუ გვიან განდევნოს იგი ახლო-მახლოდან, რათა არ ამოაყორებინოს მას გაუმადლარი ჯაშვი. ამიტომაც ექსპრომტად ნათქვამმა ლექსმა ამ წუთში დაკარგა ის მნიშვნელობა, რადგანაც სიცოცხლე აუცილებელია, აუცილებელია იგი სხვა სიცოცხლეთა გადასარჩენად. ქარაფები არის, აქეთაც არის, იქეთაც არის, მაგრამ სიცოცხლეს არის. აი, იგი ფრთხილად მიხობავს ეშმაკის თხემზე მეზობელი კარვისაკენ, საიდანაც კენესა და ლალადისი მოისმის:

„ — ოღონდ არ გაიყინოს, ეს მოთუხთუხე ორკიოლი ამ გამთოშველმა ქარმა არ გაყინოს“ — ჩქარობს, ჩქარობს მინაანი...

— წყალი... წყალი... წყალი...

სიკვდილის ხმაა ეს. იმქვეყნიური ჩქამია.

— აი, წყალი... მოგიტანე, წყალი... ნუ გეშინია, აქა ვარ, აი, აქა ვარ.

კარავში ოთხნი წვანან, მეხუთე ძლიეს პოულობს სათავისო ადგილს. იგი გრძნობს, მის ხმაზე როგორ შეტოკდებიან გაყურსული ლანდები, ხოლო ერთი მათგანი ზეზე წამოიწევა და ხელებს გამოიშვერს მისკენ.

— მომეცი, მომეცი... — ამბობს იგი.

— დამატადე, რა მოგივიდა, დამატადე... — არ აძლევს წყლიან ორკიოლს მინაანი.

— მომეცი, რა, ჩქარა... — მკლავები გამოიწოდა ისევე მწყურვალმა.

მინაანმა იცის, რომ ამ გაყინული ხელებით ორკიოლს კი არა, ასანთის კოლოფს ველარ დაიჭერს, ძალა აღარ ეყოფა, იცის და არ აძლევს ხელში. ახლა წყალი რომ დაიღვაროს, ისევ თავიდან დაიწყება ყველაფერი.

— აჰა, დალიე, ჩემი ხელიდან დალიე, ოღონდ ნელა მოსვი, ნელ-ნელა მოსვი...

მწყურვალი ხვრებავს. სულმოუთქმელად ცლის ორკიოლს. მერე ხნაველით ამბობს:

— კიდევ მინდა, კიდევ...

— მაინც როგორ მოხდა ყოველივე? — გვითხება მინაანი მეოთხეს.

— ქვევით გეტყვი, ჩავალთ და იქ მოგიყვები... — ოღნავ მშვიდდება იგი.

მინაანი ახლა იმას ეფათურება მკლავებზე. სახელოებს უკაპიწებს და ღონიკრად უზელს. იცის, რომ ყოველივე ამას და უსარგებლოა, მაგრამ ვიდრე არ დაიღვება, მაინც უნდა ებრძოლოს, უნდა ეცადოს, ეს მისი ვალია. ვიდრე ძალა შესწევს, უნდა იმუშაოს. სიკვდილმა უკვე დაიძახა. ყოველივე ამას, უსარგებლო და გვიანია. მიქელ გაბრიელი რა ხანია ამოჰყვა წარაფებს, ამოვიდა დედამიწიდან ცისიერეთში და კარს არის მომდგარი. ამ სიშორიდან ხელცარიელი არ დაბრუნდება, მიქელს არ უყვარს ამოდ გარჯა. საიჭიოს ჭურღმულები ამოიარა, მერე ამ ცისიერეთში ამოვიდა, ამდენი ქარაფ-უფესკრული გადმოლახა და ახლა ხელცარიელი არა და არ გაბრუნდება...

— მაინც როგორ მოხდა ყოველივე, რანაირად ჩავარდით ამ დღეში, ა? — კვლავ გაუმეორა კითხვა მინაანმა მეოთხეს. მას აინტე-



რსებდა ეს ისტორია, უცნაური და გასაკვირი ამბავი ჯერ კიდევ რამდენიმე საათის წინ საღ-საღამათი, ბრძოლის უინით აღსილი აღამიანებისა.

— აი, ჩავალთ ქვევით და გიამბობ, იქ გიამბობ... — ნაწყვეტ-ნაწყვეტად ამბობს მეოთხე.

მათს საუბარში მეორე ერევა; იგი იმედიანი კაცის ხმით ლაპარაკობს:

— მე და ილიკო მწვერვალის მისადგომთან ზურგჩანთები მოვიხსენით, ამხანაგებთან დავტოვეთ, რად უნდა გვეთრია ტყუილებრად. ჩვენც ავდექით და დავტოვეთ და ერიოხინის წერილის საძებრად გავეშურეთ. მწვერვალზე ვნახეთ 1956 წელს აბალაკოვის დატოვებული ბარათი. გვინდოდა ერიოხინის წერილი მოგვეხსნა როგორმე...

მეოთხეს რაღაცის თქმა სწადია, მაგრამ ენას ვერ სძრავს. ერთხანს ხრიალებს, მერე როგორღაც აკოწიწებს სიტყვებს:

— მინაან... იცი, მინაან, როგორ მეცოდები, მალღა რომ ვერ ამოხვედი, ძალიან მეცოდები, გაიგე?

— თქვენთან როგორი ამინდი იყო? ზევით კი ერთმანეთს ველარ ვარჩევდით, ისეთი ღრუბელი იწვა. მე და ჯუმბერი ერთგან მოვწყდით, მაგრამ ბედად თოკი უინულებში გაეჭედა და როგორღაც გადავრჩით. აი ეს მხარი მაშინ დავიშავე... — თქვა მესამემ.

— უჯან რომ გამოვბრუნდით, ამინდი შეიცვალა, ირგვლივ ბურუსი ჩამოწვა, ეტყობა ცუდ ფეხზე ვიყავით ამღგარი, ზურგჩანთები ვერღარსად ვნახეთ. — თავი წამოყო მეორემ — ვიფიქრეთ, აღბათ ქარმა თუ გარტაცა ჩვენი ბარგი-ბარხანათქო... სამიდან ერთი იყო — ან ქარმა გაიტაცა, ან თოვლმა ჩაჩუშქრა, ანღა მხარი გვეცვალა... ყოველშემთხვევაში ჩვენი საქმე ცუდად წავიდა. ვგრძნობდით, ამღღამ ოხერი ტიანშანის ქარი ჩვენგან თოვლის ბაბუებს გამოაცხობღა... რა გრძნობღა ეს, იცით? თუ არ განიცადღ კაცმა, ისე ვერ მიხვდებღ... გახსოვს, მინაან, თქვენი დატოვებღ არ მინდოღღ, აღბათ გული მიგრძნობღღ, რომ ამ ღღეში ჩავვარღებოღღით... ხომ გახსოვს?

## გულიც რკინის და აბჯარიც რკინის..

— მოსამზადებელი პერიოდის განმავლობღში შერჩეული და დამზადებული იქნღ სხვადღსხვღ სახის და მოღღელის პალოშლიამბური.

ჩვენს მიერ დამზადებული სამთო საქურველი შესამჩნვეღღ განს-

ხვადებოდა საბჭოურ მთამსვლელობაში დღემდე ნახმარი და გამოყენებული სასიმაღლო-საექსპედიციო საქურველისაგან. მაგალითად — ჩვენი კონსტრუქციით დამზადებული შლიამბურული პალონები გაცილებით უფრო მსუბუქი და ადვილად მოსახმარებელი იყო მათს წინამორბედებთან შედარებით, რასაც დურალუმინისა და ტიტანის გამოყენებით მივაღწიეთ. ამავე მეტალების გამოყენებით შევამსუბუქეთ კარაბინების წონაც. სუფთა კაპრონისაგან დამზადებულმა „რეპშენურებმა“ ერთგვარად შეამცირა სამთამსვლელო საქურველის საერთო წონა.

პალონებს ნაირსახეობამ, მათმა დიდმა ასორტიმენტმა შესაძლებლობა მოგვცა „უშბის სარკის“ უმნიშვნელო პორიც კი ჩვენს სასარგებლოდ გამოგვეყენებინა. შევიმუშავეთ აგრეთვე ახალი კონსტრუქციის „მოედნები“, ეგრეთ წოდებული „პლატფორმები“, რომელთაც ნაძვილად გაამართლეს ჩვენი იმედი.

„სარკის“ ზედაპირის სიგლუვისა და დახრილობის გამო, როგორც ზემოთაც ითქვა, რამდენიმე დამისთევა დაკიდულ მდგომარეობაში მოგვიწევდა. დამისთევისათვის რომ ცოტა „კომფორტული“ იერი მიგვეცა, რაზეც დიდად იყო დამოკიდებული ჩვენი შრომისუნარიანობა და საბრძოლო განწყობილება, გადავწყვიტეთ ჰამაკებით მოვმარაგებულიყავით. ჰამაკები „დაეწანით“ სახელდახელოდ, მაგრამ უნდა ითქვას, რომ მათ მაინცდამაინც ვერ გაამართლეს იმედი. „საწოლებს“ შემდგომი დამუშავება და სრულყოფა სჭირდებოდა.

\* \*

— როგორ არ მახსოვს, აბა მეტი რა მახსოვს. შენ თქვი — მეც დავრჩებო, მაგრამ სამნი ხომ არ ჩაებმებოდნენ ერთ თოჯში, პოლდა აგიყოლიეს წყვილ-წყვილად რომ გველოთ, შენც აგიყოლიეს...

— მე გული მიგრძნობდა, ხომ ვითხარი, გულმა მიგრძნო-მეთქი... — გაიმეორა მეორემ.

— ეს მოგონილი ამბავია, გული არაეის არაფერს არ უგრძნობს. გული მუშაობს, სისხლს აწვდის სხეულს, წხვა რამ გრძნობა მას არ გააჩნია — თქვა მესამემ.

— არა, ყველა ისე როდია აწყობილი. ზოგს მგრძნობიარე გული აქვს. ჩვენ ალბათ მგრძნობიარე გულისანი ვართ. ყველა ერთნაირი გულის კი არ არის...

— ჩვენ ოდნავ დაბლა დავეშვით, იქ კარავი გავშალეთ და და-

ველოდეთ. იმათ ვეძახოდით და ვუყვიროდით, მაგრამ იმ ქარსა და წყვდიადში რას გავაგონებდით, ხმაც იმაზე ჩაგვეხლიჩა. სხვა რა შეგვეძლო ჩვენ უბედურებს... — ამბობს მესამე.

— რა არის, იცი? თბილად გვეძინაო, კარვებში გვეძინაო, მაგრამ აბა წარმოიდგინე, შენი ამხანაგები სადღაც მშვიერ-მწყულოვალნი და შეცივებულნი დაბარგანაობენ, სიკვდილს, ქარის მოძალემას ებრძვიან... ამ დროს შეიძლება კაცმა თბილად დაიძინოს? გინდაც სამეფო საწოლში იწვეს, შეიძლება ერთი წუთითაც მოხუქოს თვალი? — ამოიღგა ენა პირველმა — თემო მართალს ამბობს, ზოგს ბოჩოლასავით საწყალი გული აქვს, ზოგის კი ტყვიას აისხლეტავს. ყველა ათვის ერთნაირი გული არ უბოძებია მამაზეციერს...

— მიწაჲ, იცი, რა? — ამოიხნავლა მეოთხემ — მეცოდები, ძალიან მეცოდები მწვერვალზე რომ ვედარ ამოხვედი. ყველა მეცოდება, ვინც იქ ვერ ამოვიდა...

— მიხეილი როგორ არის? რას ამბობს ჯვენზე? — იკითხა მეორემ.

— მიხეილი? — დავრდომილის ზელა არ შეუწყვეტია მინაანს, ისე გაეპასუხა — რას უნდა ამბობდეს მაინც? რა ეთქმის რო...

— ალბათ ნაწყენია. ვიცი ნაწყენი იქნება... — თქვა ფრთხილად მეორემ და დანარჩენებს გადახედა, თითქოს იმათი აზრის გაგება ეწაღაო

— ვერ არის კარგად, არ ვიცი, რა იქნება... ძალისძალად კი გამომაგდო თქვენთან — იმათ მიხედო...

— არ უნდა მიგვეტოვებინა, შენს ანაბარა არ უნდა მიგვეტოვებინა — თვალები აუწყლიანდა მეორეს.

წუთით უხერხული ღუმილი ჩამოვარდა. არავის არ სურდა ამ თემაზე საუბრის გაგრძელება. ახლა განსჯის თავი არავის ჰქონდა. არც იყო იმისი დრო. ყველას თავისი სადარდებელი, თავისი ფიზიკური თუ სულიერი სატკივარი გასჩენოდა და ის აწუხებდა. დღემიწა მონატრებოდით აღამიანებს... აღამიანთა მიწა... მაცდუნებლად ზიზნიმებდა იგი სადღაც ქვევით, ათას ქარაფსა და ნაპრალს მიღმა. მშობლიური ქვლაქის ლამპიონები ციმციმებდნენ შორით. ნაცნობთა სახეები, დიდი ხნის უნახავი სახეები ირეოდნენ სივრცეში. მაცდური იყო შორეული მოჩვენებები. მაცდური და ამავე დროს ერქოლვის მომგვრელი. სახიფათო იყო მათი ეგრერიგად მოძალემა, სახიფათო და დამლუბველი. ყველას სადღაც მიეჩქარებოდა, რაღა სადღაც, დაბლ მიეჩქარებოდათ ყველას. აჩქარება კი საშიში და სახიფათო იყო, სახიფათო და დამლუბველი...

და არაუის ეცალა ახლა განსასჯელად. პირადი, სხვისთვის, ჩალისფასად ღირებული სურვილ-სატიყრები წამოშლილიყვნენ გრძნობაგონებაში. მთელი ეს ხანი საერთო, ზოგად საქმეს ემსახურებოდნენ, საკუთარი და პირადი აღარ არსებობდა მათთვის, საკაცობრიო სიმაღლეებს ერკინებოდნენ და იმისი დამორჩილები სურვილით ანთებულნი ცისაერეთში ისწრაფვოდნენ. ახლა კი მიზანი მიღწეულია და მათ აქვთ უფლება პირადზე, საკუთარზე იფიქრონ, მიწასა და ქალაქებზე, კომფორტსა და ლამაზმანებზე იფიქრონ.

და ამიტომაც არაუის ჰქონდა ახლა განსჯის თავი.

მხოლოდ მეორეს ველარ მოესვენებინა. მას ეტყობა, სხვებზე მეტად ჰქენჯნიდა სინდისი:

— ამას ვერც გაამხელ ვერსად. ამხანაგი მიატოვეს და თვითონ მოქუსლეს მწვერვალისაკენ... ასეთ გამარჯვებას არც რა მაღლი აქვს...

— აბა, რას ამბობ, ეგ რა სათქმელია, ამხანაგი მიატოვესო. მინანს ჩავაბარეთ იგი, მორჩა და გათავდა. მინანს რომ ჩააბარებ კაცს, იგი მიტოვებულად არ ჩაითვლება... შენ შეუძლოდა ხარ და ის გალაპარაკებს ასე... — გაეპასუხა მესამე.

მინანმა წუთით მიატოვა მეოთხე და მეორესთან გაჩნდა. მეორეს მართლაც უჭირდა. ეტყობოდა რომ ძალიან უჭირდა, ლაპარაკისას ხრიალი გაერეოდა ხმაში, ხანგამოშვებით ყრუ კენესა აღმოხდებოდა უნებურად.

— არა, მე არაფერი მიშავს. იმას მიხედე, მე რა მიჭირს.

— ერთი დაგიაროს, არ გაწყენს. თავისებურად დაგიაროს, მოგიხდება... — უთხრა მას პირველმა.

— არა სჯობია, იმას მიხედოს, ან მიხოსთან გავიდეს. მარტოხელას მიხედავს. მარტოხელა კაცი ჰამაშიაც ბრალიაო.

— რმან თქვენთან გამომაგდო. იმათ უპატრონეო... ესიც შენსავით ეძახდა, იმათ მიჰხედე, მე არაფერი მიშავსო... — ძალისძალიად აუკაპიწა სახელოები მინანმა მეორეს.

მეოთხემ კვლავ სცადა წამოწევა, მაგრამ ველარ შესძლო, მხოლოდ ოდნავ იცვალა გვერდი საწოლში და ისე ამოიხნავლა:

-- ძალიან მეცოდები... ძალიან მეცოდები...

იგი თითქოს ძილბურანში იყო, ისე უაზროდ წარმოსთქვამდა ამ ხიტყვებს, ბედნიერი კაცის იერით წარმოთქვამდა, ყოველშემთხვევაში სურდა მაღალფარდოვნად გამოეხატა თავისი აზრი, მაგრამ ხმა არ მოსდევდა. ხრიალში კი მაღალფარდოვნება იკარგებოდა.

— იცი, რა სანახაობა გადაიშალა ჩვენს თვალწინ? მართალია მხოლოდ ერთ წუთს განიხვანა ცისკიდური, მხოლოდ ერთ წამს მოიხსნეს მთებმა საბლარდნელი, მაგრამ ისიც საკმარის იყო... ჩვენს ფერხთით მსოფლიო განფენილიყო. მთელი მსოფლიო იქ იწვა, მთების ძირში, გასპეტაკებული მწვერვალები ამაყად დასჩერებოდნენ შავად მოზიმზიმე ქვეყნიერებას... შორით ჰიმალაის ბუმბერაზები მოჩანდნენ, მაგრამ ჩვენი მწვერვალი იმათაც მაღლიდან დაჰყურებდა, ერთი სიტყვით. ყველაზე მაღალი ადამიანები ჩვენ ვიყავით იმ წუთში, მსოფლიოს ყველაზე მაღალი ადამიანები... ამიტომ ვიძახი— ყველა მეცოდება — მეთქი.

შენი ამდენი ლაპარაკი არ შეიძლება. — გააწყვეტინა მეოთხეს ჰირველმა — გაიგე, არ შეიძლება...

— ვინა თქვა... ჩემთვის ყველაფერი შეიძლება, უკვე ყველაფერი შეიძლება. — ჩაქირქილება სცადა მეოთხემ, მაგრამ ცარიელი ხრილი კი აღმოხდა — ნეტავი სიმღერა შემეძლოს, იცი, რას ვიმღერებდი? „ბუბა-ქაქუჩელას“ ვიმღერებდი... ამ სიმალეზე ბუბა ქაქუჩელა ჯერ არავის უმღერია...

— საკმარისია, ჩემი ულუფა მივიღე. ახლა მარტოხელას გაჰხედე. ჩვენ სამნი არა, ოთხნი ვართ, ჩვენ რა გვიჭირს, მარტოხელას გაჰხედე, გუშინ რომ მივატოვეთ, ისიც ეყოფა... ჩვენ არა გვაქვს უფლება... არა-მეთქი... — დაითრია მკლავები მეორემ.

— თქვენი არ ვიცი და... მე ყველაფრის უფლება მაქვს უკვე... რასაც მინდა იმას გაეკეთებ. შენ რას იტყვი ამაზე, განა ასე არ არის, ჰა, ასე არ არის? — მიმართა მან მეორეს.

— არა ხარ მართალი, არავის არ აქვს უფლება შუა გზაზე მიატოვოს დავრდომილი, არავის ამ ქვეყანაზე. ვინც ასე იქცევა, ის მუტრუკია, გაიგე, მუტრუკია და მეტი არაფერი.

— აი ნახავ იმასაც. ნახავ და მერე თუ ილაპარაკებ ასე... — სევდანარევი კილოთი გაეპასუხა მეოთხე.

— რაზე ამბობ ამას? რა უნდა ნახოს მაინც? — ვერაფერი გაიგო მესამემ — თუ მაინც არ იშლი ლაპარაკს, გასაგებად გვითხარი...

— მე იმას ვამბობ, ყველაფრის უფლება მაქვს-მეთქი. თქვენი არ ვიცი და მე ყველაფრის უფლება მაქვს უკვე. აი, რომ შემეძლოს „ბუბა ქაქუჩელას“ ვიმღერებდი. შენ მოგისმენია როდისმე „ბუბა ქაქუჩელა“? ალბათ არ მოგისმენია და იმიტომ ხარ წინააღმდეგი. იცი, რაზეა ის სიმღერა? ღვინოსა და ქალებზე... ეს ორი რამე კი

მთავარია ცხოვრებაში, იქნება ვცდები? ღმერთო ჩემო, ნუთუ ამაშიც ვცდები?

— ღვინო? რაღა მაინცდამაინც ღვინო? რა, არაყი ნაკლებია? — არ დაეთანხმა მესამე.

— მაშინ ქალებიც შეეცვალოთ. რაღა მაინცდამაინც ღვინო და ქალები — ჩაერია მათს კამათში პირველი — არაყი და... არაყი და... მოიცა, რიდათი შეცვლი ქალებსა? აი, შინ რომ გველოდებიან, შორეულ გზებს რომ გამოსცქერიან, იქ ქალებს რითი შეცვლი? იქნება მოიგონო სხვა სიტყვა? ნუთუ ქალის შეცვლა შეიძლება რითიმე?

— ისევეა ღვინოც. როგორც იმას ვერ შეცვლის არაყი, ისე ქალს ვერ შესცვლის ვერაფერი. ქალი ქალია, ღვინო — ღვინო. არაყი სულ სხვაა, ბურახი და გლიასე...

— ეჰ, შენც აჯობე რაღა... მოდით რა, ფილოსოფოსობას შევეშვათ. მე ძილის მომხრე ვარ. თქვენა? — იკითხა მესამემ, — მამ ასე, მე მძინავს უკვე...

— ჰო, ძილი კარგია. ვინ იცის, იქნებ მიწა იხილო სიზმარში, ქალაქები და ნაცნობი სახეები... ძილს რა შეედრება მართლაც, მაგრამ ილიკო? ილიკო რო ვერ დაიძინებს? მოლანდებებისა და ზმანებათა ანაბარა მივატოვოთ? — ამხანაგებს გადახედა მეორემ.

— ისიც დაიძინებს. ნახავთ თუ არა. თანდათან მოითენთება და დაიძინებს. — თქვა საძილე ტომარაში ჩათბუნებულმა მესამემ ბურღლუნით.

— შენ ასე ფიქრობ? თემო, მინაან, თქვენა? თქვენც ასე ფიქრობთ? თუ ყველანი ამ აზრისა ხართ, მართლაც დავიძინოთ. რაღას ვუტდით მართლაც? თუკი ასეა, ამას რა ჯობია. მიწაზე ფიქრში ისე ტკბილად ჩამეძინება...

— ჩემზეა ლაპარაკი? — უცბად წამოსწია თავი მეოთხემ — მე ღმერთებს ვესაუბრე ახლა. იმათაც მიჩიჩიეს, დაიძინეო, მაგრამ მე ყველაფერი ავწონ-დავწონე და გადავწყვიტე ვიფხიზლო.

ასე სჯობია. დილამდე ვიფხიზლებ მერე კი დავიძინებ.

გული მიგრძნობს, რომ ასე სჯობია.

დილამდე კი შემიძლია ვიმღერო.

აკი კირილს არასოდეს მოუსმენია ჩვენებური სიმღერები.

ძილში მუსიკა კარგია.

ფერად-ფერადი სიზმრები იცის.

დილამდე რამდენ რამეს იმღერებს კაცი.

ამიტომაც გადავწყვიტე ვიფხიზლო.

ღმერთებმა თავისი მითხრეს. მე ჩემსას გავაკეთებ, იმიტომ რომ გულმა ასე მიკარნახა. ჯერ გულია მბრძანებელი, მერე კი — ღმერთი... მე მგონი, ყველაფერი გასაგებია. მე მგონი, ახლა მაინც გასაგები ენით ლაპარაკობ, ა? — შეეკითხა იგი მესამეს და პასუხისათვის არ დაუტვლია, ისე განაგრძო:

— ხოლო დილას ჰათს განკარგულებაში გადავალ...

მანამდე კი ნუ მიწყენენ.

და საერთოდ ნურავინ ნუ მიწყენს.

თქვენ რომ დაიძინებთ მე ერთ სიმღერასაც გავიხსენებ.

ოდესლაც ძალიან მიყვარდა ის სიმღერა, ჰო, ბავშვებზე იყო, მომლოდინე ბავშვებზე, ნანადირევის ხორცი რომ მოჰნატრებიათ და ნერწყვმომდგარი გასტქერიან მთათა ბილიკებს, იქნებ სანატრელი ბამა გამოჩნდეს საღმეო.

მაგრამ იგი არა და არა ჩანს.

ეს სიმღერა მგონი ბევრჯერ მიმღერია.

შინაარსი კარგად მახსოვს, მაგრამ მოტივი ვერაფრით ვერ გავიხსენე.

არ ვიცი, მართლა კი მიმღერია როდესმე?

მაგრამ ამას რა მნიშვნელობა აქვს, ახლა მაინც ვიმღერებ, სხვა მოტივზე ვიმღერებ ამ სიმღერას.

რომ არ ვიმღერო, გავგიჟდები.

ნუთუ გაუგებარია რასაც მე ვამბობ?

ა, კირილ, იქნებ შენ მოგისმენია ეს სიმღერა?

ჰო. ბოდიში, თქვენ დაიძინეთ ახლა.

დაიძინეთ, გეთაყვა.

მე კი ფერად-ფერად სიზმრებს გამოგიგზავნით.

მამ, ასე...

— მინაან, შენ გეძახიან. გარეთ გეძახიან — უთხრა მუხლმორთხმულ ამხანაგს მეორემ. — აქ უკვე არღარა გესაქმება. ჩვენ მივირთვით ჩვენი ულუფა. აქ ფუჰჰალ გასცდები, მეტი არაფერი...

— „მაინც როგორ მოხდა ყოველივე?“ — ფიქრობდა თავისთვის მინაან. იგი ხოხვით გამოვიდა კარებიდან და ხოხვითვე განაგრძო გზა. იგი არც დაღლილობას გრძნობდა უკვე და არც უძილობას. ერთადერთ ფიქრს შეეპყრო მთელი მისი არსება — „მაინც როგორ მოხდა ყოველივე?“ — მერე გაახსენდა კირილის ნაამბობი. გაახსენდა და კიდევ ერთხელ წარმოუდგა თვალწინ მწვერვალზე უკარვოდ, უსაძილეტომროდ დარჩენილი ადამიანები. ისინი წამოწეულ ლამის წყვედიადში

თავშესაფარს, თბილ ტანისამოსს, სასუსნავეს დაეძებენ. ჩოქვით, ფორთხვით, ხობვით, რანაირად არ დაეძებენ, მაგრამ ქარის წივილისაგან გამოყრუებულნი, ნამქერისაგან თვალბდასებულნი ვერაფერ სანუგეშოს ვერ ნახულობენ. ისინი ებრძვიან მოახლოებულ სიკვდილს. ჭიდაობენ და ბულრაობენ, ყვირიან და ღრიალებენ. მაგრამ დაღლილ სხეულს მაინც თავისი გააქვს, იგი ძილს მოითხოვს, ახლა ძილი კი სიკვდილს ნიშნავს.

„ცივი ღამისთევია... ცივი ღამისთევია...“ — ვიატაუს მწვერვალი აგონდება მინაანს. ო, რამდენი წლის წინათ მოხდა ეს ამბავი, მაშინ იგი გინგლიანი ბავშვი იყო. ვიატაუზე მოუხდა „ცივი ღამისთევია“. მაგრამ საღ „თბილ“ კავკასიონზე „ცივი ღამისთევია“ და საღ მრისხანე ტიანშანის ქედზე, მითუმეტეს იმ გადასაკარგავ სიმაღლეზე... და მიხეილის გონებაში კვლავ წამოტივტივდნენ მთამსვლური სიმღერის სტრიქონები:

Зачем не взял себе штурмовку,  
Палатку адарскую зачем не взял,  
Попал я бедненький в холодную ночевку  
И мороз косточки мои сковал.

ერთი რამ მაინც ვერ გაეგო მიხეილს — როგორ შეიძლებოდა ზურგჩანთების ჯერ კიდევ მწვერვალისწინა თხემთან დატოვება? რა მოსაზრებით „დამარხეს“ მანდ მთელი მათი ავლა-დიდება, მთელი მათი სარჩო-საბადებელი? განა ისე რა გაუჭირდათ, რომ თუნდაც ასი-ოღე მეტრზე ველარ აზიდეს ისინი?

გამოუცდელი, ახალბედა მთამსვლელებისაგან ისე არ გაუკვირდებოდა კაცს ეს ამბავი, მაგრამ ისინი ხომ მრავალჭირნახული, გამობრძმედილი ალბინისტები იყვნენ?

• გამარჯვების პიკზე განა შეიძლებოდა მაცდური ამინდის ნდობა?

ვერაფრით, ვერაფრით ვერ აეხსნა ეს საიდუმლო. როგორ არ ცდილობდა, მაგრამ არაფერი გამოსდიოდა.

— რაო, რა ამბავია, რას შერებთან ისინი?

მინაანი ახლალა გამოერკვა ფიქრებიდან.

— რა ამბავია? დაიძინეს, უკვე ყველამ დაიძინა.

— მართალს ამბობ? არ მატყუებ?



## „პური ჩვენი არსობისა“

იერიშისათვის მზადების პერიოდში დიდ ყურადღებას ვუთმობდით კვების რაციონის შერჩევასა და საერთოდ კვების რეჟიმის გამოშვებას, რასაც სპორტული ფორმისა და ბრძოლისუნარიანობის შენარჩუნებაში გადანაწევები მნიშვნელობა ენიჭებოდა. კედელთან ბრძოლისას არ იყო მიზანშეწონილი ორგანიზმის მიერ კარგად ათვისებული და შეჩვეული საკვების, ანდა მისი შემადგენლობის შეცვლა, რაც ბიოლოგიური თვალსაზრისით მთელ რიგ არასასურველ მოვლენებს გამოიწვევდა. სურსათ-სანოვაგე მაქსიმალურად კალორიული და მაწიერი უნდა ყოფილიყო, ამავე დროს კი სატარებლად მსუბუქი.

ძველად სვანი მონადირეები და მეგზურები შორ გზაზე რომ მიდიოდნენ, საგზლად ქუმელის გუნდები მიჰქონდათ. იგი მსუბუქიც იყო და ყუათიანიც, ამავე დროს გჰძლე და შედეგი — ობს არ მოიკიდებდა, მალე არ გაფუჭდებოდა და არაფერი. ანდა ჩხეტვრალებს!... შეეკეოდნენ. ჩხეტვრას არც მარილი უნდოდა, არც საწებელა და არც სხვა რამ დასაყოლებელი.

ჩვენ, რა თქმა უნდა, გავითვალისწინეთ წინაპართა ბრძნული გამოცდილება, დროყამისაგან უთავალაგჯერ შემოწმებული ადამიან-ჩვეულება საკვები რაციონის შერჩევა-დამზადება/სა. მაგრამ ბალბური მენიუს შემადგენლობაში უნდა შეგვეტანა გარკვეული ხასიათის ცვლილებანი, რაც გამომდინარეობდა ძირითადად ჩვენი ამჟამინდელი, არც თუ ურიგო „ეკონომიური შესაძლებლობებიდან“ — ერთი სიტყვით, ჩვენს ექსპედიციას ხელმომჭირნე ოსტიგანი<sup>2</sup> არ ეყოლებოდა.

საკმაოდ ძნელი ამოცანის წარმატებით გადაჭრაში ხელი შეგვიწყობი გარემოებამაც, რომ ასვლის მონაწილეებს ყველას მთიელთა ყოფის ადამიან-ჩვეულებები გვექონდა შესისხლხორცებულნი. ამიტომაც კვების რაციონის შედგენისას ჯგუფის წევრებს შორის არ წარმოშობილა რაიმე უთანხმოება და მიმკერძობლობა. ერთხმად გადაწყდა ისეთი პროდუქტების წაღება, რომელსაც ყოველდღიურად სმარობდა ადგილობრივი მოსახლეობა.

ეს პროდუქტები იყო:

კუბდარები — ხორციანი პურები 350 გრამამდე თითოეული. (ერთი კუბდარის მაწიერობა ტოლია დაახლოებით 150 გრამი მოხარშე-

სე. — ყველაურა; ერთმანეთში ახელილი ყველაური.  
<sup>2</sup> მწე.

ლი საქონლის ხორცის, 2 კვერცხის, 200 გრამი პურის და ერთი ჭიქა რძის კალორიულობისა ერთად). კუბდარების წაღება იმითაც იყო გამართლებული, რომ იგი დიდი ხნის განმავლობაში ინარჩუნებს გემოსა და სირბილეს.

დაწურული თაფლი, ნიგოზით შეზავებული, რაც დიდი დატვირთვისა და დაძაბულობისას, აგრეთვე ოფლიანობის დროს გამოქარვისა და გამოფიტვისაგან იცავს ორგანიზმს.

ხბოს მოხარშული ხორცი. ხბოს ხორციც შედარებით დიდხანს ინარჩუნებს სიახლესა და სირბილეს, საქონლის ხორცივით არ მკლევდება და ხმება.

ჭათმის მოხარშული ხორცი. იგი ადგილობრივად დამზადებულ კოწახურის საწებელთან ერთად კარგად მოქმედებს მოღუწებული, გადაღლილი კუნთების აღგზნებადობაზე.

სვანური „აჯიკა“ — პილპილსა და მარილთან შეზავებული გამხმარი მწვანეხეხილები.

თან წავიდეთ აგრეთვე მთამსვლელთა ტრადიციული პროდუქტები — კონსერვები, შაქარი, ყავა, კაკაო, ძეხვეული და სხვა.

ყოველ მონაწილეზე დღეში საშუალოდ 600—650 გრამი საჭმელი მოდიოდა, რაც დაახლოებით 4500—5000 დიდ კალორიას იძლეოდა.

— ამ აზნაურული საჭმელებით თუ გამიმასპინძლებით, მეც წამოვალ უშმაზე, ჰხი... ხი... — ჩაიქერქილა მიხეილის კარის მეზობელმა შარდენ ფალიანმა — ბესარიონსა და მაქსიმეს კვამში<sup>1</sup> ჰქონდათ სანატრელი, მაგრამ მგლებივით კი დაეგლებოდნენ კლდეებზე.

სიტყვამოსწრებულ და ხუმარა კაცის ნათქვამმა ჯორ-ვირების დასაპალნებაში გართული მეზობლების ხარხარი გამოიწვია.

მართლაც შესანიშნავად, მოკლედ ჩამოაყალიბა შარდენმა ადრეულ და თანამედროვე მთამსვლელობას შორის განსხვავება. ადრე, როგორც ეს ხალხურ ლექსშია ნათქვამი, მთამსვლელებს „რკინის გული“ ჰქონდათ, ტყავის ჯაბრალეები ეცვათ, სვანური ნაბდის ქედები ეხურათ, ჩონა-ახალუხი შვენოდათ. მუჯრა ეჭირათ წერაყინის ნაცვლად. კანაფის სამაშველო თოკებით ებმებოდნენ ერთიმეორეს. თვალები ჰქონდათ „ქორებულ მხედველნი,“ ეს იყო და ეს. დღეს კი — ყველაფრით უზრუნველყოფილია მთამსვლელი. ერთი განაცხადის დამტკიცებას თუ ეღირსა ჯგუფი, მერე ჩიტის რძესაც კი იშოვნის თუ

<sup>1</sup> სვ. მჟაღი.

უნდა. ჩვენც გვარიანი მდიდრები ვიყავით — თავიდან ფეხებამდე აღვიჭურვეთ პირველხარისხოვანი საქურველ-იარაღით, ტანსაცმლით, ღამისსათევი მოწყობილობით, საკვებით...

და ახლა შარდენის ნათქვამზე წუთით სინდისის ქენჯნამ შეგვაწუხა ყველანი — მართლაც რანი ვიყავით ჩვენ ბესარიონსა და ბექნუსთან, ჭიჭიკოსა და გაბრიელთან შედარებით? აფსუსი არ იყო ეს ფუფუნება? ჩვენთვის, როცა იმათ ლაშქრობებში ხშირად ქერცს ჭურიც კი სანატრელი ჰქონდათ?

კაცმა სიმართლე რომ თქვას, ნამდვილი მთამსვლელები. ისინი იყვნენ, ჩვენი სახელოვანი მასწავლებლები, უფროსი ადამიანები, კეთილშობილი, უბრალო ხალხი, დღეს რომ ასე მზრუნველურად დაგვტრიალებდნენ. ჩვენ რანი ვიყავით იმათთან შედარებით, რას წარმოვადგენდით?

ჩემს ამხანაგებს გადავხედე — იმათაც თითქოს აღმური მოსდებოდათ სახეზე. სინდისი გვქენჯნიდა ყველას, მაგრამ ჩვენ რომ არავითარი ბრალი არ მიგვიძლოდა ყოველივე ამაში?

## შენ ეხავ მზარველი...

— მოიერიშეთა ძირითადი შემადგენლობა სოფელ ლალამიდან გაუღდა გზას. მათ აიარეს დაბდერის ყანები, ლეჩპარის წარათები და ფოშდელისა და ქორულდის გავლით ლეგვმერის ქედისაკენ გაემართნენ, რომელიც ქალადის მყინვარს ემიჯნავენა.

მაშველი ჯგუფი უკან გაჰყვა ძირითად შემადგენლობას. მან გეზი პირდაპირ ქალადის მყინვარისაკენ აიღო. რათა წინდაწინ შერჩეულ ადგილას დაეცა ბანაკი და მალევე შესდგომოდა თავის მოვალეობის აღსრულებას.

ამინდი შესანიშნავია. მზე თითქოს ზურგზე მოჰბჯენიათო ალპინისტებს, მართალია, ისევე, როგორც სიცივე, სიცხეც აუტანელია მგზავრობისას, მაგრამ ამაზე ახლა ვინ ოხერი აწუწუნდება: პირიქით, ისინიც და ჩვენც, ყველანი, გულში იმას ვნატრობდით, დიდხანს იდგეს დედამიწაზე მზიანი ღარ-ამინდი.

— ელია ყოვლისშემძლეა, სიკეთის მქნელია, არაფერს გაგვიკირვებს. — დარწმუნებულია დარიანობაში მთამსვლელი ექიმი, მაშველი

ჭგუფის წევრი ხიტო მუსელიანი, რომელსაც თავისი სიკჳეიტისა და მოუსვენრობის გამო მეტსახელად „ბუზული“<sup>1</sup> უწოდეს სვანეთში

— შენს პირს შაქარი, ჩემო ხიტო, მაგრამ ეს ღრუბლები ხომ არ გამოგჩა მხედველობიდან? — აღმოსაელეთისაკენ ახედებს შარდენ ფალიანი „ბუზულს“ — რალაც არ მომწონს თეთხულდის თხემზე მიკერებული ფთილები.

— შენ იყავ მეგზური ამ ღინდლიანი ბიჭებისა, მადლიანო ელია. გაუნათე გზა-სავალი გაუვალ წაყარნებსა და ღარტაფებზე! — ღეთის-მოსავივით შევთხოვე და ვეაჩები ამინდის მეუფესა და განმგებელს... და არა მარტო მე...

მთელი ღალამი და სეტ—ღახთაგიც იმისავე ეაჩება მალალ ელიას...

12. VIII. 64, მესტია. ბეჳნუ ხერგიანი — მეთვალყურეთა ჳგუფის უფროსი.

### მიხეილ ხერგიანი (უფროსი)

— ეს მოხდა 1961 წელს. ჳართველი ალპინისტები ტიანშანის მთიანეთში აკლიმატიზაციას გავდიოდით, რათა მოკლე ხანში ჩვენი ჳევეყნის სიმაღლით მეორე მწვერვალისათვის — „გამარჯვების პიკისათვის“ შეგვეტია (7439 მ. ზღვის დონიდან), რომელიც „კომუნისტების პიკს“ სულ რალაც 56 მეტრით ჩამოუვარდებოდა. (იგი მხოლოდ 1943 წელს იჳნა ტოპოგრაფების მიერ აღმოჩენილი, მანამდე კი ტიანშანის უმაღლეს მწვერვალად ხან-თენგრის პიკი ითვლებოდა 6995 მ).

აღნიშნული მწერვალის პირველდამჳყრობმა აბალაკოვმა ღრუბლის ფთილებს შორის თვალს მოჳკრა უზარმაზარ მწვერვალს, რომელიც გულგორროზად დაჳყურებდა ჳემოდან მთელს ტიანშანს, მის უამრავ მთაგრეხილებსა და მწვერვალებს, მაგრამ უამინდობის გამო გაურკვეველი დარჩა სად მდებარეობდა იგი — საბჳოთა ტერიტორიაზე თუ — საზღვარგარეთ.

შემდეგშიაც მრავალჯერ მოეწყო ეჳსპედიციები ტიანშანის ამ რაიონში, მაგრამ უამინდობისა და რუკის უჳონღობის გამო ვერაეინ ჳუსტად ვერ განსაზღვრა უცნობი მწვერვალის ადგილმდებარეობა და სიმაღლე. როგორც აღნიშნეთ, 1943 წლამდე იგი გამოუცნობი, იღუმალებით მოცული რჩებოდა.

<sup>1</sup> სვ. ბუზი.

და ნეტავი, სულაც არ ყოფილიყო იგი — ასეთი ფიქრი არ შეიძლება არ დაეფუტლოს ადამიანს, რომელმაც კარგად იცის ამ მწვერვალის უკუღმართი ხასიათის ამბავი. კარგად იცით, ამ მოკლე დროში, თუ რამდენი შესანიშნავი ადამიანის სიცოცხლე შეიწირეს მისმა კალთებმა..

რომელი ერთი ტრაგედია უნდა გაიხსენო ადამიანმა. თუმცა სამისოდ 1961 წლის უბედურებაც კმარა, უბედურება, რომელიც ისე უბრალოდ დაიწყო და, რომელსაც გამართლება არა აქვს...

ჰო, ეს მოხდა...

ჩვენ უნდა დაგველაშქრა „გამარჯვების პიკი“. ჩვენ — ექვს კაცს — თეიმურაზ კუხიანიძეს, ჯუმბერ მექმარიაშვილს, ილიკო გაბლიანს. მიხეილ ხერგიანს (უმცროსი), კირილე კუზმინს, რომელიც ჩონ-ტაშის ბანაკში შემოუერთდა ჩვენს ჯგუფს, და მე.

თავიდან ყველაფერი კარგად მიდიოდა. პირველ დღეს ავედით 5300 მეტრის სიმაღლეზე და ღამე თოვლის ქვაბულში გავატარეთ. შემდეგი ღამისთვის 5600-ზე გვიწევს, მესამე კი — 6000 მეტრზე. ამინდი ცუდია, მაგრამ მაინც წინ მივიწვეთ. 6500-ზე კარვებში ვათენებთ ღამეს. მეორე დღეს საშინელ ქარსა და გრივალში მხოლოდ ორას მეტრს გავდივართ. თოვლის გაძოთხრის თავი და ღონე უკვე არა გვაქვს, ამიტომ კვლავ კარვებში ვათენებთ.

მომდევნო ღამესაც კარვებში ვატარებთ, რომელიც წინა ღამის-სათევიდან სულ ასიოდ მეტრის მოშორებით, კლდეებში გავშალეთ. საქმეს თითქოს ცუდი პირი გამოუჩნდა. სიმაღლემ, სიცივემ (30—40, ხანდახან კი 50 გრადუსი), ჰაერის სიძვრალემ, მზის რადიაციამ, ქარებმა და თოვლმა იმოქმედა ადამიანებზე. ცნობილია, რომ სამიათას მეტრზე უკვე ხელებში ძალა ბარე სამჯერ ნაკლებია, ხოლო რა უნდა იყოს 6000-ზე? ამ სიმაღლეზე ხდება სისხლის შემადგენლობის ცვლილება, გულსისხლძარღვთა და ნერვული სისტემის მუშაობის დაქვეითება, რასაც თან ახლავს თავის ტკივილები, გულმსრევა, სასუნთქი გზების კატარი და დაზიანება, უცნაური ქცევები...

უცნაური ქცევები...

ჯგუფი მიახლოვებოდა კრიზისულ მდგომარეობას, მაგრამ უკან დახევას არ აპირებდა. მეორე დღეს ჩვენ ავედით დასავლეთის მწვერვალზე. ჯუმბერმა დაწერა ბარათი და მაშინათვე დავეშვიტ თხემზე, რომელიც უნავირათი მიემართებოდა პირდაპირ ცენტრალური მწვერვალისაკენ. 7000-ზე გამოვთხარეთ ქვაბული, ხოლო მერე გაიედით

უნაგირასთან, საიდანაც უკვე გამარჯვების პიკის აღმართი იწყებოდა აქ ღამე კარვებში გავათენეთ. გარეთ საშინელი ამინდია.

იმ ღამეს ცუდი სიზმრები ვნახეთ. მიხეილმა ყველაზე საზარელი ამბავი გვამცნო — ძალიან ცუდადა ვარო.

ამ ორ სიტყვაში ბევრი რამ იგულისხმებოდა. იგი უთქმელი კაცი იყო, უთქმელი და მორიდებული და ყველა მიხვდა, რომ იგი აქამდე მალავდა ავადმყოფობას, ძალ-ღონესა და მოთმინებას იკრებდა და მალავდა, რომ ჭკუთის წინსვლა არ შეეფერხებინა, მაგრამ ეტყობა მეტი ვეღარ შესძლო და...

— მე ჩავიყვან მას დასავლეთი მწვერვალის გავლით ხაზარაძის ბანაკში — შევთავაზე ამხანაგებს — ხაზარაძის ჭკუთი მეორე დღეს უნდა გამოგვეყოლოდა უკან. ისინი დაიპყრობდნენ დასავლეთის მწვერვალს და უკანვე გაბრუნდებოდნენ. ჩვენსავით ტრავერსზე არ აპირებდნენ წამოსვლას. ვფიქრობდი — გზად სადმე შეეხვდები ან წამოვეწევი მათ და ავადმყოფს დაეუტოვებ, მერე კი უკანვე გამოვბრუნდები და თანაჯგუფელებს შევუერთდები-მეთქი.

— თუ საჭიროა, მეც გამოგვევით, — თქვა თეიმურაზმა.

— საჭირო კი არა, ეს აუცილებელია. ჩვენ არა გვაქვს უფლება...

ყველანი დუმდნენ, ეს იყო ალბათ ამ გზობაზე მთამსვლელთათვის ყველაზე მძიმე წუთები. ამდენი რამ გადაიტანეს, ამდენი ითმინეს. რათა მიზნისათვის მიეღწიათ და როცა მწვერვალამდე რაღაც მეტრებიღა დარჩათ, უკან უნდა გამობრუნებულიყვნენ, ხელი ჩაექნიათ ათვისებულ სიმაღლეზე, წყალში ჩაეყარათ ყოველივე...

მწვერვალი კი, სანეტარო მწვერვალი მაცდუნებლად აღმართულიყო მათს ცხვირწინ, ერთი ხელის გაწვდენაზე, ერთი დღის სავალზე...

— არა მგონია მიხეილს მთის ავადმყოფობა სჭირდეს, უბრალოდ, შეუძლოდ გახდა, ხვალ კარგად იქნება. ასე რომ, საგანგაშო არაფერია. — დაარღვია დუმილი კუზმინმა — ეს მწვერვალი უნდა დავიმორჩილოთ რაღაც არ უნდა დაგვიჯდეს...

კუზმინს მდიდარი სამთამსვლელი-სასიმაღლო გამოცდილება ჰქონდა. ამდენად მის სიტყვას გადამწყვეტი მნიშვნელობა ენიჭებოდა. ჩვენც დავუჭერეთ, დაველოდოთ ხვალინდელ დღეს. ჩაებინა მე და მიხეილი კირილთან ერთ თოკში, დანარჩენები კი ოცალკე და განუაგრძეთ გზა... გავჩერდით 7360 მეტრზე. ღამეს ვათევთ კარვებში.

— მომილოცავს, მეგობრებო, ასეთ სიმაღლეზე საბჭოთა მთამსვლელებს ჯერ არ გაუთევიათ ღამე, ჩვენ პირველები ვართ... — საზეიმო ტონით გვახარებს კუზმინი.

მაგრამ ჩვენი ყურადღება მაინც მიხეილზეა გადასული. მის ქან-მრთელობაზე ბევრი რამ არის დამოკიდებული. მიხეილი კი თითქოს არც თუ ურიგოდ გრძნობს თავს. ხუმრობს და იცინის. ისე კი ყველას უჭირდა. არასაკმარისმა მომზადებამ მალევე იჩინა თავი და ახლა დაღლილობასა და ჰაერის უკმარისობას თავისი შიშვე ტორი დაედო ყველასათვის. მე კი ჭერჭერობით საოცრად მხნედ ვგრძნობდი თავს. ასე კარგად არც არასოდეს მიგვრძნია თავი ამ სიმალლეზე.

და აი, ირივრაჟა კიდევ. ყველანი ერთი ფიქრითა ვართ შებყრობილნი: როგორ აღსრულდება კუზმინის წინასწარმეტყველება მიხეილის გამომგობინების თაობაზე? მაგრამ ყველაფერს ხომ ხმამაღლა არ იტყვის ადამიანი! ჩემად გავცქერით მიხეილს, აბა რას იტყვის იგი? როგორ გვაჩვენებს თავს? ჭერჭერობით კი ყველაფერი რიგზეა. მიხეილი ჩვეულებრივად იცვამს, იკიდებს ზურგჩანთას, იღებს ხელში წერაყინსა და ებმება თოქში, მერე კი ჩვენთან ერთად ადგება გზას. უკან მოვიტოვეთ ათი მეტრი, მერე კიდევ ათი და კიდევ ათი, და აი ამ წუთას ყველაფერი ირკვევა: არა, არ მართლდება კუზმინის წინასწარმეტყველება! მიხეილი მხოლოდდამხოლოდ ამხანაგების ხათრით ებრძვის მოძალებულ ტკივილებს. იგი უდარდელი ადამიანის როლს თამაშობს ძალისძალად, მაგრამ მსახიობსაც კი უჭირს საათობით სცენაზე საკუთარი თავის გარდასახვა, და მით უფრო გაუჭირდებოდა მიხოს მოძალებულ ტკივილების მალვა. გაუჭირდებოდა, მა არ გაუჭირდებოდა?

## მიხეილ ხმარბიანი (უმცროსი): ლერბეთუ გვაშიდ!..

— ლმერთი გვაფარავდესო.. — ასე იტყოდა ქართველი კაცი, როცა რაიმე კეთილ განზრახვას ჩაიდებდა გულში და იმის აღსრულებას შეუდგებოდა. ასე იძახდა ჰამად დაჯდომის წინ და ვახშმობის მერეც — დასაძინებლად მიმავალი. ლმერთს ეაჯებოდა იგი შეწევნას, მაგრამ არასოდეს პირდაფრენილი არ ელოდებოდა მამა ზეციერის წყლობას, იგი მოქმედებდა, შრომობდა, იბრძოდა, იტანჯებოდა... აჯა მამაზეციერისადმი მხოლოდლა თავის გასამხნევებლად თუ იყო წარმოთქმული, თავის გასამხნევებლად და შინაგანი ძალების მოსაყრებლად.

### ლერბეთუ გვაშიდ!

ასე იყო ოდითგან, ასეა დღესაც. ეს ორი სიტყვა ოდესღაც ღვთისმოსავთა კუთვნილებას წარმოადგენდა, მაგრამ დღეს არავისთვის არ

არის სამარცხვინო და მიუტევებელი მათი ჩამომარცვლა. მხოლოდ უკეთური, ავისქნელი და ბოროტი კაცი ვერ მოუხმობს მალალ ღმერთს შემწედ და თანამდგომად ავხორცობასა და საგლახაკო საქმეში. და ვინც ამ სიტყვებით ვაჭება უფალს დახმარებას, იგი კეთილი ადამიანია.

ღერბეთუ გვაშიდ!..

ჩემს ამხანაგებზე კი ხატზე შემძლია დავიფიცო, რომ ისინი ყველანი სპეტაკი ადამიანები არიან. უშბის წინაშე შემძლია დავიფიცო. უშბას კი რა გაუჭირდება მატყუარასა და ლაქლაქას შეჩვენება, ჰკუთისწაველება?

— ღერბეთუ გვაშიდ! — ამ სიტყვებით გავუდგქით გზას ძირითადი ბანაკიდან კედლის მისადგომებისაკენ. თითქოს სამწყობრო სიარულის განაწესში შედიოდაო, ერთიმეორის მიყოლებით შევევედრეთ ფუსდ ლუკლათხეს<sup>1</sup>, წმინდა გიორგის, მამაკაცთა მფარველს დახმარება და მხარშიდგომა.

— ღერბეთ სი ლაგვემდ... ღერბეთ სი ლაგვემდ... ღერბეთ... ღერბეთ... ღერბეთ... — ისმოდა ხმამალალი ვედრება.

არ ვიცი, აღწედა თუ არა ექვსეულის დადადისი უფლის ყურთასმენამდე, მაგრამ გულში კი ყველას გვინდოდა გვერწმუნებინა მისი არსებობა. ამ თოვლისა და მყინვართა საუფლოში, ადამიანებისა და ყოველთა სულიერთაგან მოშორებით, ყველაზე ცხოველია ეს გრძნობა — ირწმუნო რადაც იღუმალის, ყოვლისშემძლესა და კეთილის არსებობა, რომელიც მარტობისა და გაჭირების უამს არ მიგატოვებს, რომელიც მუდამ შენთან იქნება და კაცობისა და დამსახურების მიხედვით შეგეშველება და ამოგიდგება მხარში.

ჰოდა ღმერთების ხავანე ხომ ცისიერ სამყაროშია. ჩვენ კი სწორედ ასე ახლოს ვიყავით მათთან...

ექვსეული რიტმულად, შეუფერხებლივ მიიწედა უშბის სარკისაკენ. ჩათინის კულუარის განშტობას ჰკვეთავდა დასავლეთისაკენ, რათა კედლის მისადგომებთან გასულიყო. და აი, კედელიც. სალოცავი ხატივით მიეჩერებოდა ჩვენს წინ აღმართულ ამოშავალი მზის სხივებზე ალაპლაპებულ თვალშეუვლებ სანახაობას. მართლაც უზღვავი და დიდი იყო ჩვენი მოწიწება მის წინაშე. ოღონდ ღვთისმოსავური მორჩილებით მუხლის მორთხმას არც ერთი არ ვაპირებდით.

<sup>1</sup> სვ. მალალი ღმერთის სახელობის ეკლესია მესტიაში.



რაც მთავარია, პირველი ნაბიჯი გადადგმული გექონდა. ჩვენ ჩაეებიო ბრძოლაში. იგი იქნებოდა. გადამწყვეტი ბრძოლა უკანასკნელ ამოსუნთქვამდე. პაექრობა ვაეკაცური და შეურიგალი.

ყველანი ერთის ქინით ვიყავით ანთებულნი — გამარჯვება, მხოლოდ გამარჯვება!

და თუ ვერ ვივაეკაცებთ, და თუ კლდის ფერიები დაგვიხშობენ ცისიერ ჰიშკრებს და აშინდის განმგებელი ელია განგვირისხდება, მშვიდობიანობა მაიხც სუფევდეს ჩვენს ბანაკში, მშვიდობიანობა და სიშშვიდე, რათა დღეს თუ არა, ხვალ, ოდესმე მაინც გამარჯვებისა და შურისძიების ცეცხლი ავაგვიზგიზოთ უშბის მწვერვალზე... კიბოლანისეული, ჩაუმქრალი, მოელვარე, ცადაწვდილი ცეცხლი...

## უხერხულობა

სოფლის ბიჭები აიენის ბოძზე დახვეულ თოკს ჩაბლაუქებიან: თავისკენ ეწევიან. მალლა, დერეფანზე მთამსვლელები დგანან, თოკის ერთი ბოლო ხელში ჩაუჭერიათ და მითითებებს აძლევენ მომხმარებებს. საქართველოს კინოსტუდიის ოპერატორმა ბორის კრეკსმა, რომელიც საგანგებოდ იყო მივლინებული სვანეთში უშბის ექსპედიციის გადასადებად, აპარატი აამუშავა. მას მაშველი ჯგუფის უფროსმა, სპორტის ოსტატმა პირიბე გვარლიანმაც მიბაძა, თავისი ფოტოაპარატით ლათაროში ახორავებულ მორებზე აძვრა: არ უნდა გამოორჩეს თოკის დამუშავების მომენტი.

ოჯახის უფროსი, სპორტის ოსტატი ბესარიონ ხერგიანი აჩქარებს ბიჭებს. წინ დიდი გზაა, უნდა ისწრაფონ...

ქალები კუბდარებს აცხობენ, თაფლით გაპიპინებული ვედრო გასაცხელებლად შეუდგამთ ღუმელზე, დანაყულ ნიგოზს უმატებენ.

მიშამ (უფროსმა) ეს ეს არის დაამთავრა სურსათის განაწილება და ამხანაგებს შინ ებატიყება წასახმსებლად. სუფრა გაშლილია. ყველანი სხდებიან, მადლიანად ილუკმებიან. ეს არის, მასპინძლები წრიალს აუტანია რატომღაც. რა მოხდა? რატომ ღელავს ბიძია ბესარიონი, მისი მეუღლე, ქალიშვილი? რა სატკივარი გასჩენიათ?

სუფრას არაყი აკლია! ვის გაუგონია ქართული სუფრა უსასმელოდ? ასეთი საპატიო სტუმრები გყავდეს და არყის ნაცვლად ლეგაბიდან მოტანილი მყავე წყალი ასეა? აი, მოხუცებიც აქ არიან: ახსოვს ვინმეს ასეთი ამბავი?

ბესარიონი შეიღს გადახედავს ხოლმე მავედრებელი თვალით, იქნებ ცოტაოდენი მაინც დააღეინოს ამხანაგებს, მისცეს ნება შესთავაზოს?

მაგრამ მიხეილი ღუმს, პირველად სიცოცხლეში არ უჭერილ მამა ბესარიონს.

ჯოკია გუგავა ხვდება ოჯახის უფროსის გულისტკივილს და თანაგრძნობით ეუბნება ბესარიონს:

— იერიშის წინ არც თქვენ მიირთმევდით სასმელს, რაა აქ საუხერხულო... რომ დავბრუნდებით, მაშინ ჰო, მაშინ რამდენიც გენებოთ...

„მართალია. განა არ ვიცი, რომ არ შეიძლება, ჩვენც არ ვსვამდით. მაგრამ უარყოფ სუფრა რა უნდა იყოს, ჩვენს ოჯახში სტუმრიანობისას უარყოფ არავის ახსოვს სუფრა. აი, მოხუცებიც აქ არიან...“

მერე ბესარიონსაც მიაწოდეს შეაფეწყლით სავსე ჭიქა და მანაც აღდგომდა უშბისაკენ მიმავალი ბიჭები.

გამოცდილ აღამიანს სხვა უფროსებმაც მიბაძეს. მთელი სახლი ერთხმად ღალადებდა:

— ღმერთო უმღარველე ჩვენს ბიჭებს...

— ღმერთო, მშვიდობით დააბრუნე ვაჟაკები...

• •

— ჩვენს მიერ შემუშავებული გეგმის თანახმად მოიერიშეთ ჯგუფს რაც შეიძლება ადრე უნდა მიგვეღწია პირველ ღამისსათვეამდე, ე. ი. მთავარ ბანაკამდე, რათა მის მოწყობასთან ერთად ერთ-ერთა წყვილი მარშრუტზე გასულიყო და გზის წინასწარი რეკოგნოსტიკებისთან ერთად აეთვისებინა ტრასა. ასე უნდა გაგრძელებულიყო შემდგომშიაც. წინდაწინ შემუშავებული ტაქტიკური სურათი ჯგუფის ხელმძღვანელსა და მონაწილეებს ასეთნაირად გვესაზებოდა:

ვიდრე მოიერიშეთა ერთი ნაწილი აწყობს ღამისსათვეს და ამზადებს საჭმელს, სხვები ამუშავებენ მომიჯნავე უბანს. ღამისთევები განზრახული გვაქვს ჰამაკებზე, დაკიდულ მდგომარეობაში, აგრეთვე ხელოვნურ მოედნებზე. უფრო სწორად იძულებულნი ვართ ასე მოვიქცეთ. მხოლოდ ორჯერ თუ მოგვიხერხდება კარვების დადგმა, ისიც იერიშის დაწყების პირველ და ბოლო დღეს. (ეს უკანასკნელი კი იმ შემთხვევაში თუ კი ჩვენ წარმატებით შევასრულებდით დასახულ ამოცანას) სარკის მისადგომსა და მწვერვალისწინა მშვიდობიან თხემ-

ზე. მაგრამ ვარაუდი მაინც ვარაუდია — იქნებ ის, რაც შორიდან შესაძლებლად გვეჩვენება, ახლოდან, თვალდათვალ სულ სხვანაირად გამოჩნდეს?

ჩვეულების ექვსი კაცით დაკომპლექტებაც ტაქტიკური გეგმით იყო ნაკარნახევი. ამ კედელზე მოგვიხდებოდა სპეციფიური, მხოლოდ უშბის სარკისადმი დამახასიათებელი სამუშაოების შესრულება. როცა გულდასმით შევისწავლეთ ამ სამუშაოთა ხასიათი და ნაირგვარობა და მისი მოცულობა კაცსაათებზე, საბოლოოდ კი კაცდღეებზე გადავიტანეთ, იმ დასკვნამდე მივედით, რომ უკეთეს შემთხვევაში ექვსი ადამიანი ნამდვილად აუეიდოდა საქმეს, თუ მოიერიშეთა შემადგენლობა მაქსიმალურად დაიტვირთებოდა, თუ ყველა პირნათლად შეასრულებდა მასზე დაკისრებულ მოვალეობას, რაშიც არც ჩვეულების ხელმძღვანელს და არც სხვა ვინმეს ეჭვი არ ეპარებოდა, უთუოდ გზაზე წამოჭრილ ყოველგვარ წინააღმდეგობას მოვერეოდით და დადებითად გადავჭრიდით.

სწორედ ამ მოსაზრებიდან გამოდიოდა მიხეილი, როცა ასვლის მონაწილეთაგან მაქსიმალურ დატვირთვას. სერიოზულ მომზადებას ზოიბოვდა. რა თქმა უნდა, მთებთან ჭიდილისას არ არსებობს მეორეხარისხოვანი საქმე — საძილე ტომრის დაკეცვით დაწყებული კედელზე პალოს ჩარტყმით დამთავრებული ყოველი წერილმანი თუ მსხვილმანი ოპერაცია ერთნაირ პასუხისმგებლობას ზოიბოვდა უგულისყუროდ დაკეცილი, აჩაჩულ-დაჩაჩული საძილე ტომარა შეიძლება სიარულის დროს ქიშს გამოედოს და უფსკრულში გადაუძახოს პატრონი. ასეთივე სავალალო შედეგი შეიძლება მოჰყოლოდა პალოს არასაიმედოდ ჩარტყმას. ეს მარტივი მთამსვლელური ჭეშმარიტებანი ყველამ კარგად ვიცოდით, მაგრამ მიხეილი ბევრ რამეს ხელახლა შეგვახსენებდა ხოლმე. თანაც ამას ისეთნაირად აკეთებდა, დანარჩენი წევრების წინაშე თავისი მეობა არ წამოეჩინა და ამით მათი თავმოყვარეობა არ შეელახა.

ჩვენ ყველას კარგად გვქონდა შეგნებული ამ ასვლის მნიშვნელობა და ამიტომ ვცდილობდით პუნქტუალური, გულისყურიანნი და მონდომებულნი ვყოფილიყავით. უშბის სარკის ოპერაცია, თუ კი იგი მშვიდობიანად დამთავრდებოდა, იქნებოდა ქართული ალპინიზმისა და ასევე მთელი საბჭოური მთამსვლელობის თვალსაჩინო მონაპოვარი. ან კიდევ, როგორც ამას გამოჩენილი მთამსვლელი, უშბის პირველდამპყრობი, და მის კალთებზე აღსრულებული ალიოშა ჯაფარიძე იტყვოდა, ეს იქნებოდა „ერთი შემადგენელი ნაწილი ადამიანთა

შეგნების იმ მარადიული ბრძოლისა, რომელსაც იგი აწარმოებდა სამყაროზე გასაბატონებლად...”

ამიტომაც ასვლის ექვსივე მონაწილეს ერთნაირად უნდა გამოგვედლო თავი საერთო საქმისათვის. ამ დღეებში ჩვენთვის აღარ იარსებებდა, „ჩემი საქმე,“ „შენი საქმე.“ იქნებოდა საერთო მიზანი. ერთნაირი პასუხისმგებლობა, მის შესრულებაში. იქნებოდა საერთო სახარული და მწუხარებაც ასევე... „მე“-ს ნაცვლად იქნებოდა „ჩვენ,“ „ყველანი“...

აი, როგორ უნდა წარმართულიყო ჩვენი მუშაობა სარკის ნებისმიერ უბანზე:

მეწინავე წყვილი წინასადაზვერვო სამუშაოებს ასრულებს. მისა ამოცანაა ტრასის ათვისება, უსაფრთხოობისა და საიმედოობის უზრუნველყოფა. პალოების ჩარტყმა. და ძირითადი თოკების გაკიმება, საჭირო შემთხვევაში საიერიშო „ბაქნებისა“ და „მოედნების“ მოწყობა, კლდესაბურღი შრომატევადი სამუშაოების შესრულება. საიმედოდ გამაგრება ათვისებულ სიმაღლეზე. მეწინავე წყვილმა უნდა უზრუნველყოს მიმყოლი წყვილის მიღება და „დაბინაება.“

რას აკეთებს მანამდე მეორე წყვილი?

რადგანაც გაკვალულზე სიარული და წინ წაწევა შედარებით ადვილი საქმეა, მეორე წყვილი შედარებით „მშვიდ“ ცხოვრებას ეწევა და ერთგვარ „მოგებაშია“, მაგრამ მალე მან ხომ წინ მიმაჯალი აიხანაგები უნდა შესცვალოს, ამიტომაც ეს „დასვენება“ დიახაც რომ სკიორია მას. ასე რომ შემდეგში პირველი წყვილი იჭერს მეორის ადგილს, ასრულებს მეორის სამუშაოს, ხოლო მეორე მიღის წინა ხაზზე და იკაეებს მოწინავე პოზიციას. ყოფილი პირველი, აშეამად კი მეორე ეხმარება მესამე, ბოლო გაბმას ამოსვლასა და მთელი ექსპედიციის ტვირთის ამოზიდვაში, ამავე დროს უღვას შეწინავეებს დაცვაში. როგორც კი მთაერდება ტვირთის ამოზიდვა, ისინი ენაცვლებიან ერთმანეთს. ამგვარად, ეს მონაცვლეობის თავისებური მეთოდი მონაწილეთა შორის ძალთა განაწილების, მათი თანაბარი დასაქმების საშუალებას იძლევა. ამავე დროს ერთი და იმავე ადამიანის სხეული დროის გარკვეულ მონაკვეთში სამი სხვადასხვა სახის სამუშაოს ასრულებს და ნაკლებად იქანცება.

რაც დამახასიათებელია ამ მეთოდის გამოყენებისას, ეს ის არის, რომ წინსვლა თუ კი ეს შესაძლებელია საერთოოდ. წუთითაც არ წყდება, რაც მთავარი და ძირითადია და ურომლისოდაც არც ერთი ლაშქრობა წარმატებით არ დამთავრებულა არასოდეს.

მუშაობის ზემოთაღწერილი რიტმით შესაძლებელი იყო ათი დღე-

ღამის განმავლობაში ათი-თორმეტი საათი გვემუშავა. ზოგჯერ, თუ ღამისსათევის მოწყობის შემდეგ ცოტაოდენი დრო კიდევ გადაგვრჩებოდა, მეწინავე წყვილს შეეძლო თავის ნება-სურვილზე გასულიყო ჟებანზე, რათა საკუთარი საქმე წინ წაეგდო. დღე არა მარტო საკუთარი, მთელი ჯგუფის საქმეც...

• •

მიხეილი პირქვე ეცემა და ხნავილით გვამცნობს:

— მეტი აღარ შემიძლია. ღმერთმანი, აღარ შემიძლია...

ყველასათვის გასაგები შეიქმნა მისი მძიმე მდგომარეობა. ჯგუფი ერთ ადგილზე გაიყინა. მონაწილეები ფიქრობდნენ, თუ როგორ მოქცეულიყვნენ ამ კრიტიკულ მომენტში.

— ვერც ზევით წამოვალ, ვერც — ქვევით... აქ მშენიერი ადგილია...

— ტრავერსი აღარ შესდგება. მიხეილი უნდა გადავარჩინოთ როგორმე... — გაშფოებული მღუშარება დაარღვია კუხიანიძემ.

დაარღვია, მაგრამ სულ ერთი წუთით. კვლავ იძალა სიჩუმემ. თავი ჩაქინდრული წერაყინებთან და ზურგჩანთებთან აღამიანები გაყინულ ქანდაკებებს დამსგავსებოდნენ. მღუშარება და უმოძრაობა, სიჩუმე და ქოქმანი სუფევდა გამარჯვების პიკოს თხემზე.

ორი საპირისპირო გრძნობა ებრძოდა ერთმანეთს. გრძნობა მოახლოვებული სანეტარო გამარჯვებოს სიხარულისა და გრძნობა გაჭირვებული თანამოძმის გადარჩენისა. და არც იყო მანდ არაფერი გასაკვირი. მთებთან შებმისა და მათი დამორჩილების ეინი მხოლოდ ნამდვილ მთამსვლელთათვის არის დამახასიათებელი. ისინიც ზომსულთ ხორცამდე ალპინისტები იყვნენ ყველანი. და ახლა, ამ მწვევე მომენტში მათი სული გაორებულიყო. ორ ციციხლს შუა თუხთუხებდა, გზაგასაყარს შორის ცახცახებდა. „ზევით თუ ქვევით? — რეკდნენ უჩინარი ზარები — ზევით თუ — ქვევით?“ ნაცნობ ხმაზე, დამცინავად მოსძახოდა მალლიდან ოცნებადქცეული მწვევრვალე „— ზევით თუ ქვევით?“

მაგრამ ყველაფერს აქვს თავისი საზღვარი. ეს მღუშარებაც აუტანელი გახდა. რაღაც უნდა თქმულიყო. ხმა უნდა ამოედო ვიღაცას. ან „პო“ ეთქვა, ან — „არა“.

„პო თუ არა?..“

— მწვევრვალი ხელისგაწვდენაზეა. იქნებ ცენტრალურ პიკამდე

თხემით გავსულიყავით და მსწრაფლ მოვბრუნებულყავით უკან? — თქვა კუზმინმა.

შეპასუხება აღარ შეიძლებოდა. არც შეეძლო ვინმეს საწინააღმდეგო არგუმენტის წამოყენება. აბა მაგისი თავი ვისა ჰქონდა ამ მღუმარების ეამს? ადამიანებმა ერთი თავისუფლად ამოისუნთქეს და მადლიერების გრძნობითაც კი გადახედეს კუზმინს. მან ხომ ბოლოს და ბოლოს დაარღვია ეს მწვალებლური სიჩუმე...

მაგრამ ადგილიდან მაინც არავინ იძვროდა. პირველი ნაბიჯის გადადგმა ყველას უჭირდა.

— მიხეილის დატოვება არ შეიძლება. ყველანი აქ უნდა დავარჩეთ. თუ ხვალამდე გასძლებს, თბილად შევმოსავთ და დავარჩენთ. ჩვენ ავალთ მწვერვალზე მე მგონი, ასე უნდა მოვიქცეთ. ადამიანური ვალი მოვიხადოთ დავერდომილის წინაშე... და თუ ხვალამდე ვერ გაატანა, ძაშინ რაღა გაეწყობა, გინდაც ათასი მწვერვალი დავლაშქროთ. ახლა კი მე იქ წამოსვლის თავი არა მაქვს, მე აქ ვრჩები. აქ კარგია... — მიხეილს დავადე მხარზე ხელი და შევანჯღრიე — ა, მიხო, შენ არა თქვი, აქ კარგიაო?

მიხომ სველი გუგები გადმოატრიალა და გაღიმება სცადა, მაგრამ ვერ შესძლო. მხოლოდ შუბლის ღარები დაექშმუნა რაღაცნაირად, თითქოს რაიმე ძველისძველი ამბის გახსენებას ლამობსო.

თეიმურაზს რაღაცნაირი გამოცოცხლება დაეტყო ამ წუთში. მან ამხანაგებს გადახედა და ერთი საფეხურით ჩამოივარდა. ილიკო და ჭუმბერი შეტოყდნენ, თითქოს ჰაერის ტალღამ გადაუარათო. მერე წერა-ყარები მოისინჯეს ხელში და ის იყო, ამხანაგს უნდა გამოჰყოლოდნენ უკან, რომ კუზმინმა დაბეჯითებით მოითხოვა მარშრუტზე გასვლა:

— ამ სიმაღლეზე დარჩენა ყოვლად შეუძლებელია. კიდევ ერთი დღე, კიდევ ერთი ღამისთევა და ჩვენ ყველანი დავიღუპებით... არ გესმით თქვენ ეს ამბავი?

კუზმინი ყველაზე უფროსი იყო. უფროსი ხნოვანებითა და გამოცდილებითაც. სასიმაღლო ასვლებში პრიორიტეტი ამჟამად მას ეკუთვნოდა. ამიტომაც მისი ყოველი სიტყვა კანონივით ეღერდა კუზმინისა მეტი სჯეროდით. რწმენა კი ისეთი რამ არის...

ჯერ ყველაფერი ბურუსით იყო მოცული. რა მოხდებოდა, რა იქნებოდა, ვინ უწყობდა წინდაწინ?

„იქნება მართლაც არ შეიძლება ამ სიმაღლეზე დარჩენა, იქნებ ეს „ადამიანური მოვალეობის აღსრულება“ მხოლოდღა ფუქი შრომაა

და შეტი არაფერი? და ამ „ფუჰმა შრომამ“ მთელი ჯგუფი რალაზე უნდა შეიწიროს?“

— ერთი ღამისთვისაც და საახალწლო თოვლის ბაბუებივით მოვირთვებით. ქაჯ-ემშაკები ხელი-ხელს ჩაჰკიდებენ და ფერსულს დაუვლიან ჩვენს გარშემო, გამხიარულებისათვის კი ურიცხვ მადლობას შემოგვწირავენ, მაგრამ ვაი რომ ჩვენ აღარას გვარგებს იგი...

„თოვლის ბაბუება... ექვსი თოვლის ბაბუა... მერე ნაძვისხე? უნაძვისხეოდ თოვლის ბაბუა ვის გაუგონია? მაგრამ იქნებ აქ, საქაჩეთში სულ სხვანაირად არის აწყობილი ყველაფერი?“

## მ ე ს ტ ი ა

უკან დარჩა სახლი, ყანებთან შექურხული გამცილებლები, ხელებს იქნევენ და თანდათან პატარავდებიან, სიმინდის კაჭიკებად მოჩანან. მესტიას უკვე ზემოდან დავცქერით. აი, მისი ძველი და ახალი უბნები, ენგური, სვიმიერისა და შგედის ხიდები. მალა და მალა მიიწეეს მთამსვლელთა ჯგუფი.

მიხეილი ხელმოჩრდილული გასცქერის სოფელს. ღიმილგამკრთალი ამბობს:

— ასეთი ღამაზე არც როდის ყოფილა მესტია...

მე მივირის — რატომ თქვა ასე? რა უნდა შეჰმატებოდა სოფელს გუშინდელს აქეთ? იქნებ ვინ უწყის, რა იღუმალემა იმალება ამ სიტყვებს მიღმა? მაგრამ ვინ გამოიცილოს ის წინათგრძნობა, რამაც ეს სიტყვები ათქმევინა მოიერიშეთა რაზმის ხელმძღვანელს მშობლიურ სოფელთან გამომშვიდობების უამს?

აღამიანია წინასწარნათქვამები მეტწილად რალაც მნიშვნელობას, აზრს იძენს ხოლმე. მართლდება, ახდება კიდევ.

ამ წუთში მესტია თავისი ძველი და ახალი საცხოვრისებით, მურყვამებითა და ქუჩაში გამოფენილი აღამიანებით იცინოდა, სახეგაბადრული აცილებდა მთაში, ჭიუტი უშბისაყენ მიმავალ ვაჟკაცებს, იქნებ ამ საერთო ჟრიაბულმა უცვალა სახე მთების ქვეყანას? იქნებ იმითომ მოეჩვენა ასეთი ღამაზე მესტია?

— არა, ასეთი მშვენიერი მის დღეში არ ყოფილა მესტია... — გაიმეორა ისევ მიხეილმა. აჩრდილული ხელი დაბლა დაუშვა, შემოტრიალდა და ამხანაგებს წამოეწია.

„ნეტავი ასე იყოს და...“

ნეტავი შეტი არაფერი...“

## შალიკო მარგიანი: „გზას ვამგოვ თორე რა გზაა...“

მონაკვეთი № 1. 15 VIII. 64 წ.

მთავარ ბანაკიდან ზუსტად ღამის პირველ საათზე გამოვდივართ ამ უბანზე, ე. ი. უშბა-ჩათინის კულუარის შუაწელში მექექივით დასკუაებულ ლოდიდან „სარკის“ უშუალო მისადგომებამდე წინასწარ დაკვირვების დროს შევამჩნიეთ ინტენსიური ქვათაცვენა. მისი თავიდან აცილების მიზნით მონაკვეთის გავლა შუალამისას გადავწყვიტეთ, როცა ბუნება შედარებით მშვიდ ძილს მისცემია, არემარე კი მკვდარივით გარინდებულა.

რაც არ უნდა იყოს, ღამით მთაში სიარული ერთობ სარისკო და საშარო საქმეა, მაგრამ კედლის მისადგომებთან მიღწევა რაიმე დაუძლეველ წინააღმდეგობებთან არ იყო დაკავშირებული. ჩვენ უნდა გაგვევლო მთვარის შუქით განათებული ქვათაცვენისაგან დაორმოებული და დახეთქილი, შედარებით უსაფრთხო თოვლიანი ფერდი ღაფფიქრობდით რომ წინ არაფერი საშიშროება არ გველოდებოდა.

წინ მივიწვედით, მაგარ, მყიფე ფირნაზე-წერაყინმომარჯვებულნი და წრიაპებწამოცმულნი. ფერდის დახრილობა დაახლოებით 35 გრადუსია. მივდივართ, რაც შეიძლება ჩქარა, სულმოუთქმელად. ასიოდე მეტრის გავლის შემდეგ ვაწყდებით ნაპრალს, რომელსაც შემაზრბენად დაუფრენია ხახა.

ბევრნი პირველად ვხედავდით მთავარის შუქით განათებულ „თოვლის ქრილობას.“ მით უფრო გვაშინებდა და თავზარს გვცემდა იგი, რომ ნაპრალის ხახას, სიღრმეში ჩრდილი ადგა და რალაც ავბედითად ჩამუქებულიყო, სადღაც დაბლიდან კი რალაცნაირი ბუყბუყი მოისმოდა, თითქოს დევების ორკიოლი თუხთუხებდაო.

ნაპრალის გარსშემოვლა შეუძლებელი აღმოჩნდა, იგი ფირნს მთელს გაყოლებაზე გასდევდა. გადახტომითაც ვერ გადაახტებოდა კაცი, რადგანაც მისი მოპირდაპირე მხარე სამი-ოთხი მეტრით შალაღია აქეთა კიდეზე.

წინასწარი დათვალეირებისას მიხეილმა (უფროსი) და ჭუმბერ კახიანმა ორსაათნახევარი მოანდომეს დღისით-მზისით მის გაღალახვას. საბედნიეროდ მათ წერაყინზე დამაგრებული თოკი დაუტოვებიათ, რომლის მეორე ბოლოც ადვილად მოვნახეთ და მაშინათვე შევეუდექით კიდეც ნაპრალის ფორსირებას. 25 წუთში მეორე ნაპირზე ვართ ყველანი. იმ ადგილას, სადაც ჩვენ თავს აღმოვევლეთ უფსკრულს, მისი ყელის სიფართოვე ოთხ მეტრამდე აღწევდა.



მონაკვეთი № 2. ნაპრალს გადაღმა ფერდის დაქანება 40-45 გრადუსი გახდა. ჩვენს წინ კვლავ ფირნოვანი ველია გადაშლილი. მის გასლიპულ ზედაპირზე უწრიაპებოდ მართლაც რომ ძალიან გაგვიკირდებოდა. რამხელა შეღავათია საფეხურების ამოქრა რომ არ გვიხდებოდა. მონდომებულნი ვართ და ვჩქარობთ. პირველი დღე გვინდა განსაკუთრებით ნაყოფიერად და შედეგიანად დავამთავროთ, რათა შემოდგომისთვისაც დავიბედოთ „უხვმოსავლიანობა“.

მაგრამ ჯერ კიდევ ადრეა ამაზე ლაპარაკი. ჩვენ ხომ „დაძრული“, ქვათაცვენის ადგილები უნდა გავიაროთ. ქვათაცვენა კი... მთამსვლელისათვის ყველაზე უღმობელი და ძნელად თავდასაღწევი მოვლენაა.

ნაპრალის გადალახვა ხომ საძნელო საქმეა, მაგრამ ადამიანის დაუმორჩილებელი „თოვლის კრილობა“ ძნელად თუ მოიძებნება დედამიწის ზურგზე. „უარყოფითი კედლების“ გავლაც შესაძლებელი გახდა ამ ბოლო დროს, ხოლო ყინულის კულუარზე, თუ იგი ძალიან დაქანებულია და წრიაპებითაც შეუძლებელი ხდება მისი დაძლევა, ბოლოსდაბოლოს საფეხურებს ამოქრის ადამიანი, ან სამყინვარე პალოებით ისარგებლებს. ქარი თუ ატყდა, სხვა თუ ველარაფერი მოიფიქრა, მიეჭედება კლდეზე და დაელოდება ჩადგომას...

ბუნების მთელ რიგ მოვლენებს, რომელთა დაძლევაც ადრე შეუძლებლად იყო მიჩნეული, მოუნახა ადამიანმა გასაღები, მაგრამ ქვათაცვენის წინაშე იგი დღესაც ისეთივე უძლურია, როგორც ათი საუკუნის წინათ. მეხანძრეთა ჩაფხუტებით თავისდაიმედება სასაცილო-სათრიკო იქნებოდა და მეტი არაფერი! ქვა თავში კი არა, შეიძლება საერთოდ არც შეგეხოს ადამიანს სხეულზე და ისე გაგიყოლოს თან, მოუსავლეთში, ამდენად „კასკები“ მხოლოდღა „წერილი, სამწყურე საფანტისაგან“ თუ გვიხსნიდნენ, ისიც იმ შემთხვევაში, თუ საფანტი მაინცდამაინც კეფაზე იყო დამიზნებული.

მთამსვლელობაში ამ მიმართულებით თითქმის არაფერი არ შეცვლილა. გარდა იმისა, რომ თუ კი ადამიანები წინდაწინ იგრძნობენ მის საშიშროებას, ისინი ცდილობენ უსაფრთხო ეამს გარდაელონ იგი და ამავე დროს, რაც შეიძლება „იჩქარონ“. მთაში კი „უსაფრთხო ეამად“ მიჩნეულია შუალამიდან მოყოლებული ვიდრე დილის ათერთმეტ საათამდე, რის შემდეგაც მზე თავის უფლებებში შედის და აქამდე საიმედოდ გამაგრებულ წარაფებს წყალს გაუყენებს, ფუძე-საძირკველს დაუღობს და მოძრაობაში მოიყვანს.

აღბათ ქვათაცვენაზეცაა ნათქვამი — „სადაც არა სჯობს გაცლა

ს.ჯობსო“. მაგრამ აბა მითხარი, რანაირად უნდა გაეცალო რა გზებითა და მანქანებით უნდა დააღწიო მას თავი? ყველაზე იოლი გამოსავალი ამ დროს უარის თქმაა, შემდგომი იერიშის ვაგრძელებაზე. მაგრამ ააა კარგი ბიჭი ხარ და უხსენე, რომელიც გნებაეს მთამსვლელს უკან გაბრუნება? ტყუილა ფიქრობ რომ იგი კმაყოფილი დავირჩება ამ შენი „მშვიდობიანი რეცეპტით.“

და აი, როცა სამშვიდობოზე გვეგონა თავი, ახლა წინ ბერგშრუნდი გადაგვეღობა. იგი ჩვენს მიერ ახლახან უკან მოტოვებული ნაპრალივით მთელს ფირნოვან ველს გაჰყვება სიგანეზე, ვიდრე მცირე უშბის მისადგომებამდე. ნაპრალთან შედარებით მისი მოპირდაპირე კიდე ხუთი—ექვსი მეტრით მაღალია აქეთა ნაპირზე. ბერგშრუნდს „აქილევსის ქუსლის“ ძებნაში ნაპირ-ნაპირ ვუარეთ, ბოლოს მისი ფორსირება იმ ადგილას გადავწყვიტეთ, სადაც იგი მაღლიდან ჩამოცვენილი ქვა-ლოდებით ლამის შუაწელამდე მაინც იყო ამოხერგილ-ამოქოლილი. ხერგილამდე ვეშვებით თოკით, ხოლო იქითა ყინულოვან კედელს პალოების დახმარებით ვძლევთ.

მონაკვეთი № 3. ბერგშრუნდის მერე ყინულოვანი ფერდი იწყება. იგი უფრო დაქანებულია, თანაც ეს დაქანება ისე თანდათან და შეუმჩნეველად მატულობს, თითქოს ჩვენს დაშინებას უფრთხისო. ყინული მუქი რუხი ფერისაა და მთვარის შუქზე ზღვის ზედაპირივით ლიცილიცებს. მეწინავე საფეხურებსა კრის. ათასწლოვანი დაწნებილ-დაჭირბლული ყინულის მცირეოდენი ნაფხვენის მოხვედრაზეც კი ისეთი გრძნობა ეუფლება ადამიანს თითქოს მთელი კანი აატყავაო, მძიმეა საუკუნოვანი თოვლი. ტყვიის ნაფლეთებივით გვაცვივა იგი მუხლისთავეებზე, მხრებზე, ზურგზე და ფოლადის ნემსებივით გვაწყენს და გეჩხელეტს. შიშით არ გვეშინია მისი. წერაყინს არ შეუძლია იმხელა ბელტი მოატეხოს კულუარს რომ ადამიანისათვის სასიკვდილო აღმოჩნდეს იგი.

წყვილები მონაცვლეობით ქრიან საფეხურებს. ალაგ-ალაგ მეტი უსაფრთხოებისათვის ყინულის პალოებს ვარტყამთ და როცა საჭიროა რომელიმე წყვილი დაცვაზე გადის, რათა მეწინავეებმა გულდამშვიდებით იზუშაონ. მერე მათ სხვა ენაცვლება. ახლა მეწინავეები ისვენებენ — ისინი ზრუნავენ დანარჩენებზე. თოკებით ექაჩებიან უკან მიმყოლებს. მაღლიდან კატასავით თვალარიალტებულნი შემოგვკეპრიან ამხანაგები. რამხელა სიყვარულს, პასუხისმგებლობის გრძნობას მოუცავს მათი აზრი — გონება და მათ მიმართ რაოდენ დიდი მადლიერების გრძნობით არის აღვსილი ჩვენი გული...

დაბლა, მიწაზე, არა მგონია, ვინმეს შეეძლოს ყოველივე ამისი თუნდაც მიახლოებით წარმოდგენა და შეგრძნობა.

მონაკვეთი № 4. მყინვარული ფერდის გავლის შემდეგ კლდეებზე აღმოვიჩნდით, ეს იყო ბრტყელი, ბადროსენტური ფორმის სიბები. დაქანება აქ სამოცი გრადუსია. კლდეები უთოვლოა, მშრალზედაპირიანი. მეწინავე ცოცვით მიიწევს მაღლა. დაცვას კლდის პალოებით ვაწარმოებთ.

მონაკვეთი № 5. მალე გზაზე თოვლის, ყინულისა და კლდოვანი უბნების მონაცვლეობას ვაწყდებით. დაქანება ამ ნაწილში ნაკლებია, სამაგიეროდ მრავლადაა კლდოვანი შევრილები, რომლებიც ჩქარ მოძრაობა გვიშლიან, მაგრამ ჩვენ მათ ერთგვარ საყრდენებად ვიყენებთ, აიკის გადავუგდებთ ხერხემალზე და ერთმანეთს ვიცავთ. ამ უბანს თავზე უშველებელი უარყოფითი დაქანების კედელი გადმომხობია. უკვე დილის ათი სათიუ გახდა. ჩვენი მიზანი კი ნაწილობრივ შესრულებულია. ქვათაცვენისაგან საშიში მონაკვეთი გავლილია. მართალია, უარყოფითი დაქანების კედელი ცხვირწინ აგვტუზვია, მაგრამ მისი არსებობა ხომ აღრევე იყო ჩვენთვის ცნობილი...

აქ, ალბათ, მთელი დღე მოგვიწევს ყურყურტი. უშბის სარკე ხომ აქ იწყება, უშბის სარკე მთელი თავისი ბრწყინვალეობითა და ხელშეუვალობით. იწყება ჩვენი ჭიდილი კლდესთან, ჭიდილი, სამკედრო-სასიოცხლო ბრძოლა.

ამ უარყოფითი კედლის დამუშავებას კი ალბათ მთელი დღე მოვეუწოდებით, შეიძლება ვერც მოგვესწრო მისი გავლა დარჩენილ დროში და ამიტომ გადავწყვიტეთ მის ძირში ღამისსათევი მოედნის მოწყობა, ბაქნის შედარებით სწორი რელიეფი და ქვათაცვენისაგან საიმედოდ დაცული ადგილმდებარეობა იძლევა ამის საშუალებას. კარავში, რომელიც აქ მოთავსდება, ოთხი ადამიანი გაათევს ღამეს. ორს კი ჰამაკებში მოგვიწევს „ნანაობა“. ვიდრე ამხანაგები ბინას გააწყობდნენ მე და მიხეილი ტაქტიკური გეგმის შესაბამისად მონაკვეთის ათვისებას შეეუდებოდა...

• •

ისინი წაედნენ.

წაედნენ და წაედნენ.

ქუჩიანიძე ერთხანს ისევ უარზე იდგა, მაგრამ უიმისოდ წყვილი

უნდა „გამტყდარიყო.“ სამ კაცს კი უფრო გაუჭირდებოდა ერთ გაბმავში სიარული. ჰოდა წავიდნენ წყვილ-წყვილად, ერთიმეორის მიყოლებით.

ეს იყო რაღაც საშინელი წუთი. ურწმუნოების, სიცარიელისა და სიღარიბის წუთი. ერთი ქილა საკმელი, თოკის ნაგლეჯი და მთელი ქვეყნის სამყოფი თოვლი იყო ჩვენს განკარგულებაში. მეტი არც რა. მეტი არაფერი და არავინ იყო. ოთხი წერტილი გამოეყო ორ ლაქას და მალე ღრუბლებში გაუჩინარდა. ორი ლაქა გაერთდა, ერთურთს შეერწყა. ისინი საკერებელივით აჩნდნენ გადაპენტილ ფერდობს. საკერებელი ტრიალებდა, ბრუნავდა, დაბლა ჩამოუყვებოდა წარაფს...

დავრდომილი და მრთელი, ორი მიხეილ ხერგიანი საკერებლად ქცეულიყო.

ორი, დავრდომილი და მთელი მიხეილ ხერგიანი — ერთურთის სისხლი სისხლთაგანი, ხორცი ხორცთაგანი ებრძოდა აღსასრულის მოახლოებას.

— ტყუილა ირჩები... გეუბნები, ტყუილა ირჩები... — ამბობს დავრდომილი.

— სსს... სსს... — ხელს ვაფარებ ტუჩებზე.

— ქსსს... ქსსს... — მიერთე მთელი სისწრაფით ფერდობზე. თოვლზე გახახუნებულ ტანსაცმელს რაღაცნაირი ქსუილი გაუფდის.

სადაც სწორია თავდაღმართი, საქმე წინ მიდის. ტვირთი იოლად მომყვება. მოსახვევებში ჩვენი ქარავანი სვლას უკლებს. ჩერდება. ამ ღროს მის მკლავს მხარზე გადავიგდებ და ძალიაძალად ვეჭაჩები და ვეწევი. ძნელია ამ სიმაღლეზე მძიმე ტვირთის ტარება. მით უფრო რომ ზურგჩანთასავით მარჯვედ ვერ მოგიგდია მხარზე. ძნელია უშიერი და არც თუ მთლად დასვენებული ადამიანისათვის მისი მორევა. მაგრამ, შენდა საკვირველად, უხილავი ძალები იზადებიან სხეულში, ძალები, რომელთა არსებობაზე დღემდე წარმოდგენაც კი არ გქონდა. ძალა და ნებისყოფა კი ერთად ალბათ მხოლოდ ყოვლისშემძლე ღმერთებს თუ გააჩნიათ (ალბათ ამიტომაც არიან ისინი ღმერთები). სხეული გუნდასავით შეიკვრის, გონება გაფაციცებული მუშაობს, ითვლის ქვეშეცნულად ათას შესაძლო ვარიანტსა და ალაგებს მათ თავისი რიგის მიხედვით. ამ ათასი ხსნიდან, ერთი მოაჯარი გზა უნდა შეირჩეს, ყველაზე იმედიანი და მისაღწევი. გზა — დასაძლევია და გასაღლელი. გზა — ღამისთევებით, შესვენებებით, ვახშობობა-სადილობით... „ამალამ ვახშობად რა გვექნება? ხარ-ჯიხვის მხარი გვექ-

ნება... „ამალამდელი სადგომი სად გვექნება? ცაიდერის ქვაბში გვექნება...“

— არ გჯერა... ჩემი არ გჯერა...

— სსს...

— ყოველთვის გჯეროდა ღღეს — არა.

— ამისი დროა ახლა? გაჩუმდი...

— იცი, რა? თითქოს რაღაც ჩამწყდა გულ-მკერდში. ჩამწყდა და უკვე ველარაფერი გაამრთელებს!...

— გეჩვენება. ამ დროს ბევრი რამ ეჩვენება ადამიანს...

— არა... არა... არა...

— სსს... სსს...

— აქ მშვენიერი ადგილია. ირგვლივ თეთრი მღუმარება განფენილა, სპეტაკი მღუმარება. ამაზე უკეთესს რას ნახავ კაცი... დამიჯერე

„აქ უნდა გავჩერდეთ. უნდა გავჩერდეთ და დაეისვენოთ, ღღესათვის საკმარისია. ამდენი ნკლრევისაგან რაღაც ჩასწყდა...“

— ახლავე დამისათევს მოვაწყობ.

მთელი საათი ვიმუშავე. ფხვიერი თოვლი ადვილად ამოვიჩიქნე, მაგრამ ქვეშე ყინულის ფენა შემხვდა. იმას ვერაფერი მოუხერხა ჩემმა წერაფინმა. ტყვილა შემრჩა ამდენი წვალება. ბრაზისაგან გადავწყვიტე, მაგრამ უმაღლესე მოვეგე გონს. არა, არ უნდა ავყოლოდი გულისთქმას. რამენაირად სიმშვიდე უნდა შემენარჩუნებინა. გავფრთხილებოდი ნერვებს, რათა საღი აზროვნების უნარი არ დამეკარგა.

— გემუდარები, დამიჯერე...

„დაგვიწყია სელა-წასვლა...“

— მოიტა შენი მკლავი. რაც დაბლა დავეშვებით უკეთ გახდები... — შევეცადე მის გამხნეებას.

— პირიქით, უარესად წავა ყველაფერი... — ამიტომაც დამიჯერე. ი, გაიხედე ერთი.

— ჰო, გავიხედე, მერე?..

— ჩვენს მხარეზე გადამიშვი, ძმურად გვეედრები, გადამიშვი. ყველაფერი გათავდება. შენთვისაც ასე სჯობია, იქნებ შენ მაინც უშველო თავს როგორმე. ჩემს წამებასაც მოელება ბოლო.

— ჰა, რა თქვი? — ნაწყვეტ-ნაწყვეტ ჩამესმის მისი სიტყვები. ეს იმითომ რომ ალბათ მწვავე რამ საფიქრალს მოუტავს ჩემი გონება.

— მერე კი შენი ნებაა... მოხვალ და „ამკრიფავ“. მერე რაც გინდა ის მიქენი...

„მერე მოხვალ და „ამერიფაე“, მერე რაც გინდა ის მიქენი“ — დაიჭირა ყურმა მიხოს სიტყვები. ტანში უსიამოდ გამაჟრიალა. სიტყვა „აქრეფამ“ რალაც შემადრწუნებლად იმოქმედა ჩემზე.

— ასე ნუ ლაპარაკობ, გაიგე? — დაუყვირე ხმამალლა — პირზე რაც მოგადგება ყველაფერი კი არ უნდა წამოროშო, გესმის?

ჩემმა ყვირილმა შეაცბუნა. ხმა არ ამოუღია.

ჩვენს მხარეზე მართლაც თვალშეუვლები კედელია. ჩინეთისაკენ კი თოვლიანი მშვიდობიანი ფერდობი დაუყვება.

„ამ ფერდობზე ადვილად ჩაიყვანს ადამიანი — გამკრა უეცრად თავში — კი ჩაიყვანს, მაგრამ მერე, მერე რა იქნება? მერე ჩვენ სოფრთოდ ვერავინ ვერ მოგვნახავს, ჩვენი ასავალ-დასავლისას ვერავინ ვერაფერს გაიგებს...“

არა, როგორმე ძალ-ღონე უნდა მომეკრიბა და დასავლეთის მწვერვალის აღმართს შევდგომოდი. აღმართს, რომელიც ორი დღის წინ ჩამოიარა ჩვენმა ექვსეულმა.

იმ წუთში ცივი გონებით რომ შეეხებდა ადამიანს ჩვენი მდგომარეობისათვის, ალბათ ყოველივე სასაკილოდ და უაზროდ მოეჩვენებოდა. ასელა-წასელაზე ფიქრს არც გაიელვებდა თავში. მაგრამ მთაშვლელეებში ალბათ ძალიან ცოტა ურევია ცივი გონების ხალხი. არ ვიცი, ჩვენს ჯგუფში კი ერია ასეთი ვინმე? იქნებ ერია კიდეც, იქნებ არც ერია...

7300 მეტრზე კვლავ შევუდექი ქვაბის გამოთხრას. როგორც იქნა გამოვთხარე და მიხეილი შიგნით შევათრიე. გათბობით რას გავთბებოდით. იგი ძალიან ცუდად გრძნობდა თავს. და თუ რამეს შეეძლო ახლა მისი მობრუნება, ალბათ ერთი მოგუზგუზე ბუხართან ჯდომა იყო, ან თბილ მარჯვნივ მოფიხვნი ხალხთან ბაასი. მაგრამ შორს, ძალიან შორს იყო საქართველო, სევანური მარჯვნივ სითბო კი ველარასოდეს მოაღწევდა ტიანშანის ველეებამდე. ჩვენი უნდა გავმთბარიყავით როგორმე, უბუხროდ და უმარჯვროდ, მაგრამ როგორ?

მას წყალი უნდოდა.

— სგიმ... სგიმ ლამაშ... სგიმ ლამაშ... — წამოაბოდებდა ხანდახან. სგიმს ვინ ჩიოდა, თოვლის ნაყური სანატრელი გავგებდომოდა. იმას კი თავი ლეგაბში ეგონა, მკავეწყალზე. ვილაცას ეჩხუბებოდა — დამანებე რა, გემოზე დამალევინე ერთი...

ვილაცა უშლიდა სგიმის დაღევას.

— სგიმ... სგიმ ლამაშ... ჯესმიმა, სგიმ ლამაშ...

მთელი ღამე ბოდავდა. ნახევრად გრძნობადაკარგული ებრძოდა შორეულ მოჩვენებებს. ტკივილის, წყურვილისა და შიმშილის მოძალებას.

არც პურის დაღეჭვა შეეძლო. მაგრამ იგი კი აუცილებელი იყო ძისტვის. დაერდომილი ორგანიზმისათვის აუცილებელი იყო საკვები. ამიტომ მე ვუღეჭავდი ლუქმას და მერე პირში ვუტენიდი. როგორც დედაჩიტი, ისე ვუჩრიდი დამბალ, დაღეჭილ პურის ნატეხებს, პირში. მაგრამ მას არ შეეძლო მისი გადაყლაპვა და უკანვე ჰყრიდა.

— სგიმ ლამაშ... სიმარესი, სგიმ ლამაშ...

გაზქურა კი ჩვენ არ გვექონდა, არც სპირტი გვექონდა, თოვლი რომ გაგვედნო. არაფერი ჩვენ არ გვექონდა. თოვლს კი არ ვაძლევდი. თოვლი წყურვილს არა კლავს, პირიქით ამძაფრებს მას და ამიტომ თოვლს არ ვანებებდი.

იგი კი ამბობდა:

— ნეტავი რას მიფრთხილდები და მაწვალე, მე ხომ უკვე მოვკვდი...

— სსს... სსს... — პირზე ვაფარებდი ხელს.

— მე უკვე გავთავდი და რაღას მელოლიავები...

ამ სიტყვებზე გული ამიჩუყდა. თვალეში ცრემლი მომადგა. აუქვითინდი. შემეცოდა, ძალიან შემეცოდა მიხო და მივეცი თოვლი. ნაიალაღარი ხარი რომ დააკვდება სალოკ მარილს, ისე დააცხრა ყინულს.

იგი მთელი ღამე ხნაოდა და კვდებოდა. მაგრამ მე ვერაფრით ვერ შევეგუებოდი იმ აზრს, რომ თბილისის აეროდრომზე ერთად არ დავეშვებოდი თვითმფრინავით ჭანბრთელნი და საღ-სალამათნი. ვერაფრით ვერ წარმომედგინა სამგლოვიარო ზარის გუგუნის ლანჩვალში, მიზოს გასვენებაზე. ნუთუ ერთად ვერასოდეს დავლევდით ლეგაბისა და სგიშის, შგედისა და კახრულდის მკავე წყლებს მე და მიხო? არა, ეს არ უნდა მომხდარიყო. თვით განგებაც კი ვერ მოიმოქმედებდა ამხელა უსამართლობას. არა, არავის არ მივეცემდი ამის ნებას, ცოცხალი თავით არავის დავაჩაგვრინებდი მიხოს... ჩემს საყვარელ ძმასა და მეგობარს, მუდამ სახემომლიმარსა და მღუმარე მიხოს...

ვერა, ვერავენ წამართმევდა მას. ის ჩემია, ჩემი სისხლხორცია. სხეულის ერთი ნაწილია, გაგრძელებაა. და მე რაც შემეძლო, ვზელავდი მას. სახინკლე ცომივით ვზელავდი მთელი ღამე. თვალი არ მომიხუტავს და ოფლი არ შემშრობია, ვზელავდი და ვზელავდი, საწე-



44

46







47



48



49



50



51



52

53



54



55







57

58





59

60





61

62





63



64



65



66

67



68



69





70



71




72



73

74



75





76

77





78



80

79

81






82

84



83







86



87

მაშე<sup>1</sup> ტყავივით ვთელავდი და ვბუზბუნიდი. ოღონდ დამებობო მისი სხეული როგორმე, სისხლი ამეჩქროლებინა უწინდებურად მის ძარღვებში... საკუთარი სითბო გამენაწილებინა მისთვის.

— ტყვილა, ტყვილა ირკები, მინაან, ამაოა ყოველივე, ფუჭია...

— სსს... სსს...

— იმათთან უნდა წასულიყავი... — ამბობდა როცა გონს მოეგებოდა.

— სსს... — პირზე ვაფარებდი ამ ღროს ხელს. აბა რა უნდა მეტყვა სანუგეშო?

— შენ რა სხვაზე ნაკლები იყავი. იმათთან უნდა წასულიყავ, გაიგე?..

### გივი წარედინი: „იელღრიღვიო, იელღრიღვიო?...“

მონაკვეთი № 6. 16. VIII.64 წ. გავდივართ უარყოფითი დაქანების კედელზე (25 გრადუსამდე). გადავწყვიტეთ შიდა კუთხით გვეცადა ასელა, რადგანაც მისი დახრილობა გარე კუთხესთან შედარებით ნაკლებია. პორებსა და ხელჩასავლებ ღრეჩოებს ველარსად ვხედავთ, ამიტომ კლდის პალოებთან ერთად შლიამბურსაც ვიყენებთ. მაღლა ჩვენი კუთხე თანდათან ფართოვდება. 100 გრადუსიან „ფილაში“ გადადის. პირველი წყვილი წინ მიიწევს თოკის კიბეებისა და მოედნების დახმარებით. ხოლო მეორე და მესამე „აბალაზებითა“ და „ხაჟიმებით“ მიჰყვება მათ უკან.

მონაკვეთი № 7. გრანიტი მონოლითური ფილის ორსავე მხარეზე გადმოკიდებულია კარნიზები. მათი გადალახვა ძალიან ძნელია. მხოლოდ ფილის შუანაწილია კარნიზისაგან თავისუფალი. აქ უნდა ეცადოთ გაძრომა. ფილა სარკესავითაა მოპრიალებული. ამიტომ ჩვეულებრივი კედლის პალოსათვის ჩასარტყმელი ადგილიც კი ველარსად მოვნიშნეთ. ვხმარობთ შლიამბურულ პალოებსა და ისევე, როგორც წინა უბანზე მოწინავე წყვილი გზას მიკვალავს „მოედნებისა“ და თოკის კიბის დახმარებით. ფილისთავზე მცირე ფართობის ოღნავ შეწეული კლდელარი გვხვდება. აქ საშუალება გვეძლევა დაკიდული მდგომარეობიდან მდგომელაზე გადასვლისა. დაქანება ამ ადგილას

<sup>1</sup> სვ. ღვედი.

<sup>2</sup> დაგვიწყია სელა-წასელა... (ნაწევები სკანური სიმღერიდან.).



85—90 გრადუსია. დაკიდული მდგომარეობით დაღლილ-დაქანცულ სხეულზე შეებისმომგვრელად მოქმედებს „მიწის“ შეგრძნება, მიწისა, რომელსაც ასეა შეჩვეული ყოველი ჩვენთაგანი, და რომელიც, უკვე რამდენი საათია, ფეხქვეშ გამოგვეცალა...

მონაკვეთი № 8. მაგრამ ევრტიკალური კედელი კვლავ უარყოფით დაქანებაში გადადის. თუმცაღა დაქანება წინა უბნებთან შედარებით ნაკლებია — 95 გრადუსამდე. კლდის ზედაპირი გლუვია, თითქოს საგანგებოდ გაუღესიათო. პალოზე ჩაქუჩისცემის ხმა კოდალის რაკუნით გაისმის სივრცეში. კვნესასავით ხმას გამოსცემს პალო, რაც იმას ნიშნავს, რომ კლდე შეუვალია, მყიფეა. პალო ძნელად ექედება. არა, პალოებით შორს ვერ წავა კაცი, რადგანაც ბზარი რამდენიმე მეტრზე მრთელდება. კვლავ შლიამბურულ პალოებს ეხმარობთ. მაგრამ ვანა კლდის ბურღვა ნაკლებ შრომატევადია? პირიქით — სიბი კლდის დანაჩვრეტებასა და მერე იქიდან ნაბურღი მტვერნაფუქვენების ბუშტულათი გამოსუფთავებაზე ილაჭამწყვეტი და მომქანცველი რა უნდა იყოს ამ ქვეყანაზე? მაგრამ სხვა რა გზაა. თუ არ გაირჩები, ფონს ვერ გახვალ.

ამ მონაკვეთზე ჩვენი წყვილი ისვენებს სრული ამ სიტყვის მნიშვნელობით. სამუშაო თითქმის არაფერია. თუ არ მივიღებთ მხედველობაში ნერვიულობასა და წრიალს. მეწინავეები თავადაც ძლივს ეტევიან კლდე-ღარის ვიწრო კუთხეში და ქვევიდან დამხმარის მიღებაზე ლაპარაკიც კი ზედმეტია.

მესამე წყვილმაც ამოზიდა ჯგუფის ქონება. ისინიც ჩვენთან ერთად პირდაფჩენილნი შესტქერიან ორ მიხეილ ხერგიანს, მალღა, ცისკიდურზე რომ კონწიალობენ. ჩვენ, მართალია დაცვაზე ვართ გადასული, მაგრამ რამე რომ მოხდეს, ყველაფერი გათავებულა. მეწინავენი ოცი მეტრით მაინც იქნებიან ჩვენგან დაშორებულნი. მოწყდომის შემთხვევაში კი ისინი ორმოც მეტრს იფრენენ, ჩვენამდე ოცი და ოციც ჩვენს მერე. სამაშველო თოკი მეორმოცე მეტრზეღა დაიძაგრება და შეუღდება თავისი მოვალეობის აღსრულებას, მაგრამ ორი ვაჟკაცის სიმძიმეს რომელი საყრდენი პალო, ან სადაური თოკი გაუძლებს? ამ წუთში დაცვა ფორმალურია. ეს — მეწინავეებმაც და მიმყოლებმაც იციან. ყველამ ვიცით, მაგრამ რა მოვიმოქმედოთ და ვიღონოთ? რა პალგვიძს ჩვენ?

მთამსვლელობაში არის წუთები, როცა ადამიანები განსაკუთრებული მდგომარეობის გამო თავთავიანთ ღმერთზე, იღბალსა და წილხვედრზე არიან მინდობილნი. და კიდევ წინ წასულ ბიჭებზე.

ჩვენც მათზე ვიყავით მინდობილნი, მათს სიმარჯვესა და ვაჟაკობაზე. და გვჯეროდა ორი მიხეილისა, ერთმანეთისაგან განსასხვავებლად მეტსახელებით — „უფროს-უმცროსით“ რომ მონათლეს კოლეგებმა, ამხანაგებმა, ჟურნალისტებმა (მიხეილი — „უფროსი“, მიხეილი — „უმცროსი“), მონათლეს და საკმაოდ შეცდომითაც. შეცდომით იმიტომ, რომ სინამდვილეში „უფროსი“ ასაკით უმცროსია „უმცროსზე“.

მართლაცდა ჟურნალისტების ოინბაზობა ხუმრობას უფრო წააგავდა, ვიდრე სხვა რამეს. ისედაც მათი ნათლიობა ბევრი სხვა რამის მსგავსად პირობითი იყო. პირობითობა კი სიმარტივისათვისაა მოგონილი. ადამიანები ესწრაფვიან სიმარტივეს. ამიტომაც მონათლეს ისინი თავის ნება-სურვილისამებრ.

იციის მიხეილ „უმცროსმა“, რომ უფროსობა დამსახურებისამებრ ასაკით უმცროსს ეკუთვნოდა, იქნებ იმიტომაც უწოდეს მას „უფროსი“? თუ კი იმიტომ მონათლეს ამ მეტსახელით, მაშინ ჟურნალისტები მართლაც რომ ჰკვიანი ხალხი ყოფილა...

ამ წუთში კი ისინი ბეწვის ხიდზე გადადიოდნენ და ერთ თოკზე გადაბმულთათვის არავითარი მნიშვნელობა არ ჰქონდა უფროს-უმცროსობას. ჭგუფის ხელმძღვანელობასა და რიგით წევრობას. ოღონდ ემარჯვათ, მშვიდობიანად გასულიყვნენ ფონს.

— „გავლენ? — გავლენ... გავლენ... აუცილებლად გავლენ...“ — ფიქრობდა ამ წუთში თითოეული ჩვენთაგანი. ჩვენს იმედიან ფიქრს, ეტყობა, რაღაც საფუძველი ჰქონდა — მართლაც მალე თავს ზემოთ გადმომხობილ ვიწრო კუთხეში ჯერ ერთის სილუეტი გაუჩინარდა, მერე მეორისა. ბოლოს კი ჰაერში ჩამოკონწიალებული თოკის კიბეები და მოედნებიც გაქრნენ თვალთახედვიდან. კედელი კვლავ გაშიშვლდა, მხოლოდ ალაგალაგ შლიამბურის პალოები აჩნდა კორძე-ბაღ...

მერე ისევ აკაკუნდა ჩაქუჩი. იგი გარკვეული ინტერვალის მერე შეწყდებოდა, მერე კვლავ დაიწყებოდა. ეს ნიშნავდა — ვამაგრებთ პალოებს მაშველი და სადამცველო თოკებისათვის რომელთაც მალე ჩამოვუშვებთ. გაემზადეთ. სულ სამი პალო ჩაერქო კედელში. სამი საკმარი იყო ორი ადამიანის უსაფრთხოების უზრუნველსაყოფად და ძირითადი თოკის დასამაგრებლად, რომელსაც ახლა ჩვენ უნდა ავყოლოდით.

მალე თოკი მზის სხივივით ნუგეშად და იმედად ჩამოტურდა მაღლიდან. მის დანახვას ჩვენი ოთხეული უთქმელი, შინაგანი ყი-

ჟინა—ყაყანით შეხვდა. ახლა ამ მზისფერ დუღგულას სტვირისათვის უნდა ჩაგვევლო ხელი და მიგვენდო ჩვენი თავი. მზისკენ, მაღლა აგვიყვანდა იგი. დასასრულისაკენ, მიზნისკენ გაგვიძღვებოდა. და აი, ჩვენ უკვე მაღლა ვართ, კლდიან ბექობს თავზე მოქცეულნი, მაგრამ სადღაა დასასრული? სადღაა მიზანი სანატრელი? წინ კლდეებია, ღარებია, კუთხეებია, მათს შვერილებზე, სიპებზე კვლავ ჩვენი ჭან-ლონე უნდა დაიხაჩქოს...

მაგრამ ეს არ არის მთავარი. სადღაა ოქროსფერი მზე? ან დუღგულას სტვირმა საით ამოგვიყვანა? არსად, არსად მზე არ იყო. წელან თუ ღრუბლებშორის გამოქრთებოდა და გამოანათებდა ხოლმე იმისი გავარვარებული ბადრო, ახლა რალა იქნა?

აღმოსავლეთის ქარმა დაჰბერა ქარაფებზე, დაჰბერა და თან ნისლის ნაფლეთები მოაჩანჩალა საიდანღაც. ისინი ჩვენ გველამუნებოდნენ მხრებზე, სახეზე და გვასველებდნენ.

შერე ქარმა იმძღაერა. უღმობლად დაგვიშინა ნისლის ქულები. ირგვლივ ნაცრისფერმა მღუმარებამ დაისადგურა. უშბის კალთები ჩამოიბურა. ჩაირაზა ჩვენი ფანჯრები, გარესამყაროსთან რომ გვაკავშირებდა. მოვწყდით ყველას და ყველაფერს.

მრუმე ფარდა ჩამოეშვა მთებსა და ხეობას შორის. თვალს მიეფარნენ სამაშველო ბანაკი ჩალათის მყინვარზე, თვალს მიეფარნენ გულშემატკივრები, ჩვენთვის შეუმჩნეველნი და უხილავნი, ჩვენს ყოველ ნაბიჯს რომ აკვარდებოდნენ, ხედავდნენ. გამოვეყაყით, განვემარტოვეთ მთელს გარემომცველ სამყაროს, უხილავი ძაფების გაბმულა ჩაგლიჯა ვილაცამ, და ახლა დაწყვეტილნი სადღაც დაბლა დალის ნაწნავებივით იწეწებოდნენ ქარისაგან...

მარტოობის შეგრძნებამ თითქოს ფრთები შეგვჭყვეცაო. თითქოს დაგვამბუნაო. თითქოს სასოწარგვეცეთაო. მოწყენილობამ დაისადგურა ჩვენს ბანაკში. მოწყენილობამ და მღუმარებამ. მაგრამ არა... ასე არ შეიძლება. როცა მარტო ხარ, მეტი მონდომება და შემართება გმართებს. როცა მარტო ხარ, უფრო გმართებს თავის გამოჩენა, რათა როგორმე ფაეი დააღწიო სიმარტოვეს.

ახლა ყველა ჩვენთაგანი ასე ფიქრობდა და თანდათან დევნიდა თავისი არსებიდან მაცდურ განწყობილებას. მალე ყველანი განეთაღისუფლდით კიდევ მისი მოძალებისაგან და კვლავ წინანდებური ჟინით აღვენთეთ საბრძოლველად. განახლდა კაკუნი. მოკლე გადაძახილები წყვილებს შორის. ბანაკში ყველაფერი რიგზე იყო. მონაწილეები თანდათან ეგუებოდნენ უამინდობას, ახალ პირობებს...

საათს რომ დავხედე, აღმოჩნდა, რომ ამ ოციოდე მეტრის გავლისათვის ას ოც წუთზე მეტი მოგვინდომებია.

— რამდენი პალო დავხარჯეთ ამ მონაკვეთზე? — ვკითხე უფროსს შენაცვლებისას.

— ათი შლიამბურისა და ხუთი ჩვეულებრივი კლდის პალო... მიპასუხა მან. მთავარი კი ამ შემთხვევაში უფროსის განწყობილებას ვაგება იყო ჩემთვის. როგორ გუნებაზე იყო იგი? ამინდის შეცვლამ რანაირად იმოქმედა მასზე?

ჩიხეილის ხმა მორწმუნეთა შორის ზარის რეკვასავით გაისმა, იმედიანი, ბრძოლის ღინით აღვსილი ხმა. ყველეს რაღაც იმედი ჩაგვესახა გულში. იმედი, რომლის გაქარწყლებაც არავის და არაფერს არ ძალუძდა, არც ამ ქარს, არც ამ ბურუსს, სიცივეს და წვიმას, არაფერს არ ძალუძდა მისი ხელყოფა.

## დ უ მ ი ლ ი

— ერთი თეთრი — ჭგუფი კარგადაა, ორი თეთრი ან ორი მწვანე — საკონტროლო დროის გაგრძელება. ხოლო წითელი... — უმძიმს მიხეილს ლაპარაკი — წითელი...

სხვებიც დუმან.

ჯოკია, გივი, მიხეილი (უმცროსი), ჯუმბერი და შალიკო, ყველანიც დუმან.

დუმან მთები. შურთხებოც კი გაუჩინარდნენ საღდაც. არც იმათი ტრული და სტენა არღვევს გამეფებულ მდუმარებას. ყვავები უშბისპირა კლდეებს მიეფარნენ.

მე მიხეილის წინ ლოდზე ვზივარ. მუხლზე რვეული მაქვს გაშლილი და მის ყოველ სიტყვას შიგ ვიწერ. ახლა კი თითქოს ხელი გამიშეშდა. გამტერებული შევცქერი მათს მდუმარე სახეებს. დუმილი რაღაც ბლანტ სითხესავით გაღვრილა და განფენილა ჩვენს გარშემო.

მას მერე, რაც ადამიანი კლდეებთან ორთაბრძოლაში ჩაება, გაჩნდა ერთი ახალი წუთი, მანამდე ქვეყნიერებისათვის უცნობი წუთი, როგორც ასტრონომის მიერ ახლად აღმოჩენილი ვარსკვლავი ან პლანეტა. როდესაც წითელ შუშხუნაზეა ლაპარაკი, ყველა დუმს. ყველა რაღაც მწვავე ფიქრსი და სადარდებელს მოუტავს. წითელი შუშხუნის მიღმა საზარელი იდუმალეობა იძალეობა და იმისი წარმოდგენა თავზარსა სცემს ადამიანს.

სიჩუმე ამ წუთში ნიშნავს იმის განცდასა და სიძულვილს, რასაც მთამსვლელთა ენაზე უბედურება ჰქვია.

— წითელი შუშხუნა — ჯგუფს უჭირს, სასწრაფო დახმარებაა საჭირო. საკონტროლო ვადა ოცდაექვს აგვისტომდე. მოკლედ ამთავრებს მიხეილი.

მე ვეცავე სასიგნალო ნიშნებიან რვეულს და სათუთად ვინახავ, თითქოს მასზე იყოს დამოკიდებული ვაკეცთა ბედი. მერე მიხეილი დგება, ბიჭები ზურგჩანთებს იკიდებენ. და ის არის, გზას უნდა გაუღდნენ, რომ ჯგუფის უფროსი მოდის ჩემთან და ჩუმად მეუბნება:

— ჩემს სიცოცხლეში წითელი შუშხუნა არ მისვრია... მაგრამ თუ დაინახავთ, იცოდეთ, მაშველმა ჯგუფმა ძირიდან არ სცადოს დახმარება, არაფერი გამოუვა. უმჯობესია მწვერვალიდან იმოქმედოს... ისინი წავიდნენ.

ჩვენ — მე, პირიბე გვარლიანი, კინოოპერატორი, ბორის კრეპსი და ჯგუფის ეჭიმი ხიტო მუსელიანი დაერჩით დაცარიელებულ სამაშველო ბანაკში. ჩვენთან არის მარტოობა და სიცარიელე, ხოლო ჩვენს წინ ჩალათის მყინვარი გადაშლილა. მოსახარში ხორცივით დაკეპილი, სიკვდილმობნეული, უსასრულოდ გრძელი და ციკაბი მყინვარი. იგი უშბისა და ჩათინის მწვერვალთა გზაგასაყარისაკენ მიემართება მალა და სადღაც ზევით, ღრუბლის ფთილებთან უჩინარდება და უერთდება ცისიერ ჰორიზონტს. ბიჭები ამ მყინვარს აპყეებიან, და მის თავში დაიდგამენ კარავს, რათა პირდაპირ შეხედონ უშბის სამხრეთ-აღმოსავლეთის კედელს, გამოქვაბულის პირივით გადმოყუდებულსა და გადმოპირქვევებულს, ჯერეთ ადამიანის ფეხშეუდგამს.

რამდენი ჯგუფი დაბრუნებულა უკან ხელცარიელი, ხელმოცარული. ხუმრობა საქმე ხომ არაა, ექვსასმეტრიანი „სარკე“!.. მანდ ჩაქუჩებითა და ფოლადის პალობურლებით სამუშაო ელოდებათ. ათი დღე-ღამის თოკებზე კონწიალი ელოდებათ.

ამ რამდენიმე წლის წინ, როცა მიშლიაევმა უარი განაცხადა უშბისთან შებრძოლებაზე, მიხეილის გულს შიში მანც არ გაჰკარებია. მართალია ერთხანს დაბნეულობამ და ეჭვებმა მოიცვა, მაგრამ მალე დააღწია თავი მელანქოლიას და მამამისს გაანდო თავისი გულისნაღები. და მიხეილი კვლავ ეწვია უშბის სარკეს. ოღონდ ამჯერად მას მამა ბესარიონი ახლდა თან. მთელი ორი საათი იდგნენ ისინი ზღაპრული გოლიათის პირისპირ და დინჯად, აუღელვებლად ზვერავენ კედელს. ათასი ვარიანტი შეადგინეს, ათასი მხრით დაზვერეს. უკან რომ ბრუნდებოდნენ მამა ბესარიონმა თქვა:

— კარგი ბიჭები თუ გეყოლება, შეიძლება მაგისი დამორჩილება. ეს იყო საბოლოო შეთანხმება მამა-შვილს შორის. სწორედ იმ დღიდან დაიწყო სერიოზული სამზადისი უშბის სარკესთან საბრძოლველად. ლაშქრობაში მონაწილეობის მსურველებმა თანდათან მოიყარეს თავი.

ახლა კი მიდიოდნენ ისინი უშბისაკენ, რათა ადამიანის უძლეველობის ამბავი ეუწყათ გულზვიადისათვის. რათა შური ეძიათ დაღუპულებზე... უშბა კი დგას წარბშეუხრელად და თითქოს ეუბნება ბიჭებს — აბა მოდიოთ, მოდიოთ და ვნახოთ, ვინ ვის სძალავს, ვინ ვის მოერევა...

და მიდიან ბიჭები.

• •

— მეორე დღეს სიურპრიზი მელოდა. ჩემდაგასაკვირად და სასიხარულოდ მიხვილმა მოიკეთა. გრძობაზე მოვიდა, აზრიანად ალაპარაკდა. ნორმალური ადამიანის მსჯელობა ჰქონდა. ამ ამბავმა სამოქმედოდ ვანმაწყო. უცბად მომეცა იქელი რომ ჩემს მიხოს როგორმე გადაეარჩინდი.

მთელი ღამე გული სხვა რაღაცას მეუბნებოდა თითქოს და... ამ წუთში კი ჩემზე ბედნიერი კაცი არ მეგულებოდა დედამიწის ზურგზე. უცბად თვალწინ წარმომიდგა თბილისის აყრიაძულელებული ქუჩები, იქაური ამხანაგები, ალპიური კლუბის შენობა. ჩვენ ხელს გვართმევენ — გვანუგეშებენ — არა უშავს, მშვიდობა ხო არი და გამარჯვების პიკს როდესმე გაუსწორდებითო...

„მშვიდობა ხო არი და“...

მართლაც და მშვიდობა იყოს, მშვიდობა იყოს და სხვა ყველაფერი მოუსწრება, გაკეთდება. მხოლოდ ცოცხალ კაცს შეუძლია სასწაულების მოხდენა, ცოცხალ, საღ-სალამათ ადამიანს. „თოვლის ბაბუები“ ეშმაკებს თუ გაართობენ მწვერვალთა თხემებზე...

დარიც რომ მშვენიერია. ჩემი განწყობილების შესაფერისი. დათბა კიდევ. ქალღმერთი ელია ზრუნავს ჩვენზე. ელია გვეხმარება. ახლა ჩვენც უნდა გავინძრეთ, ვიმოქმედოთ, ვიბრძოლოთ. ბუნება და ღმერთები გეშველიან, დანარჩენი კი საკუთრივ ჩვენზეა დამოკიდებული.

„მაგრამ ისინი? სად არიან ისინი? როგორ არიან ისინი?“

„ქვაბიდან“ გამოვედი და გარეშემო მოვათვალიერე. ესეც ახალი ამბავი — ჩვენს ზემოთ რამდენიმე მეტრზე კარავი ღვას.

— ჰე... ჰეი... — აღმომხდა სიხარულის ყვირილი.

კარავიდან თავი გამოყო კუზმინმა:

— შენ საიდან აქა? — გაუკვირდა კირილეს ჩემი დანახვა.

მისთვის მე მართლაც რომ ციდან ჩამოვარდნილივით ვიყავი. ჩვენი თავშესაფარი ხომ თოვლში იყო ჩათხრილი და ერთი თვალის გადავლებით ვერა კაცი ვერ აღმოგვაჩენდა ისე ვიყავით შენღებულნი და შენივთებულნი გარესამყაროსთან

— ჩვენ აქა ვართ, აი, ამ სახუნდარში — ხელით ვანიშნე ორიოდ ნაბიჯზე ამობურცულ თოვლიან ბეჭობზე.

— მიხო მანდ არი?

— მანდ არი, აბა არა?

— გაბლიანი და კუხიანიძეც მანდ არიან?

„რაო, რა თქვა? მანდ არიან, სად არიან, რატომ არიან, რისთვის არიან?“ თავში ამერია ყველაფერი. უცბად თითქოს კისერში უროკვერი ჩამარტყესო, კირილეს სიტყვებმა თავზარი დამცა. გულმა იმ წუთშივე ცუდი რამ მიაზრა. ნუთუ ტყვილა მიხაროდა ამ დილაღთენია გამოდარება? ნუთუ კარვის დანახვა ტყვილა გამიხარდა ასე?

— ილიკო და თემო ხომ არ გინახავთ? — კვლავ ჩამომძახა კუზმინმა.

— აკი თქვენ ერთად იყავით. ერთად წახვედით და ყველაფერი...:

— ერთმანეთს დავცილდით და ავცდით... — ენის ბორძიკით ამბობს კუზმინი.

„ორ ნაბიჯზე როგორღა დაკარგეთ ერთიმეორე? რანაირად მოხდა ეს?“

მაგრამ ახლა მაგაზე ფიქრის დრო არ იყო, რაღაც უნდა გველონა. მაგრამ რა?

ამ დროს მალღა თხემზე, ისინიც გამოჩნდნენ.

გაბლიანი და კუხიანიძე კუს ნაბიჯით ეშვებოდნენ დაბლა. ცოტა დაეწყინარდი. გული, როგორც იტყვიან, საგულეს ჩადგა. დამშვიდებულნი შეეძვერე ჩვენს სახუნდარში და მიხეილის გამზადებას შეეუღდექი.

მალე კუზმინი და ჭუმბერიც ჩამოვიდნენ ჩვენთან ისე რომ მეორე წყვილისათვის არ დაუცდიათ. ერთიანი ძალებით მიხო დავსვით თოვლზე და ძირს ჩავაქროლეთ.

ეს მონაკვეთი, დაახლოებით სამასი მეტრის დაღმართი სწორი და

უხიფათო შეგვხვდა. ერთ-ორ ადგილას, სადაც კლდეებზე იყო გასასვლელი მიხო ფეხზე დგებოდა, ხელს ჩამავლებდა და ისე ცდილობდა იქ გასვლას. ერთი სიტყვით, სახიფათო ადგილები მას ერთგვარად აფხიზლებდა. ამიტომაც შეგნებულად კლდინებზე გავდიოდი, იქნება როგორმე მომებრუნებინა ამხანაგი.

კირილესა და ჯუმბერსაც უჭირთ.

ძლივს მოაბიჯებენ.

ხანდახან იმათი დალოდინება გვიხდება. ამიტომაც უნაგირამდე ჩასვლას კარგა ხანი მოვუწდი. 7000-ზე რომ დავეშვიტ და უკან მოვიხედეთ, ილიკო და თეიმურაზი ველარსად შევნიშნეთ. გავჩერდით და დაველოდეთ. ამასობაში აცივდა. ალბათ ორმოცი გრადუსი მაინც იქნებოდა ყინვა.

ისევ გამოვთხარე ფერდი, თავშესაფარი გავაკეთე. მიხო შიგ შევსვი და ზევით აეუყევი თხემს. უკვე შვიდი საათია და საღამოსიეული ბინდი დგას, ბიჭებს უნდა მივეშველო, თორემ მერე გვიან იქნება. რამდენიმე ნაბიჯით ავიმალლე და ისინიც გამოჩნდნენ. ილიკოს მთელი სახე ჩაშავებული აქვს, ჩაშავებული და გალურჯებული. ცალ ფეხზე შაკელტონი გასძრობია და ვერც კი გრძნობს ამას, ისე მოაბიჯებს. ლაპარაკი უჭირს.

უცბად გავშალე კარავი, რომელიც მათ ჰქონდათ თან წაღებული. გავაწყვე პრიმუსი. კარავში დაბნა. მერე შარვლის ტოტები ავუწიე და... მისი ფეხები ყინულის ზოდებივით მეცივა ხელში. მუშაობას შევუდექი — ვუზღლდი შეუსვენებლივ, მერე იმას შევეშვებოდი და კუხიანიძეს მიუებრუნდებოდი. ბოლოს მიხოსთან გავიქცეოდი.

— ისინი.. ისინი როგორღა არიან? მიხედე, იმათ მიხედე... — მაგდებდა მიხელი.

— ეჭეჭეი... — მოდიოდა გარედან სასოწარკვეთილი ხმა — ეჭეჭეი... —

— იმათ მიხედე, გემუდარები იმათ მიხედე..

— წყალი... წყალი... მოიტათ წყალი...

ორკიოლი კი თუხთუხებდა, თოვლი დნებოდა ორკიოლში.

— აი, გადნეს, გადნეს და გავუტან...

— მაინც როგორ მოხდა ყოველივე ეს? — ვეკითხები მერე ილიკოს.

ძალიან მეცოდები, ძალიან მეცოდები იქ რომ არ ამოხვედი. ყველა მეცოდება ვინც იქ ვერ ამოვიდა...

— რანაირად დაშორდით ერთიმეორეს?



— ყველაფერს ქვევით მოგიყვები, რომ ჩავალთ იქ მოგიყვები. თლონდ ძალიან კი მეტოდები, რომ ვერ ამოხველი...

### ჯოკია გუგავა: „გასრიალდი, გასრიალდი, თოკო...“

— აჰ შეიძლება ამოიხუნთქოს კაცმა — ამბობს უმცროსი მიხეილი და მარჯვედ მაგრდება კედელზე. ჩემი და შალიკოს წყვილი კი დაცვაზეა გადასული. წინწასულთა — ჯუმბერისა და გივის თოკების რხევით ვგრძნობთ მათს გადაადგილებას, დალხინებას თუ გასაქირს. თოკი პირველი შეკავშირეა ჩვენი. იგი ამავე დროს გვაერთიანებს, ერთ კონად გვკრავს. მითუმეტეს ახლა, როცა თვალსაწიერზე ბურუსს დაუჩრდილავს ყველაფერი და ერთიმეორეს ძლივს ვარჩევთ, ეს კავშირის ძაფი ათჯერ უფრო ახლობელი და ძვირფასი ხდება ჩვენთვის.

„გასრიალდი, გასრიალდი მალლა, ავბედითად არასოდეს დაიჭიმო, თოკო.“ — მახსენდება სტრიქონები რომელიღაც მთამსვლელური სიმღერიდან.

თოკი მართლაც შეუჩერებლივ მისრიალებს ჩემსა და შალიკოს ხელებში, მისრიალებს ზომიერად, თანაბრად. იგი არ ქანაობს და არ ირწყევა. ეს კი კარგია, ძალიან კარგია.

მალე-ჩვენც მიყვებით თოკს. ზევით მცირე ბაქანზე ვმაგრდებით და კვლავ დაცვაზე გადავდივართ. დაცვა აქ უფრო ხერხდება, ვიდრე ეს ქვევით იყო შესაძლებელი. როცა აქ-იქ კედელი უარყოფით დაქანებაში გადადის ჩვენ სამმაგი თოკის კიბეებს ვიყენებთ.

ამ მონაკვეთის ზემო ნაწილში ვაწყდებით ნათლად გამოკვეთილ კუთხეს, რომელიც არ ჩანს, მაგრამ ხელის შეხებით შეიგრძნობა. კუთხე დგომისათვის ხელსაყრელია. ეს კი იმას ნიშნავს რომ ჩვენს მიერ ორგანიზებული დაცვა კიდევ უფრო საიმედო იქნება. და კიდევ იმას რომ კედელში შლიამბურული პალოების „ჩაყრა“ გაადვილდება. როცა თუნდაც ცალი ფეხით მიწიერ საყრდენს გრძნობს ადამიანი, მის მიერ მოქმედულ ჩაქუჩის გაცილებით მეტი ძალა აქვს. კუნთები კი ნაკლებად ეღლება, ნასვრეტი მალე ჩნდება კვლავ, სუფთაედება, ერქობა პალო, პალოზე მაგრდება თოკი, თოკზე — ადამიანი... ადამიანი მიიწევს მალლა...

ალაგ-ალაგ ფეხის დასადგმელად კვლავ კიბეებს ვიყენებთ. რო-

გორკ წესი, პირველი წყვილი წინ მიიწევს მოედნებისა და კიბეების დახმარებით.

მონაკვეთი № 9. ეს უბანი 75—90 გრადუსი დახრილობისაა. სხვა უბნებისაგან იმით განსხვავდება რომ გრანიტოვანი კედლის ზედაპირს მკრთალად ატყვია ძნელად შესამჩნევი ნაპრალოვანი სარტყელი, რომელიც ვერტიკალურად აუყვება მალა. კედლის ზედაპირი „ცხერის შუბლის“ ფორმისაა და აღნიშნული ზოლი ისე ამჩნევიან, თითქოს ნაჯახის ჩანარტყამიან.

ჩვენ გაგვიხარდა მისი დანახვა. მაგრამ ნაპრალი იმდენად ვიწრო აღმოჩნდა, რომ პალო ახლოსაც კი არ გაიყარა. აქა-იქ „შუბლზე“ რქებივით გამოშვერილან კლდის გამონაზარდები, ისინი მის ზედაპირთან მართკუთხეებს ჰქმნიან. მანძილი მათს შორის ორ მეტრამდეა. მთელი მონაკვეთი დაკიდულია, შუა წელში კი უარყოფითი დაქანებისაა, მხოლოდ ზევით, მარცხენა მხარეს აყოლებული ვიწრო ღარის თავზე ბაქანივით მოჩანს რალაცა. მეწინავე წყვილი არ უშუვებს შემთხვევას ხელიდან და სწორედ იმ ბაქნისაკენ მიემართება.

კვლავ გაისმის ჩაქურჩის ცემის ხმა. ტვირთგანმგებლებსა და დამცველთ თავსა და მხრებზე გვეყრება კლდის მტერისებრი ნაფხვენ-ნაშალი.

როცა ქარის ძლიერი ტალღა მკერივ, ნაცრისფერ ღრუბლებში გაგვხვევს, თვალთახედვიდან გვეყარება ღარის თავზე მოგულეებელი სანატრელი ბაქანი. უკვე ვეღარ ვხედავთ წინ წასულ ამხანაგებს. ჯუმბერს და გივის. ოცი, მაქსიმუმ, ოცდაათი დარტყმის მერე ჰაერში მოკონწიალე ადამიანს, რაც არ უნდა ძლიერი იყოს იგი, ელლება კუნთები და უკვე მის დარტყმებს სასურველი შედეგი აღარ მოაქვს. ამიტომაც მას შენაცვლება სკირდება. ხოლო თანამეწყვილის დაქანცვამდე მან უნდა მოასწროს დასვენება, ძალ-ღონის მოკრება, რათა კვლავ თავისი ადგილი დაიჭიროს. ჩვენ მათს მონაცვლეობას ჩაქურჩის ცემის თვითოეულისათვის დამახასიათებელი ხმით ვადევნებთ თვალს. ჩაქურჩის ცემის „ხელწერით“ ექვსივე ვანსხვავებდით ერთიმეორეს, ასე რომ, კლდეზე გასული ამხანაგების ცნობა ბურუსისა და წვეკარამის მიუხედავად მაინც არ გაგვიჭირდებოდა.

— ბაქანი... ბაქანი... — მოისმა ამ ღროს მალეიდან ჯუმბერის ხმა, რაც გვაუწყებდა, რომ უბანი დაძლეულია. ახლა დაცვიდან მოვიხსნებოდით, დროებით მეწინავეები შეასრულებდნენ ჩვენს ფუნქციას. ისინი უკვე საიმედოდ იყვნენ მიმაგრებული კედელზე და ვიდრე მიმ-

ყოლებს არ აგვიყვანდნენ ბაქანზე, ძირითად და სამაშველო თოკს ვერ მოაშორებდნენ ხელს, დავეკიდეთ თოკზე.

სათითაოდ ავყევით მას. ჩვენ მეწინავეებისაგან ჩაეიბარეთ ჩაქუჩები, შლიამბურისა და კლდის პალოები, კიბეები და სხვა საჭირო ავლადიდება და წინ გავვარდით. ის იყო, ცოტაოდენი წავიმუშავეთ, რომ უფროსის ხმა მოვარდა ქვემოდან:

— მუშებო, როგორ ფიქრობთ, ახლა რა დროა? —

ამ უბრალო შეკითხვაზე, ცოტა არ იყოს, დავიბენით, ათას რამეზე ვფიქრობდი იმ ღამეს, მაგრამ საათზე ერთხელაც არ დამიხედილა, და არც გამხსენებია დროის არსებობაც კი საერთოდ.

— რა დროა? — მე და შალვამ მხრები ავიჩეჩეთ.

— ექვსი საათია. ბინა-თავშესაფარზე ფიქრის დროა სწორედ. მით უმეტეს ასეთ ამინდში, როცა მთელი ქვეყანა ბურუსითაა მოფენილი...

არც ერთს არ გვესიამოვნა ეს ამბავი. ბრძოლის უნით ვიყავით ანთებული და უცხად თავი უნდა გაგვენებებინა ყველაფრისათვის. წვიმა-ქარმა ვერაფერი დაგვაკლო. ამ დროის სიმკირემ კი სულ ავიკირ-დაგვიკირა ყველაფერი. მაგრამ რაღა გაეწყობოდა. უნდა შეედგომოდით ჰამაკების გაბმას და მალე „ღამე ნებისა“ გვესურვებინა ერთმანეთისათვის...

17. III. 64. მონაკვეთი № 10. უინელლავს, ქარი ქრის. ვერ გაიგებ რა ამინდია. ან მხოლოდ წვიმდეს, ქარი ქროდეს, უინელლავდეს ან ბურუსი იდგეს. ჩვენ კი ყველაფერი ერთბაშად მოგვივლინა მამაზეციერმა, წუხელის ყოველი შემთხვევისათვის წყალგაუმტარი ბრეზენტები გადავიფარეთ. წყალგაუმტარიო, მაგრამ ეს საძილე ტომრები რაღამ დააღბო?

ძალიან ცუდი გრძნობაა დალილ-დაქანცული რომ მიწვები და დილას იმავე ტანსაცმელში გამოგედვიძება. ტანსაცმელი რატომღაც მძიმდება და მაქალაქუნასავით გაწევს მხრებზე, ბორკილებივით შემოგტმანსინა სხეულზე, მითუმეტეს მსგავსი განცდა ასვლებსისას უფრო ცხოველია, როცა სიცივის გამო იძულებული ხარ თბილად შეიმოსო. ისიც უნდა აღინიშნოს, რომ ეს უსიამო განცდა მუშაობაში თანდათანობით ნელდება და ბოლოს გავიწყდება კიდევ, რომ ეს ერთი კვირაა ცხელი ან თუნდაც ცივი აბაზანა არ მიგიღია. მხოლოდ დაწოლა-ადგომის უამს თუ გაგახსენდება ისევ...

მალე ჯგუფის წევრები კლდეებიდან ვეხსნებით. ვკეცავთ ჰამაკებ-

სა და თოკებს. ნაბინავარზე ვაძრობთ (სადაც ეს მოსახერხებელია) ჩვენთვის განსაკუთრებით ძვირფას შლიამბურის პალოებს, ვნაყრდებით და ვაგრძელებთ გზას.

## მზის მონატრება

— ახლა საქმელს გავაკეთებ...

— რა თქვი? შენ არ გძინავს?

— კისელს მოვადუღებ. ხომ დაღევ?

— საცაა ინათებს. რა დროს ეგ არი! ცოტა რომ დაისვენო, მე მგონი აჯობებდა. იცი, როგორ მტეხავს კუნთები? შენ რომ მზელავდი, მე მეძინა. მართლა მეძინა. ლეგაბის რიყე დამესიზმრა. რომ წამოეწვებოდით ტიტლიკანები სილაზე, ზურგს მზეს მიეუფიცხებდით და ერთიმეორეს მორიგეობით ვუზელდით კუნთებს. აი, ასე, ცერა და საჩვენებელ თითებს მაშასაღით ჩაუჭერ ხორცზე. მარჯვენა ხელის მტევანს ძალუმად გამოჰკრავ და კანზე წითელი ნაპწკენი დაგემჩნევა. ჯოი, რას ვუძღვებდით მაშინ... მთელი სხეული დაწკენილი გვქონდა, ვამაყოფდით კიდევ — პირველი ვაჟკაციც ის იყო, ვისაც კანი ყველაზე დაწითლებული ჰქონდა...

— ჰო, მე კიდევ რა მახსოვს, იცი? უფროსები ტიტლიკანებს რიგში არ ჩაგვაყენებდნენ და მკერდზე მუშტების ბრაგუნით წაგვიყვანდნენ გვალდირისაყენ. ჭარისკაცული მწყობრი ნაბიჯით მივდიოდით და მუშტებს მკერდზე ვიბრაგუნებდით — მკერდი დაგვიკუნთლებო...

არ ვიცი, ვინ გაახსენდა პირველად, მაგრამ მთელი სოფელი კი ჩვენ მოგვჩერებოდა, ეს რა ხალხია და რა მუშტების ბრაგუნი აქვთ ამტყდარიო.

და კიდევ მდინარის გადალახვა... გახსოვს, ჭოკზე რომ გადადიოდი აეროპორტში და ენგურში მოადინე ტყაანი, ბედად შუაწელში ლოდს ჩაეჭიდე და თავი შეიკავე როგორღაც. მაგრამ მოშველებას ვერავინ ბედავდა, აღიდებულ ტალღებისა ყველას ეშინოდა, შენ კი გათოშილი და ფერმიღეული მავედრებელი თვალებით მოგვჩერებოდი ნაპირზე მოგროვებულ ამხანაგებს... მერე, შენ დაიძახე...

— ვინც გამიყვანს აქედან საშაშვე მახეს ვაჩუქებ-მეთქი... — ღიმილი გაუერთა სახეზე. — კარგად მახსოვს, რა ხარხარი გამოიწვია ჩემმა ნათქვამმა — ღიმილით წარმოთქვა მიხომ.

— შუა ზაფხულში საშაშვე მახეში რა ჩიტი გაყოფდა თავს. უცნაურია. მაინც რამ გაგახსენა საშაშვე მახე იმ ღროს?

— აბა სხვა რა მებადა. სხვა არაფერი მებადა... მახეები კი, იცოცხლე! შენთვისაც ბევრი გამიკეთებია...

— კი მაგრამ, ძუა ხომ ჩემი ცუო? იმ სიგრძე ძუა მომქონდა, მახეს ვინ დამამაღლებდა იმაში. რაც მართალია, მაღლიანი ხელი კი გქონდა. მახსოვს, სულ პირველად რომ დავიჭირე ჩიტი, ჩამოვეუყევი ბიჭებს და ხმამაღლა გავიძახოდი — ტოროლაში გვრიტს ვინ გამიცვლის-მეთქი...

— მალიდლა ხალიდს იარ მიცაადიდ... მალიდლა ხალიდს იარ მიცაადიდ... — ხრინწიანი ხმით გამოაჯაფრა იგი მიხომ — მერე სკოლაშიც გააჯაფრებდნენ უფროსები. მეტსახელადაც კი დაგარქვეს ერთხნობას „მალიდლა ხალიდს იარ მიცაადი“ მოვიდაო. ერთ ზღაპარში როა, ნახშირზე ოქროს ვინ გამიცვლისო, ისე გამოგდიოდა შენაც-ვინ სულელი გაგიცვლიდა გვრიტს ტოროლაში...

— იცი რა, შენ უკეთა ხარ, მიხო... ცოტა უკეთ ხომ ხარ, მითხარი. გულახდილად მითხარი. იცი, შინ რომ დავბრუნდებით, მოდი, ერთად შევიყაროთ ბავშვობის ამხანაგები და მაშინდელი საქმეები გავიხსენოთ... აი, თუნდაც მუშტების ბრაგუნი. ჩავმწკრივდეთ და გვალღირისაკენ გავსწიოთ ჭარისკაცურად... რა იქნება ამაში ცუდი... მდინარის გადალახვაში შევეჯიბროთ ერთმანეთს, ქვის კვრასა და ხტომაში...

მიხო ოცნებებში გადავარდა. მეტად ხმა აღარ ამოუღია. შეიძლება ჩაეძინა კიდევ. ორკიოლი უკვე თუხთუხებდა. რა სანატრელად თუხთუხებდა.

ძნელად ვინმე თუ წარმოიდგენს, რაოდენ სასიამოვნო გრძნობას ბადებს წყლის თუხთუხი, დუდილის ხმა ყინულეთში. როცა ყოველივე სცივისაგან შავდება და კვდება, როცა სხეული უკვე ვეღარ ათბობს გაყინულ ჰაერს და ჯაფადამდგარი ფილტვები იწყებენ ხიხინს.

წყლის თუხთუხის სანეტარო ხმა მშობლიური სახლის ბუხარს გახსენებს, ბუხარს გახსენებაზე კი მთელს სხეულში თბილი ჟრუანტელი დავივლის. და იმ ირეალური ბუხარის თბილი ანაბზინი დიდხანს რჩება შენს ძარღვებსა და ძვალ-ხორცში. ერთი სიტყვით, ადამიანი თბება, თბება, ვიდრე ბოლოსდაბოლოს ეს მაცდური მოჩვენება უსიამო სინამდვილედ არ იქცევა და განცხადდება გონებაში. მერე კი თუხთუხმა შეიძლება ნერვებიც კი ავიშალოს თავისი მაცდურობისდა გამო, მერე თუხთუხი უტეცხლოდ წყლის დუდილია და

მეტი არაფერი. უნაკვერჩხლოდ და უნაცროდ წყლის დუღილი კი შორს, ძალიან შორს დგას თბილი, მოგუზგუზე, ყოველსგამლლობი და სისხლის-ამჩქროლავი ბუხრის გუზგუზისაგან.

მალე კისელი მზად იყო. „ახლა უნდა ჩამოვარიგო ჭიქა-ჭიქა..“

მაგრამ მიხომ თავი გადააქნია — არაფრის ჭამა არ შემიძლიაო. მე ძალით ჩაეუსხი კისელი პირში, მაგრამ უკანვე გადმოაპურკყა. ეს ამბავი არაფრად მესიამოვნა. „კი მაგრამ უკეთ როგორღა არი, თუ კისელის გადაყლაპეაც კი არ შეუძლია?“ — გამკრა გუნებაში. უცბად შევშინდი — „ვერა, ვერ არი კარგად საქმე. ჭკუთი წელშია გამტყდარი. ყველას უჭირს, ყველა ერთ დღეშია, მხოლოდ მელა შემოვრჩი სალ-სალამათი. მართლაც უნდა მივხედო საკუთარ თავს, ძალა და ენერჯია გამოვიზოგო, თორემ სამუშაო ბლომად იქნება...“

— ეპეჰეი, ეპეჰეი... წყალი... წყალი... — ისმის კარვიდან ილიკოს ყვირილი.

და კვლავ ათუხთუხდა ორკიოლი. თოვლი ნელ-ნელა დნება. ეს უკვე მერამდენედ ვადნობ თოვლს. მერე ხელის ფათურით მივძვრები კარვისაიენ, და კვლავ ვასმევ მწყურვალს. ვასმევ და ვზელავ, ვზელავ მორიგეობით ჭერ ილიკოს, უფრო გაჭირვებულს, მერე კი თეიმურაზს. და კვლავ ჩვენს სახუნდარში ებრუნდები — მიხოსთან.

— თავს მიხედე, გაიგე, თავს მიხედე — მეუბნება იგი.

„სამუშაო ბლომად იქნება...“

მერე ავდექი და „თავს მივხედე“, კისელიც მივირთვი და ხორცის ქილაც გავხსენი. ამასობაში ინათა კიდევ. მინდოდა თვალი მიმეღულა, მაგრამ ამისი დრო არ იყო უკვე. უცბად გავემზადე. მიხო წამოვაცუნე, მერე სხვებს დაეუარე, მაგრამ წამოდგომა არავის უნდა. მაშინ ძალით ვაყენებ და დაბლა ვერეკები.

მიხეილი და ილიკო ფეხზე ვერ დგებიან. სხვებიც ბანცალბანცა-ლით მოაბიჭებენ. როგორ უნდა მოვქცეულიყავ? რა მელონა? ორი ადამიანი რანაირად ამეკიდა ზურგზე? „იქნებ მორიგეობით წა ვანო? მორიგეობით... იყოს, მორიგეობით“. გზა კი რთულზე რთულია — უნდა შევდგომოდით დასავლეთი მწვერვალის აღმართს.

გავიყვანე მიხო გზაზე. რამდენიმე მეტრი გავიარეთ. დამრეცი მონაკვეთია. ძალიან ნელა და მძიმედ მივდივართ. რაც არ უნდა იყოს სიმაღლე ზღვის დონიდან 7000 მეტრია! მერე შევისვენეთ, სულს ძლივს ვითქვამთ. ამ დროს ჭუმბერი მოდის ჩვენთან და გვერდზე მისმობს. მიხომ რომ არ გაიგოს ხმადაბლა მეუბნება, „ილიკო გარდაიცვალა“.

— რას ამბობ, რას? — მოვეჩაჩე საყელოზე ჯუმბერს. ვიცოდი, ასე მოხდებოდა, მაგრამ წინათგარძნობის აცხადება მაინც მოულოდნელი და მტკივნეული იყო. ყველაფერს შეიძლება შეურიგდე ქვეშეცნეულად ადამიანი, მაგრამ სიკვდილს — არა. არც შენსას და არც მეგობრისას. რაც არ უნდა ბევრი იფიქრო საკუთარ თუ სხვის სიკვდილზე, ადამიანის უეცარი აღსასრული მაინც მტკივნეული და დაუჩერებელია.

— მან გამოიხედა კარვიდან. ერთი კი აპხედა მზეს და დაეარდა. მაშინათვე განუტევა სული. პირი დაალო, თითქოს სიმღერა უნდა წამოიწყოსო და დაეარდა.

ორთავენი ვქვითინებთ. მიხოსკენ ზურგშექცეულნი ვცახცახებთ. მაგრამ მალე მოვდივართ გონს. ტირილის დრო მართლაც არ არის ახლა. ერთი დაუდევრობა, ერთი შეცდომა და ყველანი დავილუპებით. რაც მთავარია, მიხომ არ უნდა გაიგოს ეს ამბავი. დღესაც ღრმად მწამს, მიხოს რომ გაეგო ილიკოს სიკვდილი, კიდევ უარესად წავიდოდა ჩვენი საქმე. იმაზე უარესად, ვიდრე წავიდა, თუმცა იმაზე უარესი რა უნდა ყოფილიყო, რაც მერე მოხდა...

მერე კი რა მოხდა:

— რა უნდა ექნათ? — მეკითხება ჯუმბერი — როგორ მოვიქცეთ? — მის რაინდულ ხმაში გულისტკივილსა და ამავე ღროს უიმედობას, უძლურებას ვკითხულობ. იგი დგას მხრებჩამოყრილი და წვერმოშვებული, დამნაშავესავით თავჩამოგდებული, სიცივისა და მწუხარებისაგან აცახცახებული. დგას და პასუხს ელოდება. მაგრამ რა პასუხი შემიძლია გავცე? რა ვუთხრა?

— ჩვენ... ჩვენ ისე ვართ ყველანი... ეს ოხერი, ვერა ვართ კარგად...

„ჯაგლაგ ცხენს საპალნეს აპკიდებს კაცი? უგუნურმა შეიძლება აპკიდოს კიდევ, მაგრამ მერე რა? მერე ის რომ ცხენი დაუვარდება და ისიც სათრევი გაუხდება, მეტი რალა...“ ვფიქრობ გუნებაში. ჩვენი ჯგუფი ჯაგლაგ ცხენს დამსგავსებოდა. თავად უჭირდა სიარული, უჭირდა სუნთქვა, მოძრაობა. ტვირთს კი იგი ვერ დაიმატებდა, ვერც ერთ შემთხვევაში ვერ დაიმატებდა, რაც არ უნდა ძვირფასი და სისხლხორცეული ყოფილიყო იგი.

— მაგრამ იქნებ. მორიგეობით ვცადოთ... მაინც ვცადოთ.. მაგრამ მე გადაწყვეტილება მიღებული მქონდა უკვე. ნახევრად მბრძანებლური კილოთი ვუბნები:

— არაფერი გამოგვივა; ცოცხლებს უნდა ვუშველოთ. მდგომარე-

ობა გვაიძულებს ასე მოვიქცეთ ილიკოს დაემარხავთ კლდის ძირას. მერე, სხვა დროს ამოვალთ და წავასვენებთ. ანლა, სულ ერთი . ვერაფერს გავხდებით. რომც თან გადავყვით, არაფერი გამოგვი...  
და, აი, წევს ილიკო გაბლიანი 7000 მეტრის სიმაღლეზე<sup>1</sup>, სწორე კლდის თაროზე, კლდისა და ყინულის ნატეხებმოყრილი. ის რატეხები ჩემს გულშიაც პყრია მძიმე ლოდებად. და არა მარტო ჩემს გულში, ყველას გულში, ვინც მას იცნობდა, ვისაც მისი დიდბუნებოვანებისა და ქაბური კაცობისა სმენოდა. და ეს ქვები გულს დამაწყვება მანამ ვიდრე ერთხელაც არ ავმაღლდები მის საულავამდე და ძვირტას მეგობარს საქართველოში, მის მშობლიურ მესტიაში არ ჩამოვასვენებ...

მაგრამ რა ვიცოდი იმ წუთში, რომ მალე, სულ მალე ეს ვულს მოწოლილი ლოდები. კიდევ უფრო დამძიმდებოლნენ... ეს არაა იმ არ იცოდა იმ წუთში და არც შეეძლო სტოდნოდა. ყველაფერი კი მერე გაიჩკვა. ჩვენლა სავალალოდ და საუბედუროდ...

### ბივი წარედიანი:

ჩვენი „ბაქნიდან“ კელელს ვიწრო შილა კუთხე მიჰყვება. ამ კუთხეს შეუტეის ბიჭებმა. იგი ვერტიკალური დახრილობისაა, სულ მალლა კი იშლება, ძაბრის ფარმას იღებს. აი, იქ გქიირდება კოლაქრომა თორემ მანამდე, მაინცდამაინც არ გვეშინია.

ძაბრი, ეტყობა, მოქიქულია. მისი სველი ზედაპირი, როცა ორუბელი ჩაფარფატდება და ცის ნათელი მიაღგება კელელს, გაიზნებს ხოლმე. ზევით საჩვენო ადგილი არ მოიძევებოდა, ამიტომაც შორიდან ეუთვალთვალებთ და გაფაციცებული ვადენებთ თვალს მათ

<sup>1</sup> სწორედ ამ ადგილას, გამარჯვების პიკის უნაგირზე, 7000 მეტრის სიმაღლეზე ილიკოს გვერდით 1970 წელს დაასაფლავეს ჩელიაბინსკელი მთამსვლელი კალოდია ხელოვინი (ჩგუფის ხელმძღვანელი რიაბუხინი). მთამსვლელებს გზად აღმატელი სტუდენტის გუნდი წამოეწიათ. მათ გადაწყვეტეს სულთმობრძავი აიაღმყოფის ჩამოსვენება მიწაზე, რამდენიმე ხანს ხელით მოჰყაელათ კიდევ. მაგრამ უამინდობის გამო სამი დღე-ღამე მოუხდათ მწვერვალზე დამსთვია. სწორედ ამ ლოდინის დროს გარდაიცვალა ვალოდია. აზნაგებს მაინც განჩარხებული ქმით მისი ძირს ჩამოსვენება, მაგრამ საშაშველო მანაკიდან კარილე კუჩშინის მითსამებრი იგი ილიკოსთან დამარხეს. ამრიგად გამარჯვების პიკის მწვერვალზე მისი თხემი ერთგვარ სასაფლაოდ გადაიქცა, მამაცი, მწვერვალზე ამალღების ოცნადენილი ადამიანების ძმათა სასაფლაოდ.



მოძრაობას. თოკი ჩვენსა და მათს შორის უფრო გრძელდება, რაც იმას ნიშნავს რომ დაცვის საიმედოობა თანდათან კლებულობს.

დაცვისას წყვილებს შორის მანძილს განსაკუთრებული მნიშვნელობა ენიჭება. როცა სამაშველო თოკი ათ მეტრზე მეტად დაიჭიმება, იქ დახმარების გაწევა უკვე ფორმალურ ხასიათს ატარებს. ფორმალურს, იმიტომ რომ დამცველები უძღურნი არიან ამ დროს თავიანთი მოვალეობა აღასრულონ. ათი მეტრის სიმაღლიდან მომწყდარი ადამიანის სიჩქარე და წონა გეომეტრიული პროგრესიით იზრდება და თოკის საყრდენი წერტილიდან მეთათე მეტრზე თუ კი მანამდე არაფერზე შეაკავა იგი და არაფერს გამოედო, მისი დაჭერა და თუნდაც ოდნავი შეკავება ფაქტიურად შეუძლებელი ხდება, თანამედროვე კაპრონის თოკებსაც კი არ ძალუძთ ყოველთვის ასეთი დიდი სიმძიმის ტვირთი შეაკავონ. ამ დროს ადვილი შესაძლებელია საყრდენი პალოს მოძრაობა, კლდის ქანის გამოგვრევაც კი.

კაცმა არასოდეს არ იცის, იმ ათასი რგოლიდან თავის სიცოცხლის სადარაჯოზე რომ დააყენა, რომელი უმტყუნებს რომელი გატყუდება... მაგრამ მიუხედავად ამისა მთამსვლელის ვალია პირნათლად შეასრულოს თავისი მოვალეობანი. ხოლო დანარჩენი კი რაც მის შესაძლებლობებსა და უნარს აღემატება ზედისწერასა და იღბალს ანდოს... ჩვენბა იგიც ბედნიერ ვარსკვლავზეა დაბადებული? ეგ ხომ წინდაწინ არავინ უწყის ამ ქვეყანაზე.

— პა, რამდენი მეტრია, აბა გამოთვალე ერთი... — ამომძახა ქვემოდან მიხეილმა. — ძალიან გავერთეთ მაგათი ცქერით. რა „ცირკაჩები“ ეგენი მყვანან...

უფროსს ნაწყენი ადამიანის ხმა აქვს. ღელავს, აშკარად ეტყობა, რომ ღელავს. როცა სხვა არის განსაცდელში, მაშინ თუ შეატყობ მას მღელვარებას, სხვა დროს უგრძობბელი, ოდნავ გულცივი კაცის ნიღაბი აქვს აფარებული. ახლა კი იგი ყველაზე მეტს განიცდის და ამიტომ მღელვარებას ვერ მალავს.

— ათი... ათი მეტრი...

დამცველთა და მებარგულთა ბანაკში წუთიერი მღუმარება ჩამოვარდა. ერთმა ფიქრმა მოგვიცვა ყველა, ბიჭებზე, საშიშროებაზე ფიქრმა. მხოლოდ ხანდახან მაღლიდან მონოტონური, ზოგჯერ კი აჩქარებული კაკუნის ხმა თუ ჩამოაღწევს ჩვენამდე. როცა ბურუსი შემოეტმასნება კედელს და ჩვენსა და მეწინავეთა შორის მრუმე ფარდად ჩამოეშვება, კაკუნის ხმა თითქოს ნელდებაო.

ღუმელში კი წუთი-წუთს მიჰყვება, ათი წუთი გადის, ოცი, ოც-

დაათი წუთი. კიდევ ოცი. ერთი საათი. ბიჭები დაიკარგნენ თვალსა-  
წიერიდან...

და უცბად ამ ღროს კვლავ აელვარდნენ იმედის ნათურები შორე-  
ულ სივრცეში. ზემოდან მჟალოსავეით ჩამოვარდა კაკუნის ხმა. დაძა-  
ბულ სახეებზე მსუბუქი ღიმი დაგვთამაშებს.

„ბიჭებმა წინ წაიწიეს...“ — ვიძახით ჩვენ-ჩვენთვის გულში. აქამ-  
დე თუ წამდაუწუმ ვისვამდით სახეზე ხელს, რათა წვიმის წვეთები  
ჩამოგვეწმინდა, ახლა უკვე აღარაფერზე ვდარდობთ. ბიჭები ალბათ  
ძაბრზე გადიან უკვე, კაკუნი ისე შორიდან მოდის, ნამდვილად ძაბრ-  
ზე იქნებიან გასულები. სულში ჩაბუღებული შიში განქარდა. იმედის  
ნაპერწყალი გაკრთა სულში. ნაპერწყალი გაღუზღუზდა, კოცონი აბ-  
რიალდა.

— რამდენი მეტრია... გამოთვალე, რამდენი მეტრია... — მიყვირის  
კვლავ ქვემოდან მიხეილი. იგი და მისი „უმცროსი“ სეხნია რა ხანია  
მორჩნენ ბარგის შეკვრასა და „ტრამპორტირებისათვის“ გამზადე-  
ბას და ახლა ჩვენგან რამდენიმე მეტრზე დაშორებულნი გულისფან-  
ცქალით ელოდებიან ცოველ ახალ ცნობას მაღლიდან.

მე და ჭუმბერს გვეუცნაურება მიხეილის ხმა. რაზე შემფოთე-  
ბულა ჩვენი ხელმძღვანელი. ჭერჭერობით ხომ ყველაფერი რიგზეა,  
საქმე, ღვთის შეწევნით, კარგად მიდის — ბიჭები ძაბრზე გადადიან,  
მამ რალამ შეამფოთა უფროსი?

— კაკუნი შორიდან მოისმის. ბიჭები, ეტყობა ძაბრზე გადადი-  
ან... — ჩავძახით დაბლა მესამე აბმას — ხილვადობა ცუდია, მაგრამ  
კაკუნი შორიდან მოისმის...

სწორედ ამ ღროს ერთი მძლავრად დაძებრა აღმოსავლეთის ქარ-  
მა. დაძებრა და მურყნის ქერქივით გადააშვლია კედელს ღრუბლის  
საბლარდნელი. და მოხდა რალაც უცნაური და წარმოუდგენელი —  
მეწინავენი სულ რამდენიმე მეტრზე. ამ საათნაჭევრის წინ ათვისე-  
ბულ სიმაღლეზე იტკეპნებოდნენ ისევ. ჩვენ კი გვეგონა რომ ისინი  
მალა ძაბრზე გადადიოდნენ, თურმე რაოდენ უსაფუძველო ყოფილა  
ეს აღტყინება და სიხარული. არც ისე გამოუცდელნი ვიყავით, მაგ-  
რამ მკვრივმა ბურუსმა შეცდომაში შეგვიყვანა. საერთოდ ნურავინ  
იტყვის — ტიპი მთაში მოვიქერი და რა უნდა შემეშალოსო.  
შეუცდომელი არავინ არის, მეტადრე ისეთ რთულ ვი-  
თარებაში, როგორშიაც ჩვენ ვიმყოფებოდით იმჟამად, ადვილად შე-  
იძლება მოტყუებულყოფი ადამიანი.

— ათი მეტრი... — ღარცქენილში ხმადაბლა ჩავძახე ამხანაგებს — ისევ მანლვე იტყუებოდნენ...

— თუთი ეშმაკს... თუთი... — იწიტება ბრაზისა და სირცხვილისაგან ჯუშბერი.

— თუთი ეშმაკს... — ვიწიტები მეც და...

— საჭიროა მიხმარება... ბიჭებს უჭირთ... — შოისშის ქვევიდან უფროსის ხმა.

რამდენიმე წუთის მერე კი იგი უკვე ჩვენთან არის. ეტყობა, გულმა ველარ მოუთმინა და თვითონ ამოვიდა მისახმარებლად. იგი ძირითად სამაშველო თოკში ებჯება და მეწინავეთა წყვილისაკენ მიოცთავს.

— არ მიყვარს ეს ძაბრები.. ვერ მიუღებოთ კაცი ვერანაირად, მე გერდის ავლას ვეღვი... — ლაგვატოვა ამბავი და ახალმოყრილ ბურუსის ნაუღვრებში გაუნჩარდა. მხოლოდ მოქანავე თოკითღა ეხვედებით რომ იგი წინ მიიწევს, მოძრაობს. ბიჭები კი ღუმან, ეტყობა ძალა გამოეღლია. ან იქნებ ძაბრის ღაძლევის იმედი გადაეწურათ და ახალი გზის ძენაში გაერთვნენ? წუთით ისვენებს აღმასიანი შლამბურის წვეროკანა, რომ მალე კელაუც შეუენგრიოს გულისცეცარი თავის უკუნისამდე „მოსისხლე მტერს“, გრანიტის კედელს.

გადის რამდენიმე წუთი. მაგრამ ჩვენ ეს ღრო საუკუნედ გვეჩვენება. ძნელი წარმოსადგენია „თამაშგარეთ“ აღმოჩენილი მთამსვლელის მდგომარეობა, როცა მის ამხანაგებს უჭირთ წინ წაწევა, ძაბრებსა და შეერიღებზე ამძღვება. ღვას იგი ხელ-უბნ შებორკილი უა ელოდება... ელოდება, რაღაცას... ელოდება როლის ატყლება მაღალი გამარჯვების ყოენა, მაგრამ გამარჯვება რომ ყოველთვის არ ღოდის?

უა ღვახარ ასე. ძხრებსჩამოყრილი. ზელში „მკელარი“ თოკი გუჭირს, რომლის მეორე ღოლოზეც კლდეს გარჩენილი, აწ ღამარცხენული წყვილია ეამობელი, წყვილი, რომელიც ვერც წინ მიიწევს და ვერც უკან. მთამსვლელებს უამრავი გასაქირი და საფრთხე ღაატყდება ხოლმე თავს. მაგრამ ყველაზე საშინელი და აუტანელი მინიკ ამ მდგომარეობაში ყოფნაა: იმის ნაცვლად რომ გაინძრე, იბრძალო და იმოქმელო, იტყუებული ხარ ერთ აღგილზე გახედე, ზელში კვეე არაფრისმაქნისი სამაშველო თოკი ჩაბლუჯო, თოკი, რომელი, ირხეოდა, ქანაობდა, სიპებზე მისრიალებდა, სიცოცხლის ძაფად გაბუღლიყო აღამიანთა შორის და უეცრად რაღაც მიზეზის გამო გაჩერდა, „მოკვდა“.

— ყველა თავის ადგილზე დარჩება ვიდრე რაიმეს გავარკვევთ... — შოღლის უფროსის ხმა შალღიდან. იგი, ეტყობა, მეწინავეებთან თათბირობს, თავის მოსაზრებებს აცნობს შალიკოს და ჭოკიას.

და აი, რამდენიმე წუთში კვლავ აჩქამდება კოდალა. ახლა უფრო მარცხნიდან მოისმის კაჭენი. ალბათ უგანეს ძაპარს და იმის მომიჯნავე კლდის ბექს ბურღავენ.

თოკი ჭერ ამაგმაგდა, ადგილზე შექან-შემოქანდა, მერე თითქოს ძალა მოიკრიბაო, ნელ-ნელა დაიძრა ადგილიდან. დაიძრა და თან ჩვენს გულში ჩაბუდებული და ჩამოწოლილი უიმედობისა და სასოწარკვეთილების ბურუსიც გაიყოლა თითქოს.

ერთი თავისუფლად ამოვისუნთქეთ.

ჯუმბერს გადავხედე. მის სახეზე კვლავ გაერთა სიცოცხლისა და სიხარულის ღიმი. (ალბათ იგივე ამბავი იყო ჩემს თავზეც), სიცოცხლის ღიმი, რომელიც იშვიათად შორდებოდა ხოლმე ჩემს მეგობარს.

ბიჭებო, რა ისმის, რა ამბავია... — ქვევიდან მოგვძახის ჭგუფის ტვირთსა და საჭურველთან უმეწყვილოდ დარჩენილი უმცროსი მიმიხეილი. მის ხმაში სევდა და მოწყენილობა ჩანს. ვინ უწყის რა ფიქრები მოეძალა ასეთი, მაგრამ ერთი რამ კი ნათელი იყო: მარტობას, ხომ შეიძლება ემოქმედა მასზე. მთაში ბევრ რამეს შეიძლება გაუძლოს კაცმა. ბევრი რამ გადაიტანოს როცა ამხანაგი გვერდითა ჰყავს, ხმის გამცემი ადამიანი, კირისა და ლხინის მოზიარე, მაგრამ ამის იმედი ნუ გექნება მარტოდ შენინილს, უმეწყვილოს, უანანაგოს...

— თოკი დაიძრა... მე მგონი უტევენ... — გაეპასუხა ჯუმბერი მიხეილს.

— შენ მანდ ხომ არ მოიწყინე? — ჩავძახე ქვევით.

— მოვიწყინე? — გაიოცა მიხეილმა — მოწყენა მანდ მოიკითხბეთ, თორემ მე რა მიჭირს, ერთი შემომხეღეთ...

— რას იბრიკები ნეტავი, ანგელოზები ხომ არ გესტუმრნენ?

— უიმათოდაც რომ კარგადა ვგრძნობ თავსა? რა თავში ეძლი ანგელოზებს, პა?

— რას გვედიდგულები ნეტავი არ ვკეტყვი? თუ საიდუმლოა, ნუ გათქვამ, კარგად შეინახე...

— შენახულია და ეს არიიი... მაგრამ თუ მოიქსურვა, გეაბლებით კიდეცა...

— ჰეი, შენ მანდ დაწურულ თაფლის მათარს მოსადე პირი, არა? მოიცა, ავძახო მალა, მოიცა... — დაეშუქრა ნერწყვიმომღვარი ჭუმიბერი ამხანაგს.

— ვერა, ვერ გამოიცანი... აბა, თუ გაიხსენებ ტყაყის ხალთაში რა ჩაეღაგეთ მე და შენ?..

— ტყაყის ხალთაში? — საგონებელში ჩაეარდა ჯუმბერი ვაშლი... ჩართოლანების „შემოწირული“ კეხურა... შენ მანდ ხელის ფათურს გაანებე თავი, გაიგე?

— რატომ ვითომო? წყალი თუ მწყურია, პირი რილათი დავისველო?

— ეშმაკსაც წაუღიხარ, რა ჩემი საქმეა შენი წყურვილი... იქნება შენ მთელი დღე ვერ დაიკმაყოფილო წყურვილი, ჰმ...

— ჰო და იმას არ გეუბნებოდლი, რა მომაწყენს-მეთქი... უშმაზე წყალი და საქმელი თუ გაქვს, არ გცივა და არაფერი, რალა მოგაწყენს კაცს... მე კი გინდა ექვს საძილე ტომარაში ჩავიფუთვნი... ჰი... ჰი... — ნიშნისმოგებით ამოსძახა მეგობარს მიხეილმა.

ჩვენი საქმე ვერ იყო კარგად. კამათითა და ჩხუბით არაფერი გამოგვდიოდა მიხეილ უმცროსთან, ყოველ შემთხვევაში ჯუმბერმა ველარაფერს მიაღწია დამინება-მუქარით, ამიტომ გადავწყვიტე შემრიგებლური პოზიცია დამეკავებინა.

— საჩხუბარი რა გვაქვს, შე კაი კაცო, მეზობლები ვართ სხვა ათუ არაფერი. ერთი, დიდი-დიდი, ორი სართული გვაშორებდეს, მეტი ხომ არა, ერთი კორპუსის მობინადრენი რო ვართ, ეგ ხო ნაღდია, შესასვლელიც ერთი გვაქვს, მხოლოდ სართულები გვაშორებს. ეგ კი რა სახსენებელია... ჰო და „ძმა ძმისთვისო“, — ნათქვამია, რო მკითხო, მეზობლებზეც იგივე ითქმის...

— ეგ უკვე სხვა საუბარია — იცინის მიხეილი და ჩვენს გამოსაჯერებლად ხმამაღლა ახრამუნებს კეხურას.

— მოწყალეო ხელმწიფეო, მოგვიტევე უგუნურებისათვის და მოიღე წყალობა, ნუ ჩადგები მშვიერ-მწყურვალთა და გაჭირვებულთა ცოდვაში. უშველე მათ, დამკლევებულთა და დავრდომილთა, მოწყალეო ხელმწიფეო... მართლაც ნერწყვმომდგარი ვევედრები მიხეილ-ოსტიგანს — ჩვენს მეჭურჭლეუბუცესს აძეამად.

ამ დროს ვიგრძენი თოკის რხევა. მან ერთი ძალუმად გაიწია შექან-შემოქანდა, თითქოს ფშიდან ახლად ამოყვანილმა კალმახმა გაიფრთხილა ხელშიო, თანდათან გაკურდა. გასრიალდა. კაკუნის ჩქამიც უფრო შორიდან მოისმოდა, ცხადი იყო, ბიჭებმა გატეხეს ყამირი და მალდა და მალდა მიიწევდნენ ფრიალოებზე.

— „ეჭეჭეი...“ — მინდა დავიღრიალო სიხარულისაგან, მაგრამ ჯუმბერის მშვიდ მზერას რომ ვაწყდები, ჩემი შინაგანი ალტყინება

ცხრება. მის ცვრიან სახეს ცივი ნისლის ფთილები ელამუნება. დარწმუნებული ვარ ჭუმბერს ჩემსავით უხარია თოკის სრიალი, მაგრამ არ იმჩნევს, თავს ერევა.

„მანც როგორ ახერხებს იგი ასეთი დამაბულობისას სიმშვიდის შენარჩუნებას?“ — მიკვირს მე. საერთოდ მთამსვლელები ძალიან ბევრი რამით ჰგვანან ერთმანეთს, ბევრი რამით და უპირველეს ყოვლისა აულელებლობითა და სიტყვატუნწობით, აგრეთვე სიდარბაისლით.

განსხვავებაც არის მთამსვლელებს შორის, რაც გამოიხატება ზეშოთ ჩამოთვლილი ნიშანდობლივი თვისებების სიმძაფრესა თუ მოკარბებულობაში, ამ წუთში ჩემს გვერდით კედელზე მიბმულ, ხელში სამაშველო თოქაბლუჭებულ ჭუმბერს ველარც კი ვცნობდი, ასეთი მშვიდი, და საქმიანი იშვიათად მენახა იგი.

ჭუმბერი რალაციით თითქოს მიხეილს წააგავდა. მიხეილზე ითქმოდან, ისეთი გულისაა, ვერ გაუგებ, რომელ მხარეს უფეთქავსო. მიხეილს ყველაზე გაჭირების უამსაც ვერ შეაჩუობდა კაცი აღელებასა და სულის წრიალს... არა და, როგორც ხელმძღვანელი სავალალო შედეგებისათვის, იგი იყო სწორედ უპირველესი პასუხისმგებელი.

ამ წუთში კი ჩემს წინაშე ჭუმბერ კახიანი იდგან და არა მიხეილი: „დაიყვირე, რალას უცდი, ვიცი რომ გაგიხარდა...“ ვეუბნები გულში ამხანაგს, მაგრამ იგი თითქოს ვერც ამჩნევს ჩემს დაჟინებულ მზერასო, კელაე მალღა იხედება. მეხანძრის ქუდიანი ქამა სოკოსა ჰგავს. წვიმისაგან ერთიან დასველებია სახე, წყლის წვეთები წურწურით ჩამოუყვება ლაწვებზე, და ნიკაიდან სრიალ-სრიალით ჩაყვება საყელოში, ჩამოქნილი და მთამსვლელისათვის დამახასიათებელი სახე აქვს, თვლები — შორსმხედველი, ოღნავ მოქუტუელი, გეგონება სულ პორებისა და ნაჩვრეტების ძებნაშიაო. იგი ჩასკიდებია თოკს, რომელზეც წინ წასული ამხანაგები არიან გამობმული. და რომ რამე მოხდეს, მე თუ ვერა, დარწმუნებული ვარ, იგი მოახერხებს რალაცას. მე თუ დავიბნევი, ჭუმბერი არ დაიბნევა. იმიტომ რომ იმას უფრო ყოჩაღად უქირავს თავი.

მე რომ გამჭირვებოდა რამე პირველ რიგში ჩემი თანამეწყვილე ამომიღებოდა გვერდში, იგი გაიზიარებდა ჩემს დარღსა და სატკივარს... არაფერს არ დაიშურებდა ოღონდ როგორმე ჩემი სიცოცხლე ეხსნა. და მისი პალოც რომ მომწყდარიყო და თვითონაც უკან გამოდევნებოდა უფსკრულში, დარწმუნებული ვარ ჩემს სახელს დაიღრიალებდა ქარაფთა ლაბირინთში თევზივით გადაშვებული...

და უეცრად რაღაც თბილი, საოცრად თბილი, ჭერეთ განუტდელი, ყოვლისმომცველი გრძნობა მომაწვა ყელში. არ ვიცი, რა მოხდა იმ წუთს, მაგრამ ნათლად ეფერებინა — ლოყაზე რაღაც ჩამომისრიალდა, რაღაცამ თბილად დამიარა და მომიღუტუნა, ეს ცრემლი იყო, უეცრად მომსდარი თვალთა უპეს, ცრემლი სხეულიდან უეცრად გადმოეონილი.

„ენი, ვინ უნდა მიყვარდეს მე ამ კაცზე მეტად? ძმები, ნათესაეები? ნუთუ სთავა სისხლით ნათესაობაზეა დამოკიდებული ადამიანთა მალალი სიკეთე და არა მათს ურთიერთგაგებასა და სულიერ სიახლოვეზე?“ — ეფიქრობდი ჩემთვის გულში.

უტბად მომინდა გადავხვეოდი ამხანაგს და გადამეკოცნა იგი, რაც სხვა დროს არც როდის გამიკეთებია, მაგრამ როგორღაც თავი შევიკავე. ცალი ხელი სამაშველო თოკს შევუშვი და მალლით ცქერაში გარინდებულ ამხანაგს დავეყრდენი მხარზე...

ჭუმბერმა ერთი კი გადმომხედა, სახეზე შემავლო მზერა, მაგრამ თვალთაგან გადმოღვრილ ცრემლს როგორ შენიშნავდა ამ წვიმასა და აედარა?

— ამოჰყევით სამაშველი. თოკს... — მოვიდა ამ დროს მალლიდან ბრძანება — ფრთხილად ამოჰყევით...

პირველი მე გავუღდეკი გზას. ჭუმბერი უკან უნდა მომყოლოდა. მაგრამ მან უარი განაცხადა — მე დავრჩები, მიხოს მოვეხმარები ბარგის ამოზიდვაშიო. თითქოს რაღაც მეწყინა. მაგრამ თავს მოვერჩიე და არაფერი შემიმჩნევია — მიხო მარტო იყო, ყველაზე უფრო ამ წუთში იმას უჭირდა, უჭირდა თუნდაც იმიტომ რომ ბაიბურში არ იყო — რა ხდებოდა მალა, ძირითადი თოკი მხოლოდ ჩვენამდე აღწევდა და ეს უპირველესი შუამავალი და კავშირის ძაფი მას აღარაფერს აუწყებდა..

— ჰო, რა თქმა უნდა.. — მყის დავეთანხმე ჭუმბერს და ფრთხილად გავდიე თოკს. შლიმბურის პალოები საყურებებად აჩნდა სველ გრანიტს, საყურებებში გაყრილი თოკი მალა მეწყოდა, მას ახლა ამხანაგები ჩასჭიდებოდნენ მეორე ბოლოში და მე უკვე არავითარ მოსალოდნელ ხიფათს და საშიშროებებზე არ ეფიქრობდი. მალე ხელშეუვალი ძაბრი გვერდზე მოვიტოვე მის გლუვ, მოჭიქულ ზედაპირზე მზიან ამინდში აღმთ სარკესაეით აირეკლებოდა მზის სხივები. კლდის ბეჭის თავზე კი გამამსწველებელი შეძახილებით მხედებიან შალსო და ჭოკია, რამელთაც ვიწრო ნაპრალთან დაუდევთ ბინა, მიერ კლან კლდეს და ბადესაეით ეზიდებიან კაპრონის თოკს მალა.

— მიხეილი? სად არის მიხეილი? — ვკითხე ბიჭებს როგორც კი ძირითადი თოკიდან მოვეხსენი და ირგვლივ მიმოვიხედე, ჩვენი ხელმძღვანელი ახლო-მახლო ვეღარსად დაელანდე, თითქოს მიწამ ჩაყლაპაო.

— მიხეილი? — შალიყომ მარჯვენა მხრით გამაეალი ნაპრალი შეათვალიერა. — აი ამ ღრეჩოს გასდია, — დღეის გეგმა სანახევროდ მაინც შევასრულოთ როგორმეო...

— ხო, ასე თქვა.. — დაემოწმა შალიყოს ქოკია.

ნაპრალი ნახევარმეტრიანი სიღრმის სატყეულს წარმოადგენდა, იგი ჩრდილო-აღმოსავლეთით მიემართებოდა და რაღაც სამიოდე მეტრზე სქელი ბურუსის სამოსელში იკარგებოდა. ამ ბურუსმა შთანთქა ჩვენი უფროსიც, ახლა, ამ წუთში უფროსის ასავალ-დასავალისა არაფერი ვიცოდით, მაგრამ მის შეუპოვრობასა და სიმარჯვეში რომ ღრმად ვიყავით დარწმუნებულნი, დიდად აღარას ვდარდობდით.

მალე კი ჩვენს თავს ზემოთ კოდალა აკაკუნდა. კაკუნმა ჩვენს გულისცემაც აიყოლია.

„ერთი, ორი, სამი...“ — ვითვლიდით ჩაქუჩის დარტყმებს, ხოლო თანდათან მინავლებული და შორეული ჩქამით კი მიხეილის მიერ დაძლეულ და ათვისებულ მეტრებსა და ნაბიჯებს ვანგარიშობდით. რაოდენ დიდი სიხარულის მომგვრელი იყო იმისი შეგრძნება რომ ჭიუტი, ესოდენ ხელშეუვალი და პრინსანე კედელი ბოლოსდაბოლოს ნებდებოდა ადამიანებს, ქედს იხრიდა მათი ნებისა და მონდომების წინაშე. მათი ძლიერებისა და ყოვლისშემძლეობის წინაშე... და რაოდენ მწარედ განიცდიდა ყოველივე ამას ალბათ გულგოროზი უშბა. რაოდენ მტკივნეული იყო ყოველი პალოს ჩარტყმა და ფოლადის ჩაქუჩის გაკვესება მის ზედაპირზე...

ნაპრალთან ამოყო თავი ჭუმბერმაც ხოლო სულ ბოლოს მიხომ ამორგო თავი. იგი თანამეწყვილეს „დაკარგვით“ დადარდინებული მორჩილად მოათრევდა მალა ჩვენს სალაშქრო აღჭურვილობას, სურსათ-სანოვაგეს.

— შენა! რაღას დასცქერი მიეხმარე, რაღა... — ვუთხარი ღიმილგამკრთალ ჭუმბერს, — აკი იმისთვის დარჩი ქვემოთ, მიხოს უნდა მივებმაროო...

— იცი, რა? სულ გაუთაეებია გაიგე? ერთი მაინც შემოენახა, მაშინ მართლაც მიეებმარებოდი. ჩემი ჩალაგებული მაინც არ იყოს იმ ხალთაში... სულ დაუცარიელებია...

— რაშია საქმე? — გვეკითხებიან შალიყო და ქოკია — რა ჩაიდი-



ნა ასეთი მაგ საცოდავმა? — ისინი ბაიბურში არ არიან, იმათ უფრო შიხეილი ეცოდებათ. მართხელა რომ ეზიდება მთელი ჯგუფის სურსათ-სამოვარევესა და სათადარიგო აღჭურვილობას.

— მაგი რომ იცოდეთ, წეროს სკინტლივით გადაუძახებდით ქარაფებში ჩვენს მებარგულსა, აბა... ისევ ისა სჯობს მეტს ნულარაფერს მკითხავთ, თორემ რაღაც უსიამოვნო ამბავი არ მოხდეს...

— ისკინტლება ი წეროა თუ რაღაც ეშმაკი? რა იცი რომ ისკინტლება? დაგინახავს როდისმე? — შეეკითხა ჯუმბერს შალიკო.

— წეროს სკინტლი არავის უნახავს. რამდენჯერ გვიყურებია ბავშვებს გადამფრენი წეროების სავსავისათვის, მაგრამ...

— გამოვთქვი მეც მოსაზრება ამ საკითხზე.

— ჰი... ჰი... რა ჰკვიანი მყავხარ. იმაზე რად არ ფიქრობ, იქნებ ვეღარ ჩამოაღწია იმ სიმაღლიდან თქვენამდე, ჰა? — სიცილი აუტყდა ჩემს ნათქვამზე მიხოს, რომელიც აქამდე ხმას არ იღებდა.

— რაო, მეტეორი ხო არაა, ის სკინტლია თუ რაღაცა რომ უკვალოდ გაჰქრეს სიერცეში? რაებს მიჰქარავ, ჰა? — ენა გამოუყო მიხოს შალიკომ.

— თოფი თუ გისვრია შენ ქაერში? გამომწვევად შეეკითხა მას განაწყენებული მიხო.

— თოფი? რა შუაშია თოფი? — მხრები აიჩეჩა შალიკამ.

— მოიცა, კარგ რამეს ამბობს. მე დაახლოებით ვხვდები, რაც უნდა თქვას... — ჩაერია მათ კამათში ჯოკია — ეტყობა არ გისვრია, არა? თქვი, განა სირცხვილია, გისვრია ცაში? ისე, დაუმინებლად?

— რაზეა მაინც ლაპარაკი, იქნება ჩვენც გაგვაგებინოთ? დაუმინებლად ვინ ჰკვიანი გაატყვრენს იარალს?

— აი, გავიღოდით ბიჭები შუაგულ მინდორში, გაზეთებს წავიღებდით და დაეფენდით. მერე თარაზოთი თოფის ლულას შვეულად დავაყენებდით და დავაქუხებდით. ყველანი სულმოუთქმელად ველოდით როდის ჩამოცვივდებოდა საფანტი გაზეთებზე. ველოდით, მაგრამ აშაოდ. ნად იკარგებოდა საფანტი ეშმაკმა უწყის. იქნება თქვენ ამიხსნათ? — თქვენც ნახეთ რა სალაპარაკო.

ის მითხარით ბოლოსდაბოლოს, რა გააკეთა ასეთი მიხომ? — ეცადე ამხანაგების გაჩუმება — ნეხვი და სკინტლი სხვა დროისათვის შემოინახეთ...

— ეუთხრა, რაც ჩაიდინე, შე უსინდისოვ შენა? — შემცოდებელი შხერა მოავლო მიხოს ჯუმბერმა.

— უთხარი. ხახვი არაეინ დამაჰკრათ ყურზე. სკინტლზე კი რას გე-

ტყვი, იცი? შენ უნდა გაყლაპოს კაცმა, რომ ენას კბილი დააქრო, ჯაიგე?

— მთელი ხალთა კეხურა. სულ გადაუსანსლავს, მე და გიემ რომ წავასწარით უკვე გვიან იყო. უკანასკნელი ვაშლი დაეხელთებინა და იმის ხრამუნში გართულს ცა ქუდაღ-არ მიაჩნდა, დედამიწა ქალაქ-ნად. ერთი ნამცეცი მაინც შემოეთავაზებინა მაგ ოხერ-ტიალს, თითქოს ჩვენ ცით მოფრენილები ვყოფილიყავით... — ბრაზობდა ჭუმბერი.

— ხოლო... — ერთხმად აღმოხდათ შალვას და ჭოკიას. თავიდანვე ეგრე გეტქვა, ერთი კლდის ნატეხი და მაგისი სახსენებელი მართლაც იმ საფანტივით გაქრებოდა, მაგ უსინდისოსი... — ნერწყვმომდგარმა შალვამ ენა გააწყლაუნა.

მიხეილმა პასუხად შარვლის უკანა ჩიბიდან წითელ-წითელი კეხურა დააძრო და გემრიელად მოკბინა.

— აი, შეხედეთ, შეხედეთ... ახლაც დაინდობთ. ამ კაცს ა? — გამარჯვებულის იერით დაიძახა ჭუმბერმა — ხალხნო და ჭამათნო, გულზე დაიდევით ხელი და ისე თქვით, რა ჰქვია ამნაირ კაცსა?

ნეზვი ხადიშ... ნეზვი ხადიშ!..! — ერთხმად წამოიძახეს დანარჩენებმა, რომელთაც, ეტყობა, ჭუმბერზე არანაკლებ აწუხებდათ მოძალებული წყურვილი.

მაგრამ მიხოს თითქოს არაფერიც არ გაუგონიარო, დამშვიდებული განაგრძობდა თავისთვის ხრამუნს.

ერთხანს სიჩუმე ჩამოვარდა. მიხოს უტიფრობით გაოგნებულმა ჭუმბერმა ამხანაგებს გადახედა — რო ჩამოგიყრიათ ყურები, უთხარით ამ კაცს რამე, შეაგონეთ და შეაჩვენეთო,

— თითო კეხურა ახლა ჩვენც არ გვაწყენდა. ეს ოხერი პირი უდაბნოსავით მაქვს გამშრალი, ჰი... — უეცრად მოლბა ჭოკია, რომელიც ტბილისიყვავობით ცდილობდა ხოლმე მოწინააღმდეგის გულის მოგებას. მაგრამ დღეს მიხოსთან ეს ხერხი არა და არ ჭრიდა. მიხოს არც მოუხედავს მისკენ, იჭდა ბაქნის ზოლოში და გემრიელად ახრამუნებდა კეხურას.

— ეს რა უტიფრობაა, ღმერთო ჩემო, ეს რა ნახა ჩემმა თვალებმა — ყურებზე აიფარა ხელი ჭუმბერმა — ხალხო, ამას რას შევესწარი...

<sup>1</sup> სვ. ლორმუცლა.

— ხერგიანები გვიჩოლბოტებენ და ის არი, არიქათ, ბიკებო, ვუშ-  
ველოთ თავსა... — წამოვიძახე მე.

ჯოკია მაინც არ იტებდა იხტიბარს. თოკიდან მოეხსნა და მიხოს-  
თან ჩაცოცდა. მხარზე გადასდო ხელი ამხანაგს და დაუყვავა:

— ე, მაგას თუ უგდე ყური, შეიძლება ქვეყნის დამქცევადაც კი  
მოგნათლონ ხერგიანები, სველი ენა ყველაფერს იტყვის, ხო იცო,  
მაგრამ ვილა დაუჭერებს ამას? რაც შემეხება მე, ერთი აუგი სიტყვა  
არ დამცდენია შენზე არასოდეს... ყოველთვის შენი გულის მოგებას  
ვედილობდი, აი, ახლაც მზადა ვარ, გემსახურო, მიბრძანე რაც გინ-  
და, შენი ხმალი და ჩემი კისერი... აი... — წაიგრძელა ჯოკიამ თავისი  
ძარღვიანი კისერი. — ყმები თუ გყოლიათ ოდესმე ხერგიანებს, იმათ-  
სავით მიმსახურე...

ჯოკიას ვედრებამ ბოლოსცაბოლოს გასჭრა, მიხეილმა ერთი ამ-  
რეზილად გადმოჰხედა და ამ ჭხერას ეხეურაც მოაყოლა, რომელიც  
კვლავ უკანა ჩიბიდან ამოაძვრინა.

ახლა ორნი ახრამუნებდნენ ეხეურას. მალა ბიკები კი ბრაზით  
სკდებოდნენ გულზე. ოლონდ კაცი ვერ გააკვევედა, ვისზე უფრო იყ-  
ვნენ გულმოსულები ამჭერად — მიხოზე თუ „მოლალატე“ ჯოკიაზე.

მაგრამ მათ სულაც არ აღარდებდათ ეს ამბავი. ისხდნენ და შე-  
ეჭვოდნენ.

— მოიცათ, მოვიდეს ჩხვიმლიანი და მერე გიჩვენებთ სეირსა, —  
იმუქრებოდნენ მალლიდან.

ჩხვიმლიანის ხსენებაზე მიხო და ჯუმბერი ორთავენი შეკრთნენ,  
თითქოს ახალა გაახსენდათო მისი არსებობა.

ვიცოდით უფროსის მომთხოვნელობის ამბავი ასელების ღროს.  
ჩენი თავაშვებული ხუმრობა შეიძლება უადგილოდ მოსჩვენებოდა,  
კვების რეჟიმის დარღვევად მიეჩნია, მაშინ რაღას შერებოდი? მაგრამ  
თავში ყველა კაცს ეშმაკი რომ უზის ამაში ახლაც ღრმად ვარ დარ-  
წუნებული. მით უფრო ამ ეშმაკთა საუფლოში ეგ რაღა გასაკვირია.

— იცით რას გეტყვით თქვე დოცლაპიებო? ჩხვიმლიანთან იქითა  
გვაქვს ჩვენ სადაო. აი, მაგალითად, მიხოს ამბავი ავილოთ, მიატოვა  
და მთელი ბარგი-ბარხანა მაგას დაურჩინა ჭირად, რაღას ფიქრობდა?  
მიხო რა, დაქირავებული მებარგულია. თუ რა? გიფიქრიათ ამაზე  
ენემს? ეს უსამართლობაა, ამხანაგებო და მეტი არაფერი — აქეთ  
შემოუტია შალვას და ჯუმბერს ჯოკიამ.

— მერე შენ რა? შენ რომელი მეცამეტე გოჭი ხარ. პირი რომ ჩა-  
იტებარუნე იმაზე ლაქლაქებ ასე?

— თუთი ეშმაკსა, თუთი ეშმაკსა... — გადააწიტეს ზემოურებმა. —  
კუმ ფეხი გამოჰყო და მეც ნახირ-ნახირაო. ისე არაა შენი საქმეც?... —

— ჰო და ყოველივე ამის მერე ერთი კეხურა რომ შევლაპოს კაც-  
მა, ყელში უნდა ამოადინოთ? ერთიც რო თავის ერთგულ მეგობარს  
უწილადოს, ამაზე შუშისხელა უნდა გაგიხდეთ თვალები? ასე არ  
არის? — დაიმოწმა ჯოკიამ მიხო.

— ჰო... მა რა...

ამ დროს თოკი შეირხა. მაღლიდან ხმაური მოვარდა. მალე კლდის  
ღარში ზღვის ლომივით გალუმპული მიხეილი ჩამოცურდა. ბოლქვე-  
ბად შეფენილ ღრუბლის ქულას მოჩვენებასავით გამოეყო მისი მოქ-  
ნილი სხეული და თვალის უსწრაფესად დაეშვა ჩვენთან.

ბაქანზე კამათი შეწყდა. მე უმალ ჩემს ადგილს მივაშურე. ვისაც  
დაცვა გვევალებოდა თოკს ჩავავლეთ ხელი, ისე გავიჯიგმეთ და და-  
ვიძაბენით თითქოს უშმა იქცეოდა და ის უნდა შევეკავებინა. მცხე-  
ილი უხმოდ ეშვებოდა. ეს იმას ნიშნაედა რომ საქმე კარგად ვერ  
იყო, ზევით წასელა რომ ჰქონოდა გადაწყვეტილი, თვითონ ჩვენთან  
არ ჩამოვიდოდა.

მისო პირველი მოუხედა თავის სენიას განზრახვას და უხმოდ  
დაიწყო ბარგის გახსნა. ჩვენ კი ვფიქრობდით — კიდევ კეხურას  
ხომ არ დაეძებს ზურგჩანთაშითქო. შალიკოსა და მის მომხრეებს  
შეიძლება ბრაზიც მოაწვათ ყელში.

— რას განეგებულხართ. პალოებისათვის ღრეჩოები მოათვალიე-  
რეთ... — ამოგვძახა მიხომ ქეპოლან.

ღრეჩოებზე ზრუნვა ამ მომენტში შალვას და ჯოჯიას ევალებოდათ.  
შე და ჯუჰნერი ხომ დაცვაზე ვიყავით გაპირობებულნი. რადგანაც  
უფროსის მითითება არ გვექონდა დაცვის მოხსნის თაობაზე თვალე-  
ბიდან ნაპერწკლები გვევიოდა, ისე დაძაბულნი ჩავსქიდებოდით სა-  
მაშველო თოკს.

შალვა და ჯოჯია მალევე დაფაცურდნენ. აქეთ ეცნენ, იქით ეც-  
ნენ. თარო ზედმიწევნით მოსახერხებელ ადგილი აღმოჩნდა ღამის-  
თევისათვის. ყოველ შემთხვევაში, ექვს ადამიანს თავისუფლად დაი-  
ტევედა აღნიშნული ბაქანი. ერთობოდა ღრეჩოებიც მონახებოდა  
ახლომახლო. ამის იმედს ჩვენგან ჩრდილო-აღმოსავლეთისაკენ გაყო-  
ლებული კლდიანი ღარი გვაძლევდა, რომელსაც რამდენიმე წუთის  
წინ მიხეილი ჩამოჰყავა.

საერთოდ მთაში და მეტადრე მწვერვალზე სარტყელისა და  
ღარების არსებობა ქანისა და გრუნტის სირბილეზე მეტყველებს. და

მთავსვლელს ისე უხარია ღარების და მათგან წარმოქმნილი კლდე-ხერელების დანახვა როგორც მოშიენულ არწივს საკბილოს მოლანდ-ვა. — მოგულება. ღრეჩობები და პორები პალოს გამოყენების საშუა-ლებას იძლევიან. ხოლო ეს უკანასკნელი კი ადამიანს ანთავისუფ-ლებს ზედმეტი, მომქანცველი, გამომფიტველი შრომისაგან. — შლიამ-ბურის პალოებით კლდის ბურღვისაგან, რომელსაც შრომატევეადობი-თა და სიმძიმით მარტოოდენ ქვისმთლელის, ან იქნებ მოქანდაკის შრომა თუ შეედრება; შაგრამ ქვისთლა სიძნელის თვალსაზრისით ახ-ლოსაც ვერ მივა კლდის ბურღვასთან, რადგანაც მოქანდაკეცა და ქვისმთლელიც მჭდომარე, ან ფეხზე მდგომი მუშაობს, რაზეც მთამ-სვლელი მხოლოდდა თუ იოცხებებს — მას შლიამბურული პალოს გამოყენება ხომ ძირითადად უარყოფითი დაქანების გრანიტოვან კედელზე უხდება, სადაც იგი მოკლებულია მიწიერ მცირედ საყრ-დენსაც კი.

მთელი სხეულით ერთ ბეწო თოკზე ჩამოკონწიალებული ძალა-დაცლილი უთაქუნებს ჩაქუჩს, თოკზე, რომელიც მაცდუნებლად ირ-წევა თვალშეუვლები უფსკრულის თავზე. ხანდახან, როცა ბურუსი მოეფინება არემარეს — ღრმა ნაპრალოვან გარეშემოს თვალსაწიერი-დან მოსწყვიტავს, საშიშროების შეგრძნება თითქოს მცირდებაო, მაგრამ სინამდვილეში ხომ არაფერი შეეცვლილა. ბურუსიანი ამინდის გაპართლებას მხოლოდ ამ თვალსაზრისით თუ შეეცდება. მთაში აღ-მინი.

— ჰამაკები და... ძილი იქნება სიზმარში წმინდა გიორგი გამოგ-ვეცხადოს ვინმეს. იგი მიგვასწავლის როგორ გადავახტეთ თავზე მწვერვალისწინა ბეჭობს. ნუ გეშინიათ ქვათაცვენისაგან მოსვენება არავის დაგვიფრთხება, უშბის სახურავი კაკარდიანი ქუდივით გად-მოგემხობია თავზე...

— შეგვეწიე, მალალო ღმერთო. დაგვილოცე ხვალინდელი გზა-საგალი — ჩაიბურღლუნა ვილაყამ ხმადაბლა.

მერე კი მალლიდან მოსალამოებამდე მოისმოდა უდღეური კაკუ-ნი. კოდალა უკაკუნებდა მუხის ხეს. იმის ნაფოტებად დანაკუწებას ცდილობდა, მაგრამ არაფერი გამოსდიოდა. ვიდრე სხეები ეწყობოდ-ნენ, ჩხვიმლიანს გულმა ველარ მოუთმინა და მეორედ ეწვია მწვერ-ვალისწინა სახურავს...

იგი ებრძოდა უშბას.

## მენატრება შუშხუნები...

კლდის ნატეხზე ვზივარ. ჩრდილოეთისაკენ ვიხედები. არაფერი ჩანს. საშინელი ბურუსი ჩამოწოლილა, მრუმე ფარდად ჩამოფარვია იგი სვანეთის კავკასიონს.

სტრის.

„იქ თოვს ალბათ... იქ, უშმაზე არასოდეს არ სტრის, უშმაზე ყოველთვის თოვს“...

ჩემს ფეხებთან ჩათინის მყინვარი იწყება. მისი თეთრი და ნაპრალოვანი ზედა წელი ჩამოწოლილ ბურუსს ჩაუჩუმქრავს. ქშინავს. ეოცხალ არსებასავეთ ხმაურობს იგი. ამ ათასწლოვანი თოვლის სიღრმიდან განუწყვეტელი შხუილი მოისმის, ზღაპრული გველეშაპივით ებერება თითქოს ფილტვები და ძილნაკლულივით ხროტინებს.

— შენ მაინც შითხარი რამე, ჩათინის მყინვარო. ხომ მოგიხვევია მწვერვალთ დამყრობთათვის მძლავრი მკლავები... ჰო ლა გეცოდრება — როგორ არიან, ხომ არ სცივათ. ხომ არ სწყურიათ. რას შვრებიან, რას აკეთებენ. აღიან თუ ერთ ადგილზე იტყეპნებიან... შითხარი რამე. ჩათინის მყინვარო, შითხარი...“

მაგრამ მყინვარი ცივია და უდარდელი, უგულო და შეუსმენელი. ყურსაც არ აბარტყუნებს, თითქოს არც გაუგონიარო ჩემი ვედრება. არა, მყინვარი არაფრის თქმას არ აპირებს.

მე კი შინდა გავიგო ბიჭების ამბავი. ამისათვის ვზივარ შთელი დღე ამ გაყინულ ნატეხზე და ჩრდილოეთს გავცქერი ყელმოდრეცილი და გულმოფანცქალე. ველოდები შუშხუნებს — თეთრ შუშხუნებს, მაგრამ ირგვლივ ცივი, ნაცრისფერი ბურუსი ღვას და არაფერი ჩანს. არც გუშინ მოგვილანდაეს რაიმე, დღეს კი ცხრას გადასცილდო მაგრამ თეთრი, მწვანე და არანაირი შუშხუნა არ ჩანს.

უკვე წვიმს. მსხვილად წვიმს. მერე წვეთები კიდევ უფრო მსხვილდება და თეთრდება. ესე იგი თოვს. მე მაინც ვზივარ. ცხრა საათია და ისე ვზივარ... თოვს... ველოდები... ამაოდ... არაფერი ჩანს, არაფერი. წვიმდეს, თოვდეს, რა ვუყო, ალბათ ასეთია ნება წშიდა ელიასი, ოლონდ გამოჩნდეს თეთრი შუშხუნა და აღარაფერს დავეძებ

ათის ნახევარია. ზეცით მრუმე ფარდა ჩამოეშვა. წყვდიადი განეფინა არემარეს. თვალთან თითს ვერ მიიტანს კაცი. მე კი ისევ ვზივარ. შინდა დავამარცხო ეს წყვდიადი, ეს სიჩუმე და მწგალებლური შოლოდინის შემოტყეა, უჩინარი წამები და წუთები შინდა მოვ-

თოკო, თვალსა და ხელს შუა რომ მიჰქრიათ ამქვეყნიური უსასრულობის ლაბირინთებში, უმოწყალოდ რომ მიჰქრიათ...

მწვერვალი კი არ ჩანს. არაფერი არ ჩანს. არსაიდან ჩამიჩუმიო, როგორ მინდა შეშხუნა — თეთრი ან შვეანე. მეტი არაფერი არ მინდა.

## მკვსს გამოვსალოთ ერთი ხუთს გამოვსალოთ ორი...

— რა უცნაურია ეს წუთისოფელი, არა? — ხენეშა-ხენეშით მეკითხება მიხო.

— რა თქვი? — თავში ილიკოზე ფიქრი მიტრიალებს, იმის ცოლ-შვილზე ფიქრი. შინ რომ ვყოფილიყავ ამ გუნებაზე, ალბათ ყველა-საგან განვმარტოვდებოდი, მივიმალებოდი და მივწვებოდი სადმე.

სხეული ერთთავად დამძებუნებოდა, თავი კი მიერიალებდა. ასეთი გამოფიტული, უსიცოცხლო და უაზრო განწყობაზე არასოდეს ვყოფილვარ. უცბად ვიგრძენი მუხლებში სისუსტე, პირველად ჩემს სიცოცხლეში გამკენწლა გულმა.

ქართველი კაცი ამ სიმაღლეზე და დასაფლავებულა ჯერ. მისი ნეშტი ქარების ანაბარა არასოდეს მიუტოვებიათ. ილიკო კი, ყველაზე მაღალი კაცი ამიერიდან მიუსაფარი დარჩებოდა. რა იქნებოდა მის შშობლიურ მესტიაში ამ საზარელ ამბავს რომ გაიგებდნენ?

რამდენი სვანი, კავკასიონს გადაღმა საცხოვრებლად თუ საშოვარზე გადასული აღსრულებულა უცხო მიწაზე, მაგრამ ამხანაგო თუ ნათესავთ აროდეს დაურჩენიათ იგი შორეთში, ზარის გრიალით გაღმოკყავდათ უბედური ნადირთა წაევარნებზე. ახლა კი უნდა დარღვეულიყო მამა-პაპათა ძველისძველი ჩვეულება — უიღბლო კაცის შშობლიურ, ნაკურთხ მიწაზე მიბარებისა. რა იქნებოდა, როცა ხუთის ნაცელად ოთხნი დაბრუნდებოდნენ თბილისში? და სამის ნაცელად ორნი — მესტიაში? რა იქნებოდა?..

წუთით სვანური სამგლოვიარო ზარის ჩქამი მოკარდა საიდანღაც, ტანში ამბურძგლა და შემზარავ ყრუანტელად დამიარა. სიციველ დამიარა, ერთიან კანკალმა მოიცვა ჩემი სხეული.

— უცნაურია წუთისოფელი-მეთქი... — გაიმეორა მიხო.  
გამოვერკვიე...

ჩემი გულჩვილობისა შემრცხვა. გონს მოვეგე. ძალა და გონიერე-

ბა მოვიკრიბე. არა, წუწუნი და ვაი-ვიში არ გამოგვადგებოდა ახლა სანამ პირში სული გვედგა უნდა გვებრძოლა და გვემოქმედა, გვემოძრავა.

— რაზე ამბობ?

— ათას განსაცდელს მოგივლენს. მაგრამ კი არ იცი, — ოოდის, სად. გახსოვს, ენგურში რომ გადავეარდი და საშაშვე მახეს ვპირდებოდი, ვინაც მისხნიდა, რა სასაცილო იყო, არა? კი მაგრამ შენ? შენ ხომ არაფერს შეგპირებდით ისეთს. რო არ მეშვებ?

— გაჩუმდო, გაიგე? გაჩუმდი...

„სანთლით სამებარი კაცი იყავიო, ვოი...  
შამა-ბიძათა მოღვმისაო, ვოი,  
გაბლიანების სიამაჟე, ვოი.“

მოთქვამდნენ მაჩუბის სიღრმეში შაოსანი ქალები. ისინი ლოყებს იხოკავდნენ კერის ირგვლივ თავმოყრილნი. იქვე იდგა საწოლი. სამიტვალებულო ზეწარგადაფენილი, ოღონდ იგი ცარიელი იყო. საწოლზე არავინ იწვა.

— რაებს ლაპარაკობ, არა გრცხვენია?

მიხოს სახეზე რაღაც დამცინავი, ირონიული ღიმილი დასთამაშებს უსიცოცხლო და გაქვავებული თოვლს დაშტერებია და წამოწევას არ აპირებს. ამ მცირედ ღიმილში მე მის გულისფიქრს ვკითხულობ: „სულერთია, მაინც ვერ ჩავალწევ. და რადგან ვერ ჩავალწევ რა აზრი აქვს ყოველივეს. შენ რაღაზე ირჩები ნეტავი ვიცოდე...“

მკლავი მოვხვიე წელზე და წამოვყავნე. მერე მოხერხებულად ჩავეჭიდე და დავიძარი თ ადგილიდან. კუს ნაბიჯით მიუყვებოდით დასავლეთი მწვერვალის აღმართს. ერთი ნაბიჯი... ორი... სამი... აბა ვინ იფიქრებდა, რომ ეს კილომეტრიანი მომქანცველი თხეში ბიჯი-ბიჯ შემეჭმნებოდა დასაქელი? ვინ იფიქრებდა, რომ ზურგზე მეგობრის სიკვდილით გამოწვეული მწუხარებით დატვირთული ხუთი ილაჯგამწყდარი, დავრდომილი ადამიანი თავისი სულიერი და ფიზიკური ძალის უკანასკნელ ნამტეცებსაც ამ ქედის ავლას შეაღვედა?

მალე დანარჩენებიც წამოგვეწვივნენ.

ერთად როცა ვართ, უფრო გვიიოლდება სიარული. მართალია, ერთმანეთს ვერ ვეხმარებით, მაგრამ მაინც. შუა აღმართზე, ვგრძნობ, სუნთქვა მიჭირს. უნდა დავისვენო, მაგრამ მეშინია, მიხოს არ გაუტყბეს თოვლზე ჯდომა. მისი ადგილიდან დამერა ჰქირს უფრო, თორემ მერე უხშოდ მობანცალებს, დაგყვება და გემორჩილება. მაგრამ აბ-



ლა მეტი გზა არაა, უნდა დავისვენოთ. ეს ოხერი ქედი არა და არ დამთავრდა, მაინც რამდენი დაგვრჩა ნეტავი?

და აი ნანატრი წუთები თვალის უსწრაფესად გარბიან. ჩვენ გულანად ვეწაფებოდით ტიანშანის სულისგამყინავს ჰაერს. ღრმად ესუნთქავთ. სხეული ნეტარებას მისცემია. მაგრამ არა, თოვლზე დიდხანს წოლა შეიძლება საბედისწერო აღმოჩნდეს ჩვენთვის. ოი, რარიგ დამძიმებულა სხეული, მაგრამ უნდა დასძლიო როგორმე ეს სიმძიმე. მოიკრიბო მხნეობა და დასჯაბნო ოხერი ცდუნება თოვლზე ნეტარებისა. უნდა... უნდა... უნდა...

— გამანებე თავი, გამანებე რა, თავი... — მიზო გემრიელად გაშლართულა თოვლზე და თვალმიღებული მიშორებს თავიდან.

წვერი წამოზრდია — მოყავისფრო წვერი სახეს უფერმკრთალებს, რომელიც სიგამხდრისაგან კიდევ უფრო დაპგრძელებია. ცხერი წითლად შერუქღვია, ეტყობა მოპყინვია. ღრმად სუნთქავს. ხანდახან ამოსუნთქვისას მინავლებული კვნესა აღმოხდება თეთრ ფონზე მისი ხელებგადაშლილი შავი სილუეტი ჭვარივით ამჩნევია. თითქოს ვიცამ ჩაარქო დასავლეთი მწვერვალის თხემზეო.

ჭვარი სამარადისო განსვენებისა.

მკვიდრად წევს მიზო. ვერც მე, ვერც სხვა, ვერავინ ვერ წამოაყენებს მას ძალისძალად. ისე გემრიელად და მკვიდრად წევს, ვერავინ დასძრავს ადგილიდან. აბა საამისო ძალა ვილას ექნება?

— რას გადამეკიდე, გამანებე.. გამანებე თავი... — თავმობეზრებული კაცის ხმით „მიყვირის“ მიზო, უფრო სწორად ხმადაბლა მარცვლავს ამ სიტყვებს. ყვირილის ძალა არ შესწევს და ჩურჩულით მომძახის.

— თუ არ გამიგონებ, იცოდე მოვეხსნები თოკიდან და აი უფსკრულში გადავეშვები... — გულმოსული ჩავძახი მიზოს, თან თოკის ყულფს ვეფათურები, შინდა პირი მოუხსნა.

მან თვალები გაახილა. ერთი შიშნარევედ გადმომხედა და ნოკაუტიდან გამორკვეულ მოკრივესავით ნელ-ნელა წამოითრია ტანი. ჩემზე დარღმა დააფეთა — მართლა არაფერი მოიწიოსო და თავს ძალა დაატანა. საკუთარი თავი ხომ არ ეღარდებოდა, მაგრამ როცა ლაპარაკი ჩემს არსებობას შეეხო, სინდისმა შეაწუხა და წამოიწია.

მერე საქმე ცოტა უკეთ წავიდა. ჩვენ ყოველ მესამე-მეოთხე ხაბიჯზე ვეცემოდით და ვისვენებდით, მაგრამ, რაც მთავარია, წინ ხომ მივიწვევდით. არ ვიცი, რამდენი ვიარეთ მწვერვალამდე, მაგრამ ავედით კი. თავქვე დაშვება იოლი იყო, შედარებით იოლი და ნაკლებ-

დამღლედი. მიხოც უფრო მოყოჩაღდა. კლდოვანებზე თავისით ცდილობს გასვლას, ყოველ შემთხვევაში, ენერგიულად მეხმარებოდა — უშინოდა რაიმე ხიფათს არ გადავეციდებინე. ჩემზე ზრუნავდა.

აი, ქვევით კარავიც გამოჩნდა. ეს დამხმარე ჯგუფის კარავია. ჩვენ გვხედავდნენ. ალბათ დაგეთვალეს კიდევ და მიხვდნენ ყველაფერს. ერთი... ორი... სამი... ოთხი... ხუთი... შეექვსე? შეექვსე რაღა იქნა? — ფიქრობენ დაბლა ამხანაგები. ფიქრობს ექსპედიციის უფროსი. აი, ვილაც კარვებს წინ მიდიმოდის, ნერვიულობისაგან თავბრუდახვეული. ბოლთასა სცემს.

სხვებიც დარბიან. ერთი ფაციფუცი აქვთ ამტყდარი, მაგრამ ბანაკი საპირისპირო განცდებსაც იწვევს ჩვენში. კარავთა სიღრმეში წყლით სავსე მათარები გველანდება, აგრეთვე პირსავესე ქილები და მოგუზგუზე კოცონი. იგი ბრღვეილებს, წითელ ნაპერწკლებად იფრქვევა. ჩვენ ხელები გვინდა მიეუშვიროთ და ერთი გულიანად გათბეთ. ყოველივე გვეჩვენება რა თქმა უნდა. გვეჩვენება და როგორც კი გამოვერკვევით ხოლმე ზმანებიდან, საკუთარ თავზე მოგვდის ბრაზი.

მაგრამ ვილაც რომ გიყვიით დარბის კარვებს შორის ეს მოჩვენება არ არის. და რაოდენ ახლობელია ახლა ის კაცი ჩვენთვის, იგი განიცდის ჩვენს გაჭირვებასა და უმწეობას, განიცდის და ყოველნაირად ცდილობს დროული დახმარება აღმოგვიჩინოს. მაგრამ რა შეუძლია მას? იმ სიშორიდან როგორ გამოგვიწოდოს ხელი? როგორ მოგვაწვდინოს მანუგეშებელი სიტყვა? ძალიან, ძალიან, შორსაა ჩვენგან ბანაკი, შორს, ქვევით, უფსკრულებისა და ქარაფთა ბოლოს.

და აი მაცდურ ფიქრებში საღამოვდება კიდევ. ყოველივე შორეული, მაგრამ ასე სანატრელი და მშობლიური, თბილი და საოცნებო ჩვენი თვალსაწიერიდან ქრება და უჩინარდება, ღამისეული ბურუსი წვება ჩვენსა და ამხანაგებს შორის, ჩვენსა და ბანაკის ეზოში მობარგანავე ადამიანს შორის, რომელიც ყველაზე მწარედ განიცდის თავს დამტყდარ უბედურებას და რაიმე დახმარება და მოშველება კი არ ძალუძს...

დავრჩით ისევ მარტონი, ყინულისა და ქარების ამარა. დავრდომილი, ბნელდამორეული ადამიანები ერთუროთის ამარა. ღამე იქნებოდა ჩვენი მასპინძელი, ტიანშანის იღუმალებით მოცული ღამე.

კვლავ დაიწყებოდა ბოდვა, დაიწყებოდა ყვირილი და ვედრებანი. — წყალი... ჩქარა... წყალი... — დაიძახებდა რომელიმე ჩვენთაგანი.

იქნებოდა გოდება. ფიქრი მოეძალებოდა ადამიანებს, ფიქრი მშობლიურ სახლზე, ახლობლებზე...

და კიდევ ქალებზე და შესაძლოა ეს ჩვენი უკანასკნელი ფიქრი ყოფილიყო, უკანასკნელი სურვილი ამქვეყნოურ სინამდვილესთან გაბაასეწისა.

**ჯუშუბერ კახიანი: ანდე-გუმანი —  
მეგობარი და მტერი.**

14. 18. მონაკვეთი № 14. ასვლას ვიწყებთ 6 საათსა და ორმოცდახუთ წუთზე. ასე ადრე პირველად გავდივართ ტრასაზე. როგორც წყვილიაღში მოარული კაცი გრძნობს ხოლმე შუბლით კედელსა თუ ღობესთან მიახლოებას, ისე ვგრძნობთ 'თითოეული ჩვენთაგანი მოსალო: ნელ საშიშროებას, რომელსაც თავსზემთ გადმომხობილი „კარნიზი“, ეგრეთ წოდებული „სახურავი“, გვიმზადებს, „სახურავი“ მას ხატოვნად შეარქვა მიხეილმა, რომელმაც საკუთარი თვალით ნახა იგი გუშინდამ.

რაოდენ მძიმე და უსიამოვნოა იმისი წუთიერად წარმოსახვაც კი რომ შენს სულს გრანიტის ზღუდეები ჩამოსწოლიან, შენი არსება იმათი სიმძიმის ქვეშ იშმაწნება, იმათ დაუჩოლობოტება შენი ჯანი და ღონე.

სახურავი ჩვენს სხეულში ჩამოზრდილა, ხოლო მისი კარნიზიდან მოწანწკარე ნამდნარი თოვლის წყალი კინკოფზე გვეშხეფება და კისერში ჩაგვეყება. საათის ისრებივით შემზარავად წიკწიკებენ წვი: ის წვეთები. და არ უჩანს ბოლო იმათს წიკწიკს. რაღაც გაურკვეველ წინათგრძნობას მოუცავს მთელი სხეული.

მაგრამ მალე, ისევე როგორც აფრენის შერე თანდათან ეჩვევა ადამიანი ლაინერის ყურისწამლებ გუგუნ-რყევასა და მოსალოდნელ საშიშროებებს; მთამსვლელიც, რაგინდ გაუვალი და ხიფათით აღსავსე გზის წინაშეც არ უნდა იდგეს იგი, თანდათან კარგავს მიწიერ თვისებებს, შიშისა და კოკმანის დამამკირებელ გრძნობას, მასში იბუღებს ბრძოლას, შებმისა და გამარჯვების უინი. მთელს მის არსებას გამარჯვების ყიჟინა ეუფლება, იგი სხეულიდან დევნის შიშის მოძალებას... ღრმად სწამს, ველარაფერი გადაელობება წინ, ველარაფერი შეაჩერებს და შეაფერხებს. იგი მამაკაცია. თავზე სინდის-ნამუსის ქუდი ახურავს...

ლარი, რომლის დანახვამაც წუხელის ასე გაგვანარა. უღღერო აღმოჩნდა. ოციოდე მეტრის შემდეგ იგი გაიშალა, გაფართოვდა, მოლიპულ კლდეში გადაიზარდა. ონაერების მიერ დაყოილ სატყუარას რომ გაპყვებიან ჩრტები, ისეე გაგვიტყუა უშბის „ნახმლევმა“ ავზედით მახესთან — გრანიტოვან „სახურაეთან“. ჩვენ ახლა ისლა დაგვარჩენოდა რომ გვეფრთხილა და გვებრძოლა რათა რაგორმე თავი დაგვეძერიანა მისი კლანჭებისაგან.

ერთხანს პირდაფრენილი მივშტერებოდათ სახურავს. კისერმოღრეცილი, მორწმუნეთა დუმილით გასუსულნი დავეძებთ „აქილევსის ქუსლს“, მაგრამ ამაოდ!

უცნაური ამინდი დგას. ბურუსი იითქოს შეთხელდაო, ხილვადობა წუხანდელთან შედარებით უკეთესია, მაგრამ მაინც არადაამაკმაყოფილებელი — ოციოდე მეტრს იქით კვლავ იღუმალებით მოცული რჩება ჩვენს თვალ-საკუქერელთათვის. ყოველივე. მგონი თოვასაც აპირებს, პირველი ფიფქა ფანტელები სახეზე გვადნება.

— ერთ უღებშემოფხრეწილ წიგნში წაეიკითხე — „იანონი აბლაბუდასა ჰგავს, ღონიერი ობობები გაიბრძოლებენ და გაგლექენ, სუსტნი კი გაიხლართებიანო...“ — ბრძნული სიტყვა წარმოთქვა მიხომ, თან ხელი სახურავისკენ გაიშვირა, რითაც გვაგრძნობინა, აბლაბუდაში ამ კედელს ვგულისხმობო.

მაგრამ მიხოს ნათქვამი ჩვენთვის მაინც გაუგებარი რჩება, რადგანაც ამ წუთში ყველანი უჩვეულო გრძნობას შეეუპყრივართ, გრძნობას, რომელიც კვძაბავს და გვთიშავს გარესამყაროსაგან.

— დაცვა შლიამბურის პალოებზე! თუ ღრეჩოს აღმოჩენთ სადმე კლდის პალოებიც იხმარეთ... — დუმილს არღვევს ხელმძღვანელი.

ყველასათვის ნათელი ხდება მისი განზრახვა. მიხელს გადაწყვეტილი აქვს მართომ შეუტოოს სახურავს. სამკდრო-სასიცოცხლო რისკზე მიდის! მის სიტყვებზე ტანში ვებურძგლავს, ზაფრა გვეცემა. ერთხანს გაოგონებული შევცქერიით ერთუჩაას და ველარაფერს ვამბობთ.

იქნებ ხუპრობს ხელმძღვანელი?

მაგრამ არა! ჩვენი ვარაუდი და სურვილი ვარაუდად და სურვილად რჩება. მიხელი თავისას გაიძახის.

— ჯერ შლიამბურის პალოები ვცადოთ. რაგორც აქამდე, წყვილ-წყვილად ვიაროთ. მალ-მალე ვცვალოთ ერთმანეთი. შეუბედა მიხელის გვიმ — ათ შლიამბურის პალოს მე ჩავარტყამ... — აღვზნებულო, შიშგამდგარი იერით ლაპარაკობს იგი.

— ათსაც მე... — წამოაწია მას სიტყვა შალვამ.

— ათსაც მე ჩავარტყამ — თქვა ჯოკიამ.

— რა თქმა უნდა ასე სჯობია. დღემდე რა, ცუდად ვიარეთ? როგორც არ უნდა იყოს აზმა-აბმა ვიბრძოლოთ... — ავყვირდით მე და მიხოც.

— ორი კაცი მიდის წინ, თოკის კიბეების დახმარებით ბურღავენ კედელს და როგორც კი დაიღლებიან, ენაცვლებიან სხეები, მერე კიდევ შენაცვლება, ახალი ძალები... გადაელახავთ ხომ კარგი, არა და... — აღარ დაამთავრა ბოლომდე სათქმელი შალვამ. მან ერთი აბნეული მზერა მოავლო ამხანაგებს და ზრახვისაგან ქარაფში გადააწიტა.

ყველასათვის ნათელი გახდა — მიხეილი საბედისწერო რისკზე მიდიოდა, მას სურდა მარტოს ეცადა ბედი და ცოცვით თავზე მოჰქცეოდა როგორმე სახურავს. თუ ამას მოახერხებდა, ჯგუფი უცილობლად გააღწევდა თავს ავბედით გამოქვაბულიდან, გავიდოდა მწვერვალისწინა მშვიდობიან თხემზე, რაც მთავარია, მოიგებდა ერთ სამუშაო დღეს...

არა და... მთელი ლომის ხეობა მათი გამარჯვების მოლოდინით სულღმეულობდა, გულშემატკივრები ღმერთს ევედრებოდნენ მშვიდობით დაებრუნებინა ვაეკაცები. თვითონ კი გაუცრუებდნენ მათ რწმენას, იმედებს...

არა ეს ყოვლად შეუძლებელი იყო! მერედა, როგორღა შეეხება თანასოფოელთათვის, ამხანაგებისათვის, თბილისელი კოლეგებისათვის, ექსპედიციის ხელმძღვანელისათვის — სანდრო გვალიასა და სხვა უფროსი თაობის მთამსვლელებისათვის, რომელთაც უზარმაზარი ნდობა აღმოუჩინეს, როცა ამ ურთულესი კედლის დამორჩილება მას დაავალეს? დიახ, მას ენდნენ ამ პასუხსაგებ საქმეში და ახლა კი ვალდებული იყო, რადაც არ უნდა დასჯდომოდა გაემართლებინა იმათი იმედი.

და არა მარტო იმათი — ამ ბიჭებისაც, რომელთათვისაც უშბის „სარკის“ დამორჩილება ისეთივე წმიდათაწმინდა საქმეა, როგორც მორწმუნეთათვის კვირადლის ლოცვა. და რაც მთავარია მათი ტრიუმფი იქნება სულიერი ძალის კიდევ ერთი გამარჯვება ბუნებაზე... აღამიანთა ყოვლისშემძლეობისა და უძლეველობის კიდევ ერთი მაგალითი...

და მიხეილს ამ წუთში თვალწინ წარმოუდგა მამამისი, რომელიც

ასე გულიანად შესთხოვდა მას, გაენებებინა მთებმთვის თავი, თვალწინ წარმოუდგა თეთრი მოხუცი, რომელიც ეუბნებოდა: — „მთამსვლელობა სხვაა, მონადირე შეიძლება ხელცარიელი დაბრუნდეს შინ, თავისიანებთან, მაგრამ ამას შინაურების გარდა სხვა ვინ გაიგებს. მთამსვლელობა კი სულ სხვაა — იგი საკუთარ თავს აღარ ეკუთვნის, მას მეტი პასუხისმგებლობა აწევს, პასუხისმგებლოა ხალხის წინაშე... ამიტომაც უკან ასდევნებია ხიფათი და მძიმე განსაცდელის ეამს თუ გრძნობამ სძლია გონებას — დამარცხდება იგი. მთაში გონიერება ფასობს...“

„გონიერება. — ფიქრობდა მიხეილი — თეთრი მოხუცი ან მამა მისი რომ იყვნენ აქა, რას ურჩევდნენ ისინი? ან თვითონ რომელის მხრით შეუტევდნენ გრანიტის სახურავს? იქნებ შალიკოსა და მიხოსავით იმათაც უკან გაბრუნება ერჩიათ? იქნებ უკან გაბრუნებაშია გონიერება? რა არის გონიერება? აი, ამ წუთში ამიხსნას ვინმემ გონიერების არსი, მითხრას, როგორ მოვიქცე, საით წავიდე, რომელ მხარეს, თორემ ურემი რომ გადაბრუნდება მერე აღვილია განსჯა. მხედარმა ფლატეზე გადავარდნილ იორლას ფეხი მოაქრა, გზაზე აიტანა და თავის ცხენყოფილს გაესაუბრა — „აი, ბილიკის სიღრმეში რომ დაგედგა ე ოხრად დასარჩენი ფეხი, ხო არ გადავარდებოდი და სულსაც არ განუტევებდიო...“ — თავისი გონიერებისა და ჭკვიანობის დამტკიცება სცადა ვითომ მხედარმა, მაგრამ რატომ უბედურ შემთხვევამდე არაფერი უთხრა მას თავისმა ანდე-გუმანმა? რატომ მაშინ არ გაქაჩა საშვეილობოსკენ თავის ბედაურს სადავე თუ ვაჟაკი იყო?

აი, მითხრას ვინმემ, როგორ მოვიქცე, დამარწმუნოს თავის სიმაართლეში და აღარაფერს ვიტყვი, ხმაც არ ამოვიღებ. ოღონდ მიჩიოს ვინმემ. მაგრამ აქ სხვა ვინ მოვა, ვინ მოგვაწვდენს ხმას? ამხანაგებმა თქვან. დავუჯერებ. სად ერთის ჭკუა და სად — მრავალთა... ოღონდ უკანდახევაზე ნურაფერს მეტყვიან...“

— შლამბურის პალოებით ვცადოთ? — გადახედა სახემოქმუტარულ ამხანაგებს მიხეილმა. — ვითომ გაიბურღება ეს გრანტი?

„ხედავ, რა ბოროტად აღეწილა. თითქოს ცუდი რამ უღვეს გუნებაში...“ — გაახსენდა მიხეილს გარდაცვლილი მეგობრის, მიშლიავის რამდენიმე წლის წინ წარმოთქმული სიტყვები. ბრძენკაცის სიტყვა წმინდა ღვინოსავით ინარჩუნებდა ძალასა და ცხოველყოფილობას. მკავე წყლის ბუმტულებივით ამოტივტივდნენ მეგობრის სიტყვები მესხიერებათა ლაბირინთებიდან.

— გაიბურღება... რას არ გაიბურღება... — ერთხმად წამოიძახეს დანარჩენებმა.

— ასე იყოს. იქნებ კარნიზის ძირამდე შაინც გავალწიოთ როგორმე ესეც შელავათია. მერე ცოცვით შევეცადოთ სახურავზე გადაძრომას...

ისევ ღუმილი ჩამოვარდა. მიხეილი ბოლო სიტყვას თავისთვის იტოვებდა. ეს კი თითქმის არაფერს არ ცვლიდა. შლიამბურებით კარნიზამდე მართლაც გავიდოდნენ როგორმე, მაგრამ მერე? მერე რაღას აპირებდნენ? ქვევიდან ზევით როგორღა ჩაართყამდნენ პალოებს? არრა სულიერს არ ძალუძდა ასეთი რამ. არავის ამ ქვეყანაზე. მაგრამ გადაცოცებას როგორღა მოახერხებდნენ? თუ ბურღვა შეუძლებელი იყო, გადაცოცება რანაირად მოხერხდებოდა? „მიხეილს ველარაფერს შეატყობ, მას იმედი აქვს, მაგრამ ეს ხომ თვითმკვლელობაა. იგი თვითმკვლელობაზე მიდის.“ — ფიქრობდნენ ამხანაგები.

— მაშ ასე... — ხელები მოიფშენიდა მიხეილმა — დაცვაზე ზედამხედველობას ჯოკია გასწევს. დანარჩენები იმოქმედებენ საჭიროების დამხედვეთ. დღეს ნაწილობრივ დაირღვევა ჩვენი საიერიშო ტაქტიკა...

## ხუთს გამოგაკლწით ორი...

კენესა-გოდების დილა გავვითენდა. ყველას თავისი სატკივარი ტანჯავდა. ამ სატკივარს ემატება ერთი საერთო მწუხარება — მეგობრის სიკვდილით გამოწვეული. არც კი ვიცი, რამდენ ხანს გასტანა ჩვენმა ბორიალმა და ფუთფუთმა, რამდენ ხანს ვეწყობოდით და ვეშადებოდით სამგზავროდ ჯანმიხდილი ხალხი. ბოლოს როგორც იქნა, მოვათავეთ ჩაცმა-დახურვა, მასაჟი და შეხვევა — „წასახემსებლად“. ჩამოვჩქვით.

წუხელ იდეური სიზმარი ვნახე... — ხუმრობა სცადა თეიმურაზმა — კირილ, შენ დავსიზმრებია როდისმე არაიდეური სიზმრები?

კირილე კვების რეჟიმს მკაცრად იცავს. მისი პრინციპია — „ჰამის დროს სხვა რამეზე ნურც იფიქრებ, ნურც ილაპარაკებ. ჰამის დროს ჰამე, იყუჩე და ჰამე...“ პავლოვის მიმღევაარია იგი ასიმილაცია-დისიმილაციის საკითხში. მაგრამ ამჟერად პრინციპი პრინციპად რჩება —

თითო ლუკმა პურის ქაშაქ საუზმეს ვერ დაარქმევ და კირილეს უხალისოდ, მაგრამ მაინც პასუხობს:

— მაინც რა ნახე ასეთი, არ გვეტყვი?

— ჩვენებმა თანამგზაური გაუშვეს. მან გრუხუნ-გრუხუნით ჩაუქროლა გამარჯვების პიკს და ფურცლები ჩამოყარა. ბარათებზე რაღაც პრინციპები იყო ჩამოთვლილი. ერთზე წითელი ასოებით ეწერა — „ყველა ერთისათვის — ერთი ყველასათვის...“ ასეთი რამე არასოდეს არ დამსიზმრებია, საერთოდ შშობლების გარდა არასოდეს არაფერი არ დამსიზმრებია, რა უცნაური სიზმარია, არა?

— უცნაური? რატოა უცნაური? მხრები აიჩეჩა კუზმინმა — ჩვეულებრივი სიზმარია, ჩვენ ახლა ისეთ ეპოქაში ვცხოვრობთ, ეგ რა გასაკვირია...

— ეგ ხომ საბჭოური მთამსვლელობის პრინციპია? — თქვა ჭუმბერმა.

— რომელიც ჩვენ არ დავიცავით, არა? — ნიშნისმოგებით მიუგო თეიმურაზმა.

— მე... მე რომელიღაც დუქანში ყველსა ვკამდი. უცბად ფანჯრიდან დავინახე მღვდარი, რომელიც მე ამღვენებოდა. უნდა გავქცეულიყავი, მაგრამ ყველი შეუქმელი რომ მრჩებოდა? ავდექი და უბეში ჩავიფუთნე, უსირცხვილოდ ჩავიდე უბეში და გამოვიქციე... — თქვა მიხომ — ეს რანაირი სიზმარია თქვენის აზრით, იდეური თუ უიდეო?

მაგრამ ჩანდა ხუმრობის გუნებაზე არაფერი იყო. ეს ლაპარაკიც ნაძალადევად იყო წამოწყებული თემოს მიერ. იმიტომ რომ იგი საჭიროდ თვლიდა მხნეობისა და ძალის მოკრებას. თემო ფიქრობდა რომ ასეთი ცხვირჩამოშვებულნი და პირმოქუფრულნი შორს ვეღარ წავიდოდნენ. რა თქმა უნდა მწუხარება მწუხარებად დარჩებოდა, მაგრამ იქნებ ცოტა ძალა მოეკრიბათ, იქნებ სამგზაო გუნება-განწყობილებაზე გამოსულიყვნენ, მაგრამ ამო იყო ყოველივე. მოჩვენებითი ღიმილი უმაღვე გაჰქრა ჯერ მიხოს, მერე კი თემოს სახიდანაც. ბანაკი კვლავ რალაცნაირმა ურვამ მოიცვა.

— იცით, სიზმრების ახსნა ხვალისათვის გადავდოთ, გავერთეთ ლაუბობაში — წამოხტა კუზმინი — ამ წუთში ყოველივე უაზრო და სულელური გარდა ძირს დაშვებისა.

— თეიმურაზი ჩემთან წამოვა. მე, მიხო და თეიმურაზი ერთად დავეშვებით — შევთავაზე ჭუმბერსა და კირილს — თქვენ უფრო ადვილად ივლით.



— არა. მიხო რომ აგვიდეთ ეგეც საკმარისია შენთვის... — საკმარია და მეტიც... — თქვა ჭუმბერმა — ჩვენ შევეჩვიეთ უკვე ერთმანეთს. კირილ, ხომ მართალს ვამბობ.

წინ გასულ კირილს არ გაუგონია მისი კითხვა, თემომ კი მითხრა:

— შენ ძმას მიხედე, ჩვენ როგორმე ჩამოვალთ. მიხო ჩამოუშვი როგორმე... — თბილად, სიყვარულით, მადლფერების გრძნობით მითხრა თემომ.

თვალეები რატომღაც ცრემლით ამევსო.

ახლაც ვერ გამოვიცა, რაზე ამიჩუყდა მაშინ გული.

იქნებ მეტოდებოდა სახე და ფეხმოყინული, მაგრამ სხეებზე უფრო ამაყი და თავმოყვარეობით აღსავსე ამხანაგი, მხნეობას რომ ყველაზე მწარე წუთებშიც არ კარგავდა?

იგი ხომ ილიკოსთან ერთად დაბორილობდა მთელი დამე გამარჯვების მწვერვალზე კარვისა და საძილე ტომრის გარეშე?

მისმა თანამეწყვილემ იქ დარჩენა ისურვა მალლა მზესთან ახლოს, იგი კი აქ იყო ჩვენს შორის, თბილად გამოძინებულ ადამიანებს შორის და ტოლს არ გვიღებდა, იცინოდა და სხეების გამხიობრულებასაც კი ცდილობდა.

იქნებ მისმა ვაჟაკურმა შეუპოვრობამ და დიდგულოვანებამ, კაცობამ და დიდბუნებოვანებამ ამიჩუყა გული?

იმ წუთში ძმურად ხელის გადახვევა მინდოდა მისთვის. მაგრამ საამისო დრო არ იყო.

წინ გზა გვედო, გზა ხიჯათებით აღსავსე, მე გვერდზე შევეტრიალდი, აწყლიანებული თვალეები რომ არ დაენახა და მიხოსთან ერთ თოკში ჩაბმული ძუნძულით გაფუყევი ფერდობს.

„ერთი — ყველასათვის, ყველა — ერთისთვის“ — ეს უპირველეს ყოვლისა მთამსვლური პრინციპი მართლაც ირღვეოდა ჩვენს მიერ.

არ ვიცი, ღან იყო ამაში დამნაშავე, მაგრამ უკან რომ მოვიხედე, ძალიან დამწყდა გული — კუზმინი და მისი თანამეწყვილეები რატომღაც ჩვენს გზას არ გამოპყვენენ. სხვა მხრით არჩიეს დაშვება ეტყობა, იქ უფრო ადვილი დასაძლევი მოეჩვენათ ფერდობი.

ერთად უფრო კარგად მოვდიოდით, ერთმანეთთან სიახლოვე ძალასა და მხნეობას გვიორკეცებდა.

ახლა კი კვლავ ცალ-ცალკე ვივლიდით.

მაგრამ რატომ, რისთვის? — ეს გაუგებარი რჩებოდა ჩემთვის.

უნდა ვკითხო, რომ ჩვეალთ აუცილებლად ვკითხავ კუზმინს, რად

არ გამოხდის ჩვენს გზას? რა მოსაზრებით უგანა გაეკალულ ბილიკს?“ — ეფიქრობდი ოდნავ გულმოსული. მაგრამ პასუხი ზომიერი ვინდაწინ. ნამდვილად ვიცოდი, — იგი მეტყობდა — ასე ვარჩიე, რადგანაც უფრო იოლად დასაძლევია მომეჩვენაო. ასე მეტყობდა. ნამდვილად ასე მეტყობდა.

„ — შენ? შენ რაღაზედ არ შეახსენე რომ უკან გამოგყლოდნენ? რად გაუშვი სხვა გზით, რად დართე ნება? — თავდაც მქენწინიდა სინდისი, მართლაცდა, რითი შემეძლო თავის გამართლება?

მაგრამ გასამართლებელი მანდ არაფერი იყო. არაფერი იმიტომ, რომ მე მიხო მიმყაედა, მიხო, ნახევრად მხარზე აკიდებული, მძიმე რამ ტვირთით მაწვა იგი ზურგზე, რომ დამეუინებინა გინდათ თუ არა, ჩემთან იარეთო, მე ამით ძალაუნებურად მათაც ჩემს მძიმე უღელში ჩავაბამდი, რასაც ყოველნაირად ვერიდებოდი, რადგანაც თავიდან მე ვითავე მიხოს ხსნა, ბოლომდე უნდა მიმეყვანა დაწყებული საქმე.

ამიტომაც სიტყვა მათზე იყო და არა ჩემზე.

ამ შემთხვევაში სიტყვა კუზმინს ეკუთვნოდა, მაგრამ მან სხვა გზით არჩია დაშვება. რახან არჩია, რაღას გავაწყობდი. — გულდაწყვეტილმა განვაგრძე დაშვება კარებისაკენ, მოგუზგუზე კოცონებისა და პირსავსე მათარებისაკენ. კარების წინ მოფუსფუსე ადამიანისაკენ, რომელიც შორიდან მაჩხნევებდა და მაგულიანებდა თავისი ნერვიული, დაუღალავი ბოლთისცემითა და სირბილით...

მალე 6000-ზე დავეშვი. მიხოს ხელი ვუშვი და უკან გავიბედე — იქნეც დანარჩენები გამოჩნდნენ სადმე-მეთქი. მაგრამ ისინი თითქოს მიწამ ჩაყლაპაო, აღარსად ჩანან. დაბლა, 5300-ზე ვხედავ მაშველ ჭგუფს. მე გულმა ცუდი რამ მიზარა უცბად შევკოჭე ჩემი მიხო თოკით და რაც ძალი და ღონე მქონდა გავქაჩე. დაბლა ბიჭებთან შეჩქარება — მინდა გავიგო — რა მოხდა! ფერდობი საუცხოოა, მე და მიხო ისარივით მიეჭრივართ თითქოს თხილამურებით ვეშვებოდეთ. მაშველი ჭგუფის წევრებმა გვითხრეს — თქვენთან ამოვლი. ოდითო. მე ვეუბნები:

— საქმე ვერაა კარგად. კუზმინის ჭგუფმა რატომღაც დააგვიანა. უნდა მივეშველოთ. ცოტა მაჭამეთ რამე და მეც თქვენთან მოვდივარ ზევით...

— რად არ მოყვენენ ჩვენს ბილიკს, ანდა რას ნიშნავს თემოს სიზმარი ჩვენს მიერ უგულვებელყოფილ ალპინისტურ პრინციპებზე? — უცნაური აზრები მიტრიალებდა თავში. და ის იყო მუხლი მოვირთხით და ჭამას უნდა შეეღვდომოდით, რომ აღმოსაველეთის თხემზე ვილაც გამოჩნდა.

„ან კირილია. ან ჭუმბერი. მაშველი ძალისთვის მოდის ალბათ თემოს უქირს სიარული...“ — გავიფიქრე გუნებაში რამდენიმე უგემური ლუკმა გადავყლაპე რომ კუზმინიც მოგვადგა, იგი შორიახლო გაჩერდა სახეამღვრეული და გვერდზე გამიხმძო:

— ბიჭები გადაიჩენენ... — ხმადაბლა მეუბნება იგი.

### გ ა ჯ ც ე ვ ა

დილაუთენია შურთხების სტვენამ გამომადვილა.

საძილე ტომრები დაგვევლებოდა. სიცივისაგან ტანში მაყრიალებდა:

ხაყის საწვიმარი მოვიხურე, კარვის კარი გამოვხსენი და გარეთ ვავეყუდე.

„იქნებ გამოიდარა?“...

„პირიბე და ხიტო — „ბუზუული“ რალაზე არ დგებიან? რა ნებიერობა აუტყდათ ამ დამბალ ტომრებში?“

მაგრამ მალე ყველაფერი ნათელი შეიქნა: გარეთ ისეთი მოყამული ამინდი იდგა, ძალი არ გაიგდებოდა. წუხანდელი ჩამონაბარდნი ფუმფულა თოვლი ჩვენს კარავს ჩაჩუქრვა-შთანტქმით ემუქრებოდა. კარვის კალთებიდან თოვლის ნაჟური წვეთავდა — აქი საძილე ტომრებიც იმაზე დაგვევლებოდა.

თეთრი მღუმარება შემოგვკრტყმოდა. თითქოს ჩვენი მოშობა სწადიო, თავის მარწუხებს გვიქერდა.

თოვლის მიერ დაბლა ჩამორეკილი შურთხების მოთქმას სამგლოვიარო ზარივით აბუზუნებდა მთები, თოვლიანი კლდეგორები ეტყობა, იმათაც თავისი გასაქირი ადგათ და დარ-ამინდის გამგებელს — ელიას გამოდარებას ეაჭებოდნენ და შესთხოვდნენ თავიანთ ენაზე.

„ახლა ისლა მაკლია, მაგათ სტვენა-კივილს გავახეთქინო გული. მოიცა, ისე დავაფრთხო...“ — გამიელვა გუნებაში, ხელი თოფისაკენ წავიღე, იგი ჩემს გვერდით, კარვის კუთხეში მეგულეობდა, მერე

გამახსენდა — იგი ხომ წუხელის „დავბარჯეთ“, თოვლს რომ არ ჩამოენგრია დამხმარე ბოძად შეეუყენეთ კარავს.

— არა, დღეს არ ვიყავი კარგ ფეხზე ამდგარი. სულ რამდენიმე წუთში ამდენი უსიამოვნება გადამხდა. ჭერ ეს უამინდობა! ახლა კი შურთხებმა ამიგდეს სასაცილოდ. არა, ამდენი უსიამოვნების ატანა შეუძლებელი იყო. გაბრაზებულმა ერთი ხმამალა დავიღრიალე:

— ჰე, ჰეი, თქვე ოხრებო, ჰე... ჰეეეიი... გასწით, დაიკარგეთ აქედან, გასწით დაიკარგეთ, ჰე... ჰეეეიი..

მაგრამ შენც არ მომიკვდე ვითარცა ხმა მლალადებლისა უღაბნოსა შინა, არავინ იღო ყურად ჩემი მუდარა, ისევე მოსთქვამდნენ შეცივებული ფრთოსნები, მოსთქვამდნენ, მოსთქვამდნენ...

ბოლოს პირიბემ გამოიხედა. გამოზამთრებულ დათვივით გამოყო თავი კარვიდან და ძილგამფრთხალი, მღურვით აღსაცხე სახით მომიტრიალდა:

— ამინდს რომ პირი უჩანდეს აქ ჩამოგვივიდოდნენ ე შურთხები? ან იქნებ ნათესაურად მოვიკითხეს?

— ეგ იქნება. ალბათ კარგა ხანია რაც არ უნახავთ და ახლა იმას ლაყვედურობენ, რალაზე მიგვატოვე და ქალაქზე რად გაცვალე ჩვენი მთა-კიუხებიო? ხი... ხი... — ჩაიქირქილა კარვის სიღრმეში ხიტო-ბუზუულმა.

მაგათი სათრიკოც გავხდი, ეგლა მაკლდა — ბრაზისაგან გული ყელში მომეხჩინა, მაგრამ რალას ვიზამდი. უნდოდად შევერგე კარავში თავი და დამბალ საძილე ტომარაზე გავიშოტე. იმ ბიჭებზე ვფიქრობდი.

რა მწვალეებლური იყო ეს წუთები... ამ დღეში, ბურუსსა და ქარში შეცივებული შურთხები ჩვენს კარვებთან ჩამოვიდნენ. ისინი ხომ აღამიანებ, ჩვეულებრივი, მიწ, კრე აღამიანები. ან „კლდის ვეფხვებს“ რა... შინა უნდა ჰგავდნენ მართლაც და მართლაც? ინგლისელებმაც დაარქვეს რალა მიხეილს „კლდის ვეფხვი“. სწორედ ამ კავკასიელი რაინდი-მწვერვალის — უშბის სახელობის კლუბში მიიწვიეს. მერე მალალი კლდე დაანახვეს აბა ამაზე თუ გახვალო. მიხეილი გავიდა. მაშინ დაბლა შეკრებილმა მაყურებელმა განცვიფრების ნიშნად თავი გააქნიეს, წვერზე თითები გაისვ-გამოისვეს. მათი აზრით ამ კლდეზე მხოლოდ ვეფხვი თუ გავიდოდა, შეუპოვარი, უშიშარი ნადირი და ამ თავმდაბალ ალპინისტს აღტაცებულებმა „კლდის ვეფხვი“ შეარქვეს. ჰო და აბა შენ იცი, „კლდის ვეფხვი“!

ჰო და აბა თქვენ იცით, „კლდის ვეფხვებო“!..

— გაქენებულ ცხენს ფაფარზე არ ჩაფრენიხარ შეშინებული? აი თოკსაც ისე ჩასჭიდე ხელი, შე ოხერო... — დასჩხაოდა შალიკოს მიხო და თან ზურგზე აცოცდებოდა.

— აბა ვინ არის ყველაზე მსუბუქი? შენა? ერთი ხალთა ვაშლი შესანსლა და მაინც ცარიელი ძვლებია — ბრაზობდა შალიკო მიხეილზე. იცოდე, გაფრთხილდი, თორემ რომ რამე მოხდეს შენს თავს დააბრალებ, ფილოსოფოსო.

— ჩაქუჩი, ეი, მომაწოდეთ ჩაქუჩი... — უყვირის შალვას ზურგზე შემოსკუპებული მიხო ზურგჩანთებში მოფუთფუთე გივის. — რას დაგიფრენია ე მუდრეგი პირი, ბზიკი არ გადაყლაპო გაიგე?

— მერე და რა გაღრიალებს თავიც ხო არ დაგრჩა, იქნება ისიც მოგაწოდო? — ენა გამოუყო ამხანაგმა.

— ჩაქუჩიო? — სკდება ბრაზისაგან შალიკო — ჩაქუჩი დამრჩაო? ეგ რა ღვთის რისხვაა ჩემს თავსა, ა? ხალხი არა ხართ მომამორეთ ეს წურბელა, რა? — მავედრებელი მზერა მოავლო ამხანაგებს კისერ-მოდრეცილმა შალვამ.

— ცოტაც და სამშვიდობოს გავალთ, მოითმინე შენც რალა, ყინ-ტვრის მწნილი ხომ არ გიქამია, ასე რამ გაგაცხარა... — დაამშვიდა იგი ჭოკიამ.

— თქვენ გაითრიკეთ და, რომ რამე მოუვიდეს მაგ წურბელას, პასუხს არ ვაგებ იცოდეთ... — იმუქრებოდა შალიკო.

— მაინც რა უნდა მოუვიდეს?

— აი, უცბად რომ შექანავდეს და ქაჩაფებს გადაევიდოს თავზე, ისა...

— შლიამბურის პალო, ერთი შლიამბურის პალო... — ეღიმება მიხოს.

— არის შლიამბურის პალო... სხვას ხომ არაფერს გვიბრძანებლით. ბარემ ერთად მოვითავოთ თორემ ცოდვია ეს აყლაყი...

— დაუკაცუნე, შე ოხერო. დაიწყე ბურღვა თუ იწყებ. ქრისტეს მოსვლას ხომ არ ელოდები. — ასძახის თავის მწვალებელს შალიკო.

— გინდა კლდის ნაშალი მოგაყარო თავზე?

— ჩემზე ნულა იდარდებ, ჩქარა ჩაარტყი ჩასარტყმელი, გაიგე?

— რომ რამე მომიხდეს, პასუხს არც შე ვაგებ, იცოდეთ... — აცხადებს თავის მხრივ მიხო და თვალებს ეშმაკურად ჭუტავს.

— რაზე ამბობ? — გაოცებულია ჭუმბერი.

— ჩქარა ჩაარტყიო. რო ამიცდეს პალოზე და მაგის გოგრაზე გაბ-

ჩახუნდეს ეს ფოლადის უროკვერი რას შერებით მაშინ? მე შენ გეტყვი და ტვინის ღეარტქაფმა არ წაგვლეკოს, მაგრამ მაინც რომ შეცოდება?

— თოკი ამოუშვით შალა. რაღაცას გამოედო. — იძახის ზემოდან კედელს ჩაფრენილი ჩხვიმლიანი.

— ახლავე, ნახე, სად გაეჭედა თოკი... — მითითებას იძლევა თავის მხრივ ჭოკია.

— რა მამაძალი რამეა. კვესივითა სცვივა ნაპერწკლები. ახლოს კი არ იკარებს პალოს.

— მოუქნიე, მოუქნიე. დაიღლები და შეგენაცვლები... — ანუგეშებს მიხოს ჭოკია.

— მანამ არ აგიშენდა გვერდები მე რომ შენ შემოგისკუპო ზურგზე — ცერად გადმოჰხედა ამხანაგს ოფლში გახვითქულმა შალვამ — ქონის გულდასა ჰგავს, რა სამთო კაცი ეგ არის ვერ გამოიგია...

— ჰა, ნაბურღი რომ გეყრება თვალებში იმაზე ენამწარობ აგრერიგად?

— დაცვას მიხედე ისა გაჯობს, თორემ მოგხსნიან თანამდებობიდან და დაიღუპები, გაიგე?

ჭოკია შეცბა. მხედველობიდან ხომ არაფერი გამომჩიო. მერე ნიშნისმოგებით გაეპასუხა:

— წინ უნდა წაიწიო რომ დაგიცვა, თორემ აქ კაპიკია შენი ფასი. აი, კარნიზამდე აებლატე კედელს და მაშინ მომკითხე დაცვა-მაცვა...

— შეხე, მართლა თავდაცვის მინისტრივით არ ლაპარაკობს? ეპეი. მართლა ვინა გგონია თავი?

— თავდაცვის მინისტრო, თოკი ამოუძვი თორემ ასე წინ წაწევაზე ლაპარაკი ფუქი გამოგვივა. — ჩამოსძახა ჭოკიას მიხოს.

— ჰა, შენი დასაცინიც გავხდი, ღორმუცელავ, ვაშლის ქურდო?

— მოუქნიე, რაც შეგიძლია, რას ელოლიავები, აბა, ჰე... — უკინებს გვიც.

— რა, ცუდად ვუქნევ? მოიტა ერთი გოგრაში ჩაგითაქუნო, როგორია...

— პალოები ამოაკით თოკზე და ამოგზავნეთ... იძახის კარნიზის კუთხეში გასული ჩხვიმლიანი.

— გაიგე, რა გიხხრა? — ყვირის ჭუმბერი მაღლიდან.

— გავიგე, პო. განა შენსავით ყრუი ვარ, რომ... — პასუხობს მას

გივი, რომელიც კვლავ ზურგჩანთებში ფათურობს, თითქოს ჩაღაცას დაეძინა.

— რა ვაშლს ხომ არ დაეძებ? — ჩამოუგდო სიტყვა გივის შალოკომ — ტყუილად ირჩები, სულ მაგან გადასანსლა...

— ვაშლს არა. ამ ჭიბეში შოკოლადები ჩავალაგე. ალარ არის.

— შოკოლადები? რა შოკოლადები?

— ამერიკული.

— ჰი... ხი... ჰამე აბა, შეგერგოს...

— ასწიეთ, აბა, ასწიეთ — ნებაზე მიუშვა სამაშველო თოყი გივიმ რომლის ბოლოზე შლიამბურის პალოები იყო გამონასკეული.

— ჰა თუ დაიღალე მითხარი, შეგენაცვლები, ძალიან კი დაგენანა ჩემთვის თაუდაცვის მინისტრობა, მაგრამ მაინც... დახმარებას სთავაზობს შალვას ჯოკია გუგავა — გაცეცალოთ ადგილები.

მიხო და შალიყო უკან მიჰყვებოდნენ წინ მიმავალ წყვილს. ჩვიმლიანისა და ჯუმბერის ათვისებული გზის უსაფრთხოებაზე ზრუნავდნენ. მეწინავეთა წინ წაწევის კვალდაკვალ შალვას მხრებზე შემჯდარი მიხო სამაშველო პალოებს „არიგებდა“.

— მგონი მორჩა კაკუნს, ეგ ოხერტიალი — კლდის ნაბუღოში გახვეულმა შალიყომ თვალმოკუტულმა ჩამოხედა ამხანაგს — ასე რომ ნულარ შეწუხდები...

უშუალოდ სახურავის მისადგომებთან, უარყოფითი დაქანების კედელზე ზურგის შეყენება უკვე ალარ გამოდიოდა. მიხო უხალისოდ ჩამოსკუპდა ძირს, კლდეზე მიბმულმა დამოუცილებლად განაგრძო მუშაობა. ჩაქუჩს, ნელა იჭნევდა, ყოველ ჩარტყმაზე ოხერას ამოაყოლებდა ხოლმე. დაიღალა მიხო, იგი ათვისებულ ებანზე მოღვაწეობდა, მაგრამ მეწინავეებზე ნაკლები ჯათა როდი ადგა.

— ჰა, როგორ არის მანდ საქმე? — ჩამოსძახოდნენ მალლიდან ჯუმბერი და ჩვიმლიანი — დაცვა რას შერება?

დაცვის საიმედოობაზე ეკიდა ამ წუთში მთელი ჯგუფის ბედი მოწყდომის შემთხვევაში ყოველი მათგანი ფიქრობდა სამაშველო პალოებისა და თოყის სიმყარე-სიმაგრეზე — გამოცდილი მთამსვლელი, როცა იგი რისკზე მიდის, ამხანაგებისაგან სამართლიანად თხოვლობს საიმედო დაცვის ორგანიზებას, მაგრამ საიმედო დაცვა, როგორც უკვე ითქვა ზემოთ, ახლო მანძილიდან არის მოსახერხებელი, რაც უფრო სცილდება მოწინავე წყვილს დაცვის საყრდენ წერტილს, მით უფრო ნაკლები შანსებია უბედურების შემთხვევაში მისი გადარ-

ჩენისა, უხიფათოდ შეკავენისა. ხოლო თუ მხედველობაში მივიღებდეთ იმასაც, რომ ზოგიერთ შემთხვევაში, მაგალითად წახნაგოვან ან სწორ კუთხა კლდის ფორმებზე თოკის გახახუნებისას შეიძლება იგი დაიძენძოს და გაწყდეს კიდეც, მაშინ კლდიდან მომწყდარი ადამიანის ხსნისა და გადარჩენის იმედი კიდეც უფრო ნაკლებია, იგი თითქმის ნულს უტოლდება, მსგავსი შემთხვევები კი მთამსვლელობის ისტორიას მრავლად ახსოვდა და აღნიშნულ საშიშროებისთვის თვალის მოხუჭვა ყოვლად გაუმართლებელი იქნებოდა.

ასე ფიქრობდა ჩხვიმლიანი. ასე ფიქრობდნენ ყველანი.

ჭერჭერობით კი დაცვა ფეხდაფეხ მიჰყვებოდა პირველ აბმას და საიმედოდ ამაგრებდა საყრდენ ზღუდეებს. ჭგუფი ნელა, მაგრამ მშვიდობიანად მიიწევდა წინ. მაგრამ, როგორც ეს ხშირად ხდება ხოლმე მთაში, მუშაობით, გატაცებულებმა ველარც კი შეენიშნეთ როგორ გადაიწვერა ღრუბლებში გახვეული მნათობი კაცკასიონზე. იგი საცაა მთებს მიღმა ჩაიტვირთებოდა. მთებში თვალის დახამხამებაში ღამდება, უცბად მკვიდრდება ირგვლივ ღამისეული მღუპარება. თავისი მაღალმდებარეობით მთები უკანასკნელ წუთებამდე მზის ხილვადობის არეში იმყოფებიან, ხეობაში რომ საღამოს ბინდია ჩამოწოლილი. მწვერვალებს ამ დროს უკანასკნელი სხივები დასციმციმებთ თავზე, მაგრამ წამიც, ერთი წუთიც და იგი აიკრეფავს მათ და თვალისუსწრაფესად გაუჩინარდება თვალსაწიერიდან და მაშინ ირგვლივ უკუნი წყვდიადი გამეფდება. და თუ დროზე ვერ შეამჩნია ადამიანმა ეს თვალთმაქცური მოჩვენებითობა ბუნებისა, შესაძლებელია შუა კედელზე გარჩეს სადმე თავშესაფრისა და ბინის გარეშე, მთაში კი ღამისსათევზე, მის კეთილმოწყობაზე ფიქრი ისევე აუცილებელია როგორც ქალაქში დაბინავება, თუ იქ რაიონიდან ხარ ჩასული და ნათესავ-ახლობელი აღარაეინ გეგულება.

ეს შედარება, რა თქმა უნდა, ზუსტი ვერ იქნება, რადგანაც მთაში „ცივი ღამისთევა“ ადამიანის სიცოცხლისათვის შეიძლება საბედისწერო გამოდგეს. თავსაფარმოუწყობელი ადამიანი არ არის დაზღვეული ქვათაცვენისა და ზეავებისაგან. არსებული პირობებისათვის მაქსიმალურად კეთილმოწყობილი და მოსახერხებელი ღამისსათევის მოწყობაზე ფიქრი ყოველი სამთო ექსპედიციის ზრუნვის საგანს შეადგენს...



## შალიკო მარზიანი

— სასწრაფოდ უნდა გვეზრუნა ღამისსათევის მოწყობაზე, ყველასათვის ცხადი იყო, რომ კვლავ ჰამაკებში მოგვიხდებოდა ნებიერობა. ამას უკვე ქვეშეცნეულად შევეჩვიეთ კიდევ. მაგრამ ოთხი დღის დაძაბულმა მუშაობამ, უძილობამ ჯანღონისაგან გამოგვეფიტა, ერთგვარად დაგვაძაბუნა და ამდენად ჰამაკების გახსენებაც კი აღარ გვინდოდა არავის. დაღლილობას მაინც არ ვიმჩნევდით, ხუმრობა-საუბარში ვცდილობდით ჩაგვეკლა სასოწარკვეთილება თუ შიში. მოსალოდნელი წარუმატებლობით გამოწვეული უიმედობა. ჩამოთვლილი გრძნობები ქვეშეცნეულად არსებობდა ყოველ ჩვენთაგანში და არსებობს ყველა მთამსვლელში, რამდენადაც ალპინისტიც ადამის ნაბერწყია და სხვების მსგავსად დიდ მიწაზე არის აღზრდილი, არა მგონია შიშისა და კმუნვის განცდა დაეძრახებოდეს.

შიშის განცდა ხომ ადამიანს რეალობის, სინამდვილის შეცნობასა და არსებულ საშიშროებებზე თვალის ახელაში ეხმარება. აფრთხილებს, იმუნიტეტს უმუშავებს, თუ რა თქმა უნდა, იგი მისი დამლუპველი გავლენის ქვეშ არ მოხვდა, არ აპყუა ემოციურ ზემოქმედებას და თუ ვერ ეყო საიმისოდ ნებისყოფა და ძალა, და თუ შიშის დამთრგუნველ გრძნობას ველარ შეეწინააღმდეგა?..— შორს. მისი სახსენებელი მთებიდან, შორს, ფირნოვანი ველებიდან, მყინვარებიდან, მწვერვალთა საბედისწერო თხემებიდან...

შიშის გრძნობა! მთქნარებასავით გადამდებია იგი. და ისევე უცბად გამოტყვრება საიდანაც, თითქოს დამწყვედელი აშარი ნაგაზი მოგისისინა ვილაცამო.

ჩგუფი წამით მოიკეა შიშის გრძნობამ. მართალია მთელი დღე მზე აღარ დაგვილანდავს, მაგრამ აღმოსავლეთისაკენ მსრბოლავი ცრიატი ღრუბლის ქულებიდან წუთით ეგზომ სანატრელი ცის სილურაქე გამოკრთა, და ჩვენ მივხვდით — ეგ იყო საღამოსეული, ბინდშეპარული ცის ნაგლეჯი, საღამოს მოახლოვება აშკარა შეიქნა, რამაც დასცა სწორედ თავზარი თვითეულ ჩვენთაგანს.

„აბა ჩქარა... აბა, რაღას შერები ახლა, ჰა?“ — აულერდნენ უჩინარი ზარები. და ვიდრე რაიმე არსებით პასუხს გავცემდით, მალლა, კარნიზის კბოღესთან მოფუთფუთე ჩხვიმლიანს გადავხედეთ — აბა რაღ იტყოდა იგი, რა აზრისა იყო ამ საკითხზე? როგორ ფიქრობდა გზად წამოწეული საღამოსეული მარწუხებიდან თავის დაძვრენას?

მაგრამ უფროსი დამშვიდებულის იერით ებრძოდა კარნიზს. იგი

ამ გრძობაზე მალა იდგა, ამ წუთში ჩვენს გონებას რომ დაჰკატ-  
რონებოდა. მიხეილი აუღლევებლად, დინჯად ებრძოდა კედელს.

ყოველი ჩვენთაგანი ასე ფიქრობდა:

„იქნებ ბაიბურშიაც არ არის რომ ღამდება?“

— ეპეი, ღამდება, ბინდი ჩამოწვა... — ავძახეთ ყოყმანის შემდეგ  
ჩხვიმლიანს მე და გივიმ.

— უკან გავბრუნდეთ? — კითხვა შეგვიბრუნა უფროსმა.

— უკან? — შეეცბით ყველანი — უკან როგორღა იქნება, თარომ-  
დე ჩასვლასა და იქ ჰამაკების გაქიმვას მაინც ვერ მოვასწრებთ, შუა  
გზაზე შემოგვალამდება...

— აქ რომ მივექედოთ სადმე? — ჩამოაგდო სიტყვა მიხეილმა, ისე  
რომ მუშაობა არ შეუწყვეტია.

— აქა? — ირგვლივ მიმოვიხედეთ, მაგრამ ღამისსათევად გამოსა-  
დები ადგილის მსგავსი რამ ვერაფერი შევნიშნეთ.

— აქ მართლაც შეიძლება წაინებივროს კაცმა, მაგრამ ჯერ უნდა  
წავაქციოთ როგორც ეს უშბა და... — სცადა გახუმრება მიხომ.

— ფილოსოფოს... — ბრახიანად გადავხედე მიხოს — აი, ახლა  
გვეკირდება სწორედ შენი კანონები აბლაბუდასა და ობობებზე, რო-  
გორ არის ისა? ერთ დაფლეთილ წიგნში რომ ამოიკითხე?..

— დიდნი გაკვლეჯენ, სუსტნი გაებმებიანო... — არ დააყოვნა პა-  
სუხი მიხომ.

— შენ რომელს მიეკუთვნები სუსტთა თუ ძლიერთა?

— ვერ ხედავ თოკებში რომ გახლართულა? ამას რა კითხვა უნდა,  
ისედაც ყველაფერი ნათელია... — ენა მოიქავეა ჯოკიამ.

— შეეხსნათ მაგ ბაყბაყდევს თოკები, იქნებ გაიბრძოლოს თავი-  
სებურადა — წამოაყენა წინადადება გივიმ.

— ცოდვაა. ჯერ ასე თუ ისე ახალგაზრდაა. წვერში ჰალარა არ გაჰ-  
რევიან. ამ ქარაფებზე მართლაც იმ წეროს სკინტლივით არ გადაიქრა-  
ლოს...

— ჰხი... ხი... ხი... — ჩაიხიბითა მიხომ მათს ხუმრობაზე.

ჩხვიმლიანმა კი ფეხთ გაიხადა. დაბლა ჩამოსძახა — ინგლისური  
კედლები ამომიგზავნეთო, თან თოკი ჩამოუშვა.

— კედლები? — წაუყრუა ჯოკიამ, და ამზანაგებს გადახედა შეცბუ-  
ნებულმა — როგორ მოვიქცეთო.

— ჰო, კედლები. ინგლისური კედლები...

— გავუგზავნო? თქვით რამე... — დანარჩენებს შეეკითხა ჯოკია.

— კედები? — დაფიქრდით ყველანი.

წუთიერი მღუმარება ჩამოვარდა. არაეინ იყო ხუმრობის გუნე-  
ბაზე.

ინგლისური კედები. მერე რა რომ ინგლისურია. დიდი შეღავათია  
ინგლისური თუა. რა მნიშვნელობა აქვს სადაურობას. ინგლისური  
ამერიკული, რუსული, ქართული, არაბული... სხვა საქმეა სასწა-  
ულთმოქმედი რომ იყოს, ზღაპრებში რომაა ხოლმე. ისე რა აზრი  
აქვს...“

— არა, არა...

— ჰა, გაეიყინე. ფეხშიშველა ვარ, გაიგე? — თითქოს ქვა ჩამო-  
გორდაო მალლიდან, ისე მოვარდნენ მიხეილის სიტყვები.

— გაუგზავნო? — კვლავ მოგვიბრუნდა ჯოკია და თან მალა აპ-  
ხელა ჩხვიმლიანს...

ჯგუფის ხელმძღვანელს თოვლის ლოლუებივით ჩამოეკიდა ნაც-  
რისფერწინდებიანი ფეხები.

## ბ ე მ ე უ

არ ისმინა ჩემი ვედრება ბურუსმა, ქარმა და შურთხებმა.

ღრუბლის ფთილები თანდათან გამკვრივდნენ. გასქელდნენ.

თოვა ერთხანობას შეწყდა, მაგრამ სანაცულოდ ქარიც ამოვარდა.  
ერთი თავისებურად დაუარა. დაუარა უშბისპირა ქარაფებს.

არა, არ გამეცალნენ შურთხები. მეტის ატანა კი აღარ ძალმიძდა  
რა ხანია ამევსო მოთბინების ფილა და... მე თვითონ გავეცალე ქარს,  
ბურუსს, შურთხებს, იქაურობას. ავიკიდე ჩემი გულა-ნაბადი და  
თავჩაქინდრული დავადექი ჩაჩუმქარულ ბილიკს დაბლა, მესტიისაკენ,  
ბეჭნუსთან.

იმას უნდა ვუთხრა რაშიცაა საქმე, უნდა გავუმხილო ჩემი სადარ-  
დებელი. აბა ასე როგორი იქნება, მესამე დღეა ბიჭები არ ჩანან... არა.  
ასე უმოქმედობა როგორ იქნება. იქნებ რა ამბავია მათს თავს? იქნებ  
უჭირთ და დამხმარეს ელოდებიან? ელოდებიან და იგი კი არა ჩანს?

იქნებ საგანგაშო შუშხუნებიც ისროლეს მაგრამ ამ ბურუსში  
ჩვენ ვერ დავინახეთ ისინი?

მე გამოვემშვიდობე პირიბეს და ხიტო-„ბუჭუულს“.

შორს, უკან დარჩა ყველაფერი. თვალის უსწრაფესად გადავედი

ლეგვერის მცირე ქედზე. ქორულის ტბებს გაეუარე, გადავირბინე ფოშდელი და მეფთქულაში, მესტიაში ამოვყავი თავი.

ჩემდა გასაკვირველად... მესტიაში მზე დახვდა. მესტიაში მზე იყო. სიცოცხლე სუფევდა, ჩოჩქოლ-ხმაური, ადამიანთა ჩქამი. ის-მოდა. კოშკები და მაჩუბები ენგურის შემოძახილზე რალაცნაირად ბუბუნებდნენ.

ნაბღისქუდიანები მომლოდინე სახეებით გამოფენილიყვნენ სეტში, მესტიის მთავარ ქუჩაში. ელოდნენ, ისინიც ელოდნენ.

რომ დაშინახეს, შემომეხვივნენ და კითხვები დაძაყარეს.

აბა რა შეშეძლო მეტქვა, რითი მენუგეშებინა ისინი? ვერაფერი ვერ ვუთხარი, არც კარგი რამე მითქვამს, არც, ცუდი ხმა არ ამომიღია, იმიტომ რომ მეშინოდა ჩემი განწყობილება. უიმედობა, სასოწარკვეთილება არ გადამედო მათთვისაც. ხომ შეიძლება გუშანს მოვეტყუებინე, ანდეს ტყუილებრალოდ შევეცბუნებინე.

არა, არაფრის თავი არა მქონდა. ბეჟნუსთან უნდა წავსულიყავი. ღრმად მწამდა — ხერგიანთა გვარის უფროსი თაობის ცნობილმა მთამსვლელმა, საოცარი გონებისა და ალლოს კაცმა ჩვენზე, უშბის ძირას მოკალათებულ მამველი ჭგუფის წევრებზე და ამ აბობოქრებულ ხალხზე მეტი იცოდა თავის მოსწავლეებზე, უშბასთან მოპაექრე ვაჟკაცებზე.

მთებივით ჰირქუშმა და მკაცრმა, მათსავეით დაფიქრებულმა და ბრძენკაცმა გულიანად მომისმინა, უხმოდ მომისმინა და თოვ-სუსხისაგან გამოქარულ სახეზე ღიმილგამკრთალმა მხარზე ხელი დამადო, თითქოს სურდა მისი სიმშვიდე ჩემს სხეულში გადმოესახლებინა.

მე გამიკვირდა — რა დროს ღიმილი იყო, ბიჭები არ ჩანდნენ.

მაგრამ მალე დაერწმუნდი, რომ არ ხუმრობდა — ცოტა ხნის დუმილის შემდეგ ფრიად სერიოზულად მითხრა:

— ნუ გეშინია, მათ ეს ქარბორბალა ვერას დაუშავენთ. უარესიც უნახავთ, მაგრამ არ შეფერხებულან. ისინი ახლაც მუშაობენ. აღიან...

და რა უფლება მქონდა არ მეწამა მისი? განა აღმზრდელმა ყველაზე უკეთ არ იცის თავის შეგირდთა ავან-ჩავეანისა?

— ნიშანს რომელ საათზე იძლევიან, რვაზე თუ ცხრაზე? — იკითხა მერე ბეჟნუმ.

— ცხრაზე, ოღონდ... — აბოლებულ ღრუბელთა ზღვაში განქარვებულ თეთნულდს გადავხედე დაეჭვებულმა — ჩვენ მაინც ველარ დავინახავთ და...

— ოლონდ-მოლონდ არ უნდა აშას. ამაღამ გამოიდრებს, სკიშის სათიბებიდან მშენიერად მოჩანს უშბა. იქ წადი. აუცილებლად დაინახავ შეუხუნებს, თეთრ, სამშვიდობო შეუხუნებს, გული დაიმშვიდე... ამოვისუნთქე. ერთი ღრმად ამოვისუნთქე.

„რა დარწმუნებული ლაპარაკობს, თითქოს თვითონ განაგებდეს ბიჭების ბედს, ისევე როგორც დალი — გარეულ ნადირთა“...

## ნიხეილი: უენ რანაირი ოზოზა ხარ?

— სხვა გამოსავალი მართლაც არ იყო.

უკან გაბრუნება დროის, ათვისებული სიმაღლის დაკარგვისა და შთამსვლელთა სულოერი განწყობილების დაცემას, არასასურველ ემოციებსა და უიმედობას გამოიწვევდა. უკანდახევა, თუნდაც იმ განზრახვით, რომ მეორე დღეს კვლავ მოვდგომოდით „სახურაეს“ სანახევროდ დამარცხებას ნიშნავდა, რადგანაც ასეთი ნაბიჯის აუცილებლობა არც სტრატეგიული და არც ტაქტიკური მოსახრებით არ იყო ნაკარნახევი და ამდენად — გამართლებული. ეს იქნებოდა გამოუვალ მდგომარეობაში ჩავარდნილი მოქალაქის უშედეგო, არაფრისშთქმელი სელა — იმ იმედით გაკეთებული — იქნებ მოწინააღმდეგემ ამასობაში რაიმე შეეცდომა დაუშვასო. მაგრამ ჩვენი მეტოქე — უშბა აბა რაში უნდა შემეცდარიყო, რომ იმის იმედზე ვყოფილიყავით? მიხოს თქმისა არ იყოს, ვის უნდა გამოედო მოგვერდი მწვერვალისათვის და ბეჭზე გაეწვინა იგი? ვის ძალუძდა ამისი გაკეთება? არავის დედაშიწის ზურგზე.

უკან გაბრუნება ამ კრიტიკულ მომენტში უაზროდ მიმაჩნდა. უკანდახევა, როცა იგი რაიმე ჩანაფიქრით არ არის გათვალისწინებული, და ამდენად მიზანს არ ემსახურება, ლაჩრობაა და მეტი არაფერი დღეს როცა ყოველივე წარსულს განეკუთვნება, ახლად რომ მქონდეს იგივე მარშრუტი გასავლელი, მე კვლავ იმ გზას ავირჩევდი ალბათ, მაშინ რომ ვადექით. ისე რა თქმა უნდა, შორიდან, გონების თვლით რომ შეხედავ გარდახდენილ ძნელბედობას ისე საშინლად აღარ გეჩვენება უკვე.

„არა... არა... არა“... — ამ ერთ სიტყვად სახიერდებოდა ყურთა-სმენაში ჩაქუჩისცემის ხმა. მაგრამ იგი უფრო სულისა და გონების გამოძახილი იყო ვიდრე ამ გრანიტოვან კედელზე ფოლადის გაკვესებისა. „არა... არა... არა...“ — იგი ნიშნავდა — ჩვენ შევეუტევთ ამ კარ-

ნის, შევუბნებთ და გადავლახავთ. ვერა და... მაგრამ უკან გაბრუნება? — არასოდეს!

ამ ფიქრებით აღვზნებული გავემართე კარნიზისაკენ. ინგლისურ კედლებში რაღაც სიმსუბუქე და ძალა ვიგრძენი, ჭერ თოკის კიბეებით მივიწივედი, რომელთა დამაგრებაც მე და ჭუმბერმა მოვასწარით კარნიზის უშუალო მისადგომამდე.

სწორედ მერე იწყებოდა ყველაზე რთული უბანი ამ მონაკვეთისა რადგანაც უარყოფით კედელზე ბურღვა გაგვიჭირდა, ახლა რამენაირად ცოცვით უნდა მეცადა კიდევ აბლატება. პალოების დახმარებით წინ რომ წაიწიო კაცმა, საჭიროა ერთი პალოდან მეორე — ახალჩარტყმულზე გადაიტანო კიბე ზედ ჩამოჰკიდო და თავდაც ამალღდე ერთი-ორი საფეხურით მერე კვლავ გაბურღო, ჩაარტყა პალო და კვლავ გადაიტანო კიბე, ამალღდე ისევ... მაგრამ კარნიზზე, რომლის ჰერი მართკუთხეს ადგენდა ჩვენი მონაკვეთის ვერტიკალთან, კიბის გადანაცვლება, წინ წაწევა პორიზონტალური მიმართულებით უნდა მომხდარიყო, რაც ჩვენგან განსაკუთრებულ დამაბულობასა და სიფრთხილეს მოითხოვდა (აკი იმისათვის რომ დაცვა სრულ წესრიგში გექონდა ერთი აღამიანის საგანგებოდ გამოყვავით სამაშველო თოკების, პალოების მოთვალთვალედ, გამაკონტროლებლად. ეს იყო ჯოკია გუგავა, ჭგუფის წევრებს შორის ხნოვანობით ყველაზე უფროსი, დარბაისელი კაცი.

ჯოკია მიუთითებდა ამხანაგებს სუსტ კვანძებზე, რომელთა არსებობა მის თვალს არ გამოეპარებოდა. და აი, კიდევ! მერე შეუპოვარი ბრძოლა სახურავის ჰერის დასამორჩილებლად. მაქსიმალური სიფრთხილით გავიარეთ იგიც. დიდის წვალებით გავბურღე და ჩამოვიღე კიბეები. ახლა კი ჰერიდან სახურავის კარნიზზე უნდა გადავმძვრალიყავი. სწორედ ამ კარნიზმა დაგვცა ყველას შიშის ზარი. მაგრამ ამ ურთულესი ამოცანის შესრულებაც კი არ ნიშნავდა გამარჯვებას, რადგანაც ჩვენ არ ვიცოდით, მის მიღმა რა იმალებოდა — კვლავ მსგავსი სახურავეები გველოდა თუ ადვილდასაძლევე კლდოვანი მონაკვეთი? აბა ვინ უწყობდა რა სიურპრიზს გვიმზადებდა მუხთალი მწვერვალი? სამწუხაროდ ია-ვარდით მოფენილი ბილიკები და სტუმართმოყვარული მასპინძლობა რომ არ იყო უშბისთვის დამახასიათებელი, ყველას კარგად მოგვეხსენებოდა. ეს აბუნდოვანებდა და ერთგვარად ჩრდილს აყენებდა ჩვენს მიზანს, ქსაქსავდა ძალებს და შერკინების სურვილს ანელებდა. მაგრამ საქმე მოითხოვდა რისკს, რაც უკვე თავიდანვე იგულისხმებოდა.

ვიდრე კიბეებს მოვითავებდი ბიჭებმა თითო პალოც ჩაარტყეს და მატებით. რამდენიმე მეტრით მომიახლოვდნენ, რათა მოწყდომის შემთხვევაში მათი დახმარება უფრო ქმედითი ყოფილიყო. მთელის პასუხისმგებლობით ჩაებლაუჭნენ თოკებს. ოთხი კაცი იდგა დაცვაზე. მხოლოდ ჯოკია გამდგარიყო განზე, იგი დანარჩენებზე ცოტა დაბლა მიჭედილიყო კედელს და კისერმოღრეცილი. მომჩერებოდა. თან პალოებსა და თოკის კვანძებს აკვირდებოდა.

და აი, კარნიზის კიდევც, რა იმალება მის მიღმა? კიბეზე შევდექი წელში ავიმართე და ხელი სახურავის ზედაპირზე მიმოვატარე. ზედაპირი სველი იყო, ვიგრძენი როგორ ჩასრიალდა წყალი სახელოში. ჩასრიალდა და ფეხებამდე ჩამატანა.

სახურავიდან მოქცეული თოვლის ნაჟური აქ ცალკეედებოდა დედაუშბასთან, წვეთებად სწყდებოდა მის მახვილკუთხეს და უფსკრულში განიპნეოდა, შეფეხებად ფეხებოდა თავზე ქარაფებს.

უსიამო შეგრძნება დამეუფლა — წყალმა ბურღივით დამიარსხეულში. კვლავ მოვაფათურე ხელი, მაგრამ სანუგეშო ველარაფერი ვიგულე, უცნაურმა ფიქრმა გამიელვა გუნებაში — რა იქნებოდა ადამიანს ხელზე ერთი სათადარიგო თვალი რომ ჰქონოდა-მეთქი. მაშინ ნათლად დაგინახავდი სახურავის ზედაპირს, მოვხვერავედი იქაურობას

კვლავ მოვაფათურე ხელი — ზედაპირი ერთნაირად გლუვი იყო მცირედი ხოც კი არ მომხვედრია სადმე. ერთხანს ელდანაცემივით გარინდული ვფიქრობდი გამოსავალზე. იქნებ ამხანაგებისათვის დამეჭერებინა, იქნებ სხვა მხრით მოედგომოდით ამ სახურავს, ან იქნებ უკან გავბრუნებულიყავით მართლაც და მართლაც? ღირდა უშბის სარკე თავის გაწირვად? მაგრამ რაიმე გამოსავალის, ახალი გზის მიგნება ჩემი გონებისათვის მიუღწეველი იყო, ხოლო უკან გაბრუნებაზე ფიქრს კი გულს არ ეპყარებდი. და არც არაფერი იყო მანდ ამდენი საფიქრალი. „უნდა გადაახტე კარნიზს, მალლა, სახურავზე უნდა გადაძვრე როგორმე, აი, რა უნდა გააკეთო..“ — მიკივივინებდა შინაგანი ხმა.

მე კი „ცირაქივით“ ვეკიდე უფსკრულთა თავზე. ობობასავით დავკონწიალობდი ქარაფთა გასწვრივ მარტოდშენილი და მიუსაფარი ამხანაგები? ისინი დაბლა მელოდნენ. გულისფანტქალით განიცდიდნენ რითი დამთავრდებოდა ყოველივე. რა მწარე იყო ეს წუთები მათთვის, რა დამქანცველი და გამთანგველი.

„დიდნი გაპგლეჯენ, სუსტნი გაებმებთან და გაიხლართებიანო“ — წამოტივტივდა გონებაში მიხოს სიტყვები. „შენ, შენ რანაირი ობო-

ბა ხარ, სუსტი თუ ძლიერი? — ჩამეკითხ: შინაგანი ხმა — ჰა, სუსტი თუ ძლიერი?“

„ძლიერი, ყოვლისშემძლე ობობა ვარ. ჰო, ყოვლისშემძლე, უშიშარი ობობა, არ გჯერა? აი, ნახავ...“

წელში კიდევ უფრო მოვიკაკვე კიბეზე ერთი საფეხურით ავმალლდი, რათა ხელი უფრო შორს გამეწვდინა, და ჩემი ღმერთი ვახსენე. გადაწურულზე ამღვრეულ ფშაში რომ ჩამიყვანია ხული. ისე გავიშვირე მკლავი და კარნიზის ზედაპირზე მიმოვატარე. იქნებ მცირე ღრეჩოს წაეწვდომოდი საღმე, მცირე რამ ნაპრალს, ხელჩასავლებს. „ღორჯოს მოხელეა არას გარგია კალმახი უნდა ამოიყვანო“. ერთგან ღრმული შემხვდა, მაგრამ კუთხე ველარ აღმოვეჩინე, მისგან ხელმარჯვნივ კვლავ ღრმულში ჩავარდნენ თითები. მექოთნესავით ფრთხილად, გულისფანტკალით მოეუსინჯე ზედაპირი, მაგრამ არა, ბედი არ მწყალობდა — ხელს კვლავ „ღორჯო ამოჰყვა“. იეგ წყეული ღორჯო ვითომ თევზია მაგიც?“ ის იყო, დაღლილი მკლავი ძირს უნდა დამეშვა და თავადაც ერთი საფეხურით უნდა დავმდაბლებულიყავი, რათა წელში გამართულს სული მომეტქვა, რომ ზედ კარნიზის კიდესთან თითი წახნაგოვან შვერილს გამოედო. იგი მცირე საფეხურივით იყო ჩათხრილი კედელში თითქოს ვილატამ საგანგებოდ ამოჭრაო. ამ უცნაურმა აღმოჩენამ საღი განსჯის უნარი წამართვა. სიხარულისაგან ერთხანს ვცმუქავდი. შეიძლება გიჟვით მეცინებოდა კიდევ. მერე გამოვერკვიე. მსწრაფლ მოვსინჯე ნაწიბურის საიმედოობა, ორივე ხელით ზედ ჩამოვეკიდე და კარნიზას თავზე ავითრიე ტანი.

ეს იყო ალბათ ყველაზე დრამატული წუთები ჩემს ცხოვრებაში, მე ხელი ვკარი კიბეებს, და თოკებს. უარყვავი დაცვა ისევე, როგორც ჰერაკლე გაძარცვეს ღმერთებმა უკვდავების საშოსელისაგან, ამიერიდან თავად ვიყავი განმგებელი ჩემი ბღდისა ერთადერთი სიცოცხლის ძაფი, რომელიც უფსკრულზე სარეცხვით გადაკიდულ სხეულს ამხანაგებთან აკავშირებდა ეს ძირითადი თოკი იყო, რომელიც მაინც არ მტოვებდა, თან მომყვებოდა ჭირისა და ლხინის თანამოზიარედ. უერთგულესი მეგობარი ჩემი.

ამიერიდან ეს ხელები, ეს თვალები მოხერხებულობა და გონიერება იყო მფარველი კლდესთან მორკინალი ადამიანისა. ახალი ხელჩასავლები უნდა მეძებნა საჩქაროდ და როგორმე წინ წაეწეულიყავი. რათა ჰაერში მოქანავე ფეხებისათვის მცირეოდენი საყრდენი მომენახა საღმე და ამით მთელი სხეულის სიმძიმე რამდენადმე მაინც



შემემსუბუქებინა, სიმძიმე, რაც ახლა მთლიანად ძარღვებად და-  
ჭიმულ ხელებს აწვია. ისინი კი თანდათან ძაბუნდებოდნენ, ბუქდე-  
ბოდნენ, ძალას ჰკარგავდნენ. სწორედ ახლა იყო საჭირო სწრაფი  
მოქმედება, მოქმედება და ხხვა არაფერი... ვიდრე საბოლოოდ დაეიწ-  
რიტებოდი ძალღონისაგან და სახეზე ქვეყნიერებასთან განშორებით  
გამოწვეული სასოწარკვეთილების ღიმი გამოიკრთებოდა, უნდა მელონა  
რაიმე. მაგრამ ხსნა თითქოს აღარსაიდან იყო. თვალები ველაწა-  
ფერ სანუგეშოს ვერ აუწყებდნენ გაფაციცებულ გონებას.

სახურაეის გლუვ ზედაპირს მთელს სიგანეზე თოვლის ნაეური მო-  
წანწკარებდა, იგი სახელოებში ჩამყვებოდა და კარნიზზე გადაშვერი-  
ლი ფეხებიდან, როგორც ღარიდან ისე იღვრებოდა მოუსაველეთში  
მაგრამ ახლა ეს აშბაეი ნაკლებად მადარდებდა...

არაფერ სანუგეშოს არ მიგრძნობდა გუმანი.

არაფერ სანუგეშოს — თოვლის ფანტელები, სველ სახურაეზე  
რომ კედებოდნენ.

არაფერ სანუგეშოს — მთანი მალაღნი...

— ჰე... ჰეეი... — აღმოხდა უეცრად უნებური ყვირილი. — ჰე  
ჰეეეი...

ხმა იგი, შემზარავ ექოდ დააბურთავეს მწვერვალებმა — ჰე... ჰე...  
ჰე... ჰეეი! — მოიარა მან მთელი ქვეყანა და უჟანვე მობრუნდა და-  
ლეული და მინაველებული. ერთხანს ექვმა შემიპყრო — მართლა ჩემს  
ბაგეთაგან იშვა იგი თუ სხვას ეკუთვნოდა ვინმეს. უცნობს და უჩი-  
ნარს. ნუთუ მე, ძალმიძდა ასეთი შემზარავი ღრიალი? ნუთუ ადამის  
ქეს დასაკოდი კერატივით ყვირილის უნარიც ჩაუსახა მამაზეციერმა?  
ან იქნებ მომეჩვენა სულაც, ბექნუსაც ხომ მოეჩვენა თეთნულდზე. ან  
იქნებ ანტონისეული გამოქვაბულის იღუმალი ხმები მომესმა?

— ჩხვიმლიან, ჰოუ, ჩხვიმლიან, ჟახბუგან იალო, ჟახბუგან... გა-  
მომარკვია ფიქრებისაგან ამხანაგების ძახილმა და უცბად ვიგრძენი  
როგორ დაიძაგრა მკერდზე მოქერილი სამაშველო თოკი. წამიერმა  
შვებამ ააჩქროლა სისხლი ძარღვებში, სხეულში სითბომ და იმედმა  
დაიბუდა. ეს ამხანაგების გამომეტებული სითბო იყო, რომელიც  
.თოკიდან გადმოსახლდა ჩემს არსებაში.

— თოკები... გადაჭერიოთ თოკები... — არ ეიცი რამდენად ხმამალა  
წარმოეთქვი ეს სიტყვები.

კარგად მახსოვს, როგორ ქუხილად მოვარდა ქვევიდან ამხანაგე-  
ბის ნუგეში:

— იშვია სი... ნაი — ეჩე... ჰე... ჰეეი...

სადაც შენ ჩვენც — იქა, ჰე... ჰეეიი...

არ ვიცი რა მოხდა იმ წუთში, მაგრამ უეცრად შორეული, ნაცნობი ყოვინა ჩამესმა საიდანღაც...

## ოთარ გიგინეიშვილი (ექსპედიციის ხელმძღვანელი): ვითარცა გლახი ცან მვედრეგელი

ტიანშანში კავკასიონი ხომ არ იყო, არც ალპები და კარპატები გამარჯვების პიკი — ჭიპარაი ან სხვა ნებისმიერი მცირე მწვერვალი ევროპის მთიანეთისა.

ყველას კარგად მოეხსენებოდა ეს ამბავი.

არც ჩვენი ექსპედიცია ჰგავდა სტუდენტურ გასვლას რომელიმე მცირე კოშხზე.

მთელი ჯგუფი, მაშველი ძალების ჩათვლით გულმოდგინედ იყო დაკომპლექტებული და შერჩეული. ჯგუფი, რომლის შემადგენლობაშიც შედიოდნენ წამყვანი ძალები ქართველი მთამსვლელებისა.

ახა რომელ ერთზე იტყოდა კაცი, ტიანშანისათვის არ გამოდგებოდა? რომელ ერთს შეცვლიდა მეორით — უფრო ძლიერი და გამოცდილი მთამსვლელით?

მოვიდეს და თქვას თუ ვაჟაკია, რას დაუწუნებდა მიხო და ჩხვიმლიან ხერგიანებს, ჯუმბერ მეძმარიაშვილს, თეიმურაზ კუხიანიძეს? ილიკო გაბლიანს? აღარათერს ვამბობ კირილ კუზმინზე, რომელიც დაგვიანებით შემოუერთდა ჩვენ ჯგუფს საბაზო ბანაკ ჩანტორენში, და რომელსაც საკმარისი სასიძალო გამოცდილება „ყელში ამოსდიოდა“? (მართალია გასული წელი მისთვის უიღბლო გამოდგა. ტიანშანში კუზმინმა თერთმეტი მთამსვლელი დაკარგა გამარჯვების პიკის თხემებზე, მაგრამ შეტყვისა და გამარჯვების სურვილი და უინი ხო არ გაქრობია იმეტომ სამარადეამოდ?)

ჰო და იგი მოდიოდა ჩვენთან შურისძიების გრძნობით შეპყრობილი. გამარჯვების სურვილით აღგზნებული.

ყველაფერი თავისი რიგით მიდიოდა. დიდი ექსპედიცია ფრთებს შლიდა, წელში იმართებოდა, მიიწედა შორეთისაკენ, გზას იკვლავდა ბარხანებსა და უდაბნოებზე, მდინარეებსა და მთებზე. ბანაკდებოდა, ძალას იკრებდა და კვლავ დაიძვრებოდა გამარჯვების პიკის მისადგომებისაკენ.

დიდი ექსპედიცია თავისი ცხოვრებით სულდგმულობდა, იგი დიდ ექსპედიციად რჩებოდა ვიდრე...

დიდებული ბიჭებისაგან შედგებოდა იგი.

იმედლიანი, მუხლმაგარი, ჯანიანი და უნიახი ბიჭებისაგან.

აბა მოვიდეს ვინმე და თქვას — იმას ის სჯობდა, იმას კიდევ ისა  
ეს კი არა, სხვა უნდა წასულიყო გამარჯვების პიკზეო. მოვიდეს ვინ-  
მე, გულზე ხელი დაიდოს და თქვას...

შეიძლება ასეთიც გამოჩნდეს თავისას იტყვის გულდადინებით.  
ურემგადაბრუნებულზე იოლია ლაპარაკი, სხვადასხვა მოსაზრების  
წამოყენება და მტკიცება მანამდეა საქმე თორემ...

ალბათ გამოჩნდება ასეთიც. იმიტომ რომ სავალალოდ ჩვენი ურე-  
მი გადაბრუნდა, მერე და როგორ გადაბრუნდა, დიდი ურემი  
გადაბრუნდა და დიდი გზაც გამოჩნდა მას უკან. გადაბრუნდა იგი  
თავდაღმართზე, როგორც ეს ხშირად ხდება ხოლმე. ასვლის მეხუთე  
დღეს, როცა სკოლაში ნასწავლი არითმეტიკული ანა-ბანის საშუა-  
ლებით დაეადგინეთ რომ სამწყსოს ერთი კაცი აკლდა სათვალავში.  
ერთი, ერთი კაცი ვერ გვეოფნიდა სათვალავში, ეს ოხერი, ერთი კა-  
ცი...

ვინ იყო იგი? ეს ერთი ადამიანი? ღურბინდში დასაველეთის მწვერ-  
ვალის თხემზე ექვსის ნაცვლად ხუთი შავი წერტილი მოძრაობდა.  
ხუთი შავი წერტილი! გესმით ეს რას ნიშნავდა? თუმცა ეგ რა ძნე-  
ლი რამეა. ექვსს გამოაკლებ ხუთს და ეგრევე გაიგებ, მიხვდები, რა-  
შია საქმე. მიხვდები — ერთი ადამიანი გაკლდება სათვალავში, რა  
იქნა იგი, ეს ერთ-ერთი მოიერიშეთაგანი? ამ მთებს მიღმა, სხვა  
ქვეყნით ხო არ გარდაიხვეწებოდა? ან ვინ იყო სახელად, რომელი  
მათგანი დაიბადა უღლეურ ვარსკვლავზე?

ძალიან შორს მობობლავდნენ ისინი, ჩვენგან შორს და მაღლა.

იქნებ ღურბინდში ვერ თავსდებოდა ერთბაშად ექვსი შავი წერ-  
ტილი?

იქნებ, ა?

ნუთუ სხვა ღურბინდი არ იშოვება, ისეთი, ერთბაშად ათ  
წერტილს რომ დაიტევს და მოიტანს შენამდე? ათი ჯანდაბას, ნუ  
იქნება, ექვსი დაიტოს, ექვსი შავი წერტილი. მოიტათ ასეთი ღურ-  
ბინდი, მოიტათ ჩქარა — ექვსი მოძრავი წერტილი დამანახოს და  
აღარაფერი მინდა.

— ინებეთ, ღურბინდი, აი სხვა ღურბინდი...

— რო ვერ იტევს ექვს წერტილს? ესეც რო ვერ იტევს? ნუთუ  
ქრისტიანის ნაქონ-ნახელავი ღურბინდის შოვნა ასე გაკვირდა? აი,  
დიდი ღურბინდისა, ექვსს რომ დაიტევს ერთბაშად...

— ქრისტიანის? მა ესენი ვილას ნაქონია, ეს ღურბინდები, ჰა?

— არ ვიცი, მაგრამ ასე კია. არც ერთი არ უქნია ღმერთს, ერთმეორეზე უარესია სამივე. გაიტანეთ და ხევეში გადაუძახეთ. ექვს წერტილს რომ ვერ დაიტევს ისეთი ღურბინდი რა ჰირად გვინდა...

— ღამე როა? აი მოსალამოვდა ამასობაში, ბინდი გადაეკრა ზეცას და მიწას. აბა რა ღურბინდი გაიგნებს გზას ამ უკუნეთში? გათენდეს და ვნახოთ? მოიცა, გათენდეს ერთი...

— მოსალამოვდა? ეგ როგორ? როდის, რანაირად? მოიცა მართლა მოსალამოვდა?

— მოიცა, გათენდეს და ვიშოვით სადმე. როგორ ვერ ვიშოვით ღურბინდს...

„დიდი ღურბინდი. ნუთუ აღარსად იშოვება დიდი ღურბინდი? მოიარეთ ახლომახლო ყოველი კუთხე — კუნჭული, სთხოვეთ ყოველ შემხვედრს, ნაცნობს თუ უცნობს, მონადირეს თუ სარქალს, გვათხოვოს, დიდი ღურბინდი ერთბაშად ექვს შავ წერტილს რომ დაიტევს, ისეთი... ჩქარა... ჩქარა... ჩქარა...“ ეს იყო ბოდეა. არ ვიცი, ვინ გაიძახოდა ამ სიტყვებს, მე თუ სხვა. ებოღადვით კი ყველანი. ველოდებოდით გათენებას და ებოღადვით. თვალმილულულნი გონების თვალთ დავეძებდით შეექვსეს და ვფიქრობდით — „რა, რა იქნა იგი? სად გაუჩინარდა? სად გაქრა, რა დაემართა?“ — უკვე მერამდენად იბადებოდა თავში ერთიდაიგივე კითხვა. „სად, როგორ რატომ?“ მაგრამ პასუხი ვერავის გაგვეცა. ვერავის, იმიტომ რომ ძალიან შორს იყვნენ ისინი ჩვენგან, შორს, მალა, მთებში.

-- მოიცა. ცოტაც მოითმინე. ინათებს და გაირკვევა, ყველაფერა გაირკვევა...

ვითომ? ვითომ ინათებს კი?

— იქნებ შეეცდით? იქნებ სწორად ვერ გამოვაკელით? რა იცი...

— იქნებ მართლაც, ჰა?

— აი, მგონი ინათა კიდეც. გინდა, გავიდეთ და გავხედოთ ფერლობს...

— გავიდეთ, მა რა. გავიდეთ, აბა როგორ...

— ვითომ ინათა? წყვილი და მღუმარება სუფევს გარეშეშო ავებელითი სიჩუმე დგას მთებში.

— ახლა ბოლთისცემას არაფერი სჯობია. ბოლთისცემაში მალე თენდება...

— მაგაზე ადვილი რაღაა, შე კაი კაცო... სულ ვიაროთ, ვიაროთ და ვიაროთ.

და აი, ბოლთასა ვცემთ კარვების წინ. ველოდებით, როდის გაბრწყინდება მათა კალთები. ამ ბოლთისცემაში გვინდა ჩავკლათ მწვანელებლური ფიქრი უმარტივეს არითმეტიკულ მოქმედებაზე — ექვსს გამოვავლოთ ხუთი; რა, რა იქნა მეექვსე? ან იქნებ იგი თავის ადგილას იყო და ჩვენ ველარ შეენიშნეთ, ან ღურბინდმა ველარ დაიტია?

ახლა კი ღურბინდიც აღარ გვჭირდება. თვალებზე ხელმოჩრდილულნი გავცქერიით ფერღობზე მოძრავ ხუთ წერტილს. ისინი უღრუბლობის გამო გუშინდელზე უფრო ახლოს და გარკვევით მოჩანან. მაგრამ, საუბედუროდ, არითმეტიკული მოქმედება უცვლელი რჩება. ექვსს გამოვავლოთ ხუთი უღრის ერთს. და მას სახელიც დავარქვით — ილიკო გაბლიანი. იმ უღრეური ვარსკვლავის კავალერი იყო ილიკო გაბლიანი. მაგრამ კვლავ ძალაში რჩებოდა — „სად, რატომ, რისთვის?“

და აი, ისინი მოდიან ცალ-ცალკე. ორნი — წინ. სანნი უკან და სხვა გზით. რატომ წამოვიდნენ ერთნი წინ და მეორენი უკან და სხვა გზით, რაღად მოდიან ცალ-ცალკე? რაღად?

აბა მოვიდეს ვინმე და თქვას. — განა არ იცოდით, ასე რო მოხდებოდა, ასე რო იქმოდნენ შენი რჩეული ბიჭები? შეიძლება მართლა გამოჩნდეს ასეთი ვინმე ურემგადაბრუნებულზე. თავის გამოჩენა რომ უყვარს. მაგრამ ლაპარაკი რო ადვილია აწ გარდახდენილზე?

მოვიდეს ვინმე და თქვას:

— ბიჭები საბჭოური ალბინიზმის ელემენტარულ წეს-კანონებში ვერ ერკვეოდნენ. უნდა დაგესვათ და მთამსვლელური ანა-ბანა თავიდან შეგესწავლებინათ და გაგემეორებინათო, მოვიდეს და თქვას — მე დაესეამდი ყველას და ვამეცადინებდიო. გულზე ხელი დაიდოს და თქვას.

მაგრამ უცნაური ის იყო, რომ ისინი ხუთნიღა იყვნენ და კიდევ ის, რომ ორ წინწამოსულს უკან აღარ გამოსდიეს დანარჩენებმა. მათ ორის გზა უარყვეს და სხვა მხრით დაეშვენენ. ეს მართლაც ყველაზე უცნაური იყო და ყველაზე საწყენი.

დაეშვენენ კი?

ვერა, სამწუხაროდ, ვერ დაეშვენენ!

იმ სამეულიდან მხოლოდ ერთმა ჩამოაღწია ბანაკში. ორიდან კი, წინ წამოსულებიდან — ორივემ. და მაშინ არითმეტიკულმა მოქმედებამ სხვა შედეგი მოგვცა: ხუთს გამოვავლოთ ორი უღრის სამს. უკვე სამი ადამიანი გვაკლდა სათვალავში. მრგვლად კი იგი ასე

გამოიყურებოდა: ექვსს გამოვაკლოთ სამი უღრის სამს. ერთი მაღლა დარჩა, მაგრამ ეს ორნი რაღა იქნენ? სად, რომელ მხარეს განქარდნენ ისინი?

მოვიდეს ვინც ვაეკაცია და თქვას — მე წინასწარ განვქვრეტდი ყოველივეს, წინასწარ ვიგრძნობდი, რითაც დამთავრდებოდა ცალცალკე სიარული — ბევშეური „ბუტიობანა“. განვქვრეტდი და ხმასაც დროზე მივაწვდენდი, გავძახებდი და გავაგონებდი სამთა მეთაურს, წინა ორისთვის გამოედიათ, განზე რაღას იწეოდნენო.

მოვიდეს და თქვას, ვინც ვაეკაცია.

საბოლოოდ კი საზარელი სხვაობა გამოვიდა — ექვსს გამოვაკლოთ სამი უღრის სამს!..

საზარელი და სავალალო.

შემოდგომისპირზე მტევნებშეთვალულ ვენახს სეტყვა რომ დაუშენს ყოელისწამლეკავი, თუ შეგიხედიათ ამ დროს კახელი გლეხისათვის სახეზე? ადრე გაზაფხულიდან მოყოლებული ჭარასავეით რომ დასტრიალებდა თავის ვაზის ძირებს, გვალვებისას შუბლიდან მონაწური ოფლით რო რწყავდა დათუთქულ ნერგებს, დიდწვამობისას კი ქუდმოხდილი, ამინდის განმგებელ ელიას შესტქეროდა — აკმარე რაც მოაწვიმეო. როგორ გულის ფანცქალით და იმედით ეგებებოდა იგი რთველობისთვის. და აი ახლა, ამდენი ნაჯაფ-ნაწვალევი წყალში ეყრებოდა, თვალდახელშუა ნადგურდებოდა. გინახავთ ვინმეს რა მავედრებელი თვალებით მისჩერებია ამ დროს კახელი გლეხი შავ-შავ საავდრო ღრუბლებით გაზეკილ ცისკიდურს, რა მავედრებელი და მსასოოვარი შესტქერის და უხმოდ, თვალცრემლიანი ეაჭება შებრალებასა და შეერდომებას? გინახავთ ვინმეს? იგი მზად არი შეუძლებელი რამ მოიმოქმედოს, ოღონდ შეთვალული ვენახი იხსნას გაჩანაგებისაგან, მაგრამ რომ ველარაფერს ხდება შავ-შავ ღრუბლებთან?

და იგი ტირის. გლეხი დაყოჩრილი თითებით იჭუჭყვნის თვალებს და მწარედ, ჩუმად მოსთქვამს და ქვითინებს...

ჩვენც ასეთი მავედრებელი თვალებით, შეეცქეროდით ტიანშანის ფერდობებს. რაოდენ მწარე, რაოდენ გულისმომკველი იყო ჩვენი აქა ცად, ღმერთებსა და ნაბდისქუდიანთა მფარველთა აღვლენილი, რაოდენ მრავალისმთქმელი, მაგრამ სამწუხაროდ არაფრისმაქნისი.

აღარაფერი ძალგვიძდა, არც მიშველება და არც ხმის მიწვდენა, რჩევა-დარიგება და გზის მისწავლება. უკვე ყოველივე გვიანი იყო. და როდის არ იყო გვიანი? ან როდის რა იყო დროული, როცა ყოვე-

ლივეს, გარდახდენილს და მომხდარს განგება წარმართავდა, განგება და ბედისწერა წარმართავდა და არავის და არაფერს არ შეეძლო მისი შეტრიალება და შებრუნება.

ჩვენ კი იმ კახელ გლეხზე უილაჯონი და უმწეონი დავბარგანაობდით მათა მისადგომებთან, უფრო საცოდავნი, უბედურნი და ლარიბ-ლატაკნი, რადგანაც, საქმე ვენახთან კი არა გვქონდა არამედ მის შემოქმედ ღმერთებთან — ადამიანებთან. ცით მოვლენილი რისხვამ ხოშ-აკალივით ჩამობერტყა ისინი დასვლეთის მწვერვალის თხემებიდან... მოვიდეს ვინმე და თქვას...

## უ შ ბ ა

— ბაეშებით აყრიამულებული მაცხოვარის ეზო დამიტრიალდა თვალწინ. შუა მოედანზე საჩილდაო ქვა აგდია. მოპაექრენი რიგ-რიგობით მიდიან მასთან, ჩაავლებენ თითებს ვიწრო ყელში და მადლა ექაჩებიან...

მოშორებით სოფლის თავკაცები დგანან. ახალგაზრდობის ჰიდილს შესცქერიან, თავისებურად აფასებენ, გულშემატკივრობენ, სჯიან, აგულიანებენ, უცახცახებენ — ცოტაა, ჰა ცოტაც და გამარჯვება შენია... — ჩაესმის მიხეილს მამა ბესარიონის ხმა.

— აბა, მიდგომა ნუ იქნება... შენიშნავენ მას სხვები.

— ცოტაც, მინაან... რა ღომნაქამივით ეწვალები; შეუტრე, რომ გჩვევია... — ველარ ითმენს ბესარიონი.

სხვები კიდევ თავისიანებს აგულიანებენ. ოხრავენ და კვნესიან, რჭაჰებიან, როცა მათს ფალავანს უჭირს, ღონე არ მოსდევს... — მინაანს აგულიანებენ და მაგან რა დააშავა ვითამ? — იმართლებენ თავს ისინი და თვალებიდან ნაპერწკლებს ყრიან — თითქოს თვითონ ეწვევიანო საჩილდაო ქვას, კისრის ძარღვები ებერებათ, ადგილზე ქანაობენ...

— შეაგულიანეთ რამდენიც გნებავთ, თუ მუხლმკვდარია და ღრიან-კალივით უძღური, თქვენი მოძახილი რალას უშველის, ხი... ხი... — ეცინება ბესარიონს — აბა, ჰე, მინაან, აბა, ჰე... — აქეზებს იგი — - ასწევ და ბურჯაკის ხორციით დაგაძლობ, არა და ჩაითი გაგბერავ...

— კარგად ჩაკიდე, ბიჭო ხელი, ჩაიხარე ცოტა...

— ბულასავით კი დაგმსხვილებია ეგ კისერი, მაგრამ კი აჯობებდა, ე, ქონი ცოტა ძარღვში წასულიყო...

— გაბერილი, იცოცხლე, ტიკივითაა, მაგრამ მოქნილობა აკლია და რას შერებით ახლა.

— შეუბერე, ბიჭო შენებურადა...

— ნაღვერდალი ხომ არაა ე საჭილდაო, რომ შეუბეროს...

— ასწევ და მე ვიცი შენი პარტიისცემა. არა და კარგად მეყოლე ჩაიზე გაგიყვან მთელი კვირა...

მერე ჯგვიბის დღეობა წარმოუდგა თვალწინ.

იგი ნათლისვეტზე მიიკვავება. ავბედითად წუვიან დაყინული გუნდები. ყურები, თვითმფრინავის ხმასავეთ აღიქვამენ მათს ზუილს. იგი უშიშრად მიიწევს მალა. ხელებით ძალუმად ჩასჭიდებია ნათლისვეტს, ხვარტქლასავეთ ჩასწვნია მთელი სხეულით. ჰიაყელასავეთ იკუნტება და იშლება, იკუნტება და იშლება. სანატრელი ჯვარი სულ ახლოს რიალებს, ჯვარი, რომლის მადლიც გამარჯვებას მოუტანს ლომის ხეობას, მოსაველ — საქონელს დაამრავლებს, მშვიდობას დაამკვიდრებს ქვეყნად. ჯვარი სანატრელი, პატროსანი...

— ჰე... ჰე... ჰეეიი. მინაან... ჰეჰეჰეეი... — მოისმის ქვემოდან ლამელთა გამამხნევებელი შეძახილი — ჰე... ჰეეეი...

...თეთრი ანტონი სარეცელზე მისვენებულა. ძლივს გასაგონი ხმით უკანასკნელ სიტყვას ეუბნება მიხეილს, ძველ ზღაპრებს უყვება ბეთქილზე, ჩორლასა და სხვა მონადირეებზე... ბოლოს კი შეენუკვება — იხსნას დალები განსაცდელისაგან, როგორმე უშველოს შეცივუნულთა და დამფრთხალთა, უპატრონოს და გამოესარჩლოს... იმათს გვერდში ამოდგომას ეაჭება თეთრი მოხუცი...

კლდეზე მიჭაჭეული ბეთქილი თანასაფლელთ გადასძახის:

— ერთი ჩემმა საცოლემ მიცეკვოს, უკანასკნელად შევხედო, როგორ დაგოგმანობსო...

ცეკვავს ნიკაპთან ლეჩაქწყარული გოგო. ხელები გაუშლია და ლამაზად, მოხდენილად დარონინობს მოედანზე.

--- პოტლმა ხეობამ იცეკვოს, მთელმა სოფელმა იმღეროს შეუპოვრობას და მამაცობაზეო...

და მღერის და ცეკვავს ხალხი. ვაჟკაცობასა და ქედუხრელობაზე მღერიან, ბუბუნებენ ნაბდისქუდიანები. გამტანობასა და ერთსიტყვაობაზე თხზავენ ლექსებს მეჭურინეები.

...— ჰა, მალა ასწიე, ბიჭო რაღა დარჩა. მოხველ შინ და ბურკაკის ხორცი დაგხვდება. არაღა ჩაითი დაგბერავ იცოდე...

— რა ღომნაქამივით ეწიკები, შეუტრე, ბიჭო, შენ რომ გჩვევია...



— ჩვენც შენთან, მინაან. სადაც შენ—ჩვენც იქა... ჰე... ჰეეიი... —  
კვლავ ამოვარდა ქვევიდან ამხანაგების შეძახილი ჩხვიმლიანი ფიქ-  
რებიდან გამოერკვა. ახლა სასწრაფოდ უნდა მოემოქმედა რაღაცა-  
გარდასულ დღეთა გახსენების დრო არ იყო. ამხანაგები არ ქრიდნენ  
თოკს. ამხანაგები იზიარებდნენ მის ხვედრს ეს იყო მთამსვლელური  
წეს-კანონებისადმი ერთგულების უმაღლესი გამოვლინება. სინამდვი-  
ლეში მით არაფერი, არ შეეძლოთ. უბრალოდ იზიარებდნენ მის  
ხვედრს და ყველაზე დიდი გაჭირვების ჟამს თავის გულს უჩვენებდ-  
ნენ მიხეილს. ისინი ერთი გზით წავიდოდნენ ყველანი. როგორც აქ  
ამოვიდნენ მხარდამხარ, ისე გაემგზავრებოდნენ ერთად უცხო ქვეყ-  
ნაში, საიდანაც არავინ არ ბრუნდება. მათს შორის ოცდაათ მეტრზე  
გადაჭიმული თოკი იმ სიმაღლიდან მომწყდარ კაცს დააკაებდა ვი-  
თომ? იგი მათ ერთიანად გამოლაღავდა თავიანთი სახუნდარ-სამალ-  
ვებიდან, გამოლაღავდა და სიერცეში გააქროლებდა...

მათგან ამბის მთხრობელიც კი აღარ დარჩებოდა.

უეცრად განზე გაქცეულმა სისხლმოწოლილმა თვალებმა შენიშნეს,  
როგორ შეხტა სახურავის ზედაპირზე მცირედი შხეფი, თითქოს წვი-  
პურტი წაქრესო. ისე წამოხტა იგი კლდოვანი ზედაპირიდან.

„ჩქარა... ჩქარა... ჩქარა..“ — კვლავ დარეკეს საგანგაშო ზარებმა.

## მიწა ხარ და მიწაღ იქამც...

— იცი, რა... ისინი... ისინი გადაიჩეხნენ...

ამდენის ატანა მართლაც აღემატებოდა ჩემს ძალას. უეცრად  
თებრუ დამეხვა, ირგვლივ ყველაფერმა ტრიალი დაიწყო. ტრიალებ-  
დნენ მთები, ღრუბლები, ადამიანები. წამით გრძნობა დაეკარგე.  
მაგრამ მალე ისევ მოვეგე გონს. აზროვნების უნარი რომ დამიბ-  
რუნდა პირველად გავიფიქრე — არა, იმ ბიჭების დაღუპვა, როგორ  
შეიძლებოდა. დაერდომილმა ჩამოაღწია, ისინი ხომ სალ-სალამათნი  
იყვნენ, მართალია თემოს უჭირდა, გამარჯვების პიკზე ღია ცის ქვეშ  
უკარვოდ და უსაძილეტომროდ ღამენათევს კარგი დღე არ ადგა, მაგ-  
რამ სიმხნეით სხვაზე ნაკლებად როდი იყო. კუზმინიც მათ ახლდა.  
აბა რანაირადღა მოხდა ყოველივე? ყოვლად წარმოუდგენლად მო-  
მეჩვენა კირილის ნათქვამი — გადაიჩეხნენო.

ვუთხარი კიდევ:

— რანაირად, კირილ, რანაირად მოხდა?

— არ ვიცი... არ ვიცი... — ანგარიშში უცემლად მპასუხობდა იგი.

— სამნი იყავით. ორნი რალანაირად გადაიჩეხნენ?

— იქით იოლი გზა მოგვეჩვენა. შევეცდით კი. ერთგან კლდიანი უბანი შეგვხვდა. თოკი ჩავკიდეთ. პირველი ჯუმბერი დაეშვა, მე-რე — მე. ბოლოს — თეიმურაზი...

— თეიმურაზი? თეიმურაზი რალაზე? იგი ხომ ყველაზე ცუდად იყო.

— ქვა, რომელზეც თოკი იყო გამონასკეული, მოძვრა, თოკიც თან გაიყოლია და თეიმურაზიც, იცი, როგორ მიფრინავდა? თევზივით. არა ფრთოსანივით...

— თეიმურაზი მეორედ უნდა დაშვებულყო, ყოველ შემთხვევაში ბოლოს არა. მაინც რა მოსაზრებით მოიტოვეთ უკან?

კუზმინი დუმს. გულაჩუყებული, თავბრუდახვეული, გაოგნებული დუმს.

— მერე რა იყო?

— ფერდობზე გავედით, ჯუმბერს უნდოდა დაბლა გადაეხედა. იქნებ კლდის შვერილებზე ჩამოეკიდა სადმეო. მაგრამ ხომ იცი, რა დღეში ვიქნებოდით, ველავდით ორივენი. ველავდით და...

— და ისიც თან გადაჰყვა...

— თავდაცვაზე ვინ ზრუნავდა. აბა ვინ იზრუნებდა იმ წუთში თავდაცვაზე. ჰოდა აუსხლტა ფეხი და უკან გაედევნა თავის ამხანაგს...

„უკან გაედევნა...“ რა ადვილი სათქმელია — უკან გაედევნა თავის ამხანაგს — შეიძლება გაედევნო სადმე სხვაგან მაგრამ უფსკრულებში? საიდანაც მოსაბრუნებელი გზა არ არსებობს? როგორ ხდება ასეთი რამ? უკან გაედევნება!

— კი მაგრამ... — ათასი კითხვა მიტრიალებდა თავში, მაგრამ ვგრძნობდი რომ საიმისო დრო არ იყო ახლა. და არც ჰქონდა არავითარი აზრი ყოველთა წვრილმანთა რკვევას — ბიჭები „ზეიოზდოჩკას“ მყინვარზე ჩაეჩუმქრა ზევასა და ნამქერს. ჰო და იკითხე და გამოიკითხე რამდენიც გენებოს, ისინი ველარ აღდგებიან. ველარ შემოუერთდებიან მოლაშქრეთა ბანაკს, ვერ შემოგვაწვევენ სიტყვას გასაჭირის უამს, ვერც რუსთაველზე ჩაისეირნებენ საღამოსას, მათი მთამსვლელური ნაბიჯების ჩქაში დააკლდება ხალხმრავალ თბილისის ქუჩებს, საქართველოს მიწას...

საველალოდ, უკვე ყველაფერი გვიანი იყო.

— ახლა ძირს, ბანაკისაკენ. მალა არაფერი გვესაქმება. ზევით არავინაა, ვის უნდა ველოდოთ? — დავიყვირე ხმამალა და სირ-

ბილით დავეშვი თხემზე. არ ვიცი, სად მიმეჩქარებოდა ასე, რა მიმარბენინებდა, მაგრამ ცოტა-მემა კი, ტყაპა-ტყუპით რომ ჩამოვსერე ფერდობი.

შეორე დღეს გადავწყვიტეთ თეიმურაზისა და ჯუმბერის მოძებნა. მაგრამ იმ დღილას მოხვედრა, ისინი რომ გვეგულებოდნენ ერთობ საძნელო იყო. ზემოდან წამდაუწუმ ცვიოდა ქენაშალი, მოქპროდნენ ზეაეები. პირველი ჯოკია გუგავა მოვიდა. მეც შენთანა ვარო — განაცხადა. მერე სხვებიც გამოჩნდნენ. დავეშვით მყინვარზე.

გზა თანდათან სახიფათო ხდება. მაგრამ ჯოკიას შეუპოვრობაც თანდათან მატულობს, არაფრით არ უნდა უკან დახევა. ავედით ფერდობზე, რომელიც პირდაპირ იმ ავბედით კულუარქვეშ მდებარეობდა. აქ უნდა დავძებნოთ ბიჭები ასეთია ჩვენი ვარაუდი. ბუნებამ ამჯერად შგვიბრაალა, ერთხანს ისე გაისუსა ყოველივე ბუნის გაფრენას გაიგონებდა კაცი, არც ზეაუი, არც ქვა, არაფერი არ გვიშლიდა ხელს მუშაობაში. მალე მოვნახეთ შეეკლტონი, მერე ზურგჩანთა. ბოლოს მათი პატრონებიც. მათ, რა თქმა უნდა, ერთმანეთისაგან ვერ გაარჩევდა კაცი. უცბად ამოვიყვანეთ ისინი პლატოზე და თოვლში ჩავმარბეთ. ორი კაცისათვის შეუძლებელი იყო ბანაკამდე წამოდება. ამ დროს ოთარ ხაზარაძეც გამოჩნდა და დაღლილ-ღქანცული ჩვენს მოსაშველებლად გამოიქცა.

საბაზო ბანაკში, რომელიც 4200 მეტრზე მდებარეობდა, შევკრიბეთ მთამსვლელები და აუუხსენით მდგომარეობა. ბიჭების ჩამოსვენება გადავწყვიტეთ. მე თვალები მეწვოდა, მხედველობა მიჭირდა, მაგრამ ბიჭების ჩამოსასვენებლად წასვლა აუცილებლად მივიჩინე. ჯოკიამ დამიშალა — შენგან საკმარია, რაც გააკეთეო, მაგრამ არ დაუეჭერე. დაგეგმილი იყო რომ გადმოსვენება ხუთ დღეში მოხდებოდა. ჩვენ კი ეს ერთ დღეში გავაკეთეთ. დაღუპულთა ტრანსპორტირება მოვახდინეთ ყინულვარდნილზე, მერე თხემზე გადავედით, სადაც ციყაბო აღმართზე მოგვიხდა აბლატება, მაგრამ სამაგიეროდ ეს იყო უმოკლესი გზა... უმოკლესი გზა სამარადეთმო მღუმარები-საყენ...

ო, დიდებული, დიდებული საჩუქრებით გამოგვისტუმრა მუხთალმა ტიანშანმა.

შაპ-აბასივით უნდობელი აღმოჩნდა იგი ჩვენს მიმართ — თან მძევალიც დაირჩინა — ილიკო გაბლიანი. ამკამად ყველაზე მაღალი ადამიანია მსოფლიოში.

• •

— ჟახბუგან იალო... ჟახბუგან ჰეჰეი, ჩხვიმლიან... იძახოდნენ ბი-  
ჭები.

„წყალწაღებული ხავსს ექიდებოდაო“. — ისინი უკანასკნელ მო-  
ვალეობასაც იხდიდნენ ჩემს წინაშე. ამ დროს ოცი-ოცდაათიოდე ნა-  
ბიჯით მაინც ვიქნებოდი მათგან დაშორებული. ეს კი იმას ნიშნავდა,  
რომ ორმოცი მეტრი მაინც უნდა მეფრინა ჰაერში. ამ სიმაღლიდან  
მომწყდარ კაცს შეაკავებდა კედელზე სამ სანტიმეტრიანი პალოებით  
მიჭედილი, თოკებზე მოკონწიალებული ხუთი ადამიანი? მათი სი-  
ცოცხლე ხომ ისედაც ბეწვზე ეკიდა. ესე იგი ჩვენგან ამბის მთხრო-  
ბელიც აღარ დარჩებოდა! — უკვე მერამდენედ გამიელვა ამ ფიქრმა  
გონებაში. ერთხელ კიდევ გავიწიე — გავიბრძოლე. ცალ ხელზე და-  
ვეკიდე, მეორე „შადრევანისაკენ“ გავაცოცე. შუა თითი ანკესივით  
გამოდო თვალით უხილავ ღრეჩოს, თითო თითქოს გაქვეავდაო, მო-  
იკაკვა, დაიძაგრა და მკვიდრად დაესახლა მცირე ლარტაფში. მეორე  
ხელზე მყისვე ვიგრძენი შვება, ტანიც შევიმსუბუქდაო თითქოს, ისე  
აღარ მეწეოდა უფსკრულისაკენ, თვალებში მოწოლილმა სისხლმა  
უკან დაიწია.

ახლა მარცხენას უნდა ემარჯვა. კვლავ „შადრევნები“ უნდა მე-  
ძებნა. მალე აღმოვაჩინე კიდევ. ხელმა იქით გაიწია, თათები უმაღ-  
ვე ჩააკედნენ. მერე უფრო გაიოლდა. მალლა და მალლა სახურავი  
უფრო დანაოკებული აღმოჩნდა. მუშაობაში სხეული გახურდა. მალე  
„საყვავეზეც“ გავაღწიე. სახიფათო ადგილი უკან დარჩა. სხეული  
გამარჯვების ყოცინმა მოიცვა. ღრუბლის ფთილებიდან ჩვენი თოვ-  
ლიანი მწვერვალის კონტურები გამოჩნდებოდნენ ხოლმე. წინ ყვე-  
ლაზე მშვიდობიანი, იოლი გზა იდო. 30 გრადუსიანი დახრილობით,  
სადაც წრიაპებით გავიდოდი თავისუფლად. ყოველშემთხვევაში შლ-  
ამბურის პალოები ხომ არ დაგვეჭირდებოდა.

— ჰე... ჰე... ჰეეეიი... — მოედო გარეშემოს მთრთოლვარე ხმა.  
ეს იყო გამარჯვებული კაცის ყვირილი.

— ჰე... ჰე... ჰეეეიი. — იყო დაბლიდან პასუხი.

მაგრამ ეს რაღაა, თოვლი რაღაზედ განაცრისფრებულა და ჩა-  
მუჭებულა აგრერიგად?

„მთაში მალე დამდებოდა. მთებში ჰალე დაღის. ჰალე ბავშვებს  
დასდევს...“ — წამოტივტივდა მეხსიერებიდან თეთრი მოხუცის სიტყ-  
ვები. მერე ჰალესგან დავრდომილის ლოცვა გაახსენდა:

შიშლაად. ფუფულაად,  
 ცხიციშთე ცხიციადე  
 ეელიშთე ეელთაადე.  
 ისგვა დის ი მეს ფაუელდ ათქარენახ.  
 ქვერწილ-ლაპრისდალ ხარხ,  
 კილ-მსიკილ ხარხ  
 ვაი-ვეი ხარხ.  
 ლექვერი ყიაჩე ჯაზზი,  
 გოგლანდი ლემესგს ქიშეე  
 წვიმი ლემესგს ქიშეე.  
 ჩაე ჩუქებანთე ეაზზი.  
 შიშდ გოგოლ მათხაფ.  
 ხითურ , ხიდან  
 ჯაშხი, ი ჯაგტაე...  
 თფუი, ფისრაი!

ასე მკურნალობდნენ ბებია ქალები პალნაკრავთ, შეშინებულთ, გულწასულთ. მაინც რაღაზე გაახსენდა ახლა ეს ბავშვობისდროინდელი ლოცვანი? რა მაგისი დრო ჰქონდა ახლა? შიშით არ ეშინოდა, შით უფრო ეშმაკებისა და პალების. მაგრამ თოვლი რომ განაცრისფერებულა, ეს რაღაა?

ნუთუ ლამდება? ნუთუ ველარ მოასწრებენ დაბინაევბას?

უცბად ჩაარტყა პალო. მერე თოკი გაუყარა, გულმა აღარ მოუთძინა, ძალიძალად მეორე, სათადარიგო პალოც ჩაარტო ნაჩერეტში და თოკი ძირს მოისროლა. თეითონაც ჩაებლაუქა. და დაელოდა. ვიდრე ამხანგებს იღებდა თავისთან, საკარვე ადგილს ათვალეირებდა. თან იმ ლოცვანზე ფიქრობდა. ნუთუ მართლა კურნავდა იგი დავერდომილთა და გულწასულთ? — უკვირდა ეს ამბავი.

როცა ექვსივემ ერთად მოიყარა თავი, ჩხვიმლიანმა თქვა:

— აი, საკარვე ადგილი... ერთი ადამიანურად გამოვიძინოთ ამაღამ, გაჩარქვებულთა შესაფერისად, ჰა?..

„საკარვე ადგილი?“ — ამხანაგებმა ირგვლივ მიმოიხედეს, მაგრამ ისეთი ვერაფერი შენიშნეს.

— სად ხედავ საკარვე ადგილს?

— აი, ეს რაღაა აბა... — ხელით მიუთითა მიხეილმა ქვალორლიან ფერდობზე.

რაღაც ეშლებოდა უფროსს. ამჯერად რაღაც ეშლებოდა. ყველა-ნი ჯაოცებულნი მიაჩერდნენ.

მიხეილმა თვალები მოიქუქყენა და თავი გააქნია:

— ეს ოხერი, მომეჩვენა...

„ხედავთ მოეჩვენა, მიხეილსაც მოეჩვენა. ყველას შეიძლება მოეჩვენოს რაღაცა, ჩხვიმლიანს მოეჩვენა...“ — მხრებს იჩეჩავდნენ ამხანაგები.

— უნდა დაისვენო... სასწრაფოდ ჭამე და მიწეკი..... ახლავე მიწეკი. — ურჩია მას მიხომ — გადაილაღე...

ლამის ბინდ-ბუნდში ბიჭებმა მიასწორ-მოასწორეს იქაურობა. მალე კარავი მზად იყო. ყველანი შიგნით შეილალნენ. საძილე ტომრები გაშალეს, თითო ნაჭერი პური და ხორცი გადასანსლეს და წამოწუნენ. ვახშმის გამზადებას დრო უნდოდა, დრო და მოთმინება. მათ არც ერთი ჰყოფნიდათ და არც მეორე მშრალად წახიხმეს და წამოწუნენ.

ახლა ძილს არათფერი სჯობდა. ძილსა და მოსვენებას. მათს ხელმძღვანელს ეს ორი რამ ესაჭიროებოდა ამ წუთში ყველაზე მეტად. მიხეილმა კარგად უნდა გამოიძინოს, დაკარგული ძალ-ღონე აღიდგინოს, ნერვები დაიმშვიდოს, რათა მოჩვენებებისაგან განთავისუფლდეს...

და ამ დროს ყველას და მოულოდნელად კარავში ჩუმი ღიღინი გაისმა:

„ო, ლილე, ოო, ისევამი ღიღაბი ეო, ლილევა ჰა შიოდა, ჰიღი ეო ლილე ოო...“

მიხეილი მღეროდა, გამარჯვების სიმღერას ღიღინებდა. მათ თამამად შეეძლოთ ემღერათ დღის მნათობზე, ისინი ხომ მის საუფლოში იმყოფებოდნენ, ოქროსფერი მზის ქვეყანაში იყვნენ. სადაც იშვიათად თუ ამოაღწევდა ვინმე, და სადაც დააგუგუნეს ალბათ მნათობის სადიდებელი ჰიმნი „ლილეო“ მამაცმა წინაპრებმა. ისინიც სახელგანთქმულ მონადირეთა ნაბინავარში წამოწოლილიყვნენ. შესაძლოა სწორედ ამ ადგილას მიეშველა მეთხვიარ ბეთქილი მშობიარე დაღს, და იქნებ მისი გასამართლებაც აქ მოხდა, ამ კედელზე? აქ დაჰკიდეს იგი შეუთრეგებელმა ფერიებმა მთელი ქვეყნის დასანახად, როგორც ფიცის გამტეხი და მოლაღატე?

იქნებ აქ გააკრეს კლდეზე გაუმადლარი ჩორლა მარჯვენა ფეხითა და მარცხენა ხელით რქაბრტყელათა მფარველებმა და აქ გამოეცხადა მხსნელად წმინდა გიორგი?

„ოქვარაში სამკალი ჰო, ლილევა ია, შიოდა ჰიღიეო ლილე ჰოო...“

აპყენენ ჩხვიმლიანს ამხანაგები. ვაჟკაცთა ხმამ თანდთან იმძ-

ლაურა. გაშალა ფრთები, რხევა-რხევით გადაევიდა ქარაფებსა, ფირნოვან ველებს, ლომის ხეობის მთებსა და მწვერვალებს. მთელს ქვეყანას მოეფინა მათი ღალადისი მაღალ მნათობზე. დიდგულოვანთა ამაყთა, გუშაგთა, ზვიადთა, მტრისა ქვეყანასა შინა ვერ შემმართებელთა ხმამაღალი სიმღერა ლილისფერ სიმღლეებზე, ვარსკვლავებსა და მთვარეზე...

მერე რა რომ თავზე ჯერ დაუპყრობელი უშბა დასცქეროდათ, უშბა, რომელსაც მალე მამაცი ექვსეულის რკინებით მოქვილი ფეხსაცმელები აუწვავდა ფოლადისფერ ზურგს.

ათას მთას გარდასულ ოქროსფერ მნათობს მოუხმობდნენ ბიჭები გზის მანათობლად, მეგზურად და შემწედ...

## ბ ა მ ა რ ჯ ვ ი ბ ა

Спускаемся мы с покорённых вершин,  
Ну что же делать.  
И бог тоже спускался на землю.

მთასველთა სიმღერიდან

რვა საათია. ბექნუს დარიგებისამებრ გვალდირზე გამოვეშურე. ერთი გაფოფრილი მურყანის ბუჩქი მოვნახე და შიგ შეეძვეარი. აქიდან მიხდა ეუთვალთვალო მწვერვალს.

ნიშნის მოცემამდე საკმაო დროა დარჩენილი, მაგრამ მე გული არ მითმენს და თვალს არ ვაშორებ არიალებულ უშბას. იმის აღმოსავლეთ კედელზე თითქოს ადამიანები მელანდებიან, ისინი ქიანჭველებით მოჩანან კლდეს აკრულნი და მაღლა მიხობხავენ. წინ მიხეილი მიცოცავს, გზადაგზა პალოებს ასობს კედელში, ზედ თოკს გაუყრის და მერე. ქვევით, მოფუსფუსე ამხანაგებისაყენ დაუშვებს — აბა ამოაყვეითო. პირველი თოკს შალიკო ჩაეჭიდებოდა ან ჯოკია, მიხეილი (უმცროსი) ჯუმბერი ან გივი, მორიგეობით მეწინავეობდნენ ისინი, რათა თანაბრად დაღალულიყვნენ, ჯან-ლონე შემოენახათ გადააწყვეტი მომენტისათვის.

უტბად აეროპორტის გზა მანქანებით გაივსო. მანქანები სათიბებშიც შემოგრიალდნენ, ერთმა სატვირთომ ჩემი ბუჩქის წინ დაამუხრუჭა. მთელს მესტიას შეეტყო, ცხრა საათზე რომ იძლეოდნენ ბიჭები ნიშანს. ამდენი ზნის ღუმილის შემდეგ ყველას აინტერესებდა, რა ხდებოდა იქ, მაღლა, დალების სამფლობელოში. მავანთა და

მავანთა მსგავსად ხომ არ აუცურეს მათაც ფეხი ნადირთფერიებმა. როგორც ჰულიშის დღესასწაულზე, ისეთი ყაყან-ჩოჩქოლი სუფევდა ირგვლივ. მოსულიყვნენ ქალები, ბავშვები, ჭაღაროსნები, ახალგაზრდობა. ალბათ ჭერეთ არც ახსოვს მრისხანე უშბას ერთბაშად მოშტერებული ამდენი მოელვარე თვალი... იგი მედიდურად შემართულიყო ცის დასალიერში და მუქ ლაყვარდებში გასუდრული ვერცხლისფრად ქათქათებდა.

მერე ყველანი დუმილად იქცნენ, დანიშნულ დროს ცოტადა უკლდა და ახლა მთელი მესტია სუნთქვაშეკრული განაბულიყო სგუშის სათიბებში. კალიების წრიბინი და საკალმახე დელეს ჩუმი ბუტბუტილა არღვევდა გამაფებულ მდუმარებას. ჰაერში ახლად მოთიბული ბალახის ჟრუანტელის მომგვრელი სუნი ტრიალებდა, ცად ვარსკვლავები გამოსულიყვნენ თავიანთ სახუნდარებიდან და თითქოს დლეს აღმოაჩინესო ეს ქვეყანა გაოცების ნიშნად თვალებს აფახულებდნენ.

ათი წუთი იქნებოდა დარჩენილი სიგნალამდე. რომ ჩათინის ოაზზე ერთი თეთრი შუშხუნა აელვარდა. ჩათინზე ჩვენს ბიჭებს რა უნდოდათ, მაგრამ ხალხმა მაინც დაუკრა ტაში — მთამსვლელი, ვინც არ უნდა იყოს იგი, შენიანი თუ მთლად უცნობი ადამიანი პატივისცემისა და სიყვარულის ღირსია. იმიტომ რომ იგი მზისაყენ ისწრაფვის, და ვაჟკაცთა შორის უპირველესი რაინდია, უშიშარი, მგლისმუხლება რაინდია. ასე ფიქრობდა ეს ხალხი. ამიტომ ტაშის მქუხარება კარგა ხანს გაისმოდა ირგვლივ. ყველას მეტი იმედი მოეცა. ახლა იმაზე ბჭობდნენ, სადავდე იქნებოდნენ ასული მთამსვლელები, რომელ მონაკვეთზე არიალდებოდა თეთრი, მშვიდობის მახარობელი შუშხუნა, კედლის შუაწელში, ქვემო ნაწილში თუ იმ ადგილზე, სადაც იგი მწვერვალისწინა დამრეც თხემში გადადიოდა... ეს უკანასკნელი ვარიანტი ფრიალ საეჭვოდ მიაჩნდა ყველას, მთელი მარშრუტის გავლა ათ დღეში იყო დაგეგმილი, და ერთი კვირის თავზე მწვერვალისწინა თხემზე აღწევა წარმოუდგენელი იყო.

ცხრა იყო ზუსტად, წარმოუდგენელი რამ მოხდა. არც კედლის შუა წელიდან, არც მწვერვალისწინა თხემიდან, ზედ უშბის წვერზე დაენთო ოთხი მშვიდობიანი შუშხუნა.

არასოდეს დამავიწყდება ის ღრიალი და ტაშის ხმა, მესტიელებმა რომ ატეხეს. თადარიგაინებმა სახელდახელო სუფრაც კი გაშალეს მწვანე მოლზე, უცბად-უცბად გადაჰკრეს ბიჭების სადღეგრძელო,



მერე სიმღერა წამოიწყეს. სიმღერა მზებზე — ლილეო... ხვალინდელ მზეს უმღეროდნენ ისინი, ხვალინდელ დაკამინდს...

მერე მანქანებზე ავიდნენ და სიცილ-ხორხოცით ღამის ბინდ-ბუნდში გაუჩინარდნენ.

მეც გამოვედი ჩემი ბუჩქიდან და შინისაკენ გავუყევი. ნელა მივდიოდდი და იმ ბიჭებზე ვფიქრობდი. ისინი კი ამ დროს უშბაზე გადმომდგარიყვნენ და მე მიყურებდნენ. მათ რკინებით მოჭედილი ფეხსაცმელები ეცვათ და ზურგს უწეავდნენ მწვეკრვალს...

• •

„ეს საკვილის განა ბევრი უნდა,  
ერთი დამოქნარებაა...“

ს ვ ა ნ უ რ ი თ ქ მ ა .

სალამოსე; ოლი ბინდი წამოჰპარვია გამზირს.

ჭერ კიდეკ სძინავთ ნეონის ლიფლიფებს, ლამპიონებს, ნათურებს...  
ღვიძავს ქალაქს — ათასი წყვილი გამოსულა ქუჩაში. ლამაზად გამოწყვილან გოგოები, ბიჭები.

იციან და ხარხარებენ ისინი.

სერიოზული ბჭობა არ უხდება გამზირს.

ამალამდელი სალამო — მხიარულებისაა.

ამალამდელი სალამო დროსტარებისაა, სიცილ-ხარხარისაა...

ჩვენც მოვსეირნობთ გამზირზე. უხმოდ მივუყვებით ვერისაკენ. მიხეილს სპორტული კოსტუმი და დაკბილულ ლანჩებიანი ჩეხური „ბოტინკები“ აცვია. ტანსამოსელით იგი ყველასაგან გამოირჩევა, სიარულითაც გამოირჩევა სხვებისაგან, მსუბუქად, მოხდენილად მიაბიჯებს.

მე შეამაყება მის გვერდით სიარული, თვალს რომ გამოაყოლებენ ნაცნობ-უცნობები გული ამიჩქროლდება ხოლმე, შინაგან ალტკინებას ვებრძვი და ვმალავ. გულში კი ვფიქრობ ამვლეულ-ჩამვლეულს თითქოს ნიშნისმოგებით ვესაუბრები — „იცი, თქვენ ვინ არის ეს კაცი? „კლდის ვეფხვია“, კლდის ვეფხვი მოაბიჯებს რუსთაველზე...“

შემხვდურთა სალამზე მიხეილი ჩუმად, ძლივს გასაგონად პასუხობს, ოდნავ მიაბრუნებს იქით თავს და კვლავ გზას აგრძელებს. სიტყვაძუნწობა ამაშიც ეტყობა. ასეთი სიტყვაძუნწი კაცის მნახ-

ველი არა ვარ. მთელი საათობით შეუძლია ხმა არ ამოიღოს, და თუ ამოიღება ენა, მაშინაც ჩურჩულით გელაპარაკება, ძლივს გასაგონად გიმარცვლის სიტყვებს.

თითქოს მთათა ღუმილი გადასდებიო — მთათა ღუმილი და ფიქრი მღუმარე.

მე სულაც არ მედარდება ეს ამბავი. თუ ჰნებავს, ხმას ნუ ამოიღებს მთელი საღამო, ოღონდ ვიაროთ ასე მხარდამხარ, იღგეს ჩვენთა ნაბიჯთა ჩქამი ქალაქის ქუჩებში.

„უინ არის ეს კაცი, იციო, თქვენა?“ — თვალებით ვეკითხები გოგო-ბიჭებს, ისინი თითქოს ხვდებიანო ჩემს გულისნადებს, თითქოს ესმითო ფიქრის ხმა, აქეთ იხედებიან, ერთი-მეორეს უხსნიან რაღაცას, თვალს გვაყოლებენ.

„ალბათ იციან ვინც არი... შენც რა გააქირეე საქმე... ალბათ იციან...“ — მეცინება ჩემსავე თავზე.

— რამდენი ხალხია, არა? — ვეკითხები მიხეილს — უფრო სწორად ჩემს ფიქრს განვაცხადებ ხმამაღლა. — ახალგაზრდები, ახალგაზრდები... მოხუცები რა იქნენ?

— მოხუცები? თვალს კუთავს მიხეილი და რაღაცაზე ჩაფიქრდება — ახალგაზრდობიდან ბებრუხანობამდე დიდი გზაა — იმხელა, მწვერვალის მისადგომებიდან მის წვერამდე რომაა. მისადგომსა და წვერს შორის კი ქარაფები და უფსკრულებია. რომელთაც უნდა გადაახტეს მწვერვალთ დამპყრობი და შესიმაღლე. ყველა გადაახტება ქარაფებს? სამწუხაროდ — ვერა.

— ერთი ლექსი ვიცი. ამ თემაზეა სწორედ. „ომი“ ეწოდება.

— ჭერ მე გეტყვი. მეგობრებმა შეთბზეს და მე კი მომაწერეს. — მეუბნება მიხეილი.

„აქეთაც ქარაფებია.  
იქითაც ქარაფებია,  
ვიცოცხლებთ? — არაფერია!  
მოკვდებით? — არაფერია!“

— ჰო, როგორ მოგწონს? მართლა ასე რომ იყოს? მაშინ სიცოცხლეს რა ფასი ექნებოდა. შენი ლექსი რაღაზეა, სიკვდილ-სიცოცხლეზეა ისიც?

— გამზირის განწყობილებაა გადმოცემული, „ომი“ კი ჰქვია.

— გისმენ, ოღონდ მიეღვეთ საღმე. აი, სკვერთან, კუთხეში...

ბიჭები მოდიან,  
ხელებს იქნევენ და ხარხარებენ.  
მზე უკრთით თვალებში  
და სიყვარული —  
ვრცელი ველების,  
ცვრიანი მთების,  
ჩიშინ ქალთა.  
ბიჭები მოდიან გამზირზე  
და ქალებზე საუბრობენ.  
თბილის წყურვილით მოთენთილნი.  
მზერა ბაღესავეით გადაუშვიათ მორკეში —  
ნათოტა ან მურწა ამოჰყვეს ეგება,  
იქნება — ფიჩხელა წელმოქნილი  
და შესაძლოა — წინწყლება კალმახი;  
ალვისხესავეით მოსხდებილი.  
სხიეები თოკებად დაგრებილა, —  
იქიმებიან, იღელარქებიან,  
დაღარულან ფოსოები ღელვისაგან,  
ბიჭები, აუ რამდენი ბიჭები  
მოდიან გამზირზე...

ზოგსაც დაუხელოებია თავისი საყუარო  
აპურვიით გაუყრია ხელკაყი —  
ამალამ ერთად იქნებიან.  
აუ, რამდენი გოგოებია  
და ბიჭებიც!..  
გამზირს მირიადი საღამო ახსოვს.  
ასე მოდიოდნენ ყვილით,  
ასობით, ათასობით.

უყვარდათ მასლაათი, გართობა.  
თითქოს არაფერი აღარღებდათ,  
თითქოს არაფერი აწუხებდათ  
და უჭირდათ რა.  
ისე იცინოდნენ  
მთას ბღღვირს ადენდნენ  
კავის კუნთები ქქონდათ და კბილები.  
მათი ვივილი იღვა ყოველმხრივ...  
და ვისაც არ ჰკითხა გამზირმა —  
საით, რომელ მხარეს წავიდნენ ბიჭები  
ყურანანი, ცხვირანი, პირღუღღუბანი  
ვერავინ უქასუხა.  
აუ, რამდენმა ბიჭებმა,  
აუ, რამდენმა გოგოებმა  
ჩაიარეს  
ჩაიარეს,

ჩაიარეს...

და უკერს გამზარს,  
უკერდა უწინ,  
და უკერს დღესაც  
რომ ჩამოვლილი არასოდეს არ დაულანდაეს  
ათიოდეს კი მოხუცი ერთად...  
რა კეთილნი არიან მოხუცები,  
თოვლიანი მოხუცები,  
თბილი მოხუცები,  
საყუარული მოხუცები,  
ათობით მოხუცი,  
ასობით მოხუცი,  
პოპლიკიანი, მოჩიფიფენი —  
იმ ღინღლიანი ბიჭებივით ენატრება გამზირს.  
როგორ ენატრება,  
შაგრამ არასოდეს,  
არ დაულანდაეთ,  
ქუჩაში ჩამოვლილი  
ათიოდეს კი მოხუცი ერთად...

რომ დავამთავრე გავჩუმდი და მიხეილს შევატყერდი სახეში, აბა რას იტყვის-მეთქი. იგი რალაცაზე ჩაფიქრებულყო. დიდხანს ხმას არ იღებდა, მერე მითხრა:

— დამაფიქრებელი ლექსია. ესე იგი, ომი ნთქავს აღამიანებს, ახალგაზრდობა ველარ ასწრებს დაბერებას. ამიტომაც ცოტანი არიან პოპლიკიანი... აბა ლექსებისა რა გამეგება. არ ვიცი, იქნებ სწორედ ვერ გავიგე...

— არა კარგად გაიგე. სწორედ ეს მინდოდა მეთქვა — ომი ნთქავს აღამიანებს, უფრო სწორად ომები...

— ერთი ლექსი მახსოვს კიდევ. თეთრი მოხუცი, ბაბუა ანტონი იტყოდა ხოლმე:

ცხოვრება ერთი ხაპია,  
თომის სიმალე გრძელდება,  
მიწა ზღაპრული გალია,  
ფულდროვდება, ქველდება.  
ქერ ცალი ტერფი დაიწვეს,  
ბანდული პაკიკიანა,  
ვილაცა სახელს დაიწერს  
საბრძანებულოს კითხა.  
თუ მივენდეთ, დაგველექენ,  
ლობარებსა და ქობასა,

ეშმანი პირტიტველანი  
შეგვილახავენ ძმობასა.  
ადრე სჯობია ყოველი,  
ვიდრე გვეწვევა დარდი.  
იმქვეყნიურთა მსტოვართა  
ჩივრავს სტუმრობის ვარდა...

ეს მონადირის ნათქვამია. იმისი თვალითაა დანახული წუთი-სოფლის ოინბაზობის ამბავი. იცი, რა, ამ ბოლო დროს ეს ლექსი აკვირებული მაქვს ხოლმე. მიხოს სიკვდილის მერე ხშირად ვფიქრობ სიკვდილ-სიცოცხლეზე. სიზმრებიც დამჩემდა. ისედაც, თითქოს ცალი მხარი ჩამომაქრესო, თავს ობლადა ვგრძნობ — ერთი რამ ვერ გამიგია და ვერც ვერასოდეს გავიგებ ალბათ, მაინც როგორ გაიმეტა მამაზეციერმა ეს ხეთისნიერი ადამიანი ლოგინში სასიკვდილოდ? ამ დროს ყოველივე აზრს ჰქარგავს ჩემს თვალში, ყოველივე იღუმალების ბურუსში ეხვევა... მერე, გამოვერკევევი, თავს გავაქნევ, ხელს ჩავიქნევ უდარდელი კაცივით და ერთხანს კვლავ ძველის აღტყინებით მივყვები ცხოვრების მდინარეებს... მაგრამ ვგრძნობ, ხელშესახებად ვგრძნობ, უკვე ისე, კვლავინდებურად აღარ მახარებს მთები და ადამიანები... იქნებ ეს ჩემი სისუსტეა... იქნებ კი არა, ნამდვილად ჩემი სისუსტის ბრალია. თეთრი მოხუცი სისხლიან დროს შეესწრო — შურისძიებისა და სისხლის ალების ორომტრიალი რომ სუფევდა ლომის ხეობაში, ის ჟამი გამოიარა, რამდენი საშინელება ნახა საკუთარი თვალით, რამდენი რამ განიცადა, მაგრამ გული როდი აუტრუებია ცხოვრებაზე. წინანდებური გატაცებით უყვარდა საჯიხეები, მთები ადამიანები... იცი, რას მარიგებდა უკანასკნელ წუთებში? დალებს მიჰხედო! რა შემეძლო მე? რანაირად მივხმარებოდი მათა ფერიებს? ამაზე ბევრი მიფიქრია, მაგრამ დღესაც არ ვიცი, — რანაირად უმფარველოს ადამიანმა დალებს?

ჰო, იმისი თქმა მინდოდა — თეთრი მოხუცის ბაგეთაგან ღიმილი გაქრალა უკანასკნელ წუთებამდე. ოთხმოც წელს კი იყო გადაცილებული. როგორ, რანაირად შეინარჩუნა ეს სიმშვიდე და კეთილგანწყობილება გარესამყაროსადმი?

ჩვენმა საუბარმა სულ სხვა ხასიათი მიიღო. მიხეილის ნათქვამი მაოცებდა. „ნუთუ ამ კოდის კაცსაც აქვს თავისი სადარდებელი? და მის უშიშარ გულს ჰკენსლავს ხოლმე შიში და ჭოქმანი?“

ამ წუთში იგი ჩვეულებრივ მოკვდავად იქცა ჩემს თვალში. ჩვეულებრივ, მიწიერ ადამიანად, რომელიც ათას სხვასავით სასიეროდ

გამოსულიყო ქუჩაში. და აღარ ვიძახოდი უკვე გუნებაში — „თქვენ იცით, ვინ არის ეს კაცი? — „კლდის ვეფხვია“, კლდის ვეფხვი, მოსეირნობს გამზირზე. რანაირადღა იგი კლდის ვეფხვი თუ კი ასეთი ფიქრი უტრიალებს თავში? განა „კლდის ვეფხვობისათვის“ მარტოდენ მსუბუქად სიარული კმარა? სადარდებელი რომ ჰქონია გულში იმას რაღა ვუყოთ? ვეფხვს განა რაიმე აქვს სადარდებელი?“

მისეილი ერთხანს ჩერდება, ვიტრინას ათვალიერებს. სახეზე ვიტრინის სიღრმეიდან მოკიაფე ნათურის შუქი ადგას. მე მეუცნაურება მისი სახე — რამ გააფითრა აგრერიჯად? მეჩვენება, რომ იგი გაფითრებულია. და მიკვირს — რა... ასე უცაბედად რა მოხდა ასეთი? ვიტრინაში ჭიხვის ყანწები გამოფენილი. რუხი-ნაცრისფერი, ლამაზად დამუშავებული ყანწები. მათ ფასიც ადევთ. ოღონდ კარგად ვერ გააკრევეს კაცი ქალადზე ბატონფეხურით მიწერილ ციფრებს.

— რა, ძვირია? — ვეკითხები ყანწებს მიშტერებულ მიხეილს.

— იცი, წუხელ ერთგან წვეულებაში ვიყავი დაპატივებული, ყანწები რომ გამოიტანეს, ავდექი და წამოვედი. ყველას გაუკვირდა — სად მიგეჩქარებო, ვერაინ კი ვერ მიხვდა ადგომის ნამდვილ მიზეზს. აბა ვინ რას იფიქრებდა ყანწები რომ იყო ამაში დამნაშავე? იქნებ სისულელეა რასაც ვამბობ? არის წუთები, როცა თავადაც მეცინება ჩემს გულჩვილობაზე. მართლაც და რა შუაშია ყანწები? — იკითხავს კაცი...

შარშან ლეგემერიზე ავედი, თეთრი მოხუცი შემომჩიოდა ხოლმე — ასე დათხელდნენ ჭიხვთა არვენი, მალე ალბათ იმათი სახსენებელიც გაქრება ლომის ხეობაშიო. წამოვწექი ქედზე და ჰოგრიტით სალოკ კლდეებს გავხედე. სულმოუთქმელად ველოდი რქაბრტყელთა განოჩენას, მაგრამ ამოდ, უკვე მზე საცაა ჩაიწვერებოდა და თვალსაწიერზე ცოცხალი არსების მაგვარი კი არაფერი შემინიშნავს. ის იყო გულაცრუებული წამოდგომას ვაპირებდი, რომ ორნი გამოჩნდნენ. ერთი უფროსი იყო — ხარჭიხვისათვის დამახასიათებელი მომშვილდული რქებით, მეორე, — ფოთრი ორი-სამი თვისა თუ იქნებოდა. არ ვიცი, სად იყო დედაჭიხვი, შეიძლება მოკლა მონადირემ? ერთი რამ კი ცხადი იყო, ფოთრს ხარჭიხვი მფარველობდა მშობელი დედის მაგიერ. იგი თვალების ცეცებით მოჰკვალავდა ბილიკს და ალბად თავის ენაზე ანიშნებდა პატარას — მომყევი, ნუ გეშინიანო.

მაგრამ ამჟერად ანდემ უმტყუნა, ბებრუხანას. უცბად თოფმა იქუ-  
ხა მახლობელ სახუნდარიდან, ხარჯიხვი თვალისუსწრაფესად გადა-  
ეკადა ქარათზე და დაბლა, თეთრ მყინვარზე დაეხეთქა ტყვიანაკრა-  
ვი, მაგრამ უარესი შემდეგ მოხდა — დაფეთებული, მარტოდშთენილი  
ფოთრი აქეთ-იქით მიაწყდა, მშობლებისაგან მიტოვებული ბავშვი-  
ვით მიედ-მოედო ღობე-ყორეს, ერთგან კლდის ნაპრალში შერგო  
თავი. ალბათ შიგ გაძრომა თუ გადაწყვიტა და გაიქვედა კიდევ. ვერც  
იქით გადიოდა, ვერც თავი დაეძვრინა, ფეხებს კი იქნევდა და ასხ-  
მარტალებდა, რანაირად არ იშველიებდა, მაგრამ არაფერი კი არ გამოს-  
დიოდა. ბოლოს დაიძალა და ჩვარივით ჩამოეკიდა საკუთარ თავზე.

იცი, რა გულისდამწველი იყო იმ საცოდნობის ცქერა? უცბად  
გველნაკბენივით წამოვეარდი და კბილების ღრქიალით დავეში დაბ-  
ლა. რეტდასხმულივით გავრბოდი, უნდა მიმესწრო ცოცხლისათვის.  
მიმესწრო და მეშველა. ექვსი კილომეტრი მაინც იქნებოდა სალოკ  
კლდეებამდე ლეგემერის ბეჭიდან, მაგრამ სიშორეზე წუთითაც არ  
მიფიქრია, თვალწინ ფეხმოსხმარტალე ფოთრი მედვა და იმის მისა-  
შველებლად გავრბოდი.

სულზე კი მივეუსწარი. თავით კლდის ნაპრალში ჩაჭედილი სულს  
ლაფავდა, კისრის ძარღვებში სისხლი შესდებებოდა, ნელ-ნელა  
კვებოდა, იხრჩობოდა. სასწრაფოდ ჩამოვხსენი, გულ-მკერდი და-  
ვუზილე, მივეფერ-მოვეფერე, წყალი მოვასხურე... ცოტა ხნის შემ-  
დეგ მოიხედა, ერთხანს უაზროდ შემომცქეროდა, მერე გონს რომ  
მოეგო, ერთი ძალუმად შეფართხალდა, ელდანაცემივით ისკუპა და  
ანგარიშმიუცემლად გადაეშვა ნაპრალებში, ერთი სიტყვით, უკან  
გასდია თავის მშობელს... „უკან გასდია“, მე მაშინ ტიანშანი გამახ-  
სენდა, ადამიანებისათვის დამახასიათებელი რამ ნადირთათვისაც საც-  
ნაური ყოფილა.

ტიანშანში ჭუმბერმა გასდია უკან თეიმურაზს, გესმის, რამხელა  
ამბავია, უკან რომ გასდიო ვინმეს მოუსაველეთში? აქ ერთი ბეწო  
ფოთრმა გასდია თავის მფარველს უფსკრულში...

შენ გგონია აქ დამთავრდა ყველაფერი? ტყვილა ფიქრობ, ახლა  
იწყება. რისი თქმაც მსურდა. ყველაზე საშინელი და უარესი ახ-  
ლა იწყება. ჰო და რა გუნებაზე ვიქნებოდი იმ წუთას? მაგრამ შინ  
ხომ უნდა დავბრუნებულიყავი, აუცილებლად უნდა დავბრუნებული-  
ყავი, ჰო და მყინვარზე რომ დავეშვი, ის ხარჯიხვი მანდ დამხვდა,  
მონადირის ტყვიამ რომ გადმოაფრინა ქარაფებიდან. იწვა სისხლის

ტბორში, გამიკვირდა: მონადირემ მოკლა და რალაზე მიატოვა-მეთქი, მიატოვა კი ეს იქიდან ჩანდა, რომ ერთი ჩიჩქიც კი არა აყლდა, მთლიანი იყო, თეთრ თოვლზე ლაქად გაღვრილ სისხლიან ტბორში გაშხლართულიყო. მხოლოდ რქები მოეჩეხათ მისთვის. რქათა ძირებში ნათლად აჩნდა წალდის ნაჭდევები. ღმერთო ჩემო, ეს რა დღეს შევესწარი, ჭერ ერთი, მერე მეორე, ახლა კი მესამე უსიამოვნება — მონადირეს რქები მოეჩეხა და წასულიყო. აი, მისი ნაკვალევიც, ჩორლას ნაკვალევი ბოლომდე ჩასდევდა მყინვარს და ცაიდერის ქვალორლებში იკარგებოდა.

ეს იყო ყველაზე გულისდამწველი: რქების გულისთვის რამხელა უბედურება დაატრიალა ადამიანმა მთაში. მერედა რას წარმოადგენს ეს რქები? ნუთუ სასმელი ვერ დაიღვევა უყანწოდ? სხვა რალას წარმოადგენენ ისინი? ძველადაც კლავდნენ რქაბრტყელებს, თეთრი მოხუციც თოფავდა მათ, მაგრამ არა რქებისათვის, არამედ ჯალაბისათვის! თეთრი მოხუცი ერთ გზობაზე ერთს, ან დიდი-დიდი, ორ ჭიბვ-არჩეს თუ დათოფავდა, წესი იყო ასეთი, მეტის ზოცვა ეკრძალებოდა ყველას. ეს კი მოკლავდა რამდენსაც მოიხელთებდა, მოკლავდა, რქებს მოჩეხავდა და ძვალ-ხორცს ყვავებს დაუჩეხნდა საჯიჯგნად.

ჩორლასავით გაუმაძლარი იყო იგი აკი ამბობდა თეთრი მოხუცი — „ჩორლასფერანი მომრავლდნენ, მათ მონადირული წესკანონები მოშალეს, წაბილწეს მათა ადათები, და თუ არავინ მიხედა ამ საქმეს, ეს მთები და მყინვარები ყოველთა სულიერთაგან დაცალიერდებიან, ხოლო თმაშეთხელებული, შეცივებული დალები თოვლის ლოლუებად გადაიქცევიან“.

გამოდის რომ ჩორლასფერანი იყვნენ და დღესაც არიან. ოღონდ დღეს ერთობ მომრავლდნენ ისინი. დრო გადის, ისინი კი მრავლდებიან და მრავლდებიან. მალე ყველაფერი წახდება, წაიბილწება...

— იქნებ აი ეს ყანწები იმ ხარჯიხვისაა სულაც? ესენი თუ არა, წუხელის რომ გამოიტანეს სუფრაზე, ისინი იქნება. მილიონი ყანწია ამ ქვეყანაზე, გაარკვიე ახლა, რომელია იმის რქებისგან გამოთლილი, მაგრამ ამას რა მნიშვნელობა აქვს? ყველა ისინი ჩორლას ნამაჯარია, ჩორლას მოჩეხილი უწყინარ ნადირთა თავთაგან. ვიღაც კეთილისმყოფელის საამებლად და საპატივცემულოდ ჩამოტანილი ქალაქში. ყველა ისინი ჩორლასფერათა ჩამოზიდულია სვანეთის კავკასიონიდან, ყარაჩაიდან, ბალყარეთსა და დაღესტნიდან. და საიდან არა, აბა, სად არ მიუწვდება ხელი ჩორლას? ტიანშანში ილიკოს ჩამო-



სასვენებლად რომ ვიყავით, მაშინაც ცილაობდნენ ვილაც-ვილაცები ჩიხვისა და არხარის საყანწეებს, ჰპარავდნენ კიდევ ერთმანეთს.<sup>1</sup> ჰო, იყო ასეთი ამბავიც... აბა მითხარი, ყოველივე ამის მერე გული არ შე- გიღონდება ადამიანს გაპრიალებული რქების დანახვაზე? გულზე ხელი დაიდრე და მითხარი, კარგი გასაძლები იქნება იმათი ყურება?

ყველას ხომ ვერ აუხსნი ამ ამბავს. ზოგს სასაცილოდ მოეჩვენება ყოველივე, გულში ჩაიჭირებულს — „ე, მიშა, მინდიასფერად დაგ- ჩვილებია გული, მაგრამ ერთი რამ კი გავიწყდება — შენ კლდის კა- ცი ხარ და მასეთები აღარ შეგშვეენის...“

შესაძლოა შენთვისაც გაუგებარია ჩემი ნათქვამი? — მიხეილმა ერთი გამომტდელად გადმოხედა, თითქოს სურდა სახეზე ამოეკითხა ჩემი ფიქრები, ეტრინას მოშორდა და ქუჩას გაუყვა.

ერთხანს უხმოდ მივაბიჯებდით, მე ამ უცნაურ კაცზე ვფიქრობ- დი. მართლაც ვინ იყო იგი, კლდის ვეფხვი თუ ვინმე გულჩვილი, გულსუსტი ადამიანი? როგორ თავსდებოდა მის არსებაში ეს ორი საპირისპირო გრძნობა — ვეფხვობა და გულჩვილობა? ეს ყოვე- ლად წარმოუდგენლად მიმაჩნდა, მიმაჩნდა და მიმაჩნია დღესაც.

ამ წუთში კვლავ ამაღლდა იგი ჩემს თვალში და ისევე დამეუფლა სიამაყის გრძნობა, მაგრამ ამჯერად იგი მომდინარეობდა არა მისი ცისიერობიდან, არამედ — კაიკაცობიდან, ადამიანობიდან, მიწიე- რობიდან.

„თქვენ იცით ვინ არის ეს კაცი? მინდია... მინდიასფერია, გაცხა- დებული მინდია...“ ნიშნს ვუბებდი გამელელ-გამომვლელთ.

— იცი, რა გადაეწყვიტე? — მომმართა მერე მიხეილმა — აი, იტა- ლიიდან რომ დავბრუნდები, ჩავალ სევანეთში და როგორც ძველად იცოდნენ უბედურების ეამს, საწყურით შეეყრი ლომის ხეობას, ყვე- ლას მოვიხმარიებ, ყველას, ვინც კი კაცია და გული შესტკივა იქაუ- რობაზე, სეტში ჩგურაგის ეზოში შეეყრი ყოველთა და ხატზე და- ვაფიცებ გაიხსენონ ძველებური სიყვარული ყოველთა სულიერთად- ში, შინაურთა და გარეულთადმი, სიყვარული და გაფრთხილება... გაი- ხსენონ შეცივებული ნადირთ ქალღმერთები, რომელთაც იმდენი თმა

<sup>1</sup> 1966 წელს მხეილი თავისი ჩგუფით კვლავ ეწვია ტიანშანს. ამჯერად მას გადაწყვეტილი ჰქონდა აღმოსავლეთის მწვერვალიდან მოეზინა გამარჯვების პიკის ტრავერსირება, დასავლეთ მწვერვალზე დაშვებისას მოენახა ილიკო გაბლიანის ცხე- დარი და ჩამოესვენებინა საქართველოში, მაგრამ მოლაშქრეებს არც ამჯერად გა- ეძლიათ ბედმა; საიერიშოდ მზადების პერიოდში მოსკოველ მთამსვლელებს უბე- დურება შეემთხვებო, სამაშველო სამუშაოებმა, რომელშიაც აქტიური მონაწილეობა მიიღო მიხეილმა, უამრავი დრო წაიღო. ამასობაში ამინდები გაუუქდა. ჩამოიტანა თოვლი, მომენტის დაიკარგა და ჩგუფი იძულებული გახდა უკან გამობრუნებულიყო.

სცვივით თავთაგან, რამდენი ჭიხვიც აკლდება თაბუნს, გაიხსენონ მათა ძველთაძველი წესი: „არ მოკლა ორზე მეტი, არ მოკლა დედაჯიბვი, არ გაატყვინო კუთხვა გიორგობამდე...“ — რა ვიცი, ეს იქნება ალბათ აღსრულება თეთრი მოხუცის ანდერძისა — „დალები შენ გლოდებიან, შენს შეწევნას ელოდებიანო...“

მეტი რა ძალმიძს თორემ პო...

და ვეტყვი კიდევ:

— ხოლო წინწანაჭარის მისართმევად მურყინიდან გამოვჩორკნოთ კათხები, ძველი, მამა-პაპური კათხები. ამისათვის სულ ცოტა რამეა საჭირო — ერთი ეჩო და ერთიც ხელეჩო, და ხელის გაქნევა და გამოქნევა...

მეტი რა ძალმიძს თორემ პო...

აი, რომ დავბრუნდები იტალიიდან, ასე გავაკეთებ...

## იტალია: უკანასკნელი ნახტომი

სვანეთში უფროსი თაობის მთამსვლელებზე ამბობდნენ: ესენი, ფეხშეუდგამ სიმაღლეებს რომ ეტანებოან, ცხრათვალა მზისკენ ივალავენ გზას, მზისკენ, რომელსაც ყველასათვის ბედნიერება მოაქვს. ისინი ბედნიერებას ეძებენ და სიკვდილს ებრძვიან, ებრძვიან და ამარცხებენ კიდევც...

ხოლო როცა ვინმეს უბედურება წამოეწეოდა მთაში, იმაზე ამბობდნენ — იგი წმიდა, ლამაზი სიკვდილით მოკვდაო...

ამიტომ იყო ალბათ, ასე რომ იზიდავდა აქაურ კაცს შთების სოლამაზე და სილიადე. იგი დღენიადგ კიდილსა და პაექრობაში იყო მთებთან...

• •

ავტობუსის გასვლამდე მთელი საათი მრჩებოდა. გადავწყვიტე მესარგებლა შემთხვევით და მიხეილისათვის გამეველო ალპიურ კლუბში. იგი ამ დღეებში იტალიაში მიემგზავრებოდა და შესაძლებელია მივლინებიდან ვეღარც კი ჩამომესწრო მისთვის თბილისში. ალპიურ კლუბში მთამსვლელებს მოეყარათ თავი. აქ იყვნენ მიხეილის კოლეგები, მისი ამხანაგ-მეგობრები — თამაზ ბაქანიძე, რომა გიუტაშვილი, ჯულვერ რუსიშვილი, ოთარ ხაზარაძე, აგი აბაშიძე და სხვები. ისი-

ნი საუბრობდნენ მიხეილის, და არა ძარტო მიხეილის, ჩვენი მთა-  
მსვლელების იტალიაში გამგზავრების შესახებ. ჩემს მისვლაზე მი-  
ხეილმა ამხანაგებთან ბოდში მოიხადა და გარეთ გამოვიდა. იგი მოწ-  
ყენილი და დაღლილი გამოიყურებოდა, წვერგაუპარსავი იყო და სა-  
ხის ნაიაჩევეზე წამოზრდილი ქალარა ქარმაგი კაცის იერს აძლევდა.

— მივლინებაში მივდივარ — ვუთხარი მიხეილს და სამგზავრო  
ჩანთა დავანახე, რითაც ვანიშნე, სახლიდან გამოსული და აბარებუ-  
ლი ვარ-მეთქი.

— გამოსამშვიდობებლად მოხვედი?

— ასე გამოდის.

— შოდი, სადგურისაკენ გავუყვით. თან ვისაუბრეთ.

— გავცვალოთ როლები?

— ნისიად გაგაცილებ... — გაიღიმა მიხეილმა.

— როდისთვის აბარებთ?

— კვირის თავზე მოსკოვში უნდა ვიყო. 25 ივნისს დედაქალაქი-  
დან გავფრინდებით ალბათ. ჭერ არ ვიცი, რა იქნება...

— იცი რა, გაცილება რა აუცილებელია. ჩამოვჭდეთ აქ სადმე,  
მაინც ცოტა დრო მაქვს...

— მე მოკლე გზა ვიცი. უფრო სწორად ბილიკი. აი, პარკის ბო-  
ლოში გავალთ და იქიდან პირდაპირ დავეშვებით სანაპიროზე, ავ-  
ტობუსების სადგურში...

— მთამსვლელები უბილიკებოდ აქაც ველარა ძლებთ, არა?

— ბილიკი ტურისტების საქმეა, ჩვენი — არა. მთამსვლელები  
წავარნების ხალხია.

— ნადირთა ბილიკების?..

— ასე გამოდის. ბავშვობაში ძალიან მომწონდა ტურისტები. იმა-  
თი სამწყობრო სიარულისათვის საათობით მიყურებია. თითქოს წე-  
როთა გუნდიაო, ისე ჩამწყრივებულნი მოჰყვებოდნენ ჩრდილოეთი-  
დან გადმოსულნი ცაიდერის გზას... რაც მართალია, მართალია —  
ტურისტებზე პატარობისას ჭკუას ვკარგავდი.

— შერე?

— შერე — არაფერი! იგი ერთი საფეხურია, მთამსვლელობა უმ-  
რავლესობისათვის ტურისტით იწყება. მთიელისათვის ტურისტობანა  
რისი მაქნისია... იგი ხომ სინამდვილეში ათგზის ტურისტია. მერე  
რა რომ პირველი საფეხურის სამკერდე ნიშნებს არ ურიგებენ... მაგ-  
რამ ქარხნის მუშებისათვის, სტუდენტობისათვის და საერთოდ ბარის

ხალხისათვის მისწრაფებაა, იცოცხლე, შესანიშნავი გართობაა და არა მარტო გართობა...

ჩვენ ბილიკზე გავედით. იგი პარკიდან ფლატეს ჩასდევდა. საინტერესო ბილიკი იყო, მკვრივად გატყეპნილი. მიხეილი წინ მიდიოდა, მე მასთან ერთად ხომ მევლო მთაში, მაგრამ მაინც ცხოველის ინტერესით შევეტყუროდი, როგორ ეშვებოდა თავდაღმართზე. ხომ შეეძლო, დიდი ნაბიჯებით ჩაპყლოდა, მაგრამ — არა მოკლე — მოკლეს დგამდა, თითქოს დიდი სიმძიმე რამ აწევსო, მუხლებსა ხრიდა, რათა ფეხზე ნაკლები დაწოლა ყოფილიყო მთამსვლური ჩვევები სისხლ-ხორცში გასჯდომოდა, ამ ქალაქურ ბილიკზეც კი არ ღალატობდა მათ.

მერე და რა მსუბუქად, უხმაუროდ, ეშვებოდა. ვისაც მიხეილის მეტეხის ციხიდან მტკვარზე „დულფერით“ დაშვება არ უნახავს, ის ალბათ ვერც გაიგებს და ვერც წარმოიდგენს ყოველივე ამას.

— იცი რა, იმ ღამეს რომ ლექსი მითხარი, ომზე რომ იყო — შუბლი მოიჭავა მიხეილმა, ბილიკზე თავი შეიმაგრა და დამელოდა — მე ვიფიქრე, და მომეჩვენა რომ რაღაც შეეცდომაა გააზრებაში... რა ვიცი, იქნება ვცდები...

მართალი გითხრათ, მეუცნაურა მისგან ლექსის გახსენება. იმ საღამოს მეტად ლექსებზე არც არასოდეს გვისაუბრია მე და მიხეილს, მას სხვა გატაცებანი ჰქონდა და ლექსებისათვის არც ეცალა. მაგრამ იქნებ ქვეშეცნეულად ახლობელიც იყო მისთვის პოეზია და ეს ამბავი თვითონაც არ იცოდა? მთამსვლელობა და პოეზია ხომ ასე ენათესავებიან ერთმანეთს.

— მაინც რა გაქვს მხედველობაში? — ვკითხე მიხეილს.

— მანდ შენ ამბობ, რომ ომი შთანთქავს ადამიანებს და ამიტომ ხნიერთა ასაკს ცოტანილა აღწევნო. მაგრამ მხოლოდღა ომი? ჩვენი ყოველდღიურობა, ბუნებაში არსებული უსამართლობა?..

„ქვლავ მიხობზე ლაპარაკობს. ვერაფრით ვერ მოუნელებია მისი სიკვდილი — გამკრა უეცრად გუნებაში — მისი ასეთი ფიქრო მიხოდან მოდის, მიხოდან და სხვა ამხანაგებიდან... ახლა იტყვის...“

— აი მიხო, და არა მარტო მიხო, სხვებაც — ილიკო, ჭუმბერი და თემო, და არა მარტო ესენი, კიდევ მრავალი სხვა, განა იმ ბრძოლაში დაიღუპნენ? — მიხეილი აწყლიანებულს თვალებით შემომცქეროდა და პასუხს ელოდა ჩემგან.

მაგრამ აბა რა უნდა მეპასუხა? დავუშვათ მე „ომი“ ფართო გაგებით მესმოდა, და იგი გულისხმობდა არა მარტო იარაღით ბრძო-

ლას, არამედ ადამიანთა ყოველდღიურ სწრაფვას უკეთესი მერმისი-საყენ, უსამართლობის წინააღმდეგ, საგმირო საქმეებისათვის თავ-დადებას, მაგრამ დავუშვათ რომ „ომი“ მისი პირველი და ვიწრო გაგებით ვუწოდებ ლექსს და მიხეილი მართალი იყო, მაინც არაფერი იცვლებოდა ამით. ამ შემთხვევაში ეს ნაკლებად მადარდებდა. მე ჰეუტუნურებოდა სულ სხვა ამბავი, აი, მაგალითად ის, რომ იგი წვერ-გაუპარსავი იყო, ნაღვლიანი და მოწყენილი გამოიყურებოდა, და ჯვლავინდებურად სიკვდილ-სიცოცხლეზე ფიქრობდა, მიხობზე და სხვა უღღურ ამხანაგებზე ფიქრობდა. ამ ბოლო დროს იგი, ეტყობა. დიდ დროს უთმობდა ამ არასასიამოვნო, ნაპრალეზე მოარულ ადა-მიანისათვის შეუფერებელ და დამღუპველ ფიქრს. ეს ამბავი მაკ-ვირვებდა და მაშფოთებდა.

— ჰო, დიდი სადარდებელი კი გაგიჩინე, არა? ეს ოხერი, რა დროს ამებზე ფიქრია, დასწყევლოს ეშმაკმა... აი შენი წასვლის დრომაც მოაღწია ალბათ... — ხელი ჩამკიდა მიხეილმა.

ჩვენ გადავკოცნეთ ერთმანეთი და ასე უხმოდ დაქშორდით. თუმცა არა, მიხეილმა უკნიდან მომამახა:

— ერთი გაცილება შენზეა, იცოდე... — ხელი დამიქნია და უკან გაბრუნდა ალპიური კლუბისაკენ.

ფიქრებიდან მაშინღა გამოვერკვიე, ჩვენი ავტობუსი თითქმის სამ-საათიანი მგზავრობის მერე რაიონულ სადგურზე რომ გაჩერდა. თავი გავაქნიე — აუ, რა შეუშინებლად გასულიყო დრო. დრო, რომელიც წაიღო ავბედითი ფიქრებისა თუ მოჩვენებათა უსიამო წინათგრძნობათა უარყოფამ.

და საუბედუროდ და სავალალოდ ჩემდა, ეს იყო უკანასკნელი საუბარი მიშასთან. და ვაი, რომ ველარ მოვიხადე მის წინაშე ჩემი გარდასახდელი ვალი — მომავალ მგზავრობასა და ექსპედიციებში გაცილებისა.

თუმცა გაცილება ის იყო, ჩვენ რომ გავაცილეთ მიხეილი.

მარადისობასა და უკუნში...

ყველაფერი კი ასე დაიწყო:

• •

• 25. ივნისი. 1969 წ.

იტალია. ხიმიდჩინოს აეროპორტი.

თვითმფრინავი რბილად დაეშვა ბილიკზე.

თბილად გვხვდებიან ჩვენი საელჩოს წარმომადგენლები. მალე კი რომისაკენ მიეყვებით საბჭოთა სპორტსმენები. — წერს თავის იტალიურ ლიურში მიხეილი — მოსკოვის შერემეტიევოს აეროპორტიდან 10 საათზე გამოფრინდით. ოდნავ დაღლილები ვართ. სადილის შემდეგ დასვენებას არაფერი გვერჩივნა, მაგრამ იტალია-საბჭოთა კავშირის მეგობრობის საზოგადოებიდან მოვიდა მისი წარმომადგენელი — ლამაზი ქალი. შემოგვთავაზა ქალაქში გასეირნება. უარი ვედარ ეუთხარით. დავათვალეირეთ მცირე ნაწილი“.

მეორე დღეს დილიდანვე შეუდგა მიხეილი რომის დათვალეირებას. იგი ტკებოდა მსოფლიოს ამ უძველესი და უმშვენიერესი ქალაქის სასახლეების, მონასტერთა და ისტორიულ ძეგლთა ხილვით.

იტალიის ფირუზისფერი ცა, შორს, ცისკიდურზე თეთრ ცისარტყელასავით გადაკიმული თოვლიანი მთები საქართველოს აგონებდა მიშას. სვანეთის გულზნეიადები, მაჩვიბები და მურყვამ-კოშკები ედგა თვალწინ. ამ დროს გულზე სევდა შემოაწვებოდა ხოლმე, სევდა შორს დარჩენილ სამშობლოზე. თმაშევერცხლილი მამა ბესარიონი გაახსენდებოდა — „ნეტავ რას აკეთებს ჩემი მოხუცი ახლა, ამ წუთში, რას საქმიანობს, რაზე ჩაფიქრებულა?“ — გაიფიქრებდა და ნაღვლიანად გაუღიმებდა მეხსიერების ლაბირინთიდან ამოტივტივებულ მამის მუდარითა და სიყვარულით აღსავსე თვალებს.

26. ივნისი. 1969 წ.

დილიდანვე ვათვალეირებდით ქალაქ რომს. ვიყავით საუკეთესო მონასტრებში. შთაბეჭდილებები თავში ველარ მეტევა... საღამოს თერთმეტ საათზე კი გამოვეთხოვეთ იტალიის დედაქალაქს და მატარებლით მილანში გავემგზავრეთ. ისევ შეხვედრები. მოვიდნენ იტალია-საბჭოთა კავშირის საზოგადოების წევრები, იტალიელი თარჯიმანი...“

ორ დღეს იყო მიხეილი მეგობრებთან ერთად მილანში. 28 ივნისს კი რიფუჯოს ხივინისაკენ აიღეს გეზი. უკვე სულ ახლოს მოჩანდა იტალიის დოლომიტები — მთამსვლელთა საასპარეზო მთები. სწორედ აქ, ამ მწვერვალებზე უნდა უჩვენონ მიშამ და მისმა ამხანაგებმა მთამსვლელობის საბჭოური კლასი მსოფლიოს უძლიერეს ალპინისტებს, რომლებიც მალე აქ მოიყრიან თავს. ვინ მოიპოვებს უძლიერესის საპატიო ტიტულს?

28 ივნისი.

„მოვდივართ რიფუჯოს ხივინაში. გზაზე სოფლები გვხვდება. ძალიან მოშწონს აჭაურობა, ასე მგონია, თითქოს სვანეთში ვარ, ბორცვაკები, ბალახი, ნაკადულები, მთები და ცა, ყველაფერი სეა-

ნეთს მაგონებს. აქაურ მთიელებს არ შეგხვედრივარ, მაგრამ ალბათ ისინიც ჩემს ქართველებს ემსგავსებიან... საღამოს უკვე ადგილზე ვართ. ძალიან სტუმართმოყვრულად, გულთბილად შეგვხვდნენ“.

29 ივნისი.

„საუზმის შემდეგ მწვერვალთა დასათვალიერებლად გავეშურეთ. მწვერვლებს დიდი სიმაღლე არა აქვთ, მაგრამ კედელთა მასიურობით გამოირჩევიან. ზოგიერთის სიგრძე 1100 მეტრს აღწევს.

საღამოს კრება ჩატარდა. სპორტულ დარგში უფროსად მე ამირჩიეს. დავადგინეთ ჩვენი ხვალისდელი მარშრუტები. მე და ჩემი მეწყვილე — სლავა ონიშჩენკო, მივდივართ მეექვსე კატეგორიის იგორის ტრასაზე. ვენეციის მწვერვალი, რომელზეც კოსმაჩოვი (ალმატელი ინჟინერი, ჩემი ყოფილი მეტოქე კლდზე ცოცვაში) კაუნენკო და რომანოვი მიდიან, მეოთხე კატეგორიისაა“.

30 ივნისი.

„წარმტაცი დილა გაუთენდათ ამ დღეს დოლომიტებს. მუქი-ლურჯი ცა ლილისფრად აფერადებდა მთებს და მწვერვალებს. თბილმა, დიდებულმა მზემ ოქროსფრად აახასხასა ტყეები, მინდვრები. მწვერვლები წარბშეუხრელად დგანან, ელოდებიან უცხოელ მოასპარეზეებს, რომლებიც უკვე მოეშურებიან მათ დასაპყრობად.

მე და ონიშჩენკო დილის შვიდ საათზე გავდივართ ხიენინიდან. რვა საათზე უკვე ტრასაზე ვართ. სამი საათის შემდეგ კი მწვერვალზე... წინ მივდიოდი მე, ძალიან ჩქარა ვიარეთ. ასეთ დროში ჯერ არავის გაუვლია იგორის ტრასა. ეს პირველი ასვლაა საბჭოთა მთამსვლელებისა იტალიის დოლომიტებში და იგი ბრწყინვალედ ჩატარდა! ვნახოთ შემდეგში რა იქნება...“

ამ ძუნწი დღიურის ბწყარებს შორის შეიძლება ამოიკითხოს კაც-მა:

ურთულესი იგორის კედლის დაძლევა ბევრი მთამსვლელისათვის ოცნებად ქცეულა. მიხეილისა და ონიშჩენკოს წყვილი მას სამ საათში გადის, რაც იმაზე მეტყველებს, რომ საბჭოთა ალპინისტური სკოლა ერთ-ერთი უძლიერესია.

უკან დაბრუნებულ მიშას და ონიშჩენკოს აღტაცებით ართმევენ ხელს მსაჯები, მაყურებლები, მონაწილეები და ცნობისმოყვარეობით ათვალიერებენ ამ შავგვრემან, საშუალო ტანის ახალგაზრდას, სევდიანი, თაფლისფერი თვალებიდან მყინვარისეული შუქი რომ გამოჰქრათის.

მეორე დღეს მიხეილი და სლავა ისვენებენ. არმანდო გვერდიდან არ შორდება მიხეილს. ამ მოკლე დროში ისე შეეჩვია, წუთით არ უნდა მიატოვოს, არმანდო იტალიელი გილია, მრავალი რთული მთამსვლური მარშრუტების აღმომჩენელი.

— იცით რა, ხვალ ბანკონგზე გირჩევთ ასვლას, ერთ-ერთი ურთულესი მწვერვალია, შეექვსე კატეგორიის სიძნელისა. მის გავლას ჩვეულებრივ რვა-ცხრა საათს ანდომებენ... — ურჩია არმანდომ მიშას.

— იყოს ბანკონგი თქვენს სახელზე... — მეგობრულად გაუღიმა იტალიელ მასპინძელს მიხეილმა.

## საში ბაბრიელი

2 ივლისი.

„დილას, შვიდ საათსა და ოც წუთზე უკვე გზას ვადექით. ბანკონგის კლდის ვერტიკალი ექვსასი მეტრია. ძალიან რთული დასადლევი ჩანს. ჩვენ საგულდაგულოდ დაუზვერეთ კედელი, მოვხაზეთ სავარაუდო მარშრუტი და შევუდექით იერიშს. საკმაოდ ჩქარი ტემპი გვაქვს აღებული და არ გვინდა იგი შევანელოთ. კედელი მართლაც საინტერესო აღმოჩნდა და ალბათ ამიტომ დაღლილობა არ გვიგრძენია მაინცდამაინც. ხუთი საათისა და ოცდაათი წუთის მერე ბანკონგზე ვიყავით. მწვერვალიდან ვტკბებოდით იტალიური პეიზაჟის ცქერით

ჩვენი დრო საუკეთესოა.

ქვემოდან გვითვალთვალეზდნენ ანუფრიკოვი და არმანდო... მასპინძელმა იმ საღამოს საუკეთესო მთამსვლელებად დაგვასახელა. კოსმაჩოვმა და რომანოვმა დაიპყრეს ვენეციის მწვერვალი.

საღამოს ოთხ საათზე არმანდომ და მისმა ქალიშვილებმა წაგვიყვანეს სოფელ აგორდაში. აქ ჩვენ ვუჩვენეთ ფილმი, რომელიც 1962 წელსაა გადაღებული სტალინის პიკზე (ამ ასვლაში მეც ვმონაწილეობდი).

სოფელმა აგორდამ დიდი შთაბეჭდილება დატოვა ჩემზე. ასე მგონია სევანეთში ვარ. თიბვია გახურებული. თივას აბულულუნენ და კრელ-კრულა ტანსაცმლიანი ქალები შინ ეზიდებიან. სულ ისეა, როგორც ჩვენთან. თივას აქაც სახლის ზედა სართულზე ინახავენ — დარბაზში. საქონლის სადგომი კი ქვედა სართულზეა. თივას, ისევე



როგორც ჩვენთან, მიუვალი ადგილებიდან ეზიდებიან ხოლმე ზურგით, აქაც ზურგით მოჰქონდათ. ფოცხიც ისეთივეა, როგორიც ჩვენბური „ლუშდიქი“. საზღვარგარეთის ბევრ ქვეყანაში გყოფილვარ, მაგრამ მსგავსი მშობლიური განცდა ჯერ არსად დამუფლებია.

ცოტა წავეხმარე თიბეაში. როგორ გაუკვირდათ, კარგად რომ „ვთიბავდი“. იმ დამეს ბევრი ისაუბრეს მიშამ და არმანდომ. მას-პინძელმა სხვათაშორის აღნიშნა:

— აი, სულტოს მწვერვალი, მართლაც დიდებული რამ არის. მასზე ერთხელ ავიდა ლივანოს — გაბრიელი. ეს იყო და ეს. მას შემდეგ იგი ვერავის დაუპყრია.

მიშას სახე გაუნათლა და თქვა:

— მე მყავდა უშიშარი მთამსვლელი ბიძა — გაბრიელ ხერგიანი. მე დავიპყრობ სულტოს, რათა ამიერიდან გაბრიელ ხერგიანის სახელი ეწოდოს ჩვენს მარშრუტს და მაშინ სულტოსთან ერთად მოიგონებენ მეორე გაბრიელსაც, გაბრიელ ხერგიანს საქართველოდან“ — ფიქრობდა მთელი დამე მიხეილი და გულში უხაროდა რაღაც. 4

ფელისს მიშა და ონიშჩენკო უთენია გაუდგნენ გზას. მთის ძირში უამრავმა მაყურებელმა მოიყარა თავი. მალლა ასული მთამსვლელები უკვე ველარ არჩევდნენ გულშემატკივართა სახეებს. სადღაც, დაბლა ფეტვის მარცვლებადლა მოჩანდნენ ისინი. მათს ყურთასმენამდე ვერც კინოკამერის ზუზუნნი აღწევდა, მთამსვლელოა მოძრაობას რომ აღნუსზავდა ფირზე.

მიხეილი წინ მიდიოდა, სწრაფად, მსუბუქად, მოხდენილად მიიწევდა მალლა, ვეფხვისებრი ნახტომებით ევლებოდა თავს კლდეშვირილებსა და ქიმებს. ვიაჩესლავი ზურგს უმაგრებდა, ძირითადად დაცვაზე იყო გადასული.

აი, აქ იწყება ფრიალო კლდე. მიშამ საგულდაგულოდ დაამაგრა კლდის შვერილებზე სამაშველო თოკი. ამ ფრიალოსაც დასძლიენ და... მწვერვალზე იქნებიან.

დაიწყო კლდის შემოვლა.

ვიაჩესლავი კი თოკს ჩააფრინდა და ვიდრე თანამეწყვილე თხემს ღრ მიეფარა, თვალი არ მოუცილებია მისთვის.

მიხეილმა წამით გახედა ჰორიზონტს.

დაბლა თვალშეუვლები უფსკრულია. ცა კი უძიროა და ლურჯი, იდუმალებით აღსავსე, და უსასრულო. მზე უხვად აფრქვევს სხივებს. სადღაც შორს, მთებისა და ცის გასაყართან წამით ვიღაც ახლობელი ადამიანის სახე აიკვალთა, ჰო, რაღა ვიღაცის... ეს ზომ ბიძა გაბრიე-

ღია! მიშამ ნათლად დაინახა მისი შეშფოთებული, მუდარით აღსავსე თვალები, მერე ხმაც გაიგონა — რაღაცას მოსძახოდა, სასოწარკვეთილი, სახეაშლილი უყვიროდა...

მთებსა და მწვერვალებს ჟრჟოლად დაუარა ბიძა გაბრიელის ყვირილმა.

სუალტოს წვერზე თითქოს მოწყდა რაღაც და ყრუ გუგუნით დაეშვა ქვემოთ.

მიშამ იგრძნო ხიფათის მოახლოება, თოკი მოსწია და ნახტომისათვის მოემზადა. მაგრამ უკვე ყოველივე გვიანი იყო. თოკი დაემორჩილა, მაგრამ ეს იყო სამამეფლო თოკის მხოლოდდა ერთი ნაგლეჯი... ამ ავბედით ნაგლეჯთან და ბიძა გაბრიელის მორიალე თვალებთან ერთად დაეშვა იგი დაბლა, იტალიური ცის სიღრმეში...

ეს იყო კლდის ვეფხვის უკანასკნელი და ყველაზე დიდი ნახტომი. ასე დამთავრდა ორი გაბრიელის (ლივანოსისა და ხერგიანის) ცილაობა! ერთი არ უთმობდა მეორეს სახელს და დიდებას, მეორეს, უცხოს და შორებელს.

იყო კიდევ მესამე გაბრიელი — მიქელგაბრიელი. ძლიერი და ვერავი ვინმე. დაბლა, მწვერვალის მისადგომებთან მოფუსფუსე მაყურებლებმაც კი გაიგონეს იმისი ხარხარი.

## და სუფევდა საოცარი ჰარმონია...

(ანუ ბაცოლეზა)

После трудного дня спят товарищи,  
Почему среди них нет тебя.

როცა ყველანი ამოვიდნენ, თბილისელმა ტელეოპერატორმა თვითმფრინავის კარი მიხურა, ჩემს გვერდით ჩამოქდა და თავისი ჩანაფიჭრი გამანლო:

— მესტიაში მიხეილის სოფელს, შემოგარენის ბილიკებსა და ქათქათა მწვერვალებს გადავიღებ, შესაძლოა, ბედმა გამიღიმოს და ზეაეის ჩამოშეებას შევესწრო სადმე... ბოლოს კი განსვენებულის უამრავ მედლებსა და ჭვარდაკრულ, ვეფხის ტორებზე შემდგარ კუბოს აღენუსხავ ფირზე. ეს იქნება „კლდის ვეფხვის“ სახელოვანი ცხოვრების ერთგვარი სიმბოლური წარმოსახვა — მშობლიური კერა,

გზა მთებისაკენ, დიდების მწვერვალები და ზვაგი — ცხოვრების უეცარი აღსასრული... ა, რას იტყვით, ივარგებს?

„ცხოვრების აღსასრული... ცხოვრების აღსასრული...“ — რამდენჯერმე გავიმეორე მისი სიტყვები გულში. „ნუთუ მართლა აქვს ცხოვრებას აღსასრული? განა მართლა მოკვდა იგი? ნუთუ ადამიანობით, ვაჟკაცობითა და ჭკუით რჩეულთა იგივე ხვედრი ელოდებათ, რაც ჩვეულებრივ მოკვდავთათვის არის განწესებული?“

ნუთუ მკვრივად გატკეპნილი, იმედიანი შარავნა და პიკატი გაქვალული, ქვლორდიანი ბილიკი ორივენი საიჭიოს გზებია?

ამ კითხვებზე პასუხის გაცემა ერთბაშად არავის ძალუქდა. მკვრის ვეძებდი მთელი გლოვის დღეებში ხალხში, ადამიანებში, ბუსებში... მწამდა, რატომღაც ღრმად მწამდა, რომ ადრე თუ გვიან ყველაფერი გაირკვეოდა, ვილაცხა იტყოდა, ვილაცხა დაღადჰყოფდა და ახსნიდა — ასე იყო თუ ისე...

რკინის სკამებს შორის ვიწრო დერეფანში კი მიხეილ ხეტიანი იწვა — ჩვენი ღუმლისა და ურვის, მკმუნვარება-წუსილის მიზეზი. მას თავით მშობელი ექდა — მამა ბესარიონი, გამხდარი, სიკვდილისფერიანი, ლოყებჩაცვენილი კაცი. იგი ხელებს იფშვნიდა, სერვიულობისაგან, თითებს ხლართავდა ერთმანეთში.

ქუთაისს რომ გავცდით, მფრინავთა კაბინიდან მეორე პილოტი გამოვიდა, ბესარიონის წინ აიტუხა და მოლოდინით მიჩერდა. მორიდებისა და ხათრისაგან ხმა ვერ ამოეღო. ყველაზე დამწუხრებულად მაინც იმეორებდა თვალცრემლიანი მხერა ააყოლა ახალგაზრდას და ნაძალადევი სიმშვიდით უთხრა — თუ შეიძლება, ასე შემოატარეთ.

მფრინავმა თავი დაუქნია, უხმოდ შებრუნდა თავის კაბინაში და საქვს მიუჯდა.

ჩრდილოეთით კავკასიონის თოვლიანი მწვერვალები რიალებდნენ. მზის შუქზე სხვადასხვა ფერად ლიცილიცებდნენ. ხელები ჩაევილოთ ერთმანეთისათვის და თეთრ ჩოხა-ახალოხში, თეთრ ნაბდის ქუდებში გამოწყობილნი „შინაორგის“ ბუქნავდნენ.

წაბლისფრადშედებილი კუბო ვეფხვის თათებზე იდგა. „კლდის ვეფხვი“ სიკვდილის მერეც თავის მედიდურ ტორებზე შემართულიყო. კავკასიონის გამოჩენაზე თითქოს შეირხაო მიცვალებული, თითქოს ზეწამოიმართაო.

ბესარიონმა ცალ მხარეს ჩაჰკიდა ხელი და აქეთ ჩვენ მოგვმართა: — თუ შეიძლება, ჩემო კარგებო...

ერთბამად მივცვივდით და წამოვამალეთ. ახლა „კლდის ვეფხვი“ კარგად არჩევდა თავის საყვარელ მწვერვალებს, საჯიხვეებსა და ქიუჩებს, მათაა გზაწერილებს, თვითმფრინავის სარკმელში რომ შემიდიოდი. ახლა მიხეილს შეეძლო სამთო ფეხსაცმელების ნაკვალით კალივ ერთხელ და უკანასკნელად ამოეკითხა თავისი ბავშვობის დროინდელი ისტორია... გარდასულ დღეთა სურათები — დიდსა და მცირე მწვერვალებზე საუკუნოდ ამოტვიფრული.

მთელი კავკასიონი ფეხზე წამომდგარიყო: მიხეილი, მიხეილი გაქცეულყო. უშბის კალთაზე მონადირეთა ქალღმერთი დალი გადმოდგა. „მე ქარაფებში გადავუძახე სიტყვისგამტეხ ბექთილს, სხვაჯ ბევრი უგულო კაცი გამიწირავს, მაგრამ შენ ხომ ჩემს სამწყსოზე მოიხილავ არ შეგიმართავს ჩაბმახი. მე მუდამეამს შენი მლოცველი ვიყავი და ნურავინ იფიქრებს აუგს, ჩემს კლდეებს შენთვის არა და უშავებია რა...“ — თავს იმართლებდა იგი რაინდის წინაშე.

— განა ერთხელ და ორჯერ ავიწვავს ზურგი, მაგრამ არასოდეს მიტეხთლია... არასოდეს არ გამიმეტებია... — საქვეყნოდ ღრიალებდა ზეიადი უშბა.

— მიხეილი წაქცეულაო... მიხეილი წაქცეულაო... — გადასცემდნენ ახლა მთები ერთიმეორეს, ისინი დაბნეულნი, რეტდასხმულნი რიალებდნენ, გარბი-გამორბოდნენ, ჩაბუქნავდნენ და წამოხტებოდნენ — „შინავორგილ... შინავორგილ...“ იმეორებდნენ ერთბამად.

მიხეილი უკანასკნელად ემშვიდობებოდა თავის თეთრონებს:

— ჰეჰეჰეი, უშბა...

— ჰეჰეჰეი, თეთნულდ...

— ჰეჰეჰეი, ლაილა...

— წურუნგალა...

— შხარა და ნამყვამ...

— გულბა და ბანგურიანო... ჰეჰეჰეიი...

ჩვენ ყველას გვესმოდა მისი ხმა, ვგრძნობდით — როგორ იტანჯებოდა მთების რაინდი, აკი ველარასოდეს, ველარასოდეს იხილაჯდა იგი ამ გოლიათებს. ციურ ადამიანს ფრთები მომტვრეოდა და ამიერიდან ყველაზე დაბლა იქნებოდა მისი სამყოფელი — მიწაში.

მხოლოდ ბესარიონს უხაროდა — მისი მზეკაბუკი ისევ მთებს ეწვია და კვლავ პაექრობდა ცხრათვალა მზესთან, ეთამაშებოდა, ელაიცებოდა სხივმფინარე მნათობს, „ლილეოს“ ბუბუნებდა მიწა —

ცის საგალობელს. მთელი მისი ცხოვრება ხომ „ლილეოს“ ბუბუნნი იყო, სიმალღებებისაკენ, მზისკენ ლტოლვა იყო...

მერე კავკასიონი დამთავრდა. მამის თვალებში კვლავ ბინდი გაწვა. ხელებმა ერთმანეთი მოძებნეს და მჭიდროდ გადაენასკენენ. მარჯვენა ხელი მარცხენას ამტვრევდა, მარცხენა — მარჯვენას. დაბლა და შორს შავად ზიმზიმებდა, ავბედით ხმაზე ქოთქოთებდა შაოსანი ხალხი — ამიერ-იმიერიდან მომწყვდარი. ისინი თითქოს რაღაც უხილავ ძალას გამოელაღა უჩინარი სახუნდარებიდან, ლომის ხეობის მივარდნილ ლარებიდან, სამალავებიდან...

აუროპორტის ორი თეთრი შენობის ირგვლივ, მთელს მინდორზე, გზასა და რიყეზე თითქოს შავი საღებავი გაღვრილიყო...

— რა ვუყო... რა ვუთხრა ამ ხალხს, იქნებ მირჩიოთ რამე... — მუდარის თვალთ გადმოგვხედა ბესარიონმა. — რა შემიძლია, მე უბედურს...

ცრემლი არ წასკდომია თვალთაგან. ეტყობა, ძალას იკრებდა თავის მიწასთან შეხვედრის წინ. მე ვგრძნობდი, რა აგონიაც ტრიალებდა მის გულში: „მიშას სულს ვერ ვაკადრებ დიაცივით ქვითინსა და ცრემლისღვრას... ვერა, ვერ ვაკადრებ...“

თმაგაშლილი, სახეგაცრეცილი ქალები ლოყებს იხოკავდნენ, ფეხებს აბათქუნებდნენ მიწაზე და ხრიალებდნენ. ვისაც ხმა შემორჩენოდა, დროგამოშვებით გაჰკიოდა, თავს შეახსენებდა მიცვალებულს.

ჭირისუფალს გვერდში შორეული ნათესავეები ამოსდგომოდნენ და ამშვიდებდნენ — ბევრი ტირილი მკვდარს შეაშფოთებსო. ყველას სურდა ენახა მიხეილი, ყველას უნდოდა ნუგეში ეცა, ერთი სიტყვა ეთქვა ბესარიონისათვის. ახალგაზრდებმა ერთურთს ჩაჰკიდეს ხელი, წრე შეჰკრეს და მოწოლილ ხალხს აკავებდნენ.

ბესარიონის გვერდით ხუტა, ზაურ, ფილიპე და ბიძინა ხერგიახები, პირიბე და მაქსიმე გვარლიანები იდგნენ — მისი უახლოესი ნათესავეები მინდოხშერების და გვარლიანთა საქმოდან. ისინი ქვითინებდნენ. მთელი მოედანი ქვითინებდა:

— ო, შე საცოდავო კაცო, ფეხზე როგორ დგებარ, თვალები როგორ გიხელია, მკერდი როგორ აგიდ-ჩაგიდის... ო, შე საცოდავო ბესარიონ... — მოსთქვამდნენ კაცები.

ლობებსა და აივნებზე გადმომდგარი, ჭრელტანსაცმლიანი ტურისტები ამბობდნენ — ყველაფერი გვსმენია, მაგრამ კაცების ტირილი არაო...

ბესარიონი არ ტიროდა. იგი მთელი ცხოვრება „გაულ გავხეს“ მღეროდა. ბესარიონის სამონაღირეო შაირები ხალხში იყო გასული. ამ შაირებს თვითონვე ასრულებდა სცენაზე. ხალხი ტაშს უკრავდა, ან სთხოვდა, კიდევ ერთხელ ჩამოეჭროლა ცერულით. ჰო, ის სხვა ხალხი იყო. ჰო, ის სხვა დრო იყო. ახლა ისინი რაღაც სიბრალულით, მოწყალე თვალით მისჩერებოდნენ.

„ნუთუ ყველაფერი ეს მართალია?“ წუთით სოფელზე მოატარა მზერა, წუთით ყანეზზე, ორლობეებსა და შემოგარენზე გაექცა თვალი. ეუცნაურა ყოველივე. აღარ იყო ის სოფელი მზიარული და ხალხმრავალი, აღარ იყო ის ყანები, ნაღმესეული. არც სათიბებში ელადნენ ცელები და ორლობეებშიც კი არავინ ჰაჭანებდა. ენგურიც გაჩერებულყო, ირგვლივ უმოძრაობა და სიცარიელე სუფევდა. ამ ხალხს უნდოდა გული აეჩუყებინა მისთვის.

„არა მიშას ვერ ვაკადრებ ტირილს, დიაცურ ცრემლებს, მიშას ვერ ვაკადრებ. ხელებს დააწვა ისევ ბესარიონი — ოლონდ რაღაცა კი უნდა ვთქვა, რაიმე ისეთი, მიშას რომ ესიამოვნება, ჩემს მუხლ-მკვდარ ბიჭს რომ მოეწონება...“

და მალე ჰირისუფალმა და გარეშემ, ყველამ იგრძნო რომ ბესარიონს რაღაცის თქმა ეწადა. მოედანზე წამიერი დუმილი ჩამოვარდა.

— მე ვიცოდი, რომ ასე მოხდებოდა, იმიტომ რომ მთების დამარცხება ძნელია, ოლონდ ასე ნაადრევად არ მოველოდი... დიდი მადლობა თქვენ, ხალხო, გუნ მახვმეარ, გუნ მახვმეარ... მიშგუ ლადალ სგაი... — თქვა ბესარიონმა და მიწას ჩააშტერდა.

მერე პროცესია დიძრა. ხალხის ჩოჩქოლმა იმატა, ოლონდ კაცები აღარ მოსთქვამდნენ უკვე.

— გაივონეთ, ხალხო, რა კარგად თქვა ბესარიონმა? — მე ასეც მოველოდიო...

— ხედავთ? გონზე ყოფილა ჩვენი ბესარიონი, გონზე ყოფილა...

ცოტა გულზე მოეშვა ბესარიონს, ეს სიტყვები რომ უთხრა ხალხს. იგი წუთით მომავალ დღეებზე ჩაფიქრდა, სტუმრიანობა იქნებოდა, შორიდან მოვიდოდა ხალხი, იმათ კი დახვედრა და პატივისცემა ეკუთვნოდათ, სვანურ ადამ-ჩვეულებათა აღსრულებაზე ფიქრობდა ბესარიონი; დაუმიავრებელ სახლზე, დაულაგებელ ეზო-კარზე ფიქრობდა.

## მიაჩისლავ ონიზჩენკო

ჩაერთაშორისო კლასის სპორტის ოსტატა)

მიხეილ ხერგვიანის თანამემამულენო, მამა ბესარიონი

მე ვწერ ამ, ჩემთვის მეტად მძიმე სტრიქონებს იმიტომ, რომ უბრალოდ მოვალე ვარ მიხეილ ხერგვიანის უკანასკნელ დღეებზე მოგიტხროთ ახლა, როცა ყოველივე დასრულდა, როცა ყოველივე ჩავლილია. მოგიტხროთ, როგორც სუალტოზე დატრიალებული ტრაგედიის უშუალო თვითმხილველმა და ერთადერთმა თანამონაწილემ.

დღემდე ჩამჩა შესხიერებაში თქვენი თვალები, მამაკაცთა ჩვეულებრივი, ცრემლისადმი ძუნწი თვალები, მაგრამ ახლა სავსე სასოწარკვეთილებისა და ტყვილის ცრემლით, ამ თვალებში მე ამოვიკითხე თქვენი უტყვი, მაგრამ უკიდევანო გულისწადილი, მემცნო, როგორმე დაწვრილებით მემცნო და ამეხსნა, თუ როგორ მოხდა ყოველივე და ყველაფერი. შეიძლება თუ არა დაღუპულიყო მიშა?

ჲ, თბილისსა და მესტიაში ფიზიკურად არ შემეძლო თვითმულისათვის ამეხსნა ეს ამბავი, რადგანაც თქვენ ძალიან ბევრნი იყავით — მიშას გამოტხოვებაზე მოხვედით მთის შორეული სოფლებიდან, ახლო-მახლო ქალაქებიდან, თბილისსა და ქუთაისიდან. ეს იყო ყველა ჩვენთაგანის მწუხარება, რადგან ამ ქვეყნიდან წავიდა ლეგენდარული მიშა, მეტრისმეტად გულისხმიერი და ყურადღებიანი ამხანაგი ასელებისას თუ ყოველდღიურ ცხოვრებაში.

რამდენჯერ ვიყავი სვანეთში. ჩემს მეგობრებთან ერთად მოვხიბლულვარ თქვენი მშობლიური მხარის სილამაზით და რაც მთავარია მისი ადამიანებით — მუდამ სტუმართმოყვარე მშრომელებით, რომლებიც ყოველ წუთში მზად არიან დაეხმარონ უბედურებაში ჩავარდნილ ადამიანს.

ასეთია ბუნების მკაცრი კანონი. თქვენ, როგორც არავინ, იცით, აფასებთ და გიყვართ მთები და არაფერი გასაკვირი არ არის იმაში, რომ სწორედ თქვენი თანამემამულეების, შესანიშნავი ალპინისტების სახელები ჩაიწერა საბჭოთა ალპინიზმის ისტორიაში ოქროს ასოებით. საკმარისია დავასახელოთ გაბრიელ, ბექნუ, ბესარიონ, მიხეილ (უმცროსი) ხერგვიანები, ჰიჭიკო ჩართოლანი, გოჯი ზურებიანი, მაქსიმე გვარლიანი, ოსებ კახიანი, გიო ნიგურიანი, ალმაცგირ კვიციანი და სხვები. შეიძლება ეს სია უსასრულოდ გაგრძელდეს, რადგან ყველა სვანი მთამსვლელია.

იტალიის მთებში მიხეილის დაღუპვის ცნობა მძიმე ექოდ გაისმა არა მარტო კავკასიაში, არამედ ყველგან, სადაც მას იცნობდნენ, ან გაეგონათ მისი ბრწყინვალე ასვლების შესახებ (მე მხედველობაში მაქვს ხალხი და არა მთამსვლელები, რომელთაც მუდამ პირზე ეკერათ ხერგიანის სახელი) პამირში, ტიანშანში, ალპებში, ყირიმში...

ღიახ, ყველგან იცნობდნენ მას. აღტაცებული იყვნენ მისი უბადლო ოსტატობით.

მიხეილ ხერგიანი! კაცი, რომელმაც თავისი სიცოცხლის ოცდაათიოდე წლის განმავლობაში დაიმსახურა ყველა სპორტული ჭილდო, რაც კი არსებობდა საბჭოთა კავშირში. მთავრობამ იგი ორდენით დააჯილდოვა. სსრ კავშირის მრავალგზის ჩემპიონი ალპინიზმში და კლდეზე ცოცვაში, ინგლისელების მიერ 1960 წელს „კლდის ვეფხვად“ წოდებული მიშა შემდეგშიც არაერთხელ გამოვიდა საზღვარგარეთ და უჩვენა კლდეზე ასვლის უმაღლესი კლასი. თქვენ თავადაც ხომ კარგად მოგეხსენებათ ყოველივე ამის შესახებ, საკუთარი თვალთ გინახავთ, მოგისმენიათ, ანდა წაგიკითხავთ მაინც.

მიშასთან ერთად მე არაერთ მწვერვალზე ავსულვარ. ვიყავი მისი პირველი მაყურებელი და ერთდროული მონაწილე ამ უდიდესი სპორტული სპექტაკლებისა. ახლა რომ ვიგონებ ასვლებს, რომლებიც უკვე ისტორიას ეკუთვნის, განსაკუთრებული სიცხადით ვგრძნობ, თუ რამდენი რამ დაგვარგეთ. ესენი იყო დაუვიწყარი ასვლები.

1967 წლის ივლისი. პატარა ქალაქი შამონი, რომელიც საფრანგეთის ალპებში მდებარეობს. აქ საფრანგეთის ალპინიზმის ფედერაციის მიერ ტარდება მსოფლიოს უძლიერესი მთამსვლელების შეჯიბრება. რეგულარულად ორ წელიწადში ერთხელ შამონში იკრიბებიან ცნობილი მესიმაღლეები, რომ მწვერვალთა დაპყრობის თავიანთი ხელოვნება უჩვენონ.

მახსენდება, ყოველი ასვლის წინ, როგორც ეს მთამსვლელებს ჩვევიათ, ამინდზე ჩამოვადგებდი ხოლმე სიტყვას. მიშას ვეკითხებოდი — შენ როგორ ფიქრობ, ამინდის ღმერთი რა გუნებაზეა დღეს-მეთქი. მიხეილი ღმილით მპასუხობდა — „ნუ ღელავ, მე შევევედრე ელიას და იგი დამპირდა, ყველაფერი რიგზე იქნებაო...“

მართლაც ყველა ამ ასვლების დროს შესანიშნავი ამინდი იდგა. ფრანგული გაზეთები წერდნენ: „ძალიან იშვიათია ასეთი ამინდი ალპებში, რაც საშუალებას იძლევა განხორციელდეს ბრწყინვალე ასვლებიო“.



აბა რა იცოდნენ ფრანგმა ჟურნალისტებმა, ვისთვის უნდა გადაეხადათ მადლობა მზიანი დღეებისათვის“.

## რომელს ავირჩევთ — ზინას თუ ძვინას?

მიხეილის უმცროსმა დაიკო ნაზომ იმ წელს დაამთავრა საშუალო სკოლა, ჭერ სვანეთსაც არ გასცილებოდა, აბა რა ენახა ცხოვრებაში და რა გამოეცადა. როგორც დიდი სიხარულისა, ისე ჭირისა და შწუხარებისაც რა გაეგებოდა. მაგრამ ამ უბედურების ქამს თმაგაჭაღარავეებული, მრავალჭირნახული ქალებიც კი ტოლს ვერ უდებდნენ მოთქმასა და ტირილში. გამოცდილი მოტირალივით მისძახოდა იგი თავის საყვარელ ძმას, მინაანს. ნაზოსაც ლალამელთა ნიჭი მოსდგამდა აზრიანი საუბრისა:

„მე აღმოსავლით ამოენთება, მინაან...

ლაილას ააფერადებს, მინაან,

უშხას და თეთნულდს, მინაან

ვექას არჩევი მოირბენენ, მინაან,

ლეგვექერისას, მინაან.

ჭიბები კლდეზე გადმოღვებთან, მინაან,

დალაყორაზე, მინაან.

შურთხები კეჩიას იტყვიან, მინაან —

ფეღალევენ, მინაან.

შენ გეძინება, მინაან

სი მარე, მინაან...

„კლდეებში ნუ გედარდებითო“, — მინაან

„მთებში ნუ გედარდებითო“ — მინაან .

„მთებმა თავისი მუხლი მომცესო“ — მინაან

„თავისი გული მომცესო“ — მინაან

„თავისი კენთი მომცესო“ — მინაან

„თავისი ძალა მომცესო“ — მინაან

ვოი, მინაან, მინაან

მინაან,

შირშინაან...

ამოღ გეამშვიდებლი თერმე. მინაან

ლოდინს გვიოლებლი, მინაან

ღმერთი კი არ იყავო, მინაან

ფუსლი, ლამაროა, მინაან,

სი მარე, მინაან,

ვოი, მინაან, მინაან,

მინან მირ-მინან...

ეოი, ეოი,

ეოი, ეოი!

ყველაზე გულისდამწველი იყო ნაზოს მოთქმა... გულისდამწველი და გულისდამწყვეტი, გულისმომკვლელი. და იმიტომ იყო, რომ დიდ-პატარა ყველა აზლუქუნდა, ზლუქუნდა კი იმატა, იმატა და ღრიალში გადაიზარდა. ღრიალებდა ხალხი, ამირ-იმერით მოკრებილი შაოსანთა რაზმი. ღრიალებდა თეთრი ენგური, მაღალ მთებიდან ჩამონაჟური წმინდა წყალი — მყინვართა, და მწვერვალთა გულდათუთქულ და სულაწრიალებულ თეთრონთა ცრემლის ნაზავი. თეთრი ენგური და შაოსანთა პროცესია ერთმანეთის მხარდამხარ მიემართებოდა სეტ-მესტიისაკენ, თეთრი და შავი ერთიანი ძალით მოსოქვამდა, მისტიროდა მთების რაინდს. შორით კი ლაღამისა და სეტის, ლანჩვალისა და ლახთავის კოშკები გადმომდგარიყვნენ და ბუხუნა ხმაზე აბუხუნებდნენ თეთრის და შავის გულდამწველ მოთქმა-ღრიალს. კოშკები, ლოპის ხეობის უტყვი რაინდები ახლა ამეტყველებულიყვნენ და თვალცრემლიანნი დაპლნაოდნენ უღროოდ აღსრულებულ ვაჟკაცს.

ხალხი ცრემლად ქცეულიყო.

ყველას უკვირდა, საიდან შეეძლო, როდის ისწავლა ამ პატარა გოგომ ასეთი ყოვლისშემძვრელი მოთქმა და ტირილი. ყველას უკვირდა თავის გულისნადების ხმამაღალი განცხადება, ნაზო კი ერთხელ არ შეფერხებულა, ერთი უაზრო სიტყვა არ წასცდენია...

— ასეთნაირად იქმნებოდა ალბათ ზეპირსიტყვიერება — თქვა ვიღაც სტუმარმა — ლეგენდები გმირებზე, სიმღერები „ვიცბილ — მაუბილზე“, „ლებსუყ გოშთელიანზე“, „ყანსავ ყიფიანზე“.

ვინ უწყის, იქნებ მართალს ამბობდა იგი? ალბათ მიხეილისთანა ვაჟკაცები იყვნენ ისინი, ხალხმა რომ სიმღერებში შემოინახა და სათუთად ელოლიაევება? მირანგულა დედისერთა იყო, საშოვარზე წავიდა, გზაზე მტერი ჩაუსაფრდა და მარტოხელა ადამიანი უთანასწორო ბრძოლამ შეიწირა. ასეც მღერის მასზე ხალხი. „დედეშ, დედეშ. მირანგულა, დედეს ისგვა სიგარ ხორდას, დედეშ ეოი დედეშ...“ კონსტანტინე დადეშქელიანმა ქუთაისის გუბერნატორს ხანჯალი გაუყარა გულში და იმით გაითქვა სახელი. ლებსუყ გოშთელიანი გვართა-შორისო მტრობის მსხვერპლი გახდა, მარილზე მიმავალი ოთარშერებმა ჩაიგდეს ხელთ და წისქვილში ჩაამწყვდიეს. ყანსავ ყიფიანი

კი ზოგიერთივით არ შეშინებულა და ბახაში სამკედრო-სასიციოცხლო ბრძოლა გაუმართავს მომხედური მტრისათვის. ამიტომაც განადიდა იგი ხალხმა „ყანსაე ყიფიანო, ყანსაე, ყიფიანო... უბერებელო და უკედავო, უბერებელო და უკედავო“. ყველა ისინი რა ხანია წაიფინენ ამ ქვეყნიდან. „მიწა ხარ და მიწად იქეციო“ — ამ კანონს ბუნებისას ვერ გადაალაქეს თვით ჰომეროსმა და მაკედონელმა, რუსთაველმა და გიორგი სააკაძემ. მათ ფიზიკურად დატოვეს ამქვეყნიური სარბიელი, მაგრამ არაეინ იცის, რა უფრო დიდი საქმეა, მათი სახელოვანი სიკვდილი თუ ის, რომ უსახელოდ ეარსებნათ?

„საქმემან გამოგაჩინოსო“, ტყუილად როდი უთქვამთ ბრძენ წინაპრებს. მათი საქმენი დარჩნენ სამუდამოდ „საქმენი საგმირონი“ და ის დიდი ბელადები საიჭიოდანაც მოგვძახიან და შთაგვაგონებენ „საქმემან თქვენმან გამოგაჩინოთ“. ისინი მოგვიწოდებენ ეპიკაობისაყენ, კაიკაეობისაყენ, სიკეთისაყენ.

ისეთი დიდებული საგმირო სიმღერის გვერდით, როგორცაა „ყანსაე ყიფიანე“, გვხვდება მეორე სიმღერა „სოზარციოყზე“ — თაენება ძმებზე, აკლებული რომ ჰყავდათ მთელი სოფელი, მაგრამ ხალხმა არ აპატია მათ მკრეხელობა, სიკვდილით დასაჯა ორთავენი. არც ყანსაეი და არც სოზარ-ციოყი დღეს ჩვენთან არ არიან, მაგრამ აღამიანებმა მათ კაცობაზე ჰიშნი დაწერეს. ერთი ღიდების ჰიშნი, მეორე წყველა-კრულვის, ლაჩრობისა და ავგულობისა.

„შენ რომელ გზას გაჰყვები, ყანსაეისას თუ სოზარ — ციოყისას?“

„რომელ გზას გავეყვებით? რომელ გზას აირჩევენ ჩვენი შვილები და შვილთაშვილები?“ და როცა „კლდის ვეფხზე“ შეიქმნება ასეთივე საგალობელი, და როცა მთელს მსოფლიოში სახელგანთქმულ ერთ უბრალო აღამიანზე შეთხზულ ლეგენდებს ჰუნირზე დაამღერებენ ორი საწყისის სათაეებთან, ორი შესაძლებლობის გზაგასაყართან აღმოვჩნდებით ისევ — ეს იქნება სიკეთისა და ბოროტების საწყისი, წინსვლისა და უკანდახევის შესაძლებლობა და სახელოვანი და აუგიანი გზა.

„რომელს ავირჩევთ ჩვენ?“

„რომელს აირჩევენ შვილები, შვილიშვილები?“

იქნებ ამ ორი რეალური არჩევანის შესაძლებლობა არის სწორედ ჯანსაღი მერმისის საწინდარი?

— 1969 წლის ივლისში იტალიის დოლომიტებში პირველად ჩავიდნენ საბჭოთა მთამსვლელები. ჩვენ ძალიან თბილად შეგვხვდნენ იტალიელი ალპინისტები. გვიჩვენეს მწვერვალები, რომლებიც ჩვენ გვაინტერესებდა...

მიშამ და მე პირველი ასვლისათვის მეექვსე კატეგორიის სიძნელის გურ-ვენეციის კოში ავირჩიეთ. ეს არის ხუთასმეტრიანი შეუღული კედლის მქონე მწვერვალი. მის გავლას, ჩვეულებრივ 7—9 საათს ანდომებენ, ჩვენ კი მთელი მარშრუტი სამ საათსა და თხუთმეტ წუთში გავიარეთ, ასე ჩქარა აქ ჯერ არავის უვლია.

თუ პირველი ასვლის წინ ჩვენ გვიყურებდნენ როგორც იდუმალებით მოცულ უცნობებს, ახლა ბევრმა გაზეთმა დაწერა, რომ იტალიაში ჩამოვიდნენ უძლიერესი საბჭოთა ალპინისტები.

ჩვენს მეორე ასვლას ბანკონგზე, — უმაღლესი სირთულის მწვერვალზე (კედლის სიმაღლე 600 მეტრი), მეთვალყურეობდნენ იტალიელი ალპინისტები ცნობილი გიდის, ამ და სხვა მრავალი მარშრუტის აღმომჩენლის — არმანდო და როიტას ხელმძღვანელობით. იგი თვალიდან ღურბინდის მოუშორებლად იმეორებდა თურმე: „ბრწყინვალე ალპინისტებია. ძალიან კარგად მიდიან მარშრუტზე, თავიანად“.

მიუხედავად ბანკონგის კედლების დიდი ვერტიკალობისა, ჩვენ უკვე ხუთნახევარი საათის შემდეგ მწვერვალზე ვიდგაით.

მეორე დღეს რომიდან ჩამოვიდნენ ცენტრალური ტელევიზიის ოპერატორები და გაზეთების კორესპონდენტები. იტალიელებმა გვთხოვეს ჩვენი სამთამსვლელი ოსტატობა გვეჩვენებინა ვენეციის პიკზე.

უარს ხომ ვერ ვეტყობდით: სწრაფად გადავიციეთ სავარჯიშო კოსტუმები, მივედით მარშრუტის სტარტთან და დავიწყეთ ასვლისათვის მზადება.

ამ დროს ქვევით ოპერატორებიც გამოჩნდნენ. ისინი ჩვეულებრივ ტუფლებსა და ტანსაცმელში გამოწყობილნი ძლივს მოიწევდნენ მაღლა, თან მოჰქონდათ მძიმე კინოკამერები. ძლივს მოვასწარი გაფიქრება, საჭიროა მიხმარება-მეთქი, რომ მიშამ, თავისი მსუბუქი სიარულით ქვიდან ქვაზე ხტუნვა-ხტუნვით ჩაირბინა ქვევით და მიეშველა გაჭირვებულებს.

ეს მცირე, მაგრამ მიშასათვის დამახასიათებელი ეპიზოდი სრუ-

ლიად ასურათებს მას, მის ყაცობასა და ადამიანობას. მიხეილი ძლიერი და დიდსულოვანი ვაჟკაცი იყო. მას სიამოვნებდა ადამიანებთან ურთიერთობა, მათი მიხმარება საჭიროებისას. და ეს იშვიათი თვისება არაერთხელ გამოუვლენია მთებშიც და ყოველდღიურ ცხოვრებაშიაც.

4 იელისს გავდივართ სულტოზე. ეს ჩრდილოეთის 700 მეტრიანი ურთულესი კედელი შეეჭვსე კატეგორიის სიძნელისაა. ამ მარშრუტის პირველი აღმომჩენებია ფრანგი ალპინისტები ლივანოსი და გაბრიელი.

უკანასკნელის გვარმა მიშას ცნობილი მთამსვლელი ბიძა, გაბრიელ ხერგიანი გაახსენა, რომლის საპატივცემულოდ უნდოდა შეესრულებინა ეს ასვლა. 1952 წლიდან ეს მარშრუტი მხოლოდ რამდენიმე მესიმაღლემ გაიარა. ასვლის სირთულეზე ჩვენ წარმოდგენა გვქონდა არმანდო და როიტის კონსულტაციით.

ადრიანი დილაა. ღამის სიცივე ისევ ბატონობს ხეობაში. ჩვენ კედლის ძირას ვდგავართ და გათოშილები ხელებს ვისორსლავთ. ფიქრით უკვე დავიწყეთ ასვლა. მოვედით მისადგომთან, ჩამოვყეჟით დასასვენებლად, ცალყბად გავცქერით კედელს და გონების თვალთ ვზვერავთ იქაურობას — საიდან, რომელ მხრით შევეუტიოთ?

მიშამ ზურგჩანთიდან დოლომიტების გზამკვლევი ამოაძრო. კიდევ და კიდევ ყურადღებით ჩავყურებთ მარშრუტს. ფოტოსურათებითა და სქემებით ვამოწმებთ საკვანძო ადგილებს, ერთმანეთს ვუზიარებთ შთაბეჭდილებებს, ერთსულოვნად ვსაკვნით — ასვლა მძიმე, წინა ასვლებთან შედარებით გაცილებით მძიმე იქნება. მაგრამ მიშა ოდესმე ეძებდა იოლ გზებს?

ვიწყებთ ასვლას.

ვებმებით ახალ, ასვლის წინ მიღებულ ავსტრიულ თოკში, ჭერ ადვილად დასაძლევია კედელია და ერთად მივდივართ. მერე კლდის დაქანება თანდათან იზრდება. უნდა გადავლახოთ თოვლ-ყინულიანი შევეული მონაკვეთი. მიშა ზედმიწევნით კარგად მიცავს, მე კი ნელა, ძალიან ფრთხილად მივიწვევ წინ, ვჭრი და ვტკეპნი ყინულზე საფეხურებს. კლდეები, რომელიც შემდეგ დაიწყო, ნაჟური წყლისაგან სველი და გაყინულია და ართულებს ასვლას. ბოლოს მე გავდივარ ჭიმზე, ვმაგრდები და ვიღებ მიშას...

შემდეგ კლდეები უფრო მშრალი იყო, მაგრამ დაქანება ძლიერ გაიზარდა. მიშა წინ მიდის. რამდენიმე წელია ვიცნობ მიშას და

არაერთხელ მინახავს მისი ასელის ოსტატობა და თითქოს რა უნდა გამკვირვებოდა. მაგრამ მე ყოველთვის აღტაცებაში მოვყავდი მის არტისტულ, მოხდენილ მოძრაობას. ახლაც ვუყურებ და ვფიქრობ: ნეტავ რას მოეჭიდება ამ გლუვ მოსარკულ კედელზე? მიშა მაინც ნახულობს ღრეჩოებსა და პორებს, ყოველშემთხვევაში ძალუმაღ მიჰკვრია კედელს, და ასე მგონია, ძალიანაც რომ მოინდომოს ვინმემ, ვერა და ვერ გამოჰგლეჯს, ვერ მოაცილებს მას...

მიჰკვრია და მიცოცავს. მისი მოძრაობა მსუბუქი, ჰაეროვანი, კატისებურია.

• •

ძველი სევანური სახლის ფასადზე აბსტრაქტული ნახატი ჩამოეთარებინათ. უზარმაზარ ტილოზე ენგურის ხეობა, უშბის მწვერვალები და სევანური კოშკები მოჩანდა. მწვერვალის თოვლიან ფორპოსტს მიხეილის გადიდებული სურათი ფარავდა. „შინაურ კაცებს“, რომელთა საქმიანობასაც მიშას ახლობლები ზაურ ხერგიანი და ნოფე გვარლიანი ხელმძღვანელობდნენ, ეზოში დაფა დაედგათ, პატარა მაგიდა გაეწყოთ. მაგიდაზე მიხეილის მამისაგან ნაჩუქარი სამონადირეო და სამთამსვლელო საქურველი გამოეფინათ.

საგვარეულო ხანჯალი, კაჟიანი თოფი თავისი საპირწამლეთი, ბანდულები და მოყაისნაღებული პაჭიკები, წრიაპები და ძველი, წერაყინის წინაპარი მუჯურა, აღრინდელი ჭოგრიტი და მატყლისაგან მოთელილი ქუდი და ჩოხა-ახალუხი, მატყლისავე ბაშლიყი მეტყველებდა მინდობურების საძმოს სახელოვან წარსულზე.

მიხეილი ახალგაწყობილი ორსართულიანი სახლის მაჩვიბში დაასვენეს. ამ დღეებში მთელი სოფელი შესევია მოუმთავრებელ კედლებს, ერთიანი ძალით გადაუხურავს სახლი, კარ-ფანჯარები ჩაუსვამს, შეუღესია, იატაკი და ჭერი დაუგია.

— სახლის გაწყობაში მთელი მესტია მონაწილეობდა — თქვა მიხეილის მეგობარმა პირველთანრიგოსანმა მარლენ რატიანმა — ჩვენ, მის ამხანაგებს, მეტი რა შეგვეძლო, თორემ ყველაფრისათვის მზად ვიყავით...

ახლაც ასე იყო. შინაური და გარეშე ყველა რაღაცას საქმიანობდა, ფუსფუსებდა, ტრიალებდა. ეს იყო გულიანი ფუსფუსი, გულიანი ფაციფუსი, გულიანი ტირილი. გარეთ, ეზოს ჭიშკართან კერძო

და დაწესებულებათა მანქანები იდგნენ, მორიგეობდნენ — ვინძლო რაიმე საჩქარო საქმე გამოჩენილიყო.

— ნათქვამია, კარგი კაცის სიკვდილიც ფასობსო — მითხრა ქარმაგმა მოხუცმა, ძველმა ფალავანმა, მხარბეჭიანმა გოლიათმა ჭყინტულდ ხერგიანმა — ხედავთ ჩვენმა მიშამ რა მოიმოქმედა? მთელი სვანეთი გააერთიანა. ასე მხარდამხარ იბრძოდნენ ლომის ხეობის ბინადარნი საერთო საქმისათვის ძველად. მაშინ ბუკით უხმობდნენ ვაეკაცებს საქმეზე, დღეს მიშას სიყვარულმა შეკრიბა ისინი, მიშას პატივისცემამ.

რა თავზიანი გამხდარიყო ყველა, რა მორიდებული... და თუ გუშინწინებში ვილაცამ შეცდომით სხვისი მორი მოათრია სახლში, ვილაცამ ყანაში გამძვრალი მეზობლის თხები დაამწყვდია, ვილაცამ მეზობლის რუ გადაიგდო თავის სათიბში, დღეს რცხვენოდა თავისი საქციელისა. დღეს სინდისი ქენჯნიდა; დღეს მწვავლებლურად განიცდიდა — ცხოვრების აზრის სათავე თურმე სიკეთე ყოფილა, მხოლოდდამხოლოდ სიკეთე და არა შურისგება, არა ავგულობაში გადაზრდილი თავმოყვარება. და ვინ იცის, შეიცნობდარ კი ოდესმე იგი თავის დანაშაულს? თურმე რაოდენი ნიჭი უბოძებია ღმერთს ადამიანისათვის, ნიჭი მოძმისა და მეზობლის პატივისცემისა და სიყვარულისა. სად იყო ეს ნიჭი აქამდე? რად არ ჩანდა? მთელი საზოგადოება ერთი საზრუნავის ირგვლივ გაერთიანებულიყო — ყველაფერი რიგზეა?.. რაა გასაკეთებელი? ვინძლო სტუმრებთან არ შერცხვეს მიხეილის ოჯახი, არ შერცხვეს ერთიანი სვანეთი.

— ამ კოშკებს ერთი ოჯახი ააშენებდა? — აგრძელებს საუბარს ჭყინტულდი — მესტიაში სულ სამოცამდე მურყვამია. ჩვენი წინაპრები ასევე ხელჩაკიდებულნი, გვერდი-გვერდ მიდიოდნენ საქმეზე... მათს ერთობლივ ნამოღვაწარზე ეს გოლიათები ღალადებენ... ჰოდა თუ ძველ კარგ ადამ-ჩვევებს გავიხსენებთ ისევაც და განვამტკიცებთ, ეს მგონი მიშას წვლილი და მისი დაფასებაც იქნება...

• •

ჭირისუფალი ნათესაობის მიხედვით განლაგებულიყო მიცვალებულთან. ზოგიერთ მათგანს გამოსაჩენი ხმა ჰქონდა, ზოგს არ უუარგოდა. საჭიროების მიხედვით ენაცვლებოდნენ ერთიმეორეს, მოთქმა მთელი დღეები უნდა გაგრძელებულიყო. დატირების კულმინაცია მა-

ინც სასაფლაოზე იყო. ზოგს იმდღისათვისაც უნდა შემოენახა თავი, ყველა ხმაჩახლეჩილი და ხმამიმწყდარი ხომ ვერ იქნებოდა.

„შენი მედლები რას გვიშველის, ვოი...  
შენი სახელი რას გვიშველის, ვოი,  
ცოცხალი აღარა ხარ, ვოი...“

გარეთ გამოდიოდა ვიღაცის ხმა. ბესარიონი ეზოში იდგა და აბა რა იცოდა ვინ იყო ეს მოტირალი, მის შვილს რომ საყვედურობდა მთების სიყვარულისათვის. ბესარიონს არ სიამოვნებდა, როცა მიშას კიცხავდნენ ამაზე. ეს ხომ თვითონ ბესარიონის დიდი წინაპრების, სახელგანთქმული მთამსვლელების გაბრიელ, ბექნუ და მიხეილ (უმცროსი) ხერგიანების გატაცებაც იყო. საერთოდ ყველა რაღაც გზას ადგია და ამ დროს არავინ უწყის რა იქნება — გაუმართლებს თუ არა. ნაწილობრივ ხომ ბედი განაგებს კაცის ბედ-იღბალს. ან გაგიმართლებს, ან არ გაგიმართლებს. ისევე, როგორც გამარჯვება, დამარცხებაც მამაცთა ხედრია, იმიტომ, რომ ვინც არც მარცხდება და არც იმარჯვებს, იგი საერთოდ არაფერს არ წარმოადგენს. ურემ-გადაბრუნებულ ადამიანზე საყვედური — რატომ იქ წახვედი, რატომ ის მოგწონდა და აქ არ წახვედი და ეს არ მოგწონდაო — უმადურობად მიაჩნდა ბესარიონს.

— ხომ არაფერს დამავალებთ, ბიძია ბესარიონ? — მიეჭრა აწრიალებულ ბიძას ზაურ ხერგიანი.

— იცი რა, შვილო, ქალებს თუ ეტყვი, უკვე ღამეა, მოისვენონ და ისიც მოასვენონ...

აბა სხვა რა ეთქვა ბესარიონს. შვილის სასაყვედურო აღარაფერი ჰქონდა, და არც სხვისგან სიამოვნებდა, როცა მთების სიყვარულისათვის კიცხავდნენ და, ასე შეუთვალა იმ ქალს...

• •

მეორე საღამოს, როცა ღამისმთვევლები შეთხელდნენ და სულ შინაურები, ძირეულნი დარჩნენ მიშასთან, პატარა საუბარი გაიმართა. ბკობდნენ ქელეხის გამართვის თაობაზე.

ხუთი, ათი წლის წინათ, ქელეხში გამოქჷონდათ სასმელ-საჭმელი, რაც ადგილობრივად, სვანეთშივე მოიპოვებოდა — სასმელად ქერის ან პურის არაყი, საჭმელად ქაბაბი, მწვანელებით შეკაზმული ლო-



ბიო, მოხარული კარტოფილი, დამტკბარი ოსპი, რაც საგანგებოდ გაწყობილ სუფრებზე ჩამორიგდებოდა. ქელეხში მაინცდამაინც საკნელად და დასათრობად არავინ მიდოდა, ხშირად ხელუხლებელიც კი რჩებოდა სუფრა.

ოჯახი, რომელსაც უამრავი ვალი ედებოდა მიცვალებულის სხვადასხვა წესის აგებაზე, ამ შემთხვევაში უფრო იოლად გამოდიოდა. მაგრამ, აი, რამდენიმე წლის წინ პანაშვიდზე გამოჩნდა თევზეულობა და ბოსტნეული, ღვინო... გამოჩნდა და გამოჩნდა. ერთმა მეორეს მიბაძა — სხვაზე ნაკლები რითა ვარო, მეორეს — მესამემ — „თხა თხაზე ნაკლებიო“... სვანეთში ქუთაისიდან და ზუგდიდ-სოხუმიდან მთელი სოფლის საკმარი თევზის, ბოსტნეულისა და ღვინის ჩამოტანა რთული პრობლემა იყო, თანაც მამასისხლი ჯდებოდა, მაგრამ ერთმანეთის წაბაძვით მაინც მოღადა აქციეს ეს ჩვეულება, ზოგი თავს იმართლებდა — ბარში ხომ ასე იციანო.

მაგრამ ის კი არ ეღარდებოდა, რომ ბარში ღვინო, თევზეული თუ ბოსტნეული ადგილზევე იშოვებოდა, იაფიც ჯდებოდა. თანაც იქ ბევრი სხვა რამეც იცოდნენ განსხვავებული, სვანეთს კი თავის წმინდა ჩვეულებები და შესაძლებლობანი გააჩნდა.

ამ საკითხებზე ბევრჯერ იმსჯელეს სოფელში და დაადგინეს კიდევ, რომ ბარის უთავბოლო წაბაძვა სასწრაფოდ აღკვეთილიყო. ბესარიონიც ყოველთვის ამ აზრზე იდგა — რაც არაა ჩვენი, არც დაგვშვენდებაო. ამ აზრზე იყო ახლაც გაჭირვების დღეებში.

— რაც გამაჩნია იმით უნდა ვცე პატრვი მიშას, იმაზე მეტს ცოცხალიც არ მთხოვდა... — თქვა შინაურებში ბესარიონმა.

ახალგაზრდობას სჭეროდა მისი და გაუმართლდათ კიდევ — ბესარიონს მაღლა ეჭირა თავი, სალი აზრი და გონება ამ დაბნეულობისა და გლოვის ჟამსაც შეენარჩუნებინა. მაგრამ სულ სხვა აზრისანი იყვნენ ამ საკითხებზე სხვები. ზოგიერთმა, რომელთაც ბესარიონის ამ სიტყვების შემდეგ ალბათ ხმა არ უნდა ამოეღოთ, იშვინულად განაცხადეს:

— რალა, რალა მიშას უნდა დაეაკლოთ რამე, ა?..

ეს უკვე ქალური საუბარი იყო. ქალებიც ამ აზრისანი იყვნენ სწორედ. დავა და კამათი არავის ძალუძდა, აბა ვინ იყო ახლა ჩხუბის ხასიათზე? ბესარიონმა თანხმობის ნიშნად უნდოდად ჩაიქნია ხელი. საუბარი დამთავრდა. მეორე დღეს, უთენია, ოჯახმა თავისი კაცები

მიავლინა თევზეულისა და ბოსტნეულის საშოვნელად და ჩამოსაზი-  
დად იმერეთსა და სამეგრელოში.

• •

— განვლილია მარშრუტის ნახევარი. ჩვენ ვზივართ პატარა ნიშ-  
ში, სუალტოს პიკის პირველდამპყრობთა ყოფილ ნაბინავარში. სა-  
ჭიროა დასვენება, ძალების მოკრება უკანასკნელი გაბრძოლების წინ.  
შევექცევით შოკოლადს, მათარით ვსვამთ წყალს. აქედან კარგად  
ჩანს სიმწვანეში ჩაძირული, ალპიური ყვავილებით მოფენილი ხეობა.  
სადღაც ქვევით უკმაყოფილოდ მიბუზღუნებს მთის პატარა მდინარე.  
სუფთა, გამკვირვალე სივრცეში შორს გაისმის ძროხების ზანზალა-  
კებისა და მწყემსების მოძახილის ხმა.

— იცი, სლავა, — ამბობს მიშა, — ხანდახან, თვალს რომ ვხე-  
ქავ, მგონია ჩემს სამშობლოში ვარ, საქართველოში, სვანეთში. აქ  
ყველაფერი მშობლიურ კუთხეს მაგონებს, რომელიც ძალიან მიყ-  
ვარს...

შესვენების შემდეგ კვლავ ვაგრძელებთ გზას. მწვერვალამდე  
სულ რაღაც 200 მეტრია. მიშა ჩემგან მარცხნივ გავიდა, შემდეგ  
შევიდა ბუხარში, რათა ჩვენს თავით გადმომხობილი ხელშეუვალი  
ბექისთვის შემოეფლო. იგი მალე მიეფარა ჩემს თვალთახედვას.  
ახლა მხოლოდ თოკის მოძრაობით შემიძლია ვუმეთვალყურო, დავა-  
ყურადო, შევიგრძნო მისი არსება, მოძრაობა, უმოძრაობა.

გულში ვითვლი მეტრებს, რომელიც ჩემის ვარაუდით მიშას უნ-  
და გაევილო უკვე. — ერთი... ორი... სამი.. უეცრად სადღაც ზემოდან  
ქვათაცვენის ხმა მოვარდა და ჩემდა სამწუხაროდ თვალი მოვკარი  
კლდეს მომწყდარ მიშას, რომელიც დაბლა მიექანებოდა.

მე მოვწიე ოკი, იგი ერთხანს დამყვა, ბიძგი ისეთი ძლიერი იყო,  
რომ ხელისგული ცულივით ჩამიჭრა ბაწარმა, მაგრამ ამას ვილა  
ჩიოდა, რაც მთავარია თოკი დამყვა, ესე იგი, მიშა დავიჭირე... მე  
მგონია რომ დავიჭირე, მაგრამ ვაი, რომ არა! თოკი, რომელიც ჩვენ  
გვაერთებდა კლდის შვერილებზე გაიხეხა, ქვებმა გადაჭრეს იგი. და  
მერე კვლავ მოვკარი თვალი მიხეილს, მხარზე შერჩენილი თოკის  
ნაგლეჯის ფრიალით მიცურავდა იგი ცათა სიღრმეში, ხელებგამ-  
ვერილი წყალში მხტომელივით მისრიალებდა სივრცეში, დაბლა,  
უსასრულობისაკენ...

ასე დავრჩი მარტო მიშას გარეშე, საყვარელი და ახლობელი ადამიანის გარეშე მიუვალ კლდეზე მიჯაჭვული, ასე ეული და მიუსაფარი.

როგორც კი გონს მოვეგე, მწვალებელმა ფიქრებმა მოიკცა ჩემი გონება — რატომ, როგორ მოხდა ყოველივე ეს? ერთი წამის წინ ხომ იგი ჩემთან იყო, ასეთი ცოცხალი და მომღიმარი. ერთი წამის წინ ხომ ჩამესმოდა მისი ლილინი, მის პირთაგან ამომხდარი ქართული სიმღერის ჰანგები და ახლა რაღა იქნა, სად განქარდა და გაუჩინარდა?

ერთხანს ურწმუნო თომასავით ვაფახულებდი თვალებს. ვაქიცი-ნებდი თავს, და ვიძახოდი გულში:

— არა... არა... არა...

მაგრამ მერე დავინახე ხალხი, მთის ძირში მოგროვილი მაყურებლები. ისინი სირბილით მოეშურებოდნენ სუალტოს მისადგომებისაკენ.

ჰო, მანდ არიან მიხეილ ივანეს ძე ანუფრიკოვი და სლავა რომანოვი — ჩვენი მეთვალყურეები. მანდ არიან იტალიელი ჯარისკაცები, სამხედრო წრთვის მონაწილეები, რომელთაც აგრეთვე მიატოვეს თავიანთი მეცადინეობა და აქეთ გამოიქცნენ. მათ მიშას ცხედარი ჩაიტანეს დაბლა. შემდეგ, კედლიდან რომ ჩამომხსნეს, მე მიაპბობდნენ — როცა მიშას ცხედარი იტალიის სამხედრო ბანაკის წინ გაასვენეს, იტალიის ნაციონალური დროშა დახრილი ყოფილა — ჩვენი მასპინძლები უკანასკნელად ეთხოვებოდნენ, თავს უხრიდნენ მამაც საბჭოთა მთამსვლელს.

არიან ადამიანები, რომელთან შეხვედრითაც ემადლიერები ბედს. ეს ადამიანები დაჯილდოვებულნი არიან ბუნებისაგან ცხოვრებისეული სიბრძნით, არაჩვეულებრივი კეთილშობილებით, თბილი კეთილისმყოფელობით და სულიერი სიმდიდრით.

მიშამ ბევრი რამ ვერ მოასწრო ცხოვრებაში, მაგრამ ყველაფერს კი მიაღწია, მან უბრალოდ ვერ მოასწრო, რადგან ძალიან ცოტადრო მისცა ღმერთმა ამისათვის, მაგრამ სიცოცხლე, რომელიც მან გაიარა, იყო სავსე და ნამდვილი და ამიტომაც ცხოვრებაში ბევრ ვინმეს, ვისთანაც კი ურთიერთობა ჰქონდა, დაუტოვა ღრმა სულიერი კვალი, რომელიც არასოდეს არ წაიშლება.

მიუა არ არის ჩვენს შორის, მაგრამ სადაც არ უნდა ვიყო, რომელ მწვერვალზეც არ უნდა ავიდე, იგი მუდამ ჩემთან იქნება.

მე ახლაც ნათლად ვგრძნობ მისი სულის სიმძლავრეს, რწმენას თავისი თავისა და ამხანაგებისადმი...

## „თენისინგი ვაჟაბათა შორის“

ლორდ ჟონ ჰანტი (ცნობილი ინგლისელი მთარგმნელი, შერა თენისინგთან ერთად პლანეტის სიმაღლის პოლუსის — ქომოლუნგმას დამპყრობი):

„საბჭოთა კავშირის სპორტის დამსახურებულ ოსტატს, მიხეილ ხერგიანს, მის გულითად მეგობარ იოსებ კახიანთან ერთად პირველად შევხვდი იალბუზის ძირას ადილ-სუს ხეობაში მდებარე ალპიურ ბანაკ — „სპარტაკში“ 1958 წელს.

მშვენიერი გარეგნობის, მეგობრული გრძნობით გამსჭვალულ პიროვნებაში მყისვე შევიცანი ტიპური ქართველი, კემპარიტად კაცური კაცი. მე და ჩემი მეგობარი მთელი ათი დღის მანძილზე სიტკბოებით ვცხოვრობდით ამ შესანიშნავ წყვილთან. ამ ხნის განმავლობაში ავედით კავკასიისა და შურაფსკის პიკზე, ქარბუქის გამო მთელი სამი დაუფიწყარი დღე ერთად გვატარა ერთ „უშბის ბალიშზე“, მისი ჩრდილო მწვერვალიდან ათასი ფუტის ქვემოთ.

მიხეილი და იოსები სვანეთიდან იყვნენ — თაფლისა და რძის — თეთრი ღვინის კუთხიდან, კავკასიონის გაღმა მხრიდან, ზამთრის თვეებში ისინი მუშაობდნენ მთამსვლელობის ინსტრუქტორებად.

ჩვენი სტუმრობის დროს მიხეილი და იოსები გახდნენ საბჭოთა კავშირის ჩემპიონები. ჩინებული ასვლების გამო ისინი აირჩიეს საბჭოთა ჯგუფის წევრებად, რომლებიც უნდა შეერთებოდნენ ჩინელ მთამსვლელებს ევერესტის მწვერვალის ჩრდილოეთიდან დასაპყრობად, რისი განხორციელებაც 1960 წლისათვის იყო ნაპირაუღდევი.

ოთხი წლის შემდეგ, როცა ჩვენ პამირში შევხვდით ერთმანეთს, მიხეილს უკვე მოეპოვებოდა კლდეზე ცოცვაში საბჭოთა კავშირის ჩემპიონის სანუკვარი ტიტული.

ჩვენი მრავალი მთამსვლელი მოწმე გახდა იმ ძალისა და მოხერხებისა, რაც მიშამ გამოამედავნა, როცა იგი 1960 წელს ჩამოვიდა დიდ ბრიტანეთში საბჭოთა მთამსვლელების ჯგუფთან ჩვენის მიპატივებით.

მან აქ ჩვენს მამაც ადამიანებთან ერთად რამდენიმე რთული ასვლა მოაწყო და რაც ყველაზე მნიშვნელოვანია, მიშამ დიდ ბრიტანეთში ბევრი მეგობარი და თაყვანისმცემელი შეიძინა.

1962 წელს ჩვენ სიხარულით შევხვდით ერთმანეთს ბრიტანეთ-საბჭოთა კავშირის მთავარ ბანაკში პამირზე, პიკ პარმოს ძირში. მიშა აქ ჩამოვიდა ახალი დიდებით მოსილი, რაც მან დაიმსახურა შეროვსკის პიკზე ჩრდილოეთიდან პირველასვლით.

იგი პამირში ჩამოვიდა, რათა მონაწილეობა მიეღო საბჭოთა ალპინიზმის ისტორიაში ყველაზე რთულ ასვლაში — კომუნისმის პიკის იერიშში.

მიუხედავად ასეთი დიდებისა და სახელისა, იმათ, ვინც მას იცნობდა, კვლავაც ის ძვირფასი და თავმდაბალი მიშა ნახეს, კვლავ საყუარელი და გულმხურვალე ადამიანი. მე მაქვს პამირში მასთან ერთად გადაღებული სურათი — მიშას ხელში სანადირო თოფი და მოკლული კაკაბი უჭირავს, რომელიც ძღვნად მოიტანა ჩვენთვის.

მაშინ მიხეილს პარმოს მწვერვალთან დაშვების დროს დავცილდით ულფრიდ ნოისისა და რობინ სმიტის დალუპვით დამწუხრებულნი. შვიდი წლის შემდეგ კი მიშაც დაიღუპა სუალტოზე, მეექვსე კატეგორიის სირთულის მარშრუტით ასვლისას. მისი სიკვდილი დიდი დანაკლისია ჩვენთვის. იგი სისხლითხორცამდე ნამდვილი ვაჟკაცი იყო. იგი იყო თენსინგი ვაჟკაცთა შორის...”

• •

თვითმფრინავებს უამრავი ხალხი გადმოჰყავდათ. შვეულმფრენები გადმოდიოდნენ ჩრდილოეთიდანაც — ყაბარღო-ბალყარეთის ქალაქებიდან, ალპიური ბანაკებიდან მიშას თაყვანისმცემლები, ამხანაგ-მეგობრები მოდიოდნენ: მესტიის, ბეჩოსა და სხვა გადასასვლელებზე გაცხოველდა ზოგზაურთა მოძალება. მიშასთან გამოსათხოვრად ისწრაფოდა ჩრდილოეთი. მწუხარება განაგებდა ყოველივეს. ერთ-ერთ შვეულმფრენს მიშას უახლოესი მეგობრები მოჰყავდა: სპორტის დამსახურებული ოსტატები თერსკოლსა და ნალჩიკიდან — იურა მურზაევი, მიშა და ხუსეინ ზალიხანოევი. ყველაზე გულისდამწველი მათი შეხვედრა იყო ბიძია ბესარიონთან, სამთავეს ბესარიონის მკერდსა და მხრებზე ჩამოედოთ თავი და დიდხანს, დიდხანს უთათუნებდნენ მოხუცს ხელს. და როცა ბესარიონმა გაკიცხა

ისინი — რაზე შეწყობდით ამ სიშორეზე... მათ გაიოცეს, გვერდზე გადაგნენ და ერთხმად თქვეს:

— მამა ბესარიონ, ჩვენ მიშას „წასვლამ“ როდი შეგვაწუხა, აქ ნურავის ჰგონია, რომ იგი გვეცოდება, ჩვენი თავი გვებრალება მის გარეშე... რამდენი სიამოვნება გველოდებოდა და უეცრად ყველაფერი დავკარგეთ, აი, რა გრძნობა მოგვერეკებოდა ამ სიშორეზე, იქნებ ეს ხალხიც ამასვე განიცდის, რასაც ჩვენ...

— ჰო, შენი ჭირიმე... მაგრამ მაინც რა გააკეთა მიშამ ასეთი, რა შეეძლო გაეკეთებინა, რა ჰქონდა, რა ებადა... — ჰკვირვებდა ბესარიონი.

— გული ჰქონდა, მამა ბესარიონ, მიხეილს, ადამიანის გული... შერე კი სხვა დანარჩენი... ჩვენ ყოველთვის რაღაცას ვსწავლობდით მისგან და აი, დავიღუპეთ...

ლაფაროში გეგმიანი და უგეგმო ტურისტები, თბილისელი და ქუთაისელი სტუმრები, სვანეთში მოვლინებული უნივერსიტეტისა და სხვა სასწავლებელთა პრაქტიკანტი სტუდენტები ჩამომსხდარან. ყველა დამწუხრებული და გაოცებულია — ეს რა ხდება სვანეთში, ეს რა გლოვა სცოდნიათ სვანებსო. ქუდმობილი კაცები დგანან და დუმან. ახალგაზრდობა ქანდაკებად ქცეულა, მწუხარებას მოუთოკავს ყველა. ახალგაზრდებს განსაჯუთრებით შევნით ეს სიღინჯე და მკაცრი სერიოზულობა.

— ისინი რაღაცით მიხეილს ჰგვანან, შეხედეთ მის სურათს და შერე განსაჯეთ — მართლა ჰგვანან თუ არა, მიშაც ასეთი დინჯი და დარბაისელი იყო ცხოვრებაში... — ამბობს ვილაცა. სტუმართაგანი ლაფაროში. დანარჩენი მისკენ შემოტრიალდებიან და ყურს შიუგდებენ.

— შენ საიდან იცი? — ეკითხება მეორე.

— ვიცნობდი, შორიდან ვიცნობდი.

მალე კინოსაპროექციო აპარატი მოიტანეს. რომ მოსაღამოვდა, ეზოს მეორე ბოლოში თეთრი ფარდა ჩამოუშვეს. ვიდრე ფილმების ჩვენებას შეუდგებოდნენ, სოფლის თავკაცებმა ხვალინდელი დღის წესრიგი გამოაცხადეს. ბავშვებს ეკრძალებოდათ გასვენებაზე მოსვლა. მშობლებს არ უნდა გამოეშვათ ისინი პანაშეიღზე. დაინიშნა გასვენების დროც. მაგრამ ბავშვთა დასწრება-არდასწრების საკითხმა კამათი გამოიწვია. სტუმრებს მიაჩნდათ, რომ ეს არ იყო მართებული გადაწყვეტილება. ბავშვებისათვის ამჭერად გამონაკლისი უნდა დამ-

ვებულიყო. ეს ხომ ჩვეულებრივი სევანური ქელები არ იყო. სწორედ მომავალ თაობას უნდა განეცადა და ეგრძნო, ვისაც მარხავდნენ. იქნებ აქედანვე შეეცნოთ და დაფიქრებულიყვნენ თავიანთ მომავლის გზაზე, ვის გზას გაპყოლოდნენ...

ეკრანზე მიხეილი გამოჩნდა. ილიმებოდა, ამხანაგს ჰკოცნიდა, გარბოდა, კლდეზე მიკრულიყო, თოკზე ეკიდა, თანასოფლელებთან საუბრობდა, სტუდენტებს ამეცადინებდა, მღეროდა, ჭიქა ეკირა ხელში, მერე კი... ფიქრობდა, ღუმდა და ფიქრობდა. სპორტსმენი იყო, მასწავლებელი იყო, თამადა იყო, ჩემპიონი იყო, მოგზაური იყო, დამსვენებელი იყო, ამხანაგი იყო — ქართველი იყო. მერე ეკრანიდან ბანგურიანის მთებს გაჰხედა მიხეილმა. მთელი ხალხი იქით შეტრიალდა.

— ამხანაგებო, — განაცხადა სოფლსაბჭოს თავმჯდომარემ ბენედიქტე რატიანმა — რამდენიმე წუთში ბანგურიანის მწვერვალზე დაენთება მიშას ხსოვნისადმი მიძღვნილი კოცონი...

მალე მართლაც აგიზგიზდა ცეცხლი. მიშას აღზრდილებმა, თბილისის ფიზკულტურის ინსტიტუტის მთამსვლელობის ფაკულტეტის პირველი გამოშვების სტუდენტებმა, გაიოზ ჩართოლანმა, გელა გუგავამ, ჭენერი გვარლიანმა, ლადო გურჩიანმა, ვალერი რატიანმა, და ზაქრო მუშეკუდიანმა ააგიზგიზეს მწვერვალზე კოცონი. მათ ეს ასეა მიშას ხსოვნას მიუძღვნეს. ახალბედა მთამსვლელებმა თან წაიყვანეს მიხეილის უმცროსი ძმა, ბექა ხერგიანი. მიხეილი ცამეტი წლისა იყო, პირველად რომ შედგა ფეხი ბანგურიანზე, პირველი ნათლობა რომ მიიღო. დღეს კი მის ნაკვალევს მისი ძმა მიჰყვებოდა, მისი აღზრდილები აღრმაებდნენ, მათ მიიღეს ესტაფეტა და უნდა მისულიყვნენ ფინიშამდე. მალე ჰაერში ჭერ ცამეტი მწვანე, მერე კი ოცდაჩვიდმეტი (რამდენი წლისაც იყო მიხეილი) შუშხუნა აიჭრა. ბანგურიანი ქედს იჭრიდა მამაცი მთამსვლელის წინაშე. მთელი კავკასიონი კიდეც ერთხელ ემშვიდობებოდა მთების რაინდს...

ლაფაროში მთელი ღამე ისხდა ხალხი. და რაც უცნაური იყო, ამ ადამიანებს მიხეილის მშობლებიდან, ნათესავეებიდან, საერთოდ სვანეთშიც კი არავინ იცნობდა. ისინი მაინც ისხდნენ და ისხდნენ, როგორც შინაურნი და ახლობელნი.

• •

სახელოვანი ადამიანები. ბექნუ ხერგიანი და ჭიჭიკო ჩართოლანი, გოჯი ზურაბიანი და ალმაცვირ კვიციანი, როგორც ქაჩაფეხზე, როგორც მწვერვალებზე, როგორც ყოველთვის, დღესაც ერთად იდგნენ — საპატიო ყარაულში. მესტიის ცენტრში, შუა მოედანზე განისვენებდა მიშა.

შეკმაძიანი ქალები გულისდამწველად მოსთქვამდნენ. ტიროდნენ შუშანა და ლიზა ხერგიანები, მიხეილის დაიკო, ნათელა ხერგიანი. გვაშაყან კვიციანი:

„ჩუბო ხერგიანს მოინახულებ, მინაან..  
ქუცროს მიხეილს მოინახულებ, მინაან..  
გურამ თიანაძეს მოინახულებ, მინაან..  
ილიკო გაბლანს, მოინახულებ, მინაან..  
ვოი, მინაან, მინაან..“

• •

კატი ბარლიანს კი, ფერმილეულ. ლოყებხამოკაწრულ შაოსანს უკვე აღარაფრის თავი არ ჰქონდა, იგი აზრზეც კი არ იყო, რა ხდებოდა სეტის მოედანზე, რა უნდოდა ამ ხალხს, რას იქმოდნენ ეს ადამიანები, თავჩაქინდრულნი და მღუპარენი. იგი რაღაც სულსშემბუთველ ბურუსში გახვეულიყო, სადღაც მის წყვედიადსა და უსასრულობაში მიცურავდა და მიეჭანებოდა. და არღარა უწყოდა — ეს უთაებოლო სრბოლვა დამთავრდებოდა, შეწყდებოდა კი როდისმე?

მხოლოდ ფიქრისა და გარდასულ დღეთა გაზსენების უნარი შემორჩენოდა. და თვითონაც არ იცოდა, რისთვის, ვისთვის იყო ეს საჭირო, რა აუცილებლობა ჰქარანახობდა უკუნეთში მიმსრბოლავ ბინდიან გონებას, ეს წარსულის წვრილმანები გაუხსენებინა, წარსულისა, რომელიც აღარასოდეს განმეორდებოდა, აღარასოდეს მობრუნდებოდა. რა უცნაური რამ იყო ეს სრბოლვა, რა უცნაური და ტკოვილიანი, რა ნაწყვეტ-ნაწყვეტი და მიკიბ-მოკიბული იყო ეს მიმწუხრის ფიქრი:

- დაზანტდი, ამ ბოლოს ძალიან დაზანტდი...
- რა... რა გინდა ჩემგან, დამანებე თავი.
- მოიძილქუშე და წამოდექი. რა მინდა!
- მაგდებ სახლიდან? რას მაჩქარებ, ნეტა ვიცოდე



— ზარგი, როგორც მითხარი, ჩველაგე. ყველაფერი მზადაა. თვითმფრინავი კი შენ არ დაგიცდის.

— გინდა მალე დამიშორო და ეს არის. სხვა დროს რო არ მახსოვს შენგან დაჩქარება?

— სხვა დროს? სხვა დროს არ გინდოდა და ამიტომ. ამ ბოლოს კი დაზანტდი. უწინდელი ხალისი დაკარგე, ძარღვსახსარი დაგიძაბუნდა.

— ეეჰ, ელაპარაკე მაგას. შენ ის მითხარი, სახლიდან რაღაზე მერეყები. ძვალ-სახსარს გამოძინება არ უნდა? სხეულს გამოშუშება არ უნდა? დასვენება არ უნდა? მითხარი, არ უნდა?

— არ გინდა წასვლა? თუ არ გინდა, მიდი და განუტყხადე. ვილასი გერიდება. მიდი და უთხარი. თვითმფრინავი რომ არ დაგიცდის, ხომ იცი...

— ეჰ, ელაპარაკე ახლა მაგას... შემოგიჩნდება, შემოგიჩნდება და საშველს არ მოგცემს. კარგი. ასე იყოს. სად არის ჩემი ზურგჩანთა?

— თითქოს მე მივდიოდე. შენ მიემგზავრები უცხო ქვეყანას, განა მე? ნეტავი მეც მოვდიოდე. ანდა მარტო მივდიოდე.

— წამოდი, გეტყვა ადრე და წაგიყვანდი, განა ვერ წაგიყვანდი. რომ დავბრუნდები, მერე წაგიყვან სადმე, კარგი? ოღონდ, რომ მერეყები და მაჩქარებ? თავიდან გინდა დამიშორო? — მიხეილს ეღიშება თბილი, შუბლგახსნილი, გულიანი ღიმილით ეღიშება. იგი უკვე ფეხზე დგას. სამგზავროდ გამოწყობილი, სალაშქროდ შემართული.

„არა, მაინც ვერ არის ის ძველი ჩვიმლიანი. თითქოს არის, მაგრამ რაღაც აკლია, რომელიღაც ნათურა ველარ ენთება სულში, რომელიღაც ნათურა მხოლოდ ბეუტავს, მხოლოდ ციმციმებს. თითქოს არის და არც არის ის ძველი“...

— რაღას გაჩუმდი. თქვი რამე. ეს მითხარი, რა, რა ჩამოგიტანო?

„რა ჩამოგიტანო?“

— არაფერი...

— ყელსაბამი?

— არა...

— ფეხსაცმელები?

— არა.

— ხელჩანთა? ან იქნებ პალტო?

— არაფერი-მეტქი.

— ეს კარგი გამახსენდა. უნდა ჩამოგიტანო ისიც და ისიც. ფული არ შეყოფა საამისოდ? მინდა დაგინახო გამოწყობილი...

— გთხოვე? როცა გთხოვ, მაშინ ჩამომიტანე, ახლა კი ვაგვიანდება.

— რა სულელი ვარ. მე ხომ არასოდეს არაფერი არ ჩამომიტანია. მცირედი რამ საჩუქარიც კი — არა... რა სულელი ვარ...

— ახლა ხარ სულელი. ამაზე რომ დარდობ, სულელი ხარ...

— არა, მე მინდა მოიხრო, ერთხელ ხომ უნდა მოიხრო...

„არა შექდა მწყერი ხესაო“... როგორც იყო, ისე იქნება კვლავაც არ გიყვარს ამგვარი რამეები. არც რქებს ეწილები ზოგიერთივით მთებიდან, ჭიხვებს არ თოფავ, საზღვარგარეთიდან კი არასოდეს არაფერი არ წამოგიძღვანებია. უბრალო პერანგი რა არის, უბრალო პერანგიც კი არ ჩამოგყოლია. არ გიყვარს მალაზიებში სიარული. საკუთარი თავი რო არ გაახსენდება კაცს, იმას სხვამ რა უნდა მოსთხოვოს. და მიგრძნობინებია როდესმე? თქვი, მიგრძნობინებია? მისაყვედურნია? შემისხსენებია? თქვი არცა მკვირდება. არაფერი არ მკვირდება შენს იქით, და არაფერს არ დაგაველებ, იმიტომ რომ შენ ასეთი ხარ...

სხვები რქებით დატვირთულნი ბრუნდებოდნენ ექსპედიციებიდან. უბრალოდ ააწყობდნენ მონადირებულ რქებს და წამოიმძღვანებდნენ, მერე ათას ვინმეს მოიმაღლიერებდნენ. შენ — არა იმიტომ რომ ასეთი იყავი. შენი ზურგჩანთა სამთო აღჭურვილობით იყო გამოვსებული. ეს იყო და ეს. ჰო და რა, რა მაქვს შენთან სამღურავი... განა სულელი ვარ. განა ერთად არ ვსწავლობდით ძველისძველ ანდაზებს თუ უფროსთა გამონათქვამებს. აი ხო გახსოვს — „არა შექდა მწყერი ხესაო...“ ასეთი იყავი თავიდან. ასეთი რომ იყავი, იმიტომ შევხვდით ერთმანეთს. ალბათ მეც შენნაირი ხასიათი მქონდა, შეიძლება მთლიანად არა, მაგრამ რალაციით მაინც გვავედი, მგონი ეს დასაშვებია — ქალი რალაციით კაცს რომ წააგაედეს...

ჰო, მერე? მერე რა იყო? მერე იყო წერილი. შენი უკანასკნელი წერილი მოსკოვიდან. და იყო ჩემი სიზმარი. გაყინულსა და გათოშილს, მღუღარე წყალს გასხამდი. ეს იყო და ეს. მაგრამ რომ ვერ გაგაღლვე? აუ, რამდენი წყალი გასხურე, რამდენი ვეცადე, მაგრამ რო ვერა და ვერ გაგაღლვე?

და მერე, მერე რა იყო?

მერე იყო ვეფხვის ტორებზე შემდგარი იტალიური კუბო. ჰო, შენ

იწეკი და მემუდარებოდ, წყალი აადღე და დამალევიწეო. დამალევიწე. იქნება მეშველოს რამეო. ეს იყო. იქნება შევიძლო წამოდგომა და ხმის ამოდება, რათა ლომის ხეობა შევეყარო, შევეყარო და ვამცნო ყველას თეთრი მოხუცის დანაბარები, ანტონის ანდერძი დალებსა და ნადირზე.

რათა ჭგვიბის დღესასწაულზე ნათლისვეტს ავატოცდე და მოსავლიანობის სვე-ბედი — ქრისტეს ჭვარი მოვიტაცო. განა იმ დაყინული გუნდებისა შემეშინდება. რა, რა უნდა დამიშავონ თოვლის გუნდებმა

მოდ, რა, რაღას ელოდები. გააცხელე ორკიოლი, აათუხთუხე და დამალევიწე.

„ორკიოლი? ეგ რა დიდი რამეა, შენ სხვა რამე მთხოვე და... ეგ რა სალაპარაკოა, მოიცა...“

კატი წამოიწია. იგი უეცრად წამოიწია.

„მოიცა... მოიცა...“ — ჩურჩულებდა ხმამიმხრჩვეალი ქალი.

— სდა. შე საწყალო, სდა? — ჩააფრინდნენ აქეთ-იქიდან კირისუფლები.

— წყალო, მინაანმა წყალო, ცხელი წყალო... — ამოიხნავლა კატი.

— იყუჩე, იყუჩე და გამოიხედე, შე საწყალო, აი, რამდენი ხალხი მოსულა, ნახე...

მერე მან ეს ფიქრისა და გახსენების უნარიც დაკარგა. ახლა იგი იქდა უაზროდ თვალებგაშტერებული. იქდა და აღარაფერზე არ ფიქრობდა. თითქოს ყოველივე გაიყინა და დამთავრდაო.

• •

პოეტმა თამარ ერისთავმა თავისებურად დაიტერა მიხეილი.

შენ ეფხვი იყავი, ბერგიანო  
და ვეფხვე უფრო უმაღესი  
შენ მთები გიყვარდა, ბერგიანო  
მთები, ყველაზე უმაღლესი.

შენ მთებმა გაფირეს, ბერგიანო,  
მთებმა მოლაღატე დოლომიტის,  
შენს ქებას მოიტანს, ბერგიანო,  
შენს ქებას წაიღებს დრო რომ მიღეს.

შენ ჭადაგივლია, ბერგიანო,  
მთები ღრუბლებშიაც რომ არ ჩანან,  
მთები ყინულების ფერდანი —  
ღიღი ქაშირის და ტიანშანის.

ველაე მოენატრები, ბერგიანო.  
უშხას, მუინგარების ბანდულხანს,  
შენი სოფლის თავზე გადმოყიდულ  
ბარად ნისლებიან მანგურამა.

ველაე მოენატრები, ბერგიანო,  
ზაღალ ციხე-კოშკებს ლაღამთას,  
და შემს სამარეზე ვარკვლავები  
ცეცხლს დაწებენ შუაღამისას.

შენ ეფხვი იყავი, ბერგიანო  
და ეფხვებზე უფრო უმაღესი,  
შენ ღიღი გიყვარდა. ბერგიანო,  
ლიღეს სიძღერა და შინს აღერსა.

შენ კაცი იყავი, ბერგიანო,  
სხვა კაცზე უფრო უაღესი,  
ეს ღიღი მწვერულოც დაგმყვრია,  
ყველა სხვა მწვერულზე უმაჯურესი...<sup>6</sup>

## შიზიკო ჩართოლანი:

(სპორტის დამსახურებელი ოსტატი)

— სვანეთში დაბადებული კაცი ბევრი რამით არის დავალებული მთისაგან — ტყუილად როდი უთქვამთ ჩვენს წინაპრებს, მთა აქ ყველაფერი იყო. მთა იფარავს, მთა ჰყვებავს და ასაზრდოებს ადამიანს. საოცარია მთა — შეგიჩვევს, შეგიჩვევს და ველარც კი მოსცილდები. მერე მთა მშობელივით საყვარელი ხდება, საყვარელი და ახლობელი. მთა სულში იდგამს ფესვებს, ისევე, როგორც ხე — მიწაში, — ამბობდა ხოლმე მიხეილი. როცა მის მთაშველელურ გატაცებაზე შეეკითხებოდნენ.

და ყველა, ვინც კი მოწმე გახდა მისი შეუპოვარი ასვლები ისა კავასიონზე, ჰამირსა და ტიანშანში, საზღვარგარეთის ქვეყნებში —

ბულგარეთში, ინგლისსა და საფრანგეთში, ვინც მხილველი იყო უმბის საჩქის საჩეკორდო დალაშქერისა და საკუთარი თვალთ ენახა ათობით ოქროს, ვერცხლისა და ბრინჯაოს მედლით დამშვენებული მიხეილი, ყველა დარწმუნდებოდა, ჩაოდენ ჭეშმარიტი და ნაღდი იყო ამ უბრალო, ხალასი, მუდამდღე იმ მთებივით მღუმარე და დაფიქრებული ადამიანის სიტყვები: საოცარია მთა, შეგიჩვევს, შეგიჩვევს და ვეფარე კი მოსცილდებიო...

## ბ რ რ ო მ ი კ ო მ ი

(სპორტის დამსახურებული ოსტატი, საკაეშირო ალბინიშის ფედერაციის თავმჯდომარე):

— მიხეილ ხერგიანი იყო პირველი საერთაშორისო კლასის ოსტატი საქართველოდან. იგი ერთნაირი გატაცებით მოღვაწეობდა რამდენიმე სფეროში: ზრდიდა მომავალ მთამსვლელებს, უფროსი თაობის შემცვლელთ, მათი გზის განმგრძობთ. ათობით შესანიშნავი სპორტსმენი გაიზარდა მისი ხელმძღვანელობით.

ზამთრობით, როცა ალბინისტური სეზონი ძირითადად დამთავრებული იყო, იგი სათხილამურო სპორტის განვითარებისათვის იღვწოდა.

მიხეილი იყო ერთ-ერთი უნიჭიერესი წარმომადგენელი საბჭოთა სკოლის კლდეზე მცოცავეებისა. მან ზედიზედ შეიდგერ მოიპოვა სსრ კაეშირის ჩემპიონის წოდება კლდეზე ცოცეაში, სპორტის ამ ურთულეს სახეობაში, მრავალჯერ გავიდა საპრიზო ადგილზე.

სპორტის ამ სახეობას დაულალავ პროპაგანდას უწევდა მიხეილი მშობლიურ რაიონში — მესტიაში. მისი თაოსნობით შეიქმნა მესტიის რაიონის სამაშველო ჯგუფი, რომელსაც ცნობილი საბჭოთა მთამსვლელები, ბექნუ ხერგიანი, ჭიჭიკო ჩართოლანი და მაქსიმე გვარლიანი უდგანან სათავეში. ამ ჯგუფმა არა ერთი და ორი ადამიანი იხსნა განსაცდელისაგან, არა ერთსა და ორს დაუბრუნა სიცოცხლის ხალისი...

## ანუფრიკოზი

(სპორტის დამსახურებული ოსტატი, ხაყ. ფიქელბურის კომიტეტში ალპინიზმის განყოფილების გამგე):

— როგორც ითქვა, მიხეილმა არა ერთს დაუბრუნა სიცოცხლე, არა ერთი ადამიანი იხსნა მძიმე განსაცდელისაგან. ვინც კარგიდ ერკვევა მიხეილის მიერ გაწეულ სამაშველო საქმიანობაში, იგი აწილად დააწმუნდება ამ მთების რაინდის კაცთმოყვარეობაში.

გავიხსენოთ თუნდაც გადილ-ბაშკარას მწვერვალზე დატრიალებული ტრაგედია. მთამსვლელთა ჯგუფი იური ბურუხევიჩის ხელმძღვანელობით ქარაფებში გაიქედა. ყინვასა და ქარში ისინი რამდენიმე დღე-ღამე ეკიდნენ უფსკრულთა თავზე. გათოშილ, ილაქმიხილ ხალხს აღარაფრის თავი არა ჰქონდა, ისინი ზეზეურად კვდებოდნენ.

უბედურებაში ჩაუარდნილებმა ისღა იცოდნენ, რომ ახლომახლო სადღაც „კლდის ვეფხეს“ და მის თანამემამულეებს ედოთ ბანაკი და თუ ვინმე მოვიდოდა, თუ ვინმე გადაარჩენდა მათ, მხოლოდ ისინი... სხვა ვინ შემოაღწევდა ამ უდაბურ ფორპოსტებში?..

და მართლაც მოვიდა მიხეილ ხერგიანის თავისი ჯგუფით. მოვიდა და სასიკვდილოდ განწირულ ხალხს თავისი შაცოცხლებელი სიბოზო გაუნაწილა...

## ხანდრო გვალია

(საბჭოთა კავშირის სპორტის დამსახურებული ოსტატი):

— ჩენი მიშა, პირადად ჩემთვის კი ჩხვიძლიან ხერგიანის მუდამ იყო ვაჟაკობისა და თავგანწირულობის ნიშანსვეტი მეგობარ-ამხანაგებში. როცა ვინმეს უქირდა, იგი ტოვებდა თავის საქმეს, რა საქმეც არ უნდა ჰქონოდა და სწრაფად მიეშურებოდა უბედურებაში ჩაუარდნილის დასახმარებლად.

ასე იყო იმ საბედისწერო 1961 წელსაც ტიანშანში, გამარჯვების პიკზე. სამმა ქართველმა ვაჟაკმა დაიღო ცასთან ახლოს ბინა, ერთმა მათგანმა კი საუკუნო განსასვენებელი ჰპოვა მანდ, ამჟამად ყველაზე შალაღმა კაცმა მსოფლიოში — ილიკო გაბლიანმა.

მეოთხეც შეიძლება შეკმატებოდათ მათ, მეოთხეც შეიძლება დარჩენილიყო მათთან ერთად მყინვართა საუფლოში, მაგრამ მიხეილმა

თავგანწირულობისა და სიმამაცის ფასად უღმობელ სიკვდილს გამოსტაცა იგი — ზურგზე მოიკიდა მოყინული, უკვე გონსგარდასული, გადარჩენის იმედგადაწურული მიხეილ ხერგიანი (უმცროსი) და შეიღიათასი მეტრის სიმაღლიდან ხუთიოდე კილომეტრი ატარა სიკვდილობნეულ გზებზე. გზებზე, სადაც თვითონ უჭირდა ადამიანს გასვლა, მიხეილმა გაუგონარი სასწაული მოახდინა.

მართლაც იშვიათი თავდადება იცოდა „კლდის ვეფხვმა“.

შემდგომ წლებში, როცა უღმობელმა სენმა მაინც დაიჩა ხელი მიხეილ ხერგიანს (უმცროსი), მიშამ ერთხელ თქვა — ისეთი გრძნობა მაქვს, თითქოს ცალი მხარი ჩამომაჭრესო.

უცნაური იყო, მაგრამ იმ დღიდან მოყოლებული მართლაც მხარმოკვეთილივით დადიოდა. აღარავის ახსოვს იგი ერთი გულიანად გალიმებული. იშვიათად იცინოდა. უკვე აღარ მოსდგამდა ის ძველი სიმზნევე და სილაღე.

იტალიაში გამგზავრების წინ იგი რაღაც გაორებულ გუნებაზე იყო. ვინ უწყის, იქნებ უჩინარი წინათგრძნობა აუწყებდა მოსალოდნელ უბედურებას...

მაგრამ მიხეილს მამა-პაპიდან, სახელოვანი წინაპრებიდან მოსდგამდა შეუპოვრობა, გამარჯვებისადმი ლტოლვა და მისწრაფება, სიმაღლეთა დამორჩილებისა და დათრგუნვის ჟინი. ისევე, როგორც მამამისს, სპორტის ოსტატს, ბესარიონს, სპორტის დამსახურებულ ოსტატებს, ბეჟნუ, გაბრიელ ხერგიანებს, ჭიჭიკო ჩართოლანს, გოჭი ზურაბიანს, ალმაცგილ კეციანს და სხვებს, მასაც არ სჩვეოდა უკანდახევა და ათასი წერილმანის გამოკიდება...

და კვლავ აიკრა გულა-ნაბადი შორეულ გზაზე წასასვლელად. საუბედუროდ ამჯერად უკანასკნელად დაჰქროლეს მისთვის სამოგზაურო ქარებმა მწვერვალებიდან, უკანასკნელად აშრიალდნენ კავკასიონის ქათქათა მწვერვალები რაინდის წინაშე, უკანასკნელად ჩაკიდეს ერთუკრთს ხელები და სევანური „შინავორგილი“ დაუარეს...

### ბალიკო ხალლიანი (პოეტი):

„ღრიადებს ენგური, თანება ტალღები  
ღამის საფიხვნოზე შევარდნენო, —  
ვან ჩაგსვა ტებოში, — აკივლდნენ ბალღებიც,  
შეგარდნო!

რად ტირის ღრუბლებში ჩუმ-ჩუმად ნეტა წზე  
თვალს ცხელი სრემლი წყავს, გულს — ნაღვერდალები  
თმებით დაკიდულან თოვლიან კეტანზე  
ღამხარხალა ღაღები.

იოიან ზარები და შმავე ქარები  
ყინულებს ლოკავენ, მთებს გაეთამაშნენ,  
კვლავ ქედ-ქედ დაუღის სამსხვერპლო ხარები —  
შავაშენს.

მოდრინდნენ მერცხლები, ვის გაეჭიკჭიკონ?  
შენეულ ბილიებს ეძებენ უშბაზე — ბეჭნუ და ჭაჭიკო.  
ო, რად შლის სიკვდილი სიციოცხლის თარღებს,  
რა გეიყო ტაღაშა, საღ შემობარულა  
შენს ზღაპრულ საკმევებს ლეგენდად წარიღენს  
ვაშთასელის მარულა.

კლდეზე აღესრულე, შმაგო ვეზბო კლდეთა  
ტახტზე აღსრულებას ეს სქოზს გაცილებით,  
ცაში დაფრინავდი, მიწას შეუეგრათდა  
შენი დამსხვრეული ტანის ნაწილები.

გაწედა ბაწარი და კლდეზე დაეკიდე,  
გარს ცეცხლისფრთიანი ღრუბლები გივლიან.  
აღმათ ბეთქილოვით თეთრ შენს გაეკიდე —  
ჩხვიმლიან!

## გრიზა გულბანი

(სპორტის დამსახურებელი ოსტატი)

მიხეილის ამხანაგებმა კარგად იციან: ტექნიკურიდ ძნელ მარ-  
შრუტებზე, მონაკვეთებსა და უბნებზე, სადაც ხელით საცოცი და  
გასაველელო იყო. წინ მუდამ „კლდის ვეფხვი“ მიდიოდა ხოლმე. მისი  
იმედი ჰქონდათ და გულდაარხეინებული ელოდნენ, როდის გააღწევ-  
და სამშვიდობოზე, რომ მათთვის, ძირს დარჩენილათთვის თოკი  
ჩამოეგდო.

ამჯერადაც, იტალიაში, სუალტოს პიკის კედლის დაძლევისას  
მიხეილი წინ მიდიოდა და ინგლისისა და უშბის სასწაულებს იმე-  
ორებდა. თითებით დაეძებდა პორებსა და ღრეჩოებს, თითის ჩასავ-  
ლებ ნაჩერეტებს მოსიპულ კედელზე. იპოვიდა, ჩამოეკიდებოდა,  
მერე კვლავ ეძებდა...



„ვერ დაიჭირავს სიკვდილსა, გზა ვიწრო ვერცა კლდოვანი...“ —  
ეს იყო ალბათ მისი უკანასკნელი გაფიქრება.

სიკვდილი ამოვიდა მთებში.

მიხეილს განსაცდელის ვაჟს უყვარდა „ლილეოს“ ლილინი. ძველი  
ქართული მზის სადიდებელი ჰიმნის ლილინი. იგი მართლაც მზეს ეთა-  
მაშებოდა მთელი სიციცხლე. მზეს ელაყიციებოდა, მზისკენ მიყვა-  
ლავდა გზას. მზისკენ ლტოლვა იყო მთელი მისი ცხოვრება.

იტალიის ალპებში ქარაფებს მომწყდარმა კაცმა უკანასკნელად  
დაიბუხუნა მზის საგალობელი და სახელოვნად აღასრულა თავისი  
ადამიანური ვალი — „მიწა ხარ და მიწად იქეც...“

სვანეთში დაბადებული კაცი ბევრი რამით არის დავალებული  
მთისაგან. მთა ჰკვებავს, მთა ასაზრდოებს. მთა იფარავს ადამიან-  
სო“, — ამბობდა მიხეილი. მთებმა შობეს იგი, მთებიდან დაეშვა  
მსუბუქი ნიავეით ჩვენთან. კავკასიონის ბუმბერაზებმა მოავლინეს  
მისი სახელი მთელს მსოფლიოში.

ახლა კი, შორას ჩვენგან. ისევე მოკრძალებით, ისევე უჩუმრად  
შეუერთდა ქიუხებსა და ქარაფებს, ჰაერსა და მიწას, მზესა და  
შთვარეს, როგორც იყო მისი გამოცხადება. მაგრამ მან დაწერა შეუ-  
პოვარი, ვაჟკაცური, დიდი ცხოვრების წიგნი. ქათქათა მწვერვალე-  
ბივით ნათელი და მარადიული, ლილეოსავით მაღალი და მიუწ-  
ვდომელი.

ეს წიგნია გაუგონარი, სასწაულებრივი ამბებით აღსავსე ერთი  
უბრალო ადამიანის ცხოვრება... ეს წიგნია, რომელიც სამარადისო  
სახსოვრად დარჩებათ უდროოდ წასული ადამიანის შეგობრებს, მისი  
ნიჭისა და ვაჟკაცობის თავყანისმცემელთ...

• •

მერე ბესარიონი გამოვიდა.

ამჯერად მწარედ ატირდა ბესარიონი, თავში დაიშინა ხელები,  
გამხდარი, დაღეული ხელები გამხდარ დაღეულ სახეზე ირტყა და  
ირტყა:

არ მკერა, შეილო, შენი სიკვდილიო...

არ მკერა შენი დამარცხებაო.

მაგრამ შენს ფრენას რომ წარმოვიდგენო,

საბედისწერო ჩამოქროლებასო,

შენს კოტრიალს რომ წარმოვიდგენო, —

ერემლი რომ წასყდეს, გულაც რომ შეუღონდეს,  
ნუ გაბტუნებ, შეილო, მამაშენსო...“

არავინ არ ამტყუნებდა ბესარიონს. ხალხი ერთიან ცახცახებდა, თრთოდა, ვიშვიშებდა. ლომის ხეობის შორეული თუ ახლობელი სოფლებიდან მოვლენილ მოზარეთა გუნდებს მოედანზე მოეყარათ თავი. ჩოხა-ახალუხში, პაჭიკებსა და მოვერცხლილ-მოზარნიშებულ ქამარ-ხანჯალში გამოწყობილი თეთრწვეროსანი მოხუცები, მრავალჭირგამოვლილი ბერიკაცები სულის საგალობელს აგუგუნებდნენ... დაუღეგარი ადამიანის უკვდავ სულს განადიდებდნენ.

უსიტყვო გოდება-მოთქმა სადღაც საუკუნეთა სიღრმიდან მოდიოდა და მკვრივად განეფინებოდა შემოგარენის ველ-მინდვრებზე. ეს კოშკები და მაჩუბები დამღვარიყვნენ ერთმანეთის მხარდამხარ, ამ ნაბდისქედნიანებივით შეყრილიყვნენ და გუგუნებდნენ.

უსიტყვო ჰიმნი მრვალისმეტყველად ეღერდა:

ჩვენ უარესი ღლებიც გინახავს, ბევრი ნაბდისქედნიანი დაგვიკარგავს უღროოდ. ჩვენ დაგვიტირია ისინი, დაგვიფასებია, როგორც ჭერ არს. ერემლი გვიღვრია და თავი დაგვიხრია მათს წინაშე... მაგრამ მომავლის იმედი არასოდეს დაგვიკარგავს!.. ქედი არ მოგვიხრია ცხოვრების წინაშე, სულით არ დავცემულვართ, ამაყნი ვრჩებოდით ბოლომდე...

და ასე და აგრერიგად გაგრძელდება ჩვენი მსვლელობა და მოგზაურობა მომავალშიც...

— მე მგონი ადამიანის უპირველესი ღირსება ის არის, რომ იგი სიკვდილის მერეც ცოცხლობს. თუ იგი მართლა კაცია და ადამიანი — ჩაუჩურჩულა თავის მეგობრებს ბექნუ ხერგიანმა — ა?..

■ ■

ზარის ხმას კი ამიერ-იმერიით გაქჟონდა კაცური კაცის დიდება კაცური კაცის სახელი ნივთდებოდა და მოიქცეოდა ბუნებაში, ხალხში, საზოგადოებაში. ყველას რაღაცა ემატებოდა ამ წუთში. ერთი მიდიოდა შორეულ გზაზე. მეორენი მალდებოდნენ.

და სუფევდა რაღაც საოცარი პარმონია.

და იყო რაღაც დაუსაბამო სიცოცხლე. რადგანაც რჩეულთათვის ქვეშარიტ მამულიშვილთათვის აღარასოდეს აღარ დგება თურმე აღსასრულის ეამი...

• •

ხოლო მიხეილის ნათლობის მწვერვალზე — „ბანგურიანზე“ „კლდის ვეფხვის“ აღზრდილები გადმომდგარიყვნენ. ისინი მთელი ქვეყნის გასაგონად გადასძახოდნენ ქვეყნიერებას: ვისაც კავკასიონი გიყუართ. მისი. ხერხემალი და ჩრდილო — სამხრეთის კალთები, აქლემის კუხებად ჩარიგებულნი მწვერვალები, ნუ შეშინდებით ხიფათიანი გზების მაძიებელნი — მთამსვლელებო, ტურისტებო, გეგმიანო და თვითმოქმედნო! იქ მთებში, ხერგიანების, ჩართოლანების, გვარლიანების, ნიგურიანების, ჭაფარიძეების, კახიანების, ზურებიანების, კეციანების და „ცასთან ახლოს მდებარე“ ქვეყნის — ლომის ხეობის სხვა საგვარეულოთა „მამუელი რაზმებია“. ისინი მწვერვალებზე მოიტანენ მზესავეთ კაშკაშა, თოვლივით ნათელ, ზღვასავეთ ბობოქარ, ყოვლისმძლე, იმედიან შემოძახილს.

დიდ კავკასიონზე აქვს თავისი ბუნაგი „კლდის ვეფხვს“, მიხეილ ხერგიანს.

და კიდევ იძახოდნენ ისინი:

— ადამიანი ყველა მწვერვალზე მაღალია!.. მაღალი და ძლიერი. ეს მათ ჩაიბარეს უფროსთა ესტაფეტა, როგორც წმინდა რამ სახსოვარი, ჩაიბარეს ეს დიდებული სიტყუებიც — „ადამიანი ყველა მწვერვალზე მაღალია!“  
„მაღალი და ძლიერი...“

• •

ხოლო გველენ წლები, სუეკუნეები და ჰალაროსანი მეზღაპრე ძველისძველ ამბავს მოჰყუება:

— სულ პირველად იყო ბეთქილი, ბეთქილის მერე — ჩორლა.  
— ჩორლას შემდეგ — მურათბი კიბოლანი. მურათბის მერე იყვნენ ალიოშა და გიო. გიოს მერე ბექნუ და ჭიჭიკო. გაბრიელი და მაქსიმე, მამა ბესა ჩიონი.

და იყო მიხეილ ხერგიანი — უმცროსი მიხეილი და „კლდის ვეფხვად“ ცნობილი მიხეილი.

ისინი მონადირეები და მთამსვლელები იყვნენ. და მათ აერთიანებდათ მათა და მყონეართა, ცისიერ სიმალღეთა სიყვარული...

ხოლო მერმე იყო...

## წარწერები

1. მიხეილ ბეშუბაში.
2. მიხეილის მამა — ძეხარიანი.
3. საჯარო სკოლა სოფელ ღანჩვალში, სადაც დაიბადა მიხეილ.
4. ბაბუა ანტონი (თეთრი მოხუცი);
5. მიხეილის მეუღლე — კატი ბარლიანი (მარცხნივ) და უმცროსი და — ნათელი.
6. მამაკაცი ჩოხა-ახალუხში.
7. მიხეილი ახლობელი წრეში (მარცხნივ ბიჭინა ბერგინი);
8. მიხეილის უმცროსი ძმა — ანვარი მეუღლესა და მამასთან ერთად.
9. სენეთი ზამთარი (უშბის ტყე);
10. ქართული შთამსვლელი სახელოვანი წარწომადგენლები. სპორტის დამსახურებული ოსტატები — გაბრიელ და ბექნუ ბერგინები (მარცხნიდან მარჯვნივ).
11. მიხეილის ბიძაშვილი — ზოია ბერგინი;
12. ოია (უფროსი და უმცროსი) მიხეილ ბერგინი;
13. შობლიური ვარემო. ღანჩვალის ბუჩა ბერგინი;
14. ხოფლის მახეუბნი — იოსებ ბერგინი და მამურა ნიგურია.
15. ითხოვდათ წელს მიტანებული სახელოვანი ფაღვანი კუინტულდ ბერგინი.
16. ქართველ შთამსვლელი ერთი ჯგუფი. დგანან (მარცხნიდან — მარჯვნივ): შოთა ჩართოლანი, ლეიტ ჩართოლანი, ჯოია გუგავა, ილიკო ვახლიანი, ვიკო წერელიანი; ხედან: ქვანერა მუსელიანი, კიკიკო ჩართოლანი, ბექნუ ბერგინი, ხოზარ გუგავა.
17. დგანან: რამაზ ჩიქარიანი. მიხეილ ბერგინი. ხედან: მიხეილ ბერგინი (უმცროსი). ჯოია გუგავა, ვიკო წერელიანი;
18. მიხეილი.
19. მარტოში.
20. ღანჩვალის „ქალების ფიზიკა“.
21. თოვლის სამეფო.
22. გ. ნიკოლაძის პირველი აღმოსავლური ექსპედიცია სენეთში, 1929 წელს.
23. შესანიშნავი სურათი — მაქსიმე ვარლიანი, ვიკო ზურაბიანი, ბექნუ ბერგინი, კაკო შარი (ექსპედიციის ხელმძღვანელი) და კიკიკო ჩართოლანი 1949 წლის შებენი-უშბის ტრაქტის მონაწილენი.
24. უმცროსი მეგობარი.
25. პირველი თაობის ცნობილი შთამსვლელი — ივანე კახიანიანი და ვიკო ნიგურია უშბის მისადგომთან.
26. გზა მარადისობაში...

3. იეროშის წინ...

29. „ქალის ვედუბო“ უშხის ხარკუტე...

30. ბექნუ სერგიანი.

31. უშგულო.

32. მიხეილის განუარელი მეგობრები, ხპორტის დამსახურებული ისტატები  
შალკო მარგიანი და ქუმბერ კახიანი.

33. „მისისხანე უშხავ, ცად აზიდულო...“

34. ათახი კოშკის მხარეში...

35. წუთუნებენება (მიხეილ ბერგიანი და ქოია გუგავა).

36. მარუუმა არ უნდა გიმტუნოს (მიხეილ ბერგიანი, მარტენ რატაიანი, ლაერტ  
ხარტოლანი და ქოია გუგავა).

37. მშობლიური მურაუამა.

38. მიხეილის გულშიჩამწვდომი ხიცოლი.

39. უჩვეულო „პროდესია“...

40. ცნობილი შთამხვლედი ვაჟა ზურაბიანი.

41. გრიშა გულხანი და გურამ თიქანაძე.

42. სერგო ხარლიანი და ქოია გუგავა.

43. ილაკო გაბლიანი.

44. გივი წერედიანი, ქოია გუგავა და ძმანი შათო მწვერვალზე.

45. ქუმბერ კახიანი უვილთან ერთად.

46. შაქსიმე გვარლიანი (მარქენიდან მეორე) პამირის შთიანეთში.

47. მიხეილს მრავალი მეგობარი ჰყავდა.

48. „უშხის ხარკე“ — 1984 წ.

49. ბედისწერის ზღართებში...

50. შალკო მარგიანი.

51. გივი წერედიანი.

52. პირაბე გვარლიანი.

53. ცნობილი შთამხვლედი იური ზურდაკოვი. ამჟამად მიხეილ ბერგიანის  
ხახლ-მუზეუმის დირექტორი მესტიაში.

54. გრიშა გულხანი.

55. აშვათ პოშაში.

56. მიხეილის ინგლისური ფოტოალბომიდან. 1980 წ.

57. იოსებ კახიანი და მიხეილ ბერგიანი თენსინგ ნორგეისთან ხახხანის ხეო-  
ბაში.

58. ცაქიდან — კიდევაც დაიზრდესიან...

59. აკო ბერგიანი, როიზონ ჩეჩელაშვილი, ვახტანგ ხახანიძე და ალიოშა გაზდო-

59. მიხეილ ხერგიანი და იოსებ კახიანი ინგლისში სტუმრად ღორდ ქონ მანტონს, 1960 წელს.

60. ინგლისი. სტუმრად ახალგაზრდა მოამხედელთა სკოლაში.

61. ქართველი მოამხედლეები მისის დანშობთან სტუმრობისას.

62. მიხეილ ხერგიანი და იოსებ კახიანი ჩინელ კოლეგებთან.

63. თოვლის საბურველში...

64. მიხეილი და ვიახისლავ ონუჩენკო (მარჯნიდან პირველი) — „ქლდის ვეფხვის“ თანამეწეველი საბედისწერო დოკუმენტებში.

65. ქლდის ვეფხვი და მუნიჩართა ვეფხვი — მიხეილი და თენისნე ნორგვი.

66. ტიანშანის მძევალი ოლიკო გახლიანი;

67. ტიანშანის კიდევ ერთი მსხვერპლი — თუმურაზ კუხიანიძე.

68. შხარაზე დადებული ხერგო ბარლანა.

69. არც წუმხერა შემშარიაშვილი დაინდო ტიანშანმა.

70. ჯ. შემშარიაშვილი, თ. კუხიანიძე, ა. აბაშიძე;

71. „ზღაპარია თუ ნამღვილი?..“

72. შიგბის რაინდი მწვერვალთა ვალაენზე...

73. ძმები შალიკო და ვალიკო მარგვიანები.

74. მიხეილ ხერგიანის საბეღობის ახალგაზრდული ცენტრი — „ხეთქილი“ მესტიაში (წინა პლანზე — გუნდის ხელმძღვანელი ისლამ ფილფანი).

75. ამ ცენტრის შემოქმედნი — ტრაგიკულად დაღუპული ბორის კახიანი, თ. თანდილ მარგვიანი და ვალიკო კახიანი.

76. „ქლდის ვეფხვი“. ავტორი ვახტანგ ონიანი.

77. მამა ბესარიონი.

78. ლადო გურჩიანი, ვახტანგ სახანიძე და აკაკი ხერგიანი — ფაქობიტებს ქლდებზე ცოცხაში.

79. ლადო გურჩიანი და ნუგზარ დიდებულაძე.

80. პირიხე გვარდიანი.

81. მკლდღურანი...

82. მიხეილ ხერგიანის სახლ-მუზეუმი მესტიაში. ზოფ ლაღამა.

83. მიხეილის ხაყვარელი შეგარდო ლადო გურჩიანი და ხიმე ნუგზარ ნაგურჩიანი.

84. მიხეილის უმცროსი მეგობარი აფანდილ მარგვიანი.

85. აკაკი ხერგიანი — ვეერებტის საბჭოური ექსპედიციის ერთადერთი მონაწილე საქართველოდან.

86. ანაო შილოდინი...

87. „ქლდევაც დაზარდებია“... საქართველოს მოამხედელთა მკერბის წევრები. ვეერებტის ექსპედიციის კანდიდატები.

Хергани Мирон Буджаевич

ТИГР СКАჲ

РОМАН

(На грузинском языке)

რედაქტორი ო. შალამბერიძე  
მხატვარი ზ. დვისიძე  
მხატვარი რედაქტორი გ. ზაკალაშვილი  
ტექნედაქტორი ნ. გაგნიძე  
უფ. კორექტორი ლ. გოგეშვილი  
კორექტორი ლ. ლიპარტელიანი

სს № 4533. Литературно-художественное издание.

გადაეცა წარმოებას 27.05.90. ხელმოწერილია დასაბეჭდად 5.06.90.  
ქალაქის ზომა 60X84/16. ქალაქი № 1. ბეჭდვის ხერხი ოფ-  
სეტური. გარნიტური ვენა. ნაბეჭდი თაბახი 18,25. საღებავგატა-  
რება 33,25. სააღრ.-საგამომცემლო თაბახი 16,5+ 2 თაბახი ჩა-  
ნართი; ტირაჟი 5 000. შეკვ. № 306.

ფასი 18 მან.

გამომცემლობა „განათლება“, თბილისი, ორჯონიკიძის ქ. № 50.  
Издательство «Ганатლება», Тбилиси, ул. Орджоникидзе № 50.

380060. ქ. თბილისი, ვაჟა-ფშაველას ქა № 29.  
საქართველოს სსრ გამსახეობის № 4 სტამბა.  
380060, г. Тбилиси, пр. Важа-Пшавела. 29,  
типография № 4 Госкомиздата Грузинской ССР.